

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S DVADESETPETE SJEDNICE GRADSKOG VIJEĆA TUZLA ODRŽANE
31. AVGUSTA 2016. GODINE U MALOJ SALI BOSANSKOG KULTURNOG
CENTRA S POČETKOM U 9,30 SATI**

-SJEDNICI PRISUSTVUJE 27 VIJEĆNIKA

U Tuzli, avgust 2016. godine

JOZO NIŠANDŽIĆ – predsjedavajući Gradskog vijeća Tuzla

Poštovani vijećnici, predstavnici izvršne vlasti, obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, dame i gospodo.

Otvaram 25. redovnu sjednicu Gradskog vijeća Grada Tuzla.

Konstatujem, da prema evidenciji Stručne službe Gradskog vijeća, sjednici prisustvuje 27 od ukupnog broja vijećnika, što je dovoljno za punovažan rad i odlučivanje.

Za današnju sjednicu niko nije najvio svoj izostanak niti najvio kašnjenje.

Obavještavam vijećnike, da su svi klubovi vijećnika dobili stenogram, a svaki vijećnik uz materijale za današnju sjednicu je dobio i skraćenu verziju zapisnika s 24. redovne sjednice Gradskog vijeća Tuzla, održane dana 14. 07. 2016. godine

Pitam vijećnike ima li primjedbi na skraćenu verziju zapisnika? Ako nema. Stavljam na glasanje stenogram i skraćenu verziju zapisnika s 24. redovne sjednice Gradskog vijeća Tuzla, održane dana 14. 07. 2016. godine.

Pitam ko je za, molim da dignu ruku? (26) Ima li neko protiv? (Nema.) Uzdržan? (Nema.)

Konstatujem da je jednoglasno usvojen Stenogram i Skraćena verzija zapisnika s 24. redovne sjednice Gradskog vijeća Tuzla, održane dana 14. 07. 2016. godine, 26 vijećnika je glasalo za, nema niko protiv, nema suzdržan.

Za današnju sjednicu predlažem dnevni red, kao što ste dobili uz Poziv za ovu sjednicu.

(MENSUR ALIĆ – Poslovnička.)

Poslovničku ima gospodin Alić Mensur. Izvolite.

MENSUR ALIĆ – vijećnik Tuzlanske alternative

Poštovano predsjedništvo, kolege vijećnici, gosti i mediji, sve vas srdačno pozdravljam.

Moja poslovnička se odnosi na, ovdje imamo prisutne građane sa objekta 15. maj i mislim da nije niko obratio pažnju da li treba uvrstiti u dnevni red njihov problem koji, zbog čega su oni danas. Pa bi zato tražio pauzu da se sjedne sa ovim predstavnicima da se obavi razgovor da vidimo šta ćemo, da li ćemo uvrstiti njihov problem koji danas imaju. Hvala lijepo.

JOZO NIŠANDŽIĆ

Hvala. Evo i Azra i vi imate. Izvolite.

AZRA GAZIBEGOVIĆ - vijećnik Socijaldemokratske partije

Poštovani prisutni, poštovani gosti, mi koliko imamo informaciju u 11 sati je zakazan sastanak kod gradonačelnika, ali to nas nikako ne sprečava da i mi takođe napravimo pauzu, zakažemo sjednicu Kolegija Gradskog vijeća i da razgovaramo sa predstavnicima koji su trenutno tu. Hvala.

JOZO NIŠANDŽIĆ

Hvala. Ajanović. Izvolite.

MIRNES AJANOVIĆ - vijećnik Bosanske stranke

Ja sam ovdje među prvima došao u ovu salu i nisam obaviješten ni o kakvom dolasku, bilo kakvih građana.

Imali smo prije toga sjednicu i Komisije za istinu o Tuzli i nismo obaviješteni, niko nam ni tu nije rekao, pa čak ni predstavnik Tuzlanske alternative.

Je li ovo nekakva manipulacija, igra ili bilo šta, ne znam, ali i ja sam za da dobijemo mogućnost za pauzu, da saznamo da li neko pokušava manipulirati sa tim ljudima na način da pokušava nešto obećavati, što je moguće u ovom trenutku, moguće riješiti ovaj problem egzistira toliko puno vremena, a sada je mjesec dana, odnosno dva dana pred izbore. Do početka izborne kampanje.

Je li neko želi obećati nešto ili manipulirati sa nečim, a bez svih nas ostalih? Ne znam. Ne vjerujem da je to Mensur Alić uradio. Ali njegov predstavnik to nije rekao na sjednici Kolegija.

Niko to nije ni pomenuo da je neko došao iz tih razloga. Tako da već postoji dovoljno sumnje da neko manipuliše s ljudima.

Ne kažem da to radi Mensur Alić, ali odkud njemu informacija a mi to nemamo? Malo je specifično i zato i ja sam za da uzmemo pauzu pa da u toj pauzi vidimo o čemu se radi. Koji su razlozi bili zbog čega dakle imamo ovakvo stanje sad, a ovo nismo imali na Kolegiju. Na Kolegiju je trebalo raspravljati i pripremiti sjednicu Vijeća ili prije dva dana 48 sati prije kada je po Poslovniku moguće uvrštavati u dnevni red sjednice bilo koje vrste.

A ovo nije postupak koji je hitan. On je bio hitan i prije mjesec i dva i tri i pet godina ili slično.

Ali odjedanput, evo izgleda hitan dva dana pred početak izborne kampanje.

JOZO NIŠANDŽIĆ

Hvala. Repliku ima gospodin Alić. Pa jesmo za to da se ipak sastanemo na Kolegiju, molim vas.

MENSUR ALIĆ

Prvo, meni ne treba pred izbore nikakav ovakav potez niti bilo kakvo pravdanje. Ono što sam ja primjetio, niti sam uopšte znao, nego sam na portalu jednom pročitao da će oni danas doći na Vijeće i drugo sreo sam ih dole ispred ulaza, evo svjedoci su i samo pitao ko ste vi.

Rekli su mi da su oni ti stanari koji su ugroženi. Ništa drugo. I ja sam mislio da je to, već je Kolegij Vijeća počeo i ja nisam bio ni u mogućnosti da na Kolegiju Vijeća predložim takvo nešto i zbog toga sam sad zato što sam vidio da nema ništa. Pito sam Ekrema šta je bilo tamo, kaže nije ništa i zbog toga sam samo tražio.

Nema ovde nikakve politike, nema predizborne kampanje, ovde jednostavno da se obavi sa ljudima razgovor da nisu đaba ovde došli, a drago mi je što Azra kaže da je zakazan sastanak u 11 ali bi trebali i mi kao Vijeće da jednostavno, Kolegij Vijeća zauzme nekakav stav. Da obavi razgovor sa predstavnicima ovih ljudi i ništa drugo ne traže.

To je sasvim normalno i korektno od nas, kao vijećnika, jer ipak mi smo odgovorni prema svim građanima Tuzle bez odakle oni dolazili, iz koje mjesne zajednice i bilo čega. Hvala lijepo.

JOZO NIŠANDŽIĆ

Hvala. Tražena je pauza. Izvolite.

NEDŽAD MALIKIĆ – vijećnik Narodne stranke Radom za boljitak

Pozdravljam sve prisutne, naravno da sam na ulazu u ovu salu dobio tu informaciju. Naravno da sam tim građanima rekao dati podršku da danas to ide kao tačka dnevnog reda.

Na žalost to nije bilo i o tome nismo pričali na Kolegiju, što ne umanjuje značaj sad i ove inicijative i dopune dnevnog reda, gospodina Alića, mislim da je to dobro što će se razgovarati u 11 sati. Evo ja se slažem da imamo taj jedan zaključak da ćemo napraviti jednu pauzu, gdje ćemo održati Kolegij i uvrstiti ovu tačku dnevnog reda.

Naravno to nije problem od juče. Mi smo još prije godinu dana u razgovoru sa gradonačelnikom organizovali jedan sastanak gdje nam je gradonačelnik čvrsto obećao da će se maksimalno uključiti i riješiti taj problem.

Evo ako su naši sugrađani danas tu, znači da oni imaju problem, da nije riješen i evo mi smo ih bez obzira što smo na kraju saziva Vijeća, imamo snage da još jednom uputimo apel prema gradonačelniku i svim oni institucijama koje su dužne da riješe taj problem da konačno taj problem riješe, jer ti su građani pošteno platili, isplatili svoj kredit i vrlo dobro znamo u kakvim se problemima nalaze.

Znači poslije Kolegija, tražim znači pauzu gdje ćemo na Kolegiju uvrstiti ovu tačku dnevnog reda i o njoj raspraviti na današnjoj sjednici Gradskog vijeća. Hvala.

JOZO NIŠANDŽIĆ

Topiću šta ste vi trebali. (Poslovnička) Poslovnička ima prednost.

ELVIR KASUMOVIĆ – vijećnik Saveza za bolju budućnost

Ja želim prije svega evo da pozdravim građane grada Tuzle i sve prisutne u sali.

Predsjedavajući, nemojte da kršimo Poslovnik. Gospodin Mensur Alić je tražio poslovničku i tražio je pauzu. Nemojte da raspravu otvaramo ovde, trebamo se izjasniti po pitanju poslovničke inicijative.

Prema tome, nemojte raspravu da otvaramo. Dajte da vidimo šta je u pitanju, zakažite pauzu i poslije toga ćemo, nemojte da kršimo Poslovnik.

JOZO NIŠANDŽIĆ

Hvala. Idemo na pauzu deset minuta dovoljno. Idemo predsjednici klubova, sekretar Vijeća idemo tamo u salu. (Pauza.)

Nastavljamo s radom. Za današnju sjednicu predlažem dnevni red, kao što ste dobili uz Poziv za ovu sjednicu:

D N E V N I R E D

- Usvajanje Zapisnika sa 24. redovne sjednice Gradskog vijeca Tuzla, održane dana 14. 07. 2016. godine

1. VIJEĆNIČKA PITANJA

2. RAZMATRANJE I USVAJANJE:

a) IZVJEŠTAJA O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE

b) IZVJEŠTAJA O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE

3. RAZMATRANJE I USVAJANJE ODLUKE O IZMJENI I DOPUNI ODLUKE O KOMUNALNOM REDU

4. RAZMATRANJE I USVAJANJE ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA

5. RAZMATRANJE:

a) RJEŠENJA O KONAČNOM IMENOVANJU ČLANA UPRAVNOG ODBORA JZU „GRADSKA APOTEKE“ TUZLA ISPRED MINISTARSTVA ZDRAVSTVA TK

b) INFORMACIJE KOMISIJE O POSTUPKU PO JAVNOM OGLASU ZA IZBOR ČLANOVA NADZORNOG ODBORA U JP RPC „INKUBATOR“ LIPNICA D.O.O. TUZLA, SA RANG LISTOM KANDIDATA

6. RAZMATRANJE I USVAJANJE SANACIJSKOG PLANA PARCELACIJE ZA K.O. TUZLA I

7. RAZMATRANJE I USVAJANJE IMOVINSKO-PRAVNIH AKATA:

a) Odluka o promjeni statusa nepokretnosti (Abdurahmanović H. Muharem, lokacija K.O. Tuzla III), broj:

- 01/08-31-2608/11

8. TEKUĆA PITANJA:

a) Inicijativa da se lokalitet sa steccima Nikolići - Donje Breške adekvatno obilježi, da se izvrši HITNO saniranje i uređivanje pomenutog lokaliteta, kao i asfaltiranje pristupnog puta, kao i da se pristupi donošenju Plana upravljanja i Plana sanacije, restauracije i konzervacije lokaliteta u skladu sa tačkom III Odluke Komisije za očuvanje nacionalnih spomenika broj:05.1-02-3-71/10 od 26. oktobra 2010. godine („Službene novine Federacije BiH“, broj 10/11.)

b) Inicijativa Gradskoj upravi za dostavljanje Informacije o realizaciji i kvalitetu izvođenja radova na putnoj infrastrukturi urađenoj na području grada Tuzla

c) Inicijativa prema JZU UKC Tuzla, da se obezbijede adekvatni uslovi za boravak pacijenata u Psihijatrijskoj klinici

d) Inicijativa prema Službi za komunalne poslove, izgradnju i poslove mjesnih zajednica u vezi sa uličnom rasvjetom i izgradnjom puta u ulici Gradovrška, mjesna zajednica Solina

Obavještavam klubove vijećnika da su prijedloge za naknadno uvrštavanje hitnih i neodložnih pitanja, dopunu dnevnog reda, mogli podnijeti u pismenoj formi, najkasnije 48 sati prije održavanja ove sjednice.

Kolegij Gradskog vijeća Grada Tuzla, održao je svoju sjednicu neposredno pred početak ove 25. redovne sjednice Gradskog vijeća Grada Tuzla i konstatovao je da su u poslovničkom roku stigli sljedeći prijedlozi za izmjene i dopune dnevnog reda.

1. Obavještavam vijećnike, da smo nakon pauze obavili razgovor sa kupcima stanova i poslovnih prostora SPO „15 maj“ Tuzla. Nakon obavljenog razgovora zaključeno je da se na sjednicu pozovu Gradonačelnik Grada Tuzla i advokatice stanara SPO „15 maj“ Tuzla, kako bi nam se dale adekvatne informacije sa sastanka koji je u toku kod Gradonačelnika Grada Tuzla na kojem pored predstavnika resornih službi učestvuju i advokati kupaca stanova !SPO 15 maj“ Tuzla.

U skladu sa zaključcima sa Kolegija Vijeća, predlažemo da se današnji dnevni red dopuni novom tačkom 10. INFORMACIJA O PROBLEMATICI SPO „15.MAJ TUZLA“

Pitam ko je za ovaj prijedlog, molim da digne ruku? (21) Ima li neko protiv? (Nema.) Uzdržan? (Nema.)

Konstatujem da je 21 vijećnik glasao za, nema niko protiv, nema suzdržan te će ova informacija biti uvrštena u dnevni red današnje sjednice Gradskog vijeća Tuzla, kao tačka 10.

Idemo dalje. Komisija za izbor i imenovanja da se u dnevni red današnje sjednice uvrsti tačka pod nazivom: KADROVSKA PITANJA, zbog potrebe da se u nekoliko mjesnih zajednica izvrše izmjene članova Savjeta.

Predlažemo da se ova tačka razmatra kao tačka osma dnevnog reda današnje 25-te redovne sjednice Gradskog vijeća Tuzla.

Pitam ko je za ovaj prijedlog, molim da digne ruku? (21) Ima li neko protiv? (Nema.) Uzdržan? (Nema.)

Konstatujem da je 21 vijećnik glasao za, nema niko protiv, nema suzdržan, te će ova tačka biti uvrštena u dnevni red današnje sjednice Gradskog vijeća Tuzla kao tačka osam.

Gradonačelnik Grada Tuzla, predložio je da se dnevni red današnje sjednice Gradskog vijeća Tuzla dopuni tačkom pod nazivom:

7. RAZMATRANJE I USVAJANJE ODLUKE O IZMJENAMA ODLUKE O NAZIVIMA ULICA, TRGOVA, MOSTOVA I PARKOVA NA PODRUČJU GRADA TUZLA u nacrtu molim vas. Ko je za ovakav prijedlog, molim da digne ruku? (20) Ima li neko protiv? (Nema.) Uzdržan? (1)

Konstatujem da je 20 vijećnika glasalo za, nema niko protiv, jedan vijećnik je bio suzdržan. te će i ovaj nacrt ODLUKE O IZMJENAMA ODLUKE O NAZIVIMA ULICA, TRGOVA, MOSTOVA I PARKOVA NA PODRUČJU GRADA TUZLA, biti uvršten u dnevni red današnje sjednice Gradskog vijeća Tuzla kao tačka jedanaest.

Dalje. Vijećnik Malikić Nedžad i predsjednik kluba vijećnika Tuzlanske alternative su predložili, da se u dnevni red današnje sjednice uvrsti (zahtjev za dostavljanje) informacije o projektu kreditnog zaduženja JKP „Vodovod i kanalizacija“ Tuzla i utrošku „grant sredstava“ dobijenih uz kredit.

Pitam ko je za, molim da digne ruku? (22) Ima li neko protiv? (Nema.) Uzdržan? (Nema.)

Konstatujem da je njihova inicijativa dobila podršku, 22 vijećnika su glasala za, nema niko protiv, nema suzdržan, te će ova inicijativa biti uvrštena u dnevni red današnje sjednice Gradskog vijeća Tuzla pod tekuća pitanja.

Vijećnik Malikić Nedžad i Ekrem Topić predlažu da se ova tačka razmatra kao posebna tačka u okviru desete tačke dnevnog reda današnje 25. redovne sjednice. Pitam samo vijećnik Malikić Nedžad i predsjednik Kluba vijećnika Tuzlanske alternative su predložili da se u dnevni red današnje sjednice uvrsti:

Urgencija za dostavljanje informacije o realizaciji projekta poslovne zone „Kreka-Sjever“. Pitam ko je za, molim da digne ruku? (23) Ima li neko protiv? (Nema.) Uzdržan? (Nema.)

Konstatujem da je i ova inicijativa dobila jednoglasnu podršku 23 vijećnika su glasala za, nema niko protiv, nema suzdržan, te će ova urgencija biti uvrštena u dnevni red današnje sjednice Gradskog vijeća u okviru tačke Tekuća pitanja.

Vijećnik Stranke demokratske akcije Mirza Tupajić je predložio, a Kolegij Gradskog vijeća Tuzla se saglasio, da se u dnevni red današnje sjednice po tačkom 10., sad će biti jedanaesta, Tekuća pitanja uvrste slijedeće urgencije:

Ponovljena urgencija za adaptaciju puta i igrališta “Jezero” u ulici Muharema Fizovića Fiska mjesna zajednica Centar.

Pitam ko je za ovu inicijativu, molim da digne ruku? (24) Ima li neko protiv? (Nema.) Uzdržan? (Nema.)

Konstatujem da su 24 vijećnika glasala za, nema niko protiv, nema suzdržan. te će i ova inicijativa biti uvrštena u dnevni red današnje sjednice Gradskog vijeća u okviru tačke Tekuća pitanja.

Urgencija za rješavanje komunalnog problema u ulici Birčanskog odreda, mjesnih zajednica Slavinovići, odnosi se isto na gospodina Mirzu Tupajića koji je predložio, mjesna zajednica Slavinovići u dijelu koji se račva iz Fočanske ulice, koji je u katastrofostovalnom stanju zbog izraženih rupa uzrokovanih svakodnevnim ispuštanjem sadržaja iz septičkih jama od strane nesavjesnih građana

Pitam ko je za, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je i ova inicijativa jednoglasnu podršku dobila, 26 vijećnika je glasalo za, nema niko protiv, nema suzdržan, te će biti uvrštena u dnevni red današnje sjednice Gradskog vijeća Tuzla u okviru tačke Tekuća pitanja.

I imamo posljednju takođe urgencija gospodina Tupajića. Urgencija za rješavanje saobraćajnog problema na dionici puta "raskrsnica kod Livnice" u vidu postavljenja semafora ili nekim drugim adekvatnijim načinom rješavanja ovog saobraćajnog problema.

Pitam ko je za, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je jednoglasno podržana i ova urgencija, 26 vijećnika je glasalo za, nema niko protiv, nema suzdržan, te će biti uvrštena u dnevni red današnje sjednice Gradskog vijeća Tuzla u okviru tačke Tekuća pitanja.

Klub vijećnika Stranke demokratske akcije je predložio, a Kolegij Gradskog vijeća Tuzla se saglasio, da se u dnevni red današnje sjednice po tačkom 10. Tekuća pitanja uvrsti slijedeća inicijativa:

Inicijativa za hitnu sanaciju mosta u naselju Plane, mjesna zajednica Šićki brod

Pitam ko je za da se i ova inicijativa uvrsti u dnevni red današnje sjednice Gradskog vijeća Tuzla, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je 26 vijećnika glasalo za, nema niko protiv, nema suzdržan, te će biti i ova inicijativa uvrštena u dnevni red današnje sjednice Gradskog vijeća Tuzla u okviru tačke Tekuća pitanja.

Inicijativa za uklanjanje ambrozije, to je takođe inicijativa Kluba Stranke demokratske akcije. Pitam ko je za, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika glasalo za, nema niko protiv, nema suzdržan, te će biti i ova inicijativa uvrštena u dnevni red današnje sjednice Gradskog vijeća Tuzla u okviru tačke Tekuća pitanja.

I mi smo iscrpili taj dio. Sada pitam, idemo na usvajanje cjelokupnog dnevnog reda sa izmjenama i dopunama.

Ko je za dnevni red u cjelini molim da digne ruku? (28) Ima li neko protiv? (Nema.) Uzdržan? (Nema.)

Konstatujem da je 28 vijećnika glasalo za, nema niko protiv, nema suzdržan, te je jednoglasno usvojen u cjelini slijedeći:

D N E V N I R E D

- Usvajanje Zapisnika sa 24. redovne sjednice Gradskog vijeca Tuzla, održane dana 14. 07. 2016. godine

1. VIJEĆNIČKA PITANJA

2. a) **IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE**

b) **IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE**

3. **ODLUKA O IZMJENI I DOPUNI ODLUKE O KOMUNALNOM REDU**

4. **ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA**

5. a) **RJEŠENJE O KONAČNOM IMENOVANJU ČLANA UPRAVNOG ODBORA JZU „GRADSKE APOTEKE“ TUZLA ISPRED MINISTARSTVA ZDRAVSTVA TK**

b) **INFORMACIJA KOMISIJE O POSTUPKU PO JAVNOM OGLASU ZA IZBOR ČLANOVA NADZORNOG ODBORA U JP RPC „INKUBATOR“ LIPNICA D.O.O. TUZLA, SA RANG LISTOM KANDIDATA**

6. **SANACIJSKI PLAN PARCELACIJE ZA K.O. TUZLA I**

7. **IMOVINSKO-PRAVNA AKTA:**

a) **Odluka o promjeni statusa nepokretnosti (Abdurahmanović H. Muharem, lokacija K.O. Tuzla III), broj:**

- 01/08-31-2608/11

8. **KADROVSKA PITANJA**

9. **TEKUĆA PITANJA:**

a) **Inicijativa da se lokalitet sa steccima Nikolići - Donje Breške adekvatno obilježi, da se izvrši HITNO saniranje i uređivanje pomenutog lokaliteta, kao i asfaltiranje pristupnog puta, kao i da se pristupi donošenju Plana upravljanja i Plana sanacije, restauracije i konzervacije lokaliteta u skladu sa tačkom III Odluke Komisije za očuvanje nacionalnih spomenika broj:05.1-02-3-71/10 od 26. oktobra 2010. godine („Službene novine Federacije BiH“, broj 10/11.)**

b) **Inicijativa Gradskoj upravi za dostavljanje Informacije o realizaciji i kvalitetu izvođenja radova na putnoj infrastrukturi urađenoj na području grada Tuzla**

c) **Inicijativa prema JZU UKC Tuzla, da se obezbijede adekvatni uslovi za boravak pacijenata u Psihijatrijskoj klinici**

d) **Inicijativa prema Službi za komunalne poslove, izgradnju i poslove mjesnih zajednica u vezi sa uličnom rasvjetom i izgradnjom puta u ulici Gradovrška, mjesna zajednica Solina**

e) **Zahtjev za dostavljanje informacije o projektu kreditnog zaduženja JKP „Vodovod i kanalizacija“ Tuzla i utrošku „grant sredstava“ dobijenih uz kredit**

f) **Urgencija za dostavljanje informacije o realizaciji projekta poslovne zone „Kreka-Sjever“.**

g) **Ponovljena urgencija za adaptaciju puta i igrališta “Jezero” u ulici Muharema Fizovića Fiska mjesna zajednica Centar**

h) **Urgencija za rješavanje komunalnog problema u ulici Birčanskog odreda, mjesna zajednica Slavinovići u dijelu koji se račva iz Fočanske ulice, koji je u katastrofastovalnom stanju zbog izraženih rupa uzrokovanih svakodnevnim ispuštanjem sadržaja iz septičkih jama od strane nesavjesnih građana**

i) Urgencija za rješavanje saobraćajnog problema na dionici puta “raskrsnica kod Livnice” u vidu postavljenja semafora ili nekim drugim adekvatnijim načinom rješavanja ovog saobraćajnog problema

j) Inicijativa za hitnu sanaciju mosta u naselju Plane, mjesna zajednica Šićki brod

k) Inicijativa za uklanjanje ambrozije

10. INFORMACIJA O PROBLEMATICI SPO „15.MAJ TUZLA“

11. NACRT ODLUKE O IZMJENAMA ODLUKE O NAZIVIMA ULICA, TRGOVA, MOSTOVA I PARKOVA NA PODRUČJU GRADA TUZLA

Prelazimo na prvu tačku Dnevnog reda:

VIJEĆNIČKA PITANJA

Ja ću redom prozivati. Vijećnik Sabahudin Imamović. Izvolite. Jedno vijećničko pitanje. Ispred Kluba Stranke demokratske akcije.

SABAHUDIN IMAMOVIĆ - vijećnik Stranke demokratske akcije

Hvala predsjedavajući. Gradonačelniku i direktoru Javnog komunalnog preduzeća Komunalac upućujem vijećničko pitanje slijedeće sadržine.

Koje neovisno tijelo je utvrdilo da je JKP Komunalac Tuzla najbolje komunalno preduzeće u Bosni i Hercegovini?

Dakle, svjedoci smo tamo da se pojavljuju bilbordi da piše da je naše Javno komunalno preduzeće Komunalac najbolje komunalno preduzeće u Bosni i Hercegovini. Znači to bi trebalo da je utvrdilo neko neovisno tijelo na osnovu određenih kriterija.

Mene će radovati ako se potvrdi da je to zaista u činjeno.

Međutim, napisati tek tako da je neko preduzeće najbolje je u najmanju ruku neozbiljno i neukusno. Kao i onaj, ja vjerujem da je to jedan od načina za izvlačenje novca iz Javnog preduzeća za predstojeću javnu kampanju, ali nemam dovoljno dokaza recimo.

Tržnice se reklamiraju, kaže tržnica u centru grada istinska vrijednost. Čuj. Imamo tržnicu u centru grada možete zamisliti to je istinska vrijednost.

A to mene iz opozicije inspiriše da recimo i mi uložimo u tu vrstu oglašavanja, da recimo izađemo sa bilbodom udarna rupa na putu, istinska katastrofa.

Ili recimo, gradonačelnik na Vijeću, istinsko čudo.

Nisam primjetio da se reklamira Direkcija za izgradnju. Tu bi vjerovatno pisalo, istinska pljačka.

Hvala.

JOZO NIŠANDŽIĆ

Gospodin Mirza Tupajić, dva vijećnička pitanja. Neka se pripremi gospođa Jasminka Mijatović.

MIRZA TUPAJIĆ - vijećnik Stranke demokratske akcije

Ja bih vas sve poselamio i pozdravio. Poželio nam sretan rad danas. Ja imam dva vijećnička pitanja.

Prvo vijećničko pitanje upućujem gradonačelniku Grada Tuzla gospodinu Jasminu Imamoviću. A ono glasi.

Kada će se ispuniti predizborno obećanje iz 2014. godine, a to je izgradnja sportskog poligona (igrališta) u mjesnoj zajednici Centar, ulica Kojšino, preko puta Komemorativnog centra?

Obrazloženje. Na osnovu dopisa člana Savjeta Mjesne zajednice Centar gospodina Asima Hadžiselimovića i savjesnih mladih aktivista „Udruženje mladih Centar“, dobio sam molbu da postavim ovo vijećničko pitanje. Naime, prilikom izgradnje parking prostora kod stare Muzičke škole (preko puta kompleksa Panonskih jezera) uništen je stadion 2. oktobar gdje su se generacije mještana mjesne zajednice Centar igrale i učile prve nogometne korake. 2014. godine su dobili obećanje da će se izgraditi novo igralište na lokalitetu Kojšino, preko puta Komemorativnog centra. Udruženje mladih Centar je prikupilo 300 potpisa sa područja mjesne zajednice Centar i uputili inicijativu prema Savjetu Mjesne zajednice Centar koja je prosljeđena prema Gradskoj upravi. Međutim do realizacije ove inicijative nije došlo.

Drugo vijećničko pitanje je Službi za komunalne poslove, izgradnju i poslove mjesnih zajednica a ono glasi.

Kada će se riješiti problem dijela saobraćajnice u ulici Armije Republike Bosne i Hercegovine broj 132. mjesna zajednica Brčanska Malta?

Naime, u ulici Armije Republike Bosne i Hercegovine broj 132., prije drugog ulaza u Kasarnu evidentan je problem koji se javlja poslije svake obilne padavine.

Odvodna cijev promjera Ø100 nije u mogućnosti da primi svu vodu, pa je neophodno uraditi rekonstrukciju i ugraditi cijev većeg promjera.

Svaki put kada kiša pada dolazi do akumuliranja ogromne količine vode što dovodi do zastoja u saobraćaju, a nerijetko i blokade glavne saobraćajnice. Hvala.

JOZO NIŠANDŽIĆ

Hvala. Gospođa Jasminka Mijatović, tri vijećnička pitanja, je li tako.

JASMINKA MIJATOVIĆ - vijećnik Hrvatske demokratske zajednice

Hvala gospodine predsjedavajući. S jednakim štovanjem pozdravljam sve nazočne.

Moje prvo pitanje je upućeno gradonačelniku i nadležnim gradskim službama, a glasi.

Zbog čega je obitelji Mazić Mije iz Ljepunica odnešen vodomjer i zbog čega im je onemogućen ponovni priključak na vodu? Zašto izvođač radova na izgradnji mosta u naselju Mazići, mjesna zajednica Ljepunice, nije nakon izgradnje istog, prostor na kome se nalaze vodovodne cijevi za vodu i priključak, koji je presječen, vratio u prvobitno stanje?

Klubu vijećnika HDZ-a Bosne i Hercegovine se obratila Ljubica i Mijo Mazić iz Ljepunica, tražeći da se i ovim utem, pomogne i omogući im ponovni priključak vode na glavni vod i vraćanje vodomjera koji je bez njihove suglasnosti odnešen.

Nakon odnošenja vodomjera, u dogovoru sa Javnim komunalnim poduzećem Vodovod i kanalizacija su plaćali paušalni iznos za korištenje vode u iznosu od 25 KM o čemu posjeduju uplatnice, no i to im je sada onemogućeno, kao i korištenje vode, jer je izgradnjom mosta u naselju Mazići, presječen dotok vode prema njihovoj kući.

Obzirom da ova obitelj već 10 mjeseci nema nikako vodu, traže da se ovaj problem žurno riješi. O svemu navedenom, što su navodi Ljubice Šimić, su poznati i predstavnici nadležnih gradskih službi i JKP Vodovod i kanalizacija Tuzla, koji ne želeći riješiti ovaj problem, šalju oštećene građane od jedne službe do druge, odnosno preduzeća.

Drugo vijećničko pitanje takođe istim osobama gradonačelniku i nadležnim gradskim službama.

Obzirom da je urađen projekat izgradnje javne rasvjete zv. Krčevine – Buk, u naselju Rapače, kada nadležna Služba planira realiziranje istog?

Orazložiti ću. Projekat izgradnje javne rasvjete je finansiran, većim dijelom i od strane građana ovog dijela naselja, koji su u realiziranju izostavljeni, a riječ je o kraćoj dionici. Ostao je nezavršen dio do posljednjeg stuba koji vodi do izlaza u Šikaru (pored kuće Josić Ivica).

Učinjenu grešku, neophodno je ispraviti u što kraćem roku, obzirom da su ispunjeni svi preduvjeti. Iz Savjeta mjesne zajednice Bukinje je pravovremeno upućen zahtjev, tako da građani očekuju postupanje po istom.

I moje treće vijećničko pitanje glasi.

Kako je moguće da je zgrada Doma kulture mjesna zajednica Breške, upisana u vlasništvo i posjed fizičkog lica? Obzirom da je pokrenut sudski postupak i da tužitelj, koji tvrdi da je vlasnik nekretnina i prilaže z.k. i posjedovni list, traži uvođenje u posjed ili eventualno obeštećenje, zašto postupak kod nadležnih gradskih službi još uvijek nije okončan?

U prilogu ovog pitanja je dostavljena tužba kao i dokumenti koji utvrđuju pravo vlasništva i posjeda na naznačenim nekretninama, te je ovaj problem neophodno riješiti na pravedan i pravičan način za sve strane. Smatram da se trebaju poduzeti sve aktivnosti, a koje do sada iz nekog razloga nisu do sada poduzete, u cilju rješavanja ovog veoma važnog i izuzetno velikog problema.

Obzirom da je po prethodnoj tužbi u ovoj pravnoj stvari, postupak prekinut do okončanja prethodnog pitanja, a koje podrazumijeva eventualno i „ispravku pogrešnog upisa posjeda u katastarskom operatu i brisanje tužitelja kao posjednika zgrade Doma kulture Breške.l.“, te da je zahtjev za isto upućen 16. 04. 2015. godine, postavlja se pitanje zašto Služba za geodetske i imovinsko-pravne poslove i poslije više od godinu dana ne postupa po ovom zahtjevu. Hvala.

JOZO NIŠANDŽIĆ

Hvala. Gospodin Ivica Kovačević. Dva vijećnička pitanja. Izvolite. Neka se pripremi gospodin Mujić.

IVICA KOVAČEVIĆ - vijećnik Hrvatske demokratske zajednice

Cijenjeni predsjedavajući, zamjenice predsjedavajućeg, sekretaru Vijeća, kolegice i kolege vijećnici, predstavnici izvršne vlasti, predstavnici medija, gosti, cijenjeni gledatelji sve vas srdačno pozdravljam u ime Kluba vijećnika HDZ-a Bosne i Hercegovine.

Za danas sam pripremio dva vijećnička pitanja. Prvo vijećničko pitanje upućeno je nadležnoj Službi za komunalne poslove, izgradnju i poslove mjesnih zajednica i Javnom komunalnom poduzeću Komunalac i glasi.

Kada će se pristupiti uklanjanju ambrozije na prostoru mjesne zajednice Bukinje?

Naime u proteklom periodu nam se javio velik broj građana ove mjesne zajednice koji se žale na probleme koje izaziva dakle ambrozija i evo traže informaciju od nas, od vijećnika, od Gradskog vijeća, kada će ambrozija biti uklonjena.

Drugo vijećničko pitanje koje sam pripremio upućeno je javnim poduzećima i ustanova Grada Tuzle i glasi.

Koliko je koštao zakup bilborda za oglašavanje i koja je svrha oglašavanja posebice za ona javna preduzeća koja nemaju nikakvu konkurenciju u ovom gradu?

Dakle primjetili smo u protekli par mjeseci da je čitav niz javnih poduzeća i ustanova u našem gradu postavio velike bilborde, evo samoreklamirajući se je li. Posebice oni koji

nemaju kažem konkurenciju nikakvu tržišnu u gradu Tuzli. Evo volio bi da dobijemo informaciju koliko je koštao zakup ti bilborda. Hvala lijepa.

JOZO NIŠANDŽIĆ

Hvala. Gospodin Mujić izvolite.

MEHMED MUJIĆ – vijećnik Socijaldemokratske partije ispred reda nacionalnih manjina

Hvala predsjedavajući, ja znam da je ovo široko pitanje kad je u pitanju vijećničko pitanje, kad je u pitanju presuda Sejdić – Finci i očekujem, ovo moje postavljeno vijećničko pitanje, koje ću direktno putem ovog Gradskog vijeća proslijediti najozbiljnije, a kad se radi da ćemo uputit ovaj vijećničko pitanje članovima Predsjedništva Bosne i Hercegovine, Parlamentarnoj skupštini Bosne i Hercegovine, Federalnom parlamentu federacije BiH, svim kantonalnim skupštinama u Bosni i Hercegovini, međunarodnoj organizaciji OSCE, OHR, Evropskom parlamentu u Strazburu, svim relevantnim institucijama za ljudska, manjinska prava, međunarodnoj organizaciji Svjetskoj organizaciji Roma koje zastupam, zapravo 32 zemlje u svijetu, da dobijemo odgovor, da li ćete realizovati Odluka o primjeni Sejdić – Finci za naredne izbore 2018. godine?

Očekujemo da imamo pravo na i zборе kao kandidati iz svih nacionalnih manjina po Ustavu Bosne i Hercegovine koje je navedeno svih 17 nacionalnih manjina i da nam odgovore na dato pitanje da li kao pripadnici nacionalni manjina imamo pravo na slijedećim izborima koje smo 91-ve, 92-ge, zajedno sa svojim građanima branili državu Bosnu i Hercegovinu, temelje države Bosne i Hercegovine i odbranili smo državu Bosnu i Hercegovinu i od svih institucija tražimo da nam hitno odgovore po ovom pitanju. Jer pripadnici nacionalni manjina svi imaju bosanski pasoš i oni su svi građani ove države Bosne i Hercegovine i ne mogu biti ni nacionalne manjine i tražimo i odgovornost koju su stavili nacionalne manjine kao nacionalne manjine, oni su građani države Bosne i Hercegovine, imaju jednaka prava da budu birani i da imaju pravo da biraju.

Isto tako očekujemo od kantonalni skupština da nam odgovore, jer mogu ovde samo čestitat kantonalnom, zapravo Sarajevskom kantonu koji je jedini usvojio presudu Sejdić – Finci dok ostali kantoni nisu. Mi tražimo i od njih i od najviše nacionalni manjina po samom Popisu stanovništva se dokazalo i očekujemo što hitnije da nam odgovore jer pripadnici nacionalni manjina imaju pravo da izvrše svoju obavezu.

JOZO NIŠANDŽIĆ

Gospodin Kasumović izvolite, ispred Saveza za bolju budućnost.

ELVIR KASUMOVIĆ – vijećnik Saveza za bolju budućnost

Zahvaljujem se predsjedavajući. Ja za danas nisam pripremio ni jedno vijećničko pitanje, s razlogom, obzirom da imam sigurno jedno 20-tak pitanja na koja mi nije odgovoreno.

Zbog toga sam izašao za govornicu da urgiram na ta pitanja, odnosno odgovore na ta pitanja, postavljam da li uopšte ovaj institut vijećničkih pitanja ima svoju svrhu ukoliko neko ne želi odgovoriti nekome na vijećničko pitanje.

Najmanje sam se to nado od gradonačelnika Grada koji mi nije odgovorio sigurno na 20-tak, 15 moji pitanja, koje imam ovdje.

Takođe na šefove službi određeni gdje sam tražio odgovore na svoja pitanja. Iz tog razloga nisam danas pripremio, mada sam imo vijećnički pitanja, evo po svemu sudeći mi u opoziciji nemamo tu privilegiju da se na naša pitanja odgovori, uz opet kažem čast izuzecima, određenim službama koji taj svoj zadatak izvrše na onaj pravilnikom propisan način.

Prema tome, urgiram na sva svoja dosadašnja postavljena vijećnička pitanja, prije svega kod gradonačelnika, evo ako treba neke ću i ponoviti.

Gdje su utrošena sredstva za rekonstrukciju mostova i puteva u 2015. godini, prva tri mjeseca u visini od 1.400.000 maraka?

Da li je službeno vozilo gradonačelnika Grada Tuzle korišteno u predizbornoj kampanji za predsjednika SDP-a BiH, kao i za promociju knjige Slana zemlja?

Ko je platio i koliko je koštalo snimanje spota Je li ti žao što se rastajemo? Nisam ni to dobio odgovor na to pitanje.

Sa koliko općina, odnosno opština koje gravitiraju uz područje grada Tuzle je ostvaren kontakt u vezi apliciranja i realizacije zajednički projekata i koliko projekata je realizovano?

Zbog čega su poslovni subjekti koji egzistiraju na području grada Tuzle u posljednje vrijeme isključeni iz projekata i pružanja usluga koji se finansiraju iz Budžeta Grada? (JOZO NIŠANDŽIĆ – Samo da idu urgencije na tvoja neodgovorena pitanja.)

Da li je u posljednje vrijeme i na koji način sankcionisan ijedan šef nasležne službe Gradske uprave zbog nerada i propusta u radu?

Zbog čega je 15. maj izbačen iz dodjeljivanja javni priznanja i nagrada iz značajni datuma grada Tuzle?

Koliki je priliv sredstava dobijenih od naknada rada Termoelektrane u 2015. godini, koliko je sredstava utrošeno do sada na koje projekte konkretno je utrošeno? Ja imam ovde sigurno 20-tak i više pitanja što šefova službi, a vodim tu svu svoju evidenciju, što od šefova službi, što od gradonačelnika grada.

Ja bi samo zamolio evo da mi se odgovori na moja pitanja do iduće sjednice, jer evo, pretpostavljam da više nećemo zasjedati.

JOZO NIŠANDŽIĆ

Prelazimo na drugu tačku Dnevnog reda:

a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE

b) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE

Predlagač je Gradonačelnik Grada Tuzla.

Obrađivač je Služba za budžet i finansije.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline (u dijelu posebnih naknada za građevinsko zemljište), Komisija za poduzetništvo (u dijelu poduzetništva), Komisija za komunalna pitanja i pitanja mjesnih zajednica (u dijelu komunalne infrastrukture), Komisija za mlade, obrazovanje i sport i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? Čitanjem izvještaja komisija?

Za uvodno izlaganje ima potrebe pa ćemo zamoliti gospođu Suadu Isaković, Pomoćnika gradonačelnika za budžet i finansije da podnese uvodno izlaganje.

SUADA ISAKOVIĆ – Pomoćnik gradonačelnika za budžet i finansije

Hvala predsjedavajući. Pozdravljam sve prisutne u sali. I evo kao što vidite kao druga tačka Dnevnog reda je a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE za ovu kalendarsku ili budžetsku godinu. Ovaj izvještaj podnosi se u skladu sa Zakonom o budžetima koji je propisao da svi nivoi vlasti u Federacije i Bosni i Hercegovini imaju obavezu tromjesečno izvještavati parlamente o stanju u svojim budžetima, tako da ovaj izvještaj za šest mjeseci predstavlja presjek stanja u javni finansija Grada Tuzle, odnosno ostvarenih prihoda u Budžetu Grada i izvršenih rashoda u prvih šest mjeseci.

Od ukupno planiranih sredstava u Budžetu Grada za 2016. godinu u iznosu od 57.649.680 maraka koji u sebi sadrži i planirana kreditna sredstva od 5.500.000 maraka i uključeni suficit iz prethodne budžetske godine u prvih šest mjeseci ostvarena sredstva iznose 25.383.879,92 marke ili 44,03% u odnosu na planirana sredstva.

U ovom iznosu od 25.383.879 maraka sa kojima je gradski budžet raspolagao u prvih šest mjeseci ove godine ostvareni prihodi iznose 21.874.801,09 maraka dok su primici od kredita 311.845,67 maraka i uključeni znači suficit od 3.197.333 marke koje je ovo Gradsko vijeće na sjednici u aprilu izmjenama i dopunama Budžeta Grada uključilo u Budžet.

U samom obrazloženju data vam je struktura ovih prihoda po fondovima, odnosno po namjeni tih sredstava koja se koriste u Budžetu i evo ono što je bilo kao pitanje na komisijama, odnosno radnim tijelima Gradskog vijeća bilo je pitanje da se sredstva od kredita ne povlače blagovremeno, međutim, ja ću tu dati objašnjenje da je Gradsko vijeće u decembru prošle godine usvojilo Odluku o kreditnom zaduženju, da je odmah gradonačelnik u januaru mjesecu pokrenuo postupak javne nabavke novčanih sredstava na ime kredita od poslovnih banaka u cilju obezbjeđenja što povoljnijih uslova za Grad i mislim da smo kroz tu javnu nabavku uspjeli dobiti veoma povoljne uslove.

Proces javne nabavke je propisan Zakonom o javnim nabavkama i on ima svoju propisanu dužinu trajanja. Ono što mogu reći da nije bilo žalbi na proceduru tako da smo znači u najkraćem mogućem roku završili postupak javne nabavke i da je Ugovor o kreditu sklopljen 1. aprila kada su službe, odnosno u ovom slučaju Komunalna služba obzirom da su svi, ukupna sredstva predviđena za komunalnu infrastrukturu mogla započeti postupak javne nabavke za projekte za koje su ova sredstva i predviđena, a projekte je odredilo Gradsko vijeće svojom odlukom.

Tako da su mnogi od ovih projekata već uveliko u fazi izvođenja radova, završena je Gradska ulica i ovaj povučeni iznos 311.000 odnosi se na plaćanje obaveza za izvršene radove u Gradskoj ulici i evo sami smo svjedoci na terenu kao građani da možemo vidjeti da se većina od ovih projekata već uveliko realizuje.

Znači da je trebalo proći postupak javne nabavke, zaključenje ugovora i onda započeti sa radovima.

Od prikupljenih sredstava u periodu od šest mjeseci potrošeno je ukupno 21.163.775,99 maraka i to za rashode koji su izvršeni u Budžetu 20.857.145,99 maraka i za dospjele obaveze za ranije uzete kredite 306.630 maraka.

Od ukupno utrošenog iznosa iz Budžeta u prvih šest mjeseci, najviše sredstava se odnosi na rashode koji su planirani i od strane Vijeća Budžetom usvojeni, u Službi za

komunalne poslove, izgradnju i poslove mjesnih zajednica i u tom periodu putem ove službe je realizirano 7.154.649 maraka ili 34,30% ukupno utrošenih sredstava u prvih šest mjeseci iz Bužeta.

Kao druga Služba najveći potrošač iz našeg Budžeta, a sve u skladu sa svojim nadležnostima je Služba za razvoj i poduzetništvo i društvene djelatnosti. Ona je ostvarila rashode u prvih šest mjeseci u iznosu od blizu 5.000.000 ili 4.964.000 maraka što je 23,80% ukupnih rashoda iz Budžeta.

Ova sredstva su realizirana u skladu sa Odlukom o izvršavanju Budžeta i pravilima i kriterijima koji su usvajani po određenim procedurama, provođeni su javni pozivi za određene vrste troškova, bilo da se radi o finansiranju raznih manifestacija, od sporta, kulture i drugih i hoću reći da svi ovi poslovi koji su predviđeni da se realiziraju iz Budžeta zahtijevaju da se provede određena procedura koja opet zahtijeva određeno vrijeme i iz tog razloga će se najveći dio rashoda realizirati u trećem i četvrtom kvartalu ove godine kada ćemo imati naravno i izvještaj za devet mjeseci, pa će se vidjeti da priroda poslova zahtijeva radi zakonom provođenih procedura da se sredstva više nekad troše u ovom trećem i četvrtom kvartalu jer tad već imamo konkretno izvršavanje poslova i fakturisanje od strane izvođača.

Ja ne bi pojedinačno govorila o rashodima. Vi ste dobili detaljan izvještaj. Ono što evo opet ću ponoviti što i ranijih godina karakteriše Budžet Grada Tuzla je da je on likvidan, da uredno se izmiruju obaveze prema dobavljačima, da se ne kasni ni prema uposlenicima, ni u finansiranje javnih ustanova, niti izvođača s kojima su sklopljeni ugovori.

Vidite prema procentu izvršenja Budžeta da je on realno planiran, da se mi nadamo da ćemo do kraja godine u potpunosti izvršiti Budžet.

Što se tiče kreditni sredstava u samom obrazloženju imate detalje pod kojim uslovima je 3,5% je kamatna stopa što je veoma rijetko sad da neko postigne tu kamatnu stopu da pod tim uslovima dobije kredit, a 0,10% su jednokratni troškovi obrade kredita.

Mi u ugovoru koji smo sklopili s poslovnom bankom od koje smo dobili kredit, imamo mogućnost da u grejs periodu povlačimo sredstva, a da na nepovućeni dio sredstava ne plaćamo kamatu što je opet povoljno za Grad Tuzla. Znači onog momenta kad mi od banke dobijemo sredstva od tog dana počinje plaćanje kamate, a ne od dana sklapanja ugovora sa bankom kada smo mogli dobiti na raspolaganje svih 5,5 miliona pa da oni stoje u Budžetu i čekaju situacije izvođača da se plate.

Evo ja bi toliko, što se tiče ove slijedeće podtačke b) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE ovo je opet onaj standardni redovni izvještaj koji je gradonačelnik dužan podnositi Gradskom vijeću šestomjesečno i evo mi smo pripremili ovaj izvještaj koji znači ovom Vijeću prezentira gradonačelnik i u samom Budžetu za 2016. godinu u Budžetu je predviđeno 240.000 maraka za ovu namjenu.

Gradonačelnik je ovlašten da ova sredstva i rješava zahtjeve koji građani i institucije podnose iz sredstava tekuće rezerve i u periodu od šest mjeseci riješeno je ukupno 344 zahtjeva. Potrošeno je 181.299,29 maraka ili 75,54% predviđeni sredstava za ovu namjenu i vidite da je struktura, odnosno namjena ovih troškova uglavnom ista iz godine u godinu i da se uglavnom radi o pomoći bilo da su građani ili naša privredna društva, odnosno uposlenici privrednih društava sa područja grada Tuzla. Hvala.

JOZO NIŠANDŽIĆ

Hvala. Otvaram raspravu klubova. Prvi se javio Edim Kadić, ispred Kluba Bosanske stranke. Izvolite Edime.

EDIM KADIĆ – vijećnik Bosanske stranke

Želim da vas sve pozdravim. I ja ću ukratko o a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE. Budžet je najvažniji dokument koji usvaja Vijeće i imajući u vidu i ovaj izvještaj mislim da smo Budžet dobro planirali i da, ako imamo u vidu, ovo što je rekla Pomoćnik gradonačelnika za finansije da Općina Tuzla, odnosno Grad Tuzla izvršava sve svoje obaveze i da je budžet likvidan i da nema nikakvih kašnjenja. Mislim da malo pohvalimo da ima dosta i zasluga ovog Vijeća što je to tako, što smo na vrijeme na neke stvari govorili i uticali da se u Gradu Tuzla, znači pokuša i smanjiti broj uposlenika i da se sredstva racionalno troše, a da se pokuša na sve moguće načine, ono što je do Grada Tuzle, da se povećaju i prihodi.

Ovdje smo vidjeli da imamo povećanje prihoda, čak i u javnim ustanovama. Ako imamo u vidu da većina i da su uglavnom u drugoj polovini godine veći prihodi, nego u prvoj mislim ako imamo ovdje da je 44% punio Budžet, tako da je to sigurno dokaz da smo dobro planirali na nivou godine i da će on, po mom mišljenju, biti i veći nego što smo planirali i da ćemo vjerovatno raditi rebalans jer ćemo ostvariti određeni i suficit.

Ono što bi ja želio ovde još jednom da zamolim ili da apelujem na naše političare malo veći nivoa da je stvarno krajnje vrijeme da se sjedne, da se dogovore, da ne plaši se narod i direktno time utiče na investicije u čitavoj državi pa i u Gradu Tuzla.

Ako mi imamo situaciju ovakvu kakvu imamo da imamo u jednom dijelu republike pozivanje na referendum, da imamo ankete da li će biti rata, to je strašno. 20 i nešto godina poslije potpisivanja Dejtona.

Očito da u ovoj državi ima ljudi kojima nije interes da Bosna i Hercegovina uđe u Evropsku uniju vjerovatno moraće odgovarati za stvari koje su radili u protekli 20 godina, pa bi zamolio zaista da ako hoćemo ovom narodu i ovoj državi dobro da sjednu da se dogovore jednom i da se mi bavimo onim čime treba da se bavimo, to je zapošljavanje i stvaranje uslova za bolji život naših građana.

Ako mi imamo situaciju da, evo meni je i danas jutros, maloprije brat javio, ima jednu kćerku da odlazi u Njemačku, to me je zaista pogodilo i svjedoci smo svaki dan da nam mladi odlaze, a mi se ovamo hvalimo nekim rezultatima itd.

Zašto bi neko išao iz ove države ako mu je dobro. A imamo zaista prelijepu državu, državu u kojoj možemo da živimo svi zajedno i da nam bude svima lijepo. Hvala.

JOZO NIŠANDŽIĆ

Hvala. Gospodin Mensur Alić, ispred Kluba Tuzlanska alternativa. Izvolite gospodine Aliću.

MENSUR ALIĆ – vijećnik Tuzlanske alternative

Evo mi kao Tuzlanska alternativa smo glasali za Budžet za 2016. godinu razmišljajući u tom momentu da će se sredstva utrošiti na one projekte koje smo ovde toliko puta postavljeni inicijativa, međutim pokazuje se na kraju za 2015. godinu, ako smo izašli sa suficitom, ja to moram reći malo radi građana da znaju šta je, neki građani ne znaju šta je suficit, deficit, nego viška sredstava, para koje nisu potrošene tri miliona i nešto hiljada nije potrošeno, a ostalo je toliko projekata koji nisu realizovani.

Ona se vraćam na šestomjesečni izvještaj u 2015. godini o izvršenju Budžeta gdje smo bili u manjku para za milion i nešto. Sad me interesuje od kud odjedanput tri miliona i nešto, četiri na kraju.

Ako pogledamo sad u prvi šest mjeseci da je Služba za komunalne poslove, izgradnju i poslove mjesnih zajednica samo potrošila 293.557 maraka, to je žalosno.

Potrošeno, to je direktno na projekte, ne gledam ovo dalje rasvjeta, higijena i ostalo što se mora platiti, izdaci Posebnog računa i ostalo, sredstva ostvarena radom Termoelektrane, ali meni je ovo nevjerovatno za prvi šest mjeseci da potrošimo samo 293.000 maraka na projekte, a onda imamo odjedanput rebalans Budžeta u kojem raspoređujemo tri miliona i nešto da bi se to ostavilo za predizbornu kampanju.

Ja to tako gledam. A ostala su nam klizišta neriješena, inicijativa da ih ne nabrajam sad koliko. Znači sva sredstva su se mogla trošiti onako kako su i kako je vršen priliv ili dolaznje tih sredstava.

To je jedna od mojih primjedbi. Takođe moram se osvrnuti na ovaj dio kada je u pitanju kreditno zaduženje pet ipo miliona. Ja sam za ovom govornicom govorio da se mogu sredstva naći daleko jeftinije nego kada je bilo predloženo da će biti veća kamata negdje preko 4%, da će biti obrada kredita 1% i dobro je. I mislim da je ovo prvi put. Ja ne znam, vi me ispravite iz Službe za finansije, da je ovo prvi put da je napravljen oglas, raspisan oglas za uzimanje kredita. I zbog toga, a govorio sam, tad sam govorio da banke imaju i previše sredstava, samo što nemaju gdje da ih plasiraju.

Mi smo na ovom kreditu, na javnom pozivu uštedjeli preko 500.000 KM. I upravo sam i govorio o čemu je sad Pomoćnik gradonačelnika i govorila da je bitno da se u tom ugovoru postigne dogovor da kad povlačite sredstva, samo na taj dio sredstava se plaća kamata, a da ostali dio miruje, nema kamate.

I to su strašne uštede kad ovo preračunate na sedam godina vidjet ćete koliko to novca izlazi.

Mislim da smo predhodni kredit koji je uzet od Razvojne banke i nije išao na oglas da je uzet od Razvojne banke, da je daleko veća kamata i da su tad u ugovoru, nemam ugovora na uvid, ne mogu, moram samo pretpostavljam da je tad išla kamata na kompletan iznos tog kredita, a taj kredit je za sjevernu magistralu i za onaj most, jezero treće. Da je tu napravljen takođe gdje se mogla napraviti ušteda. Tvrdim 100% negdje blizu milion KM.

Evo tražim da mi se dostavi za slijedeće Vijeće ugovor o tom kreditu koji je uzet, mislim da je sedam, pa na osam miliona, ne znam tačno, ne mogu tvrditi. Da se dostavi da vidimo kolika je kamata i koliki je obaćun za obradu kredita i da li je plaćana kamata na kompletan kredit kad je povučen ili je na samo na povlačenje dijela kredita što je veoma, veoma bitno.

Ja se dugo, ja se bavim izgradnjom, finansijama, ovo znam dobro kako je s bankama raditi i kako treba raditi.

Oni vamo prodaju robu, vi kupujete. Zavisi samo kako se pogodite s njima jer to je tako u tržištu danas bankarsku gdje ima sredstava ogromno, mnogo sredstava ima u bankama, samo što nemaju kvalitetno da plasiraju. A kvalitetno plasiranje sredstava jeste u gradu u budžetu, u bilo kojem gradu ne samo Tuzli, jer je to ima garancija ko će i na koji način uraditi.

Evo to je ono o čemu sam, moja primjedba kao onog ko se bavi finansijama jeste i naravno mi nismo učestvovali u rebalansu Budžeta prije par mjeseci, nismo učestvovali i nismo rasporedili, niti smo učestvovali u tome da smo mogli reći gdje treba sredstva uložiti, gdje treba, jer tad je skinuto čak i Poslovnu zonu Kreka –Sjever 250.000 maraka skinuto sa te pozicije, dakle na neku drugu poziciju i naravno da ne možemo dati podršku ovom izještaju Budžeta. Zahvaljujem.

JOZO NIŠANDŽIĆ

Hvala. Gospodin Sabahudin Imamović, ispred Kluba Stranke demokratske akcije. Izvolite.

SABAHUDIN IMAMOVIĆ

Takođe i Klub vijećnika Stranke demokratske akcije, s obzirom da nismo učestvovali u njegovom kreiranju, usvajanju, rebalansu, realizaciji, nećemo podržati ovaj izvještaj. Ovo je Budžet većine i neka im je sretno.

Dakle, pojavljuje, ima tu puno pojava neshvatljivi, ja bi volio da nam pomoćnica gradonačelnika objasni tu pojavu suficita odjednom itd.

Dakle, ovaj Budžet nije koncipiran na način kako smo mi predlagali. Ni jedan Amandman nikada nije usvojen u ovom Vijeću, Amandman koji je predlagala opozicija, iako smo s njima, sa tim Amandmanima htjeli samo da ukažemo na određene potrebe i da doprinesemo pravedniju preraspodjelu budžetski sredstava. Dakle, nikada nismo imali priliku da utičemo u kreiranju Budžeta i zato i nećemo podržavati, držat ćemo se po strani u vezi svih ovih dokumenata koji se tiču Budžeta za ovu godinu.

Mi smatramo da se ovaj Budžet ne troši, ne troši na prave stvari, da se ne troši za rješavanje suštinski potreba građana. To su voda, kanalizacija, put, poslovne zone, dakle, stvaranje boljih uslova, preduslova za zapošljavanje itd.

Ovde se novac godinama troši na igru i zabavu. Gradonačelnik želi da impresionira pred izbore svoje birače kako bi napravio nešto posebno u Tuzli itd.

I espresno jedini projekti koji se rješavaju u rokovima su oni koje je zamislio gradonačelnik. Ostali, o tome svjedoči Program kapitalnih investicija se godinama ne realiziraju i po deset godina.

Što se tiče ovog izvještaja korištenja sredstava tekuće rezerve pomalo je čudno da je gradonačelnik za pola godine potrošio 75% sredstava. On će do izbora potrošiti sve. On novom slijedećem gradonačelniku neće feninga ostaviti.

JOZO NIŠANDŽIĆ

Dalje se javio gospodin Nedžad Malikić, ispred Kluba Narodne stranke Radom za boljitak. Izvinjavam se. Kasumović se prije javio. Evo ako Kasumović dopušta u redu. (Nema problema.) Malikiću izvolite.

NEDŽAD MALIKIĆ – vijećnik Narodne stranke Radom za boljitak

Kad je u pitanju ova tačka dnevnog reda, znači izvršenje o Budžetu. Naš stav je slijedeći, naravno podržao bi izlaganje mojih predhodnika. Ono što mene interesuje u svemu tome, a moramo se držati naših zaključaka prilikom podizanja kredita od visine od pet ipo miliona maraka, kada su u pitanju ti projekti koje radimo. Volio bi jednu informaciju, evo sad u utrošenju koliko je ti projekata završeno i koja su sredstva ostala znači neutrošena kada je u pitanju projekat za pojedini, kredit za pojedine projekte.

Jer dobro znamo da smo onda podcrtali jedan zaključak na način da smo tražili, da kada se neki projekat uradi i ako je ostalo sredstava, na osnovu to povlačenja da se obavijesti ovo Opštinsko vijeće kako bi se ta sredstva preusmjerila u ove projekte za koje da saglasnost Vijeće.

U novembru mjesecu taj zaključak imamo i ja bi volio, izašla je Mediha da nam taj zaključak pripremi i pročita gdje decidno piše da se ta ni jedna marka ne smije potrošiti od kreditni sredstava, da prije toga nije dala saglasnost Opštinsko vijeće. Imam ja informaciju da taj višak sredstava koji se troši, koji nije mal, da se troši na projekte, a za koje nije dala saglasnost ovo Gradsko vijeće.

Mislim da to nije u redu i tražim da mi se to do kraja ove tačke dnevnog reda pročita ponovo taj zaključak koji je Gradsko vijeće usvojilo i da možemo dalje se o tom postaviti.

Naravno, što se tiče samog izvještaja, što je tu je, pošto je predsjednik Tuzlanske alternative rekao da se odjednom tri miliona suficita javilo, da mi jednostavno nismo učestvovali u kreiranju na zadnjem rebalansu, nismo jednostavno, smatrali smo da to nije u redu i nismo podržali taj rebalans. Naravno izvještaj kao izvještaj takođe nećemo podržati, ali samo bi želio da mi se do kraja ove tačke dnevnog rada pročita, da nam se svima pročita taj izvještaj, odnosno zaključak, a kako bi se mogli postaviti po ostalim kreditima.

I naravno da nam gospođa Suada obrazloži zašto se neki projekti nisu počeli realizirati, a neki se realiziraju. I takođe ima zaključak, evo konkretno put za Radnik soli, za Mandiće, ima veliki problema. Projekti mnogi koji se ne realiziraju želim konačno da dobijem informaciju zašto se to ne realizira ako imamo finansijska sredstva ili upravo se želi uraditi neki projekti koje je nekom to u interesu a oni projekti koji njima nije u interesu, ostali su po strani i pitanje je hoće li se uopšte uraditi. Hvala.

JOZO NIŠANDŽIĆ

Hvala. Repliku ima gospodin Ajanović. Izvolite.

MIRNES AJANOVIĆ

Hvala predsjedavajući. Replika je mom dragom kolegi Sabahudinu Imamoviću. Rekao je da je neravnopravno trošenje Budžeta i naravno prije toga je rekao da nije uopšte glasao za Budžet niti SDA.

Prvo, oni koji nisu glasali za Budžet, glasali su protiv svih projekata u svim mjesnim zajednicama, prvo je to.

Nisu dali podršku da ti ljudi dobiju ono što im treba, što im je neophodno za egzistenciju.

Samo malo tiše, molim vas. (JOZO NIŠANDŽIĆ – Malo, molim vas.) Prvo to. Dakle, odmah teret odgovornosti puni nose za sve ono što sada se rade radi, a to ću kasnije u drugom dijelu, a sebi će kasnije uzeti zasluge, a nisu glasali.

E sad ova neravnopravna potrošnja. To je neistina. Bilo je na Kolegiju Gradonačelnika, objavljeno na web stranici Grada Tuzla, za ovih prvih šest mjeseci, a mi smo raspravljali i na ovom Vijeću za prošlu godinu, pošto Sabahudin Imamović počesto govori da se ne radi druge mjesne zajednice 80% svih kapitalnih sredstava iz budžeta za ovih šest mjeseci i za cijelu prošlu godinu 80% je išlo u rubne mjesne zajednice.

Stalno nam se ovdje imputira da se ne rade rubne mjesne zajednice.

Na web stranici, evo sada sam provjerio, preko predstavnika Službe, da ne bude da sam ja možda pročitao pogrešnu informaciju, pročitao sam, 80%. Ovdje smo raspravljali za ovom govornicom koliko se radilo, da se mnogo više uradilo da smo praktično zanemarili grad, centar grada i sve da bi pokušali građanima u rubnim mjesnim zajednicama napraviti bolje uslove života.

Sabahudin Imamović ispred Kluba izlazi, ponosno kaže, nismo glasali za Budžet. Dakle, dobro je to rekao i pokazao Hasib Hirkić, bio je tada prisutan Sabahudin Imamović, pa

ga napao da je to kao neprijatelj SDA, napravio je, ovi su glasali građane, ovi nisu glasali za Budžet.

Ovi vam nisu dali mogućnost da se gradi put, ovi su dali mogućnost da se gradi put.

I o uzimanju kasnije zasluga sebi. Koliko puta sam za ovom govornicom inicirao rješenje problema, recimo između ostalih svih mjesnih zajednica i mjesnu zajednicu Mihatovići. A koliko puta sam govorio ovde o Kolektivnom naselju da se rastereti taj dio građana, odnosno mjesne zajednice i evo donijeli smo odluku o gradnji zgrade gdje će ljudi biti sad u zgradi. Da rasteretimo i to.

Koliko puta sam sa Kemalom Kurevićem prošao kroz Mihatoviće, pokazivao trasu gdje treba i gdje su rupe, gdje se treba napraviti cesta i sve što je potrebno za komunalnu infrastrukturu, od vode, rasvjete i svega što je bilo potrebno. Da bi Sabahudin Imamović išao kroz mjesnu zajednicu i govorio da je on to uradio. I da on treba da dobije naravno sad na izborima glasove jer on se izborio, a ovde priznaje, nisam glasao ni za Budžet.

A mi koji smo glasali, mi nismo uradili ništa tamo. Emisari skoro od kuće do kuće. (SABAHUDIN IMAMOVIĆ – Američki sistem.) Evo sam, smije se, američki sistem. I govori da je uradio, a za govornicom priznaje, nije ni glasao da se daju sredstva da bi se uradio taj put, a ja lično išao kroz tu mjesnu zajednicu i pokazivao sam, vodio, na moju inicijativu, kroz inicijative Gradskog vijeća natjerao šefa Službe, ideš sa mnom i pogledaj put. Uradi put. Taj put je on uradio, Sabahudin Imamović. Niste vi kolege vijećnici. Nije načelnik. Nije gradska služba ni jedna. Sabahudin Imamović je to uradio kao opozicija. Možete zamisliti kad bude vlast kako će on raditi po gradu.

A kaže nije glasao za Budžet. Tako kaže on. To su sad priče koje se pričaju. Samo da se zna radi javnosti o kakvim manipulacijama se radi, a ja sam se javio kao vijećnik. Mislio sam da idem kao dodatno, kao predsjednik Kluba. Pošto nekad dijelomo, ali da ne bude evo hajde, javit ću se još dodatno da prenesem druge informacije koje će takođe demantovati sve ovo što je rekao predsjednik Kluba SDA Sabahudin Imamović.

JOZO NIŠANDŽIĆ

(Ispravka krivog navoda.) Izvolite.

SABAHUDIN IMAMOVIĆ

Vidi se da gospodin Ajanović ne poznaje prigradske mjesne zajednice. Prvo nema mjesne zajednice Mihatovići. Dakle, Mihatovići su samo naselje u okviru mjesne zajednice Šićki Brod. Ja tamo živim s tim narodom i narod zna.

Dakle, ne pravim ja puteve, ja lobiram, a puteve izgrađuju preduzeća koja dobijaju na tenderu. Dakle i to nije tačno. Mada smo mi iz SDA svestrani.

Mi nismo glasali ni za Budžet ni za kredit zato što ste tamo ubacili par stavki da zamažete oči, a da većinu novca potrošite u centru grada.

Dakle, a ja onda pitam zašto nije realiziran onaj put do Mramora? Jer je bio, realiziran je gore dio prema predsjedniku Mjesne zajednice. U Kiseljaku uopšte nije se počelo graditi ništa, a isto je i ta je stavka tamo u kreditu.

Ko vas sprečava? Koje mračne sile vas sprečavaju da napokon počnete raditi u ovom gradu? Je li Sabahudin Imamović? Imate moju punu podršku.

Dakle, čitavo vrijeme smo principijelno u kontinuitetu isticali problem neravnomjernog razvoja.

Donesite onaj sramni, sramni izvještaj što je usvojen na Kolegiju gradonačelnika pa da vam dokažem da obmanjete javnost.

U onom izvještaju više od polovine projekata koje ste naveli kao da se radi, piše, radovi u toku ili u toku je javna nabavka itd.

Dakle, tenderi u toku, nisu realizirani. Evo neka Kemal Kurević koji pola godine, zajedno sa svojim jaranom Imamovićem, ne dolazi, ignoriše ovo Gradsko vijeće, neka donesu ovaj izvještaj da ga ovde pročitamo za govornicom i da demantujem gospodina Ajanovića.

Ja bi bio presretan. Kad mi dođemo na vlast, onda omjer neće biti bitan. Biće bitni prioriteti. Dakle, sedam mjesni zajednica koje nemaju vodu. 250 km puteva koje treba izgraditi itd. itd. i poslovne zone koje niste u stanju jednu livadu da uredite iako imate i novac i projekat urađen i sve.

Ovde vlada jedna birokratska svijest, ali ste zato kolega Ajanoviću uduplali stavku vezano za onaj Aero-klub. Neka javnost zna da je jedina stavka u Budžetu za 2016. godinu koja je povećana za 100% je stavka za Aero-klub i da vi tim sredstvima upravljate.

A recimo Likovna kolonija Vršani nije uvrštena za neki 5.000, za razvoj umjetnosti koja je već gore zaživila itd. itd. itd.

Dakle, ako neko obmanjuje javnost to je gospodin Ajanović. Hvala.

JOZO NIŠANDŽIĆ

Ajanoviću izvoli.

MIRNES AJANOVIĆ

Imamović Sabahudin nije negirao ovo što sam istakao da je išao s ovim građanima u naselju Mihatović i mjesnoj zajednici, nije bitno, samo je bitno potpuno da se radi o ljudima koji žive tamo, a on živi tamo. On živi tamo. Nije negirao da je išao i objašnjavao da je on lobirao, obezbijedio i uradio taj put, a nije on. To smo svi mi. A oni kažu nisu glasali za Budžet. Dakle oni nisu.

Svi ostali koji su glasali za Budžet oni su radili. Dakle, nije to negirao.

E sad kako istinu negirati nego drugim lažima. Aero-klub je za četiri puta za vrijeme mog mandata u ovom mandatu četiri godine imao manji priliv. Četri puta skinuto. Četvorostruko, kako se to kaže kad nešto imate pa od toga imate samo 20%.

Upravo zato, iako ja nemam veze s tim. Ja sam samo član da je neko rekao eto Mirnes je član Aero-kluba. Radi mene trpe. I nisam dozvolio iako je bilo potpuno ispravno da se zadrži iznos koji je trebalo da bude četiri puta smanjen.

Ja sam napravio štetu Klubu u kojem sam. Koji je najbolji Klub u Bosni i Hercegovini i regiji.

I pobjeđuje. Gdje god ode pobjeđuje. Sad su, evo uslovno rečeno, na ivici egzistencije.

Pod rizikom vlastiti života ti momci, mladići pobjeđuju. Prvi su. Na ivici egzistiranja, dok drugi aero-klubovi imaju punu podršku nadležni organa pa i vlade gdje vladaju SDA.

A ovaj šampionski nema. Dakle, Sabahudin Imamović, dalje za grad kaže mi to ne vidi se šta radimo, a radi se. Radi se grad u potpunosti.

Svi trotoari i sve ostalo što se radi, evo vidjeli ste revitalizacija svakog dijela trotoara. Nema više gdje da prođe se i neće biti da građani, ili građanka posebno u visokim potpeticama, može izvrnuti nogu. Bilo je problema, jeste.

I evo sada vide svi potpuna revitalizacija grada. Zašto nije bilo prije? Mi smo 14-te imali i stradanje gradske uprave, odnosno zgrade grada i strahovite poplave i klizišta. Hiljadu kuća je bilo ugroženo, ljudi i domaćinstava, njihova direktna egzistencija. Svi smo bili angažovani u tome da pomognemo tim ljudima.

Kompletan Budžet tada, koji nije bio planiran i 2015-te išao u usmjerenje zaštite građana tih da im se obezbijedi zaštita imovine onima kojima nije stradala imovina. I zato nije moglo prije. Nije bilo moguće prije.

Na Kolegiju kada smo sjedili kada su bile poplave i klizišta Sabahudin dobiva i rekao sam to za govornicom, nije ni tad demoantovo, poziv možda mu njegova kuća bude ugrožena. Napušta sve nas koji smo došli tu da se borimo za sve građane. Njemu je bitna njegova kuća.

Naravno, potpuno opravdano, potpuno opravdano da se bori za svoju kuću, ali mu tada nije bilo stalo ni do jedne druge kuće svih hiljadu domaćinstava koji su bili na klizištima gdje su kuće trebale biti uništene. A ide kroz Mihatoviće i kaže da se borio za njih.

Lično sam ja išao i borio se za taj put i na ovom Vijeću i izborio se i nigdje do sada, čak ni tim ljudima ni jednom tom čovjeku u toj mjesnoj zajednici nisam otišao da kažem da su moje inicijative bile na sjednici Vijeća i da sam zajedno sa Kemalom Kurevićem prošao kompletnu trasu i sve ono što je trebalo da se uradi. Ni jednom jedinom građaninu. Možda je moja pogreška.

A on je imao obraza, bez srama, bez stida izaći i upisati i govoriti da je on uradio, a izađe za govornicu i glasa i kaže da nije glasao za Budžet. Nije dao da se novac obezbijedi, da se urade i rekonstruišu i kanalizaciona i vodovodna i sve što je trebalo, odosno putna, kompletna komunalna infrastruktura u toj mjesnoj zajednici. Svojoj mjesnoj zajednici za ostale očito nije niti briga.

JOZO NIŠANDŽIĆ

Elvir Mahmuzić ima. (SABAHUDIN IMAMOVIĆ – Ispravka krivog navoda.) Reci da znam šta je. (ELVIR MAHMUZIĆ – Replika Sabahudinu.)

SABAHUDIN IMAMOVIĆ

Kako se kaže kad neko ne govori istinu? Je li, da je lažov. Znači, moja kuća nikad nije bila ugrožena i nikad nisam na sastanku rekao da trebam napustiti. Dakle, ima, molim vas ima Služba civilne zaštite, imaju tamo vjerovatno podaci u Mihatovićima čije su kuće bile ugrožene klizištem. I vidjet će se da moja kuća nije bila ugrožena.

A i da je bila ugrožena moje ljudsko pravo je da budem zabrinut zbog toga.

Dakle i da napustim sastanak. Ajanović se ponaša kao da je ovaj grad njegov. Ja znam da je ovaj grad platio skupu cijenu što ima slabašnu većinu. Debelo smo to platili.

(JOZO NIŠANDŽIĆ – Idemo na dnevni red.) Znači, hoda okolo i priča i zavrče sijalice u po dana tamo. Gdje god je projekat koji realizovan ode pa se slika pa kaže ja sam ovo završio. A građani Mihatovića kad čuju ovo više BOSS neće ni pola glasa dobiti u Mihatovićima.

Jer ne samo da će shvatiti da koji je manipulant i demagog nego da je i lažov. (JOZO NIŠANDŽIĆ – To su krupne riječi, molim vas.) Ko laže na mene, on je lažov, dok ne dokaže suprotno. (JOZO NIŠANDŽIĆ – Ja vas upozoravam.)

Dakle, slagati da sam ja napustio sastanak što je ugrožena moja kuća, to je laž. A onaj ko je lažov, on je lažov.

JOZO NIŠANDŽIĆ

Ispravka krivog navoda.

MIRNES AJANOVIĆ

Predsjedavajući, vi ste bili prisutni na sastanku u sali kod gradonačelnika, lijevo kada smo svi mi došli odmah po svemu onome što je bila ta poplava i sve što se dešavalo.

Odmah smo svi klubovi su došli, svi vijećnici su došli, od vas takođe tražim da potvrdite je li Sabahudin Imamović, kada je uzeo telefon, zacrvenio se i odmah je zatražio, imam problema kod svoje kuće ja moram ići. I svi smo rekli, OK, onda Sabahudine ako je tako moraš ići.

Ali nije ga interesovalo sve ostalo, ali kažemo, razumljivo je to. Čovjek se zabrinuo za svoju kuću, a svi ostali su, koji su takođe imali ugrožene kuće, moguće ugrožene kuće, sjedili na tom Vijeću, a zašto sam ja lažov, ja sam rekao istinu. Šta sam slagao?

Ja sam lažov zato što ne može da podnese istinu. Nije ga bilo briga ni za koga drugog i nije mu bila ni ugrožena kuća nego eto, bolje je da sjedi on kod kuće, šta će on sjediti na gradskoj sjednici Kolegija Gradskog vijeća, zamajavati se sa hiljadu kuća, koje kližu po klizištima. Bolje je da sjedi i gleda da se neće i njemu šta desiti da je prioritet tu, da može eventualno ako zatreba tražiti angažovanje mašina ili svega ostalog. Nije mu ni bila ugrožena kuća. Tačno je to.

Nego nas je obmanuo za, opreza radi, da on sjedi, da on može vršiti nadzor da neće slučajno šta krenuti.

Evo i ostale su kolege bili vijećnici na tom sastanku, sve je ovako izgledalo.

JOZO NIŠANDŽIĆ

Elvir. Izvolite. Kasumoviću sad ćete vi. (ELVIR KASUMOVIĆ – Red bi bio.)

ELVIR MAHMUZIĆ - vijećnik Socijaldemokratske partije

Ja sam se javio za repliku gospodinu Sabahudinu Imamoviću. (JOZO NIŠANDŽIĆ – Znam.) Kojeg cijenim i uvažavam kao čovjeka, uvažavam i diskusiju, ali iz njegove diskusije sam mogao zaključiti, ispravite me ako griješim, da je rekao za ovom govornicom, ako bog da kada oni budu na vlasti SDA da će njima biti prioritet voda u onih šest sedam mjesnih zajednica.

Evo ja ću sad postaviti pitanje kada je ovo Gradsko vijeće, u ovom sazivu donijelo Odluku o kreditnom zaduženju, bile su dvije odluke, jedna je Odluka bila o kreditnom zaduženju 12,5 miliona maraka, opet ispravite ako griješim i druga Odluka o grant sredstvima, a grant sredstva su đabna sredstva koja ta ista banka daje 14.000.000 maraka. I ljudi rekli lijepo, ako ne donesete Odluku o kreditnom zaduženju, nećete dobiti ni ova đabna sredstva, koja iznose više od kredita. (SABAHUDIN IMAMOVIĆ – Ispravka krivog navoda.)

Evo ja pitam, evo javio se Sabahudin Imamović, ja ga pitam da li su oni podržali tu Odluku o kreditnom zaduženju, a glasali su za grant i ispali tobože heroji pred narodom, a narod zna kako su oni glasali za ta đabna sredstva, a nisu glasali za kreditno zaduženje, a stranci rekli da nema jedno bez drugog.

Ako dignoš kredit dobit ćeš i ta sredstva. Evo ja pitam je li ovo tačno istina i je li to to obećanje da će se boriti za vodu u ovim mjesnim zajednicama i da li bi ti ljudi imali vodu da su oni bili upravo na vlasti kada je bila ta odluka o kreditnom zaduženju. Eto.

JOZO NIŠANDŽIĆ

Hvala. (SABAHUDIN IMAMOVIĆ – Ispravka krivog navoda.) Izvolite. Ispravku krivog navoda ima gospodin Imamović.

SABAHUDIN IMAMOVIĆ

Ja prvo nisam rekao da ćemo riješiti pitanje vode, nego da ćemo riješiti suštinska pitanja, a na red će doći vjerovatno sva ta pitanja.

Drugo, ko vas sprečava da riješite to pitanje? U Zenici je davno realiziran taj kredit.

Gdje je taj kredit? Šta ste učinili, osim što ste povećali cijenu vode za 10% gdje su ta sredstva. Đaba ste Aida Berbića dole imenovali za direktora da potroši te pare. Jadnik dole čeka, nema kredita. Proći će mu mandat.

Ko vas sprečava da realizujete kredit? Je li Sabahudin Imamović? Daj uzmite ta sredstva impresionirajte me efikasnošću, a ja ne moram više nikad biti vijećnik. Vi kad riješite suštinska pitanja u ovom gradu ja neću imati potrebe više da se kandidujem.

Ja ovdje i jesam zato da mogu ukazivati na vaš nerad. Kad budete efikasniji ja više neću imati materijala da se pojavljujem za ovom govornicom. Hvala.

JOZO NIŠANDŽIĆ

Ispravka krivog navoda. A poslovničku ima gospodin Malikić. Izvolite.

NEDŽAD MALIKIĆ – vijećnik Narodne stranke Radom za boljitak

Poslovnička se odnosi da ipak treba da se vratimo na tačku dnevnog reda koja glasi a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE. Imamo inicijativu upravo, kad su u pitanju kreditna sredstva, mislim da smo mi kao Klub to predložili i mislim da tad o tome trebamo raspravljati, a sad da se vratimo na tačku dnevnog reda koja glasi ovako kako sam već rekao.

I zato vas molim da se malo samo vratimo na Dnevni red. Hvala.

JOZO NIŠANDŽIĆ

Hvala. Izvolite Ajanoviću.

MIRNES AJANOVIĆ

Tačka je upravo a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE, dakle izvještaj o onome šta se uradilo. Sabahudin Imamović govori sada dajte gdje su vam ta sredstva.

Evo ako ne može pamtitu duže juče na svim medijima, svi mediji su objavili sastanak gradonačelnika, predstavnika službi, sa predstavnicima Francuske i Njemačke, odnosno došlo je iz Švicarske, banaka, dakle država iz koje su banke dale kredit Tuzli.

12.500.000 maraka. 12 je kredit na deset godina, grejs period dvije, do 19-te godine se otplaćuje. Kredit je 0,7% kamata, manje od 1%. Dakle, poklonili su praktično kredit bez kamate, gotovo bez kamate, 0,7 je možemo reći bez kamate, to nema nigdje.

A onda su, kada smo podigli taj kredit. Kao poklon za realizaciju tog kredita, dali još 14.000.000 maraka. Je li igdje ikad iko dobio kredit za 0,7% na deset godina i onda dobije

više nego što je kredit podigao, poklon. 12,5 smo uzeli, zadužili grad, jesmo. 14.000.000 poklona dobili. Za šta? Za kompletnu revitalizaciju vodovodnog sistema i kanalizacionog cjevovoda na području grada Tuzle i rubnim mjesni zajednica, uklanjanja starih, istrošenih cjevovodnih, vodovodnih instalacija. Da do 2035. godine svi Tuzlaci sigurno imaju vodu bez redukcije.

U Sarajevu danas nema vode. U glavnom gradu Bosne i Hercegovine. I još najbitnije od svega toga, ono što je Sabahudin Imamović zaboravio reći takođe, stručnjak. Novac sav taj, svih tih 26 eto i nešto miliona maraka nećemo dobiti, niko neće uzeti to, projekat kad se realizuje dostavlja se izvještaj investitoru, odnosno bankama, a oni namjenski daju sredstva firmama koje pobijede na tenderu.

Nema Grad niko ništa. A oni provjeravaju sve, ispravnost kompletnog tendera. Međunarodna zajednica, banke plaćaju novac, sve se to zna, sve je to rečeno na sjednicama Gradskog vijeća.

Nije Sabahudin Imamović prespavo sjednice. Bio je prisutan. Jeste počesto govorio s mjesta, pa možda u svemu tome, kada je pokušavao nas opstruirati u donošenju odluka i u svemu onome što je radio, kako bi opstruirao rad ovog Vijeća, pokazao da navodno mi ne radimo, da bi on bio kao najbolji, možda tad nije to primjetio pa je zaboravio. Ili je namjerno zaboravio.

Ovo su činjenice koje ne može demantovati. A oni, zamislite šta su uradili, što je naj do sad po meni, podmuklija odluka politička koju sam ikad mogao vidjeti.

Mi smo uzeli teret na sebe, jer je bila obaveza Zenica i Tuzla su dobili jedini taj kredit. Uzeli smo vrlo tešku obavezu na sebe. Morali smo, bio je uslov, povećati 10% cijenu vode.

Vrlo teška odluka, politički nepopularna, potpuno. Svi će reći šta ti meni povećavaš cijenu vode. Doće ona druga ili ima mjesna zajednica vodu, ne interesuje me, možda taj građanin ne razmišlja da će do 2035. njegova djeca imati vodu, ili ako ne uzmemo kredit, možda za pet godina budemo u stanju da nema vode u Tuzli nikako. Ne znamo šta će biti, ali sad sigurno ima do 2035-te. Ali je vrlo nepopularna odluka donijeti povećanje cijene, ali nama je rečeno dvije su odluke jednu morate prihvatiti, da povećate cijenu, drugu, glasate za kredit.

Prvo se glasalo na Vijeću za kredit, ali je bilo uslovljeno u onoj za glasanje za kredit da smo dužni glasati i za ovo povećanje cijena.

Zamislite šta radi SDA sa još svojim koalicionim partnerima. Glasa za kredit. Kad je bila na red došla odmah iza toga, druga odluka koja obavezuje važnost kredita, jer nema važnosti kredita, naša odluka nema snagu, nema implementacije, ako ne glasamo i za povećanje 10% SDA i Sabahudin ne glasaju, šta rade. Da bi izašli građanima i rekli mi smo glasali za odluku, eno ima, piše. Ali mi nismo glasali da vam se poveća cijena, vidite koliko smo mi dobri.

Nikad, niko podmuklije nije reagovao i glasao, nego što su glasali Imamović i nagovorio svoje ljude za takvu nemoralnu odluku, da bi mogao pred građanima izaći i govoriti mi vam nismo povećali cijenu i svaki put za ovom govornicom nama imputirati, vi ste kaže povećali cijenu za 10%.

Nikad, opet moramo zapamtiti, siguran sam niko podmuklije neće nastupiti nego što je to uradio Sabahudin Imamović i njegov koalicioni partneri koji su tada, da ne govorim koji, ali ćemo reći da je i SBB bio tada uzdržan ili sam pogriješio, ako sam pogriješio ispravite me ili HDZ isto. Ispravite me koji. Bili su uz njih još neki. Njihova koalicija.

Na isti način. (IVICA KOVAČEVIĆ – Ispravka krivog navoda.) Ako sam pogriješio, samo kažem ispravite me ako sam pogriješio. Znam da nije samo SDA glasala protiv. Možemo tražiti da se provjeri ako ima evidencija jer smo tad tražili pojedinačno izjašnjanje

koji su glasali protiv toga da se taj ugovor stavi na snagu i da dobijemo 26 miliona, odnosno 14.000.000 poklona.

JOZO NIŠANDŽIĆ

Ima ispravku krivog navoda gospodin Alić, pa Imamović, pa Kovačević. Ali ja bi volio da to okončamo i da idemo dalje.

MENSUR ALIĆ – vijećnik Tuzlanske alternative

Pa i ja bi volio da ovo. Dajte predsjedavajući vrijeme. Dajte vrijeme za ispravku krivog navoda, za ovo, za ono, ima predviđeno. Koliko je tri minute, pet minuta. (JOZO NIŠANDŽIĆ – Tri minuta.) Pa dajte. Ali vi samo otjeraste Sabahudina s govornice. (JOZO NIŠANDŽIĆ – Nisam.) Pa nemojte, pa ja pratim čitavo vrijeme i svi ste se sad usmjerili na njega. Ali nemojte. Ostavite čovjeka na miru. Moram tako reći.

Ne branim ja SDA nego ja branim Sabahudina kao ličnost. Ima pravo i on za ovom govornicom da kaže, iznese svoje mišljenje. (JOZO NIŠANDŽIĆ – Nisam mu ja oduzeo.) Ja sam glasao za ovaj prijedlog. Pet puta do sad. Mirnes kaže da je ovo Izvještaj o Budžetu i da možemo ovo raspravljati, a imamo tačku dnevnog reda ovde.

Ja sam mislio da nećemo raspravljati o ovome, jer treba da dođemo na tu tačku da odma raspravljamo.

Ja sam glasao za ovaj kredit. Međutim, pet puta do sad tražim informaciju o kreditu, nisam ni dobio. Koji imate zaključak? Vi dobro predsjedavajući znate da imate zaključak Kolegija Vijeća da se dostavi informacija o kreditu.

Mi nismo dobili kredit, nemojte da lažete narod. Nema kredita. Gdje je? Dajte nam ugovor, je li podpisan? Juče je na brzinu sazvan nekakav sastanak da bi se opravdala ova naša inicijativa koju smo podnijeli danas. Dajte nam informaciju je li kredit potpisan ili nije podpisan. Radi se o 26,5 miliona. Zašto? Pa ja sam prevaren kao vijećnik, kao predsjednik Kluba Tuzlanske alternative zato što sam glasao za povećanje vode 31. 10. 2013. godine, to su tri godine.

Tri godine pune mi 10% građanima naplaćujemo vodu, a 10% je bio preduslov da dobijemo kredit i bespovratna sredstva, bio preduslov da moramo povećati vodu, ali od onog momenta kad dođe kredit, kad se realizuje. Nema kredita.

Ima li ijedan projekat, da je, dajte mi jedan projekat da je realizovan iz ovog kredita. A 10% uzimamo od građana tri godine. Evo dajte mi odgovor na to pitanje.

Nemoj da lažemo jedni druge. Budimo iskreni jedni prema drugima i pošteni. Recimo istinu samo za ovom govornicom, ništa drugo ne tražim.

Ako jeste potpisan ugovor dajte nam ugovor da vidimo, dajte nam je li leglo makar jedan, je li jedan projekat urađen od tih sredstava. Ako jeste, aferim.

A tri godine plaćamo 10% skuplje struju, ne struju, vodu. Izračunajte koje su to pare.

Tražit ćemo naravno informaciju kad bude ova inicijativa koliko je to sredstava do sad uzeto i gdje su sredstva potrošena. Jer ona su bila namjenski da se kredit vraća od ti 10%. Zahvaljujem.

JOZO NIŠANDŽIĆ

Hvala. Izvolite Sabahudine. Ispravka je li tako?

SABAHUDIN IMAMOVIĆ

Ovde se već nekoliko mandata dešava stvar da se opozicija pravda što je bila opozicija. Dakle, što je iznijela svoje stavove, što je iznijela sumnju u kvalitet nekih projekata da li će se oni realizirati itd. Umjesto da se pozicija pravda što nije nešto uradila.

Nismo glasali za kredit zato što ne vjerujemo u efikasnost ove administracije, što nismo htjeli da ide u paketu povećanje cijene vode.

I šta se dogodilo? Došlo je samo do povećanja cijene vode, a kredit se nije realizovao. U Zenici se realizovao. Možda znaju ga realizirati. Možda ovde se nema kad od bavljenja svime i svačim. I zamolio bi kolegu Ajanovića da se smiri, čeka ga teška predizborna kampanja u kojoj treba da objasni građanima kako je od najvećeg oponenta postao nečiji jaran Jasminu Imamoviću. Da odgovori građanima pošto je dio vlasti četiri godine, za sve neuspjehe i sve promašaje.

Nema više u zadnji mjesec dana pričati kako si bio opozicija, nisam znao. Znao si. Upravljaš tokovima. Igraš vrlo važnu ulogu i podnesi izvještaj građanima.

Nama je lahko. Mi smo opozicija. Nismo nizašto krivi. Nismo zaslužni. Ono što nam je ostalo je da kažemo i to ćemo učiniti do kraja. Hvala. (MIRNES AJANOVIĆ - Replika.)

JOZO NIŠANDŽIĆ

Ima ispravka krivog navoda bio je Ivica. (Ja.) Jasminka. Pa ćeš onda ti.

JASMINKA MIJATOVIĆ

Hvala gospodine predsjedavajući. Pa ja ću reći da u vrijeme, kad je donošena Odluka o poskupljenju, HDZ Bosne i Hercegovine, odnosno Klub vijećnika nije bio u Vijeću iz dobro poznatih razloga, zbog problema s mjesnim zajednicama i to je taj ispravak.

No nekako ne volim i kao pravница i kao vijećnica ovog Vijeća govoriti o nečemu što nije tema, ali evo desi se situacija da smo primorani.

Kad je riječ o kreditnom zaduženju koji je imao itekako dobre predispozicije za pomoć građanima grada Tuzle, moramo reći zbog nemarnosti gradskih službi taj kredit nije realiziran na način kako je trebao.

Taj kredit, odnosno Sporazum o kreditnom zaduženju je objavljen u službenom glasniku Bosne i Hercegovine jer je morao proći tu proceduru. Znamo, evo već smo upoznati, da je voda poskupila 10% već tri godine, a da građani ne osjete dobrobit tog kreditnog zaduženja i bespovratni sredstava.

Poznata nam je činjenica da smo, poznata nam je činjenica i javnost, a imali smo i materijal o izvršenju proračuna kada je prva tranša koja je bila operativna 30. 6. 2015. i nije povučena zato što projekat nije bio spreman, smo platili penale. Ja ću reći iznos od 134.000 maraka jer mi je taj iznos negdje u glavi, ali ću si dati za pravo da sam pogriješila u par nekih, možda tisuća ili maraka, ispraviti će me kolegica. Ako su sredstva od 2.000.000 maraka, sad govorim ono što sam izčitavajući Sporazum vidjela, bila operativna krajem prošle godine, odnosno u decembru u 12-tom mjesecu. Ako je naredna tranša raspoloživa 30. 6. 2016. a sad je već već smo pred devetim mjesecom, onda je stvarno neprimjereno razgovarati tko je krivac o neizvršenju i nerealiziranju projekata, projekta koji je izuzetno dobro zamišljen i koji bi, pored građana donjeo itekakvu dobrobit građanima grada Tuzle. I ja vjerujem da će te pogreške biti ispravljene.

Ali je evidentno da zbog nestručnog postupanja odgovarajućih službi, neplaniranja projekata onako kako su zamišljeni Sporazumom. A Sporazumom su zamišljeni na način da

se finansiraju, to je već kolega Ajanović kazao, da se sredstva direktno plaćaju izvođaču radova.

Očito da se tu malo pobrkaju lončići, ja ću upotrijebiti taj pojam i to je razlog što građani Tuzle, još uvijek ne osjete dobrobit koja je itekako dobro zamišljena a glede rješavanja problema vode.

JOZO NIŠANDŽIĆ

Hvala. Repliku ima gospodin Ajanović. Izvolite.

MIRNES AJANOVIĆ

Opet da podsjetim, nešto što je friško. Mensur možda nije pratio medije. Jučer je bio predstavnik Švajcarske u vezi kredita. Jučer, dakle došao je onaj koji odgovara pred svojom zemljom za 26,5 miliona maraka.

Lice dakle koje nosi odgovornost za svoj rad, za ogroman iznos novčanih sredstava. Jučer pred svim medijima se potvrđuje, da sve što je dogoveno u vezi kredita bude u okviru svojih tokova koji su dogovoreni.

I međunarodni javni tender za konsultante sve. Mi ne možemo kao Grad ninašta uticati. I ovaj kredit sve su opštine mogle aplicirati na njega.

Govori se da mi nismo kao bili sposobni. Upravo smo mi, zajedno sa Zenicom, jedini bili sposobni da dobijemo, na javnom pozivu ta novčana sredstva.

Mogla su otići u bilo koji drugi grad ili opštinu. Upravo sve ono što je Grad uradio i mi kao dio parlamentarne većine, sve što smo uradili, odluke koje smo donosili su rezultirale da smo mi dobili međunarodni taj javni poziv, tender i dobili 26,5 miliona maraka. 14.000.000 poklon.

I šta smo mi to loše uradili? I pošto poštujemo njihove procedure gdje su nam nametnuli uslove sve u vezi kredita. Ninašta ne možemo uticati i juče predstavnik Švajcarske potvrđuje da se sve odvija po plana.

I nama se sada izlazi za govornicu i kaže vi niste znali da to realizujete. Gdje su pare kaže Mensur Alić. (SABAHUDIN IMAMOVIĆ – Gdje su pare? Gdje su projekti?)

Mensur Alić ne zna kako se dolaze, dobijaju pare sve ostalo. Nije mu jasno, evo očito, kako to kad Međunarodna zajednica provodi tender. Kada Međunarodna zajednica kaže nema direktnih novaca. Da neće Grad niti dobiti. Da će sve biti pod njihovim nadzorom.

Mensuru to nije poznato, ali je poznato u predizbornoj kampanji ili par mjeseci prije biti u koaliciji, odnosno zajedno s njima stati rame uz rame sa SDA, HDZ, SBB. (JOZO NIŠANDŽIĆ – Molit ću.)

Imam još jedno. Sad kad se ja vratim. (Ispravka krivog navoda.)

JOZO NIŠANDŽIĆ

Izvolite ispravku krivog navoda. Imate pravo i diskusiju.

Moramo voditi računa, možda je to zadnja. Nema više.

MENSUR ALIĆ

Ja kažem gdje su projekti? Da li je ijedan projekt urađen? Koliko smo platili penala? Ja hoću tu informaciju. A ovo Mirnese o čemu ti govoriš da ja ne znam. Danas u Skupštini, Parlamentu državnom se razgovara o projektu najuspješnije berde koju je primjenio u jednoj

tuzlanskoj firmi, ali treba pripremiti dokumentacije na hiljadu stranica da bi ušli u takve projekte.

Problem je stručnosti ljudi naših da li hoće da odrade do kraja kako treba projekte.

Nisam ja, ne krivim ja ovde ljude zato što hoću da ih okrivim. Nego krivim upravo zbog čega nisu urađeni projekti prije nego što se apliciralo za kredit. Ništa drugo.

Jer vi se ne možete nigdje prijaviti ako nemate projekta, ako nemate određenu dokumentaciju koju treba da bi dobili sredstva bezpovratna.

Pa vjerujte treba na hiljade stranica da napravite, otkucate, da uradite pranove, ovo ono, opravdanost svega toga. Nismo spremni bili za to. Nismo.

I mi jesmo. Jesu oni nas izabrali, ali mi nismo spremno dočekali njih. Daoće oni bogdom to realizovati za pet godina. A evo tri godine su prošle, a mi 10% plaćamo skuplju vodu. Gdje idu pare, ja pitam samo.

Jesu li oni akumulaciju napravili ti sredstava posebno na jednom od računa Vodovoda, da ti od ti 10% koliko je skupljeno, evo tražit ćemo informaciju, da taj novac nije utrošen nigdje na drugom mjestu, nego da je ostavljen da se vraća taj kredit.

Evo to je pošteno. Prema građanima, prema nama svima kao vijećnicima.

Ja govorim samo u interesu građana. Ništa drugo. Ne okrivljujem nikog ni za ovo ni za ono, nego samo hajmo raditi profesionalno svoj poso. Da iskoristimo ono što nam je ponuđena takva jedna Fondacija, nam ponudila takvo nešto. Mi je slatko prihvatili, ali nismo makli određene korake koji su potrebni da uradimo da bi došli do tih sredstava.

To je problem.

JOZO NIŠANDŽIĆ

Hvala. Repliku imate. Kome? (MIRNES AJANOVIĆ - Repliku.) Izvolite imate još tu repliku Imamoviću i više nemate replika Imamoviću, a ima repliku koju ste iskoristili već.

MIRNES AJANOVIĆ

Dobro. Replika, kaže Imamović da ja nešto navodno ili BOSS krije da je u parlamentarnoj većini i da mi to kao pred građanima treba da sad odgovaramo. Ne krijem. Ponosim se što sam bio dio parlamentarne većine.

Pravim na svakoj press konferenciji izvještaj zadnji evo, zadnji nekoliko, najmanje, a sve ostale otvorite bilo gdje, eno BOSS stranicu. Mi govorimo da smo ponosni što smo dio parlamentarne većine i šta smo sve uradili za ove četiri godine.

Juče press konferencija BOSS-a gdje govorimo, dajemo izvještaj o radu Kluba vijećnika BOSS-a u proteklom mandatnom periodu i govorim da smo dio zakonodavne vlasti, odnosno dio parlamentarne većine.

I govorimo šta smo uradili, ponosim se s tim. Izvještaj za 2013-tu rad Vijeća, od 83 tačke koje smo trebali uraditi da bi bili idealni, najbolji u državi, kažu svi svaka vam čast, uradili smo 622.

2014-te mandatne godine od 86 da budemo idealni, uradili smo 586. Prošle godine 506 tačaka uzevši period ovaj do sad, za četvorogodišnji mandatni period, kao dio parlamentarne većine, s ponosom kažemo 2000 tačka materijala je urađeno. Nigdje u političkoj istoriji ovog regiona to nije zapisano da je neko napravi.

Ja ću gdje god mogu Sabahudine, gdje god izađeš reci ovo da sam uradio. Recu ovo da je BOSS uradio, ovo su vijećnici Kluba SDP-a jer smo ostali mi dio parlamentarne većine, nosimo taj dio tereta i sad. Ostali su napustili, priklonili se SDA-u. Mi nismo.

Kada su nas pozivali da idemo u SDA govorio sam masu puta za ovom govornicom i nikad nije dematovao. Evo vam šta god hoćete. Jer smo bili evo Edim i ja. Mogli smo preći tamo. Oni imali većinu. Danas ima parlamentarna većina 16. Oni imaju 15. Nas dvojica da izađemo imamo viška jednog. Nismo pristali. Nikad nas niko nije kupio. Nema šta da grad plati cijenu. Napravili smo punu transparentnost rada Gradskog vijeća zajedno sa kolegama iz parlamentarne većine koji su ostali u parlamentarnoj većini, ne stide se toga. Kolegama iz SDP-a. Puna transparentnost. Sve sjednice Gradskog vijeća su u audio i video formatu na stranici tuzla.ba i objektivno.ba. Ali nebitno.

Na zvaničnoj stranici. Svi zaključci. Sve odluke. Puni transparentni rad. Rade se i rubne mjesne zajednice i grad se radi. Svi se rade. (JOZO NIŠANDŽIĆ – Mirnese.) I ja s eponosim s tim i uvijek kažem da smo to zajedno ostali sa kolegama iz SDP-a i nosimo taj teret i neka nas kazne ako nekog treba za taj teret.

JOZO NIŠANDŽIĆ

Hvala. Isteklo je vrijeme. Edime izvolite. Isto takođe replika, samo reci kome.

EDIM KADIĆ

Sabahudinu naravno. (Ovo je predizborna kampanja. Daj da krenemo raditi.) (JOZO NIŠANDŽIĆ – Pa jeste i krenuli ste tako, pa šta ćete.) (BERIZ SAKIĆ – Predsjedavajući prekinite raspravu na tačku dnevnog reda da radimo ili da idemo kući.) (JOZO NIŠANDŽIĆ – Dobro sad ćemo krenuti, prvo nećemo opoziciji dati da izađe i odma ćemo prekinuti. Vi hoćete tako izazivate pa tražite repliku. Izvolite, oprostite.) (BERIZ SAKIĆ – Ko je šta uradio ili nije uradio, narod će odlučivati.)

Ono što sam ja htjeo replicirati, moj predsjednik, inače dobar drug je već rekao vezano za prethodne četiri godine.

Ja se ponosim tim što smo možda jedina Stranka u BiH koja nije mijenjala, znači na početku mandata smo se dogovorili i ostali smo do kraja mandata.

Ako se sad vratimo malo u BiH i kažemo s kim SDA još nije koalirala da bi otišla na vlasti. Ima li ijedne stranke? Ima li? Nema.

Znači ostali onde, odtalil onde, dogovoreno dajte nam direktorsko mjesto, mi to nismo radili.

JOZO NIŠANDŽIĆ

Hvala. Samo malo. Repliku ima. Izvolite, ali vodite računa o vremenu. Molim vas. Ja vas molim da prekinemo ovaj dio.

MIRNES AJANOVIĆ

Nećemo, predsjedavajući, parlamentarno je pravo kada neko nešto kaže da neko drugi ima pravo da to može oponirati i podržati ili bilo šta drugo raditi kroz poslovničko pravo. (JOZO NIŠANDŽIĆ – Nemate više pravo.) Nema veze. Imam Mensur Alić i ja imamo po još jednu. (Četvrta replika.) (JOZO NIŠANDŽIĆ – Kome?) (Mirnesu.)

Nije, ovo je regularna. (JOZO NIŠANDŽIĆ – Ispravka krivog navoda.) Ispravka krivog navoda. (MENSUR ALIĆ – Nemojte ostavljati nekog zadnjeg da može govoriti.)

Ne treba. Ostavite vi Mensuru Aliću, ja se slažem da kolega iza mene govori.

Evo mogu li ja da predsjedavajući nastavim. (JOZO NIŠANDŽIĆ – Može. Mensur Alić je moj drag prijatelj, bez obzira na dva dana što počinje izborna kampanja i ovi zadnjih nekoliko mjeseci i sve ono što će biti u narednih ne znam koliko godina. I ostat ćemo prijatelji.

Nekada se i prijatelji moraju nekakvom ringu zakačiti. Dođu do sukoba gdje ih, eto nekakav taj, ta okolnost ili nešto dovede da moraju jedan protiv drugog.

Tako je bilo na raznim i sportskim nadmetanjima, bez obzira ili poslovnim, sasvim nebitno. Nekad se moraju dvojica sudariti, jer moraju. Hoćemo li obojica pobijediti ili će biti neriješeno. (JOZO NIŠANDŽIĆ – Mirnese replika.) Ja pričam o replici. Ja govorim i koristim svoje vrijeme kako ja hoću predsjedavajući. I neka se sudare, nekad neko pobijedi, nekad bude i neriješeno. Nekad obojica dobiju i šta ćemo. Ali kolega Mensur je upravo sam sebi rekao. Ovako kaže.

Hiljade stranica i hiljade ja sam morao nositi da bi dokazao međunarodnim zvaničnicima kada su tenderi i novci u pitanju koliko se mora dokazati i zato mu kažem zna šta znači procedura za ovaj kredit koji je trebalo dobiti za vodu.

Zna koliko su stranci nepovjerljivi, zna koliko oni ne vjeruju Bosni i Hercegovini, a onda kaže mi smo nespremno dočekali. Mensur Alić zna koliko smo mi spremno dočekali to samim time što smo dobili u žestokoj konkurenciji gdje je svaka opština želila uzeti 26,5 miliona maraka što smo mi kao Grad to dobili.

Svako je pokušao da dobije te pare. Grad je toliko dakle spremno odgovorio da je dobio te novce. Sve nakon toga je bilo u rukama međunarodni zvaničnika. Sav tajming sve od prošle godine tek počelo poskupljenje i odma krenulo poskupljenje, ali to smo morali uraditi da bi zaštitili te ljude, a i kroz sve to imat ćemo mogućnost boljih sigurnijih cijevi, manji onih gubitaka u mreži, manje one cijene koje su bile, koje sad povećavaju radi gubitaka.

Kroz 26,5 miliona maraka sve mjesne zajednice će dobiti vodu. I zato samo kažem, Mensur Alić zna to. Međutim, razumljivo je izborna je kampanja pa, siguran sam, siguran sam i još jednom siguran, da je Mensur Alić svjesno napravio pogrešku. Nije i pokazalo se kao pogrešno smjeo ući i stati rame uz rame sa ovakvim kao što su do sada opstruirali rad Sabahudinom Imamovićem i ostalim koji su s njim zajedno. (JOZO NIŠANDŽIĆ – Hvala.)

I zato se kasnije izvlačio za ovom govornicom. Pokušao se izvući i govoriti. Nemojte nas svrstavati nigdje jer je shvatio da je napravio vrlo loš potez. Iz kojih razloga neću sad da ulazim. Ne želim ulaziti u to zbog čega je on uradio.

JOZO NIŠANDŽIĆ

Molim vas redovna diskusija. (MENSUR ALIĆ – Ispravka krivog navoda.) (Replika.)

Ispravka krivog navoda, izvolite, neću ja osporiti nikome, ja samo vodim računa o onim redovima. Izvolite. Ksumoviću sad ćete vi.

MENSUR ALIĆ

Prvo ne dozvoljavam nikom da me stavlja, ne dozvoljavam nikom za ovom govornicom da me stavlja ni na lijevu ni na desnu stranu.

Ja sam to već nekoliko puta reko. Sredina je naša. S kim ćemo biti i kako ćemo raditi poslije izbora, šta će građani odlučiti, narod za koga će glasati, vidjet ćemo gospodo. Polako. Rano je o tome pričati.

A nemojte me svrstavati ni skim molim vas. Ni skim. Nemoj da vraćam sad ko je kupljen ovde, ko je ovo, da ne ulazimo u to. Nemojte molim vas. (JOZO NIŠANDŽIĆ – Nema potrebe.) Nema potrebe. Nemoj da otvorimo ta pitanja. Hvala.

JOZO NIŠANDŽIĆ

Gospodine Kasumoviću, čekaste ali dočekaste. (SABAHUDIN IMAMOVIĆ – Kad ću ja?) Kome? (Mirnesu.) Ne može kad si dvaput repliciro. (SABAHUDIN IMAMOVIĆ – Ja sam ispravka krivog navoda.) Nemoj. Idemo Kasumoviću.

ELVIR KASUMOVIĆ

Zahvaljujem se. Ja se nisam htio u ovoj raspravi uključivati, mada evo ostajem dužan, prije nego što se obratim po pitanju ove tačke dnevnog reda, gospodin Ajanović je rekao ne znam da li je ovo, da, Savez za bolju budućnost je takođe glasao za taj kredit.

Glasali smo mi za taj kredit, ali vjerujte gledajući sa ove sadašnje, današnje tačke gledišta ne bi mi to prihvatili. Da nam je sada to ponuđeno u ovom smislu kako je tada to ponuđeno od strane gospodina Aida Berbića koji je rekao da su pripremljeni projekti, da se na osnovu projekata dobiva kredit. Ovo je tačno o iznosima rečeno koliko je granda, koliko je kreditni sredstava, grejs period itd.

Međutim, baš iz tog razloga nerealizacije i ovo što gospodin Alić kaže, ja bi isto tako volio da gradski oci pokažu nam taj ugovor da je konačno sklopljen i da treba da se krene u realizaciju. Međutim, izgleda da je ovo samo jedna i opet priča koja će otići u zaborav, kao i do sada i mnoge priče koje su ovde rečene, pogotovo od strane izvršne vlasti, (JOZO NIŠANDŽIĆ – Malo tiše slušajmo.) Od strane izvršne vlasti. S tim u vezi moram pojasniti da upravo Klub vijećnika Saveza za bolju budućnost nije podržao ni ovaj kredit iz tog razloga što smo već jednom obmanuti i prevareni.

Izvršna vlast je imala naše povjerenje, dobila je naše povjerenje kad smo glasali za ova kreditna sredstva, međutim, obzirom na ni do dana danšnjeg ni jedan projekat iz tih kreditnih sredstava nije realizovan, a rečeno nam je da je već sa podizanjem cijene od 10% sa podizanjem cijene od 10%, cijene vode, da će se krenuti sa realizacijom i to ovako, citiram, u prvom, prvi projekat će biti saniranje primarne vodovodne mreže od izvorišta Stupari do grada Tuzle, jer je tu gubitak oko 30 do 40% vode. Sanacijom tog vodovoda otvara se mogućnost za priključenje još novi domaćinstava na vodovodnu mrežu. Da je drugi projekat sanacija samog vodovodnog, same vodovodne mreže na području grada Tuzle, znači užeg jezgra grada Tuzle, jer tada je rečeno da postoje ulice koje i danas dan imaju azbesne cijevi.

Mislim, samo sam citirao nešto. Obzirom da to do sad nije realizovano, evo ja kažem mi smo razočarani i da nam je sada to ponuđeno sigurno to ne bi prihvatili.

Isto tako nismo vezano za to, kažem, ni prihvatili ni ova kreditna sredstva, a evo opet se opravdanost pokazala na našoj strani da smo bili u pravu jer onih jedanest, dvanest tačaka, odnosno projekata koje je iz tog programa ponuđeno kao da bi se ti projekti izgradili iz kreditni sredstava nisu svi realizovani.

Nije realizovano ni evo radio se i rebalans ti kreditni sredstava pa je trebalo nešto da ode i za Stadion Tušanj da ide sa izgradnjom tribine, znači ni to nije pokrenuto. Nije pokrenuto ne znam ni ovaj most gore kod Direkcije, Telecoma itd.

To najbolje građani znaju. Ne bi ja sad dalje to. Gospodin Imamović kaže da je sa gospodinom Kurevićem hodao, ovo ono, ja ne znam čija je to inicijativa bila, da li je to privilegija ili sreća da možete na taj način. Evo ja na žalost nikakav kontakt nemam sa šefom te Službe prije svega.

Možemo se miu našim privatnim odnosima slagati, ne slagati itd. ali isto kao što smo imali nedoumice između određeni vijećnika, mi i dalje funkcionišemo i između sebe se uvažavamo, poštujemo, a neodazivanje na poziv telefonima itd. to je neprimjereno za šefove službi, tako funkcionise izvršna vlast gradonačelnika Jasmina Imamovića. Ne javljaju se vijećnicima, ne realizuju se određeni ugovore ni inicijative koje smo mi donijeli ovde na Gradskom vijeću.

Moram da kažem da u većini 90% slučajeva jednoglasno da su inicijative prihvaćane. Znači ne uvažava se mišljenje kako, evo da kažem opozicije, tako i same pozicije i tu se pozicija treba malo zapitati zbog čega je to tako.

Još bi samo jednu rečenicu da izkažem svoje nezadovoljstvo što se prilikom realizacije određeni projekata od strane izvršne vlasti pozivaju samo određeni vijećnici prilikom otvorenja tih projekata.

Evo ja znam da je inicijativa gospodina Malikića bila da se ide na proširenje vodovodne mreže u Solini. Ja ga na portalima i sredstvima informisanja nisam vidio.

Evo neka izađe ovdje, neka se izjasni da li je bio pozvan. Ja nisam, niti je moj kolega Habul, a znam da još mnogi vijećnici nisu bili pozvani.

Samo sam vidio određen broj vijećnika i to ne svih vijećnika iz te političke partije. Vjerovatno ima povlaštenih i u toj partiji koji se pozivaju, a koji se ne pozivaju na otvorenje koje kakvi. Moram napomenuti da su to novci građana grada Tuzle, da to nije niko iz svog džepa dao da su to novci svih nas i isto tako i s opravdanjem da se mi pozovemo, a ne samo na otvorenje ti projekata, ne samo na promociju sekretar kojekakvi promociju knjiga, ne znam otvorenje izložbi itd.

Znači, mi se pozivamo na te promocije, a ne pozivamo se na promocije otvorenja ovih infrastrukturnih projekata.

Sada bi krenuo na tačku dnevnog reda i evo nadam se da ćemo se konačno po tom pitanju i izjasniti.

Već je ovde rečeno da nismo učestvovali u kreiranju Budžeta. Nije nam dopušteno, prije svega.

I napomenuli smo da sam Budžet po sebi nije dobro koncipiran i da je nerealan i to smo sugerisali u nacrtu i usvajanju Budžeta.

Kad kažem da nije dobro koncipiran i da je nerealan podkrijepit ću to činjenicom da su odmah poslije usvajanja Budžeta da se krenulo sa podizanjem kreditnih sredstava.

Znači da nije Budžet usmjeren u realne i stvarne potrebe građana grada Tuzle.

Da jeste i da je to dobro isplanirano ne bi nam trebala ta kreditna sredstva. Napomenuti ću da mi godišnje na bazi obeštećenja od rada Termoelektrane odprilike kažem, dobijemo 5.000.000 maraka.

To su ta kreditna sredstva koja smo podigli i evo koja se sad na žalost realizuju, moram reći u ovoj kampanji.

Diže se asfalt koji već postoji, stavlja se novi. Ispunjavaju se nečije želje, možda proširenja trotoara itd. mada to ne znam da li je to i regulacionim planom predviđeno, što sumnjam, dok recimo određena naselja nisu sanirana još uvijek ni udarne rupe. Evo pitanje koje se provlači već tri godine unazad, a da ne kažem da određene mjesne zajednice još uvijek hodaju po blatu, odnosno građani određeni mjesni zajednica itd.

Moramo malo biti osjetljivi prema toj kategoriji stanovništva. Prije svega da kažem stanovništva koja se nalaze u visinskim zonama grada Tuzle, ali i ruralnim sredinama.

Što se tiče izvještaja o izvršenju Budžeta, kao što sam već rekao i obrazložio, mi ne možemo to podržati, ali izvještaj o korištenju sredstava tekuće rezerve za period 1. 1. do 30. 6. to Klub saveza za bolju budućnost će podržati.

Slažem se da vjerovatno tu ima, ne malo dosta i predizborne da se određenim kategorijama dodijeli kojekakva jednokratna pomoć od strane gradonačelnika i koliko je već utrošeno 75% ovih sredstava.

Ja ću reći samo još jednu rečenicu iz samog ovog izvještaja u koje svrhe su utrošene 90% samo kažem dabogda nikom ne zatrebalo, ali evo podržat ćemo to i nadam se da ovim građanima nikad više ovo neće zatrebat, evo molim dragog boga da usliši ovu moju molbu.

Prema tome, evo što se tiče tačke mi nećemo podržati, a ovaj izvještaj hoćemo.

JOZO NIŠANDŽIĆ

Hvala. Repliku ima. (NEDŽAD MALIKIĆ – Imam i ja repliku.) ja sam smatrao da smo zaključili s njima.

SABAHUDIN IMAMOVIĆ

Pa i ja bih volio da nemam potrebe, ali ne možemo ostati dužni na neke istupe nekorektne.

Dakle, još jednom da se osvrnem na onaj kredit. Ja sam još prije tri godine govorio da je to sukob između švicarskog sata i bosanskog vekera.

Misle naši dobit pare pa dati ešefinžinjering da pravi vodu. Pa eto ljudi, to je civiliziran svijet koji hoće projekte, hoće pripreme i ostalo. Dakle nismo u stanju da potrošimo novac.

Drugo, ispada da je ovim gradom vladao BOSS i da je on zaslužan za sve što je dobro u ove protekle četiri godine, da je SDP kriv za sve što je loše.

Malo da se dogovorite. Treće, mi nismo zvali Mensura Alića, vi ste njega otjerali. Mi nikog nismo zvali. I četvrto, mi nismo tamo neki. Mi smo Klub najjače Stranke u državi. Vi ste tamo neki. Vi možete mešetariti ovako kad je opozicija i pozicija nedovoljno jaka da napravi većinu. I to vam je zadnji labuđi bijeg. Hvala.

JOZO NIŠANDŽIĆ

Izvolite Malikiću.

NEDŽAD MALIKIĆ

Nisam namjeravao to istaći, ali stvarno se ružne stvari dešavaju kad je u pitanju otvaranje vodovoda u naselju, u mjesnoj zajednici Solina.

Ja moram ovde istaći da sam ja, kao predsjednik Savjeta Mjesne zajednice, zajedno sa tim građanima i još davne 2009. kad su u pitanju Gornji Dolovi uplatili sredstva. Kad je u pitanju Donji Dolovi 2010-te. Sramota je da se nakon šest godina otvara gore voda, a 2008-me su napravljeni preduslovi, prilikom izgradnje (nerazgovjetno izgovorena riječ op.a.) jednog velikog rezervoara 200 m³ vode tada su se i Donji Dolovi za vrlo mal iznos sredstava mogli da priključe. I na osnovu toga su građani i skupili pare i uplatili i nakon šest godina su dobili svoju vodu.

Ali žalosno je to upravo to što su samo pozvani, pozvani vijećnici SDP-a pojedini vijećnici i dva člana Savjeta u Mjesnoj zajednici koji dolaze iz reda SDP-a. To je sramotno.

Sramotno je što se hoda kroz mjesne zajednice, ljudima se prijeti, da će se neki projekti realizirati ako se bude glasalo za SDP.

Ja sa ove govornice poručujem svim građanima. Ko god da dođe poslije 2. oktobra realizirat će se projekti, ali je sramota da predsjednik Savjeta jedne velike mjesne zajednice hoda i prijeti građanima ako se budu glasali za SDP da će jednostavno izvisiti taj projekat, a ja im poručujem da će poslije 2. oktobra vrlo, vrlo lakše dobijati projekte za koje su još davno skupili sredstva.

Nemoj da zaboravimo da sam ovde predlagao kreditna sredstva, kreditna sredstva kad smo dizali da dignemo još milion maraka da sve projekte za koje su građani skupili finansijska sredstva da se realiziraju.

Ako nemamo novaca građani, nećete više ni skupljati novac, jer ne možemo realizirati taj projekat. Ponovo ću spomenuti projekte koje nismo realizirali. U 2010. skupljena su takođe sredstva za naselje Pekmezije mjesna zajednica Solina. Gospodin Kemal Kurević je u srijedu prošlu, predprošlu, ne znam više ni koju zakazao sastanak zajedno sa mnom i da dođem s tim građanima da pokušamo nešto riješiti. Nije mi se više ni javio na telefon. To je sramota šta se dešava. Hajmo riješiti ljudima probleme, nije bitno ko im je riješio.

Uvijek će biti problema, ali se problemi moraju rješavati, ali nemoj da dolazimo u situaciju, do sad se to nije nikad radilo. Bez obzira iz koje političke partije da se dolazi, projekti se moraju prema GAP-u da realiziraju.

Taj projekat je još trebao 2012. uraditi. 2006-te godine je urađen projekat kanalizacije u Solini u dužini od 800 metara.

Urađen projekat, trebao se realizirati 2008. godine, ni do dana današnjeg nije realiziran, a uredno smo, od ove godine, od drugog mjeseca tim istim građanima počeli naplaćivati odvođenje otpadnih voda.

Da se vratimo na tačku dnevnog reda. Ja sam uzeo i tražio poslovničku i molio sam da se vratimo na dnevni red.

Otvorit ćemo tačke koje ne trebamo otvarati. Upravo iz razloga da ne bi bilo predizborno, tražio sam da se vratimo na tačku dnevnog reda, imamo tačku kad su u pitanju kreditna sredstva i hajmo se vratiti poslu, odnosno tački dnevnog reda koja jeste.

Takođe kad sam tražio vezano za projekte, evo neka se izađe i kaže koliko je gradska, koliko je košto projekat Gradske ulice? Da se izađe i kaže. Po projektu je 350.000 neka izađe gospođa Suada i kaže koliko je košto projekat.

I ako imamo još neki projekat koji je realiziran koliko je košto i je li ostalo sredstava. Nisam ponjeo zaključak je tu, dobio sam ga od Medihe, Mediha hvala ti lijepo, decidan, jasan, da se ne smije ni jedna marka viška utrošiti bez saglasnosti Gradskog vijeća. Tu je zaključak pa ću ga pročitati.

JOZO NIŠANDŽIĆ

Hvala, mada nisi repliciro, ti sad drugo reko. Izvolite. Poslovničku ima Nada.

NADA MLADINA – zamjenik predsjedavajućeg Gradskog vijeća Tuzla - vijećnik Socijaldemokratske partije

Ja vas sve srdačno pozdravljam i neću ništa novo reći, ali podsjećam da je ovo Vijeće radilo kao kolektivno zakonodavno tijelo, cjelovito i da sve ovo što se govori u prvom licu jednine, ja sam ovo, ja sam ono, mislim da u najmanju ruku je neukusno, ali dobro.

Nismo krivi, a nismo ni zaslužni samo mi, što su projekti realizovani i što je ovakvo izvršenje Budžeta, mislim da nas u parlamentarnoj većini.

Niko se ne može prati od odgovornosti niti o svojoj obavezi koju smo zakletvom kad smo se konstituisali dali kao vijećnici.

Otišla sam daleko od poslovničke intervencije. Molim vas da se, obzirom da ste se izjasnili kao predstavnici klubova, mislim na Klub Stranke demokratske akcije, mislim na Klub Narodne stranke Radom za bljatak, Tuzlanske alternative. nisam dobro upratila šta je Hrvatska demokratska zajednica rekla (JOZO NIŠANDŽIĆ –Nije još, čekaju.) dobro, dobro, zato kažem ni ne govorim, da traženje sad odgovora na ovo ili ono pitanje od gospođe Suade a decidno rečeno nećemo glasati za to, mislim da nas samo vuče u nove replike, rasprave itd.

Mislim da nema smisla, naravno da ima pravo svak da pita, ali kaže ja neću glasati, ali nek mi se odgovori. Ako će to promijeniti stav tog kluba ili tog vijećnika, to onda ima smisla, ako ne, ja nemam namjeru, sad govorim u prvom licu jednine, da se mučim tokom ove sjednice više nego što je potrebno. Toliko.

JOZO NIŠANDŽIĆ

Hvala. Ivica izvolite ispred Kluba Hrvatske demokratske zajednice.

IVICA KOVAČEVIĆ

Još jednom, lijepo pozdrav svima. Pa evo Klub vijećnika HDZ-a Bosne i Hercegovine takođe neće podržati izvještaj, odnosno izvješće o izvršenju Budžeta Grada Tuzla za prvih šest mjeseci ove godine. Mi kao Klub nismo na početku godine glasovali niti za prijedlog proračuna, bili smo suzdržani. Nismo podržali ni kreditno zaduženje. Takođe smo bili suzdržani. Nismo bili protiv proračuna naravno, ali smo bili protiv načina na koji se evo njim upravlja.

Ako se ne mogu riješiti barem neke male, male sitnice koje više služe evo da budu i pokazatelj aktualne većine nekih trendova i procesa onda stvarno ne znam o čemu trebamo govoriti. A to nije slučaj samo u ovoj godini, to je slučaj za četiri godine.

Isto tako bili smo protiv kreditnog, odnosno suzdržani po pitanju kreditnog zaduženja ne zato što smo bili protiv nekog od onih projekata već zato što je tamo bilo onako paušalnog navođenja nekih iznosa, pa to treba za nešto milion, pa nakon mjesec dana kaže ne treba milion treba 700.000 itd. itd. da se više ne vraćamo na to.

I ovaj put kažem, iz svih tih razloga nećemo podržati ovo izvješće koje se danas nalazi pred nama. Zašto nismo podržali na početku izvješće još jedan dobar razlog, to sam rekao i početkom godine, jesu i ova sredstva koja dobiva Grad Tuzla od Termoelektrane, odnosno sredstva otvorena radom Termoelektrane.

Ja sam tad u prvom mjesecu, dvanaestom, kad smo već usvajali proračun, rekao kako nikako kao vijećnik ne mogu prihvatiti činjenicu da mi od tih sredstava odvajamo pola miliona KM za vraćanje znači kredita Javnom komunalnom poduzeću Vodovod i kanalizacija, to je nešto što mi je bilo apsolutno neprihvatljivo.

5.000.000 koje dobijemo i koje trebamo uložiti u grad Tuzlu, prije svega u one dolje ljude koji žive uz samu tu Termoelektranu u Bukinje, Šićki, Husino, Ljepunice, Solanu i šta već sve, da ne nabrajam te najbliže mjesne zajednice, mi od tih znači 5.000.000, pola milijuna izdvajamo za vraćanje kredita.

To je nešto što je meni, kažem kao vijećniku, bilo apsolutno od prvog trenutka neprihvatljivo.

I sada da ne otvramo svu ovu priču koju smo slušali oko vode, ono što me također, evo jako jako razočaralo jest i s ovim ću završiti pošto su kolege već mnogo toga rekle. Jako me razočarala jedna stvar, evo maloprije smo spominjali ovaj kredit.

Dakle, ljudi u Dragunji su sa dva mala kraka puta duljine jedan 120 čini mi se, jedan 150 metara, prije sedam, osam godina uplatili sredstva.

Jedan taj projekt, znači ti 120 metara gdje su dva čovjeka uplatila da im se to ugradi, prije osam godina su prošle godine vratili, tražili povrat sredstava. Ako mi ne možemo u osam godina, nakon što smo uzeli od ljudi novce, asfaltirati 120 metara puta, pa o čemu mi ovdje govorimo.

O čemu mi ovdje govorimo? Dakle, evo to pokazuje odnos tuzlanske vlasti prema njezinim građanima, prema ljudima koji ovdje žive. I možemo mi sad ovdje govoriti uloženo je ovdje, ondje. Treba otići na teren, sa ljudima razgovarati pa ćete vidjeti kakvo mišljenje ljudi o svemu tome imaju.

Možemo mi ovdje govoriti, to me onako malo smeta, nisam to do sad govorio, možemo mi ovdje govoriti mi smo usvojili dvije tisuće točaka dnevnog reda, različiti materijala itd. itd.

Pa izađimo malo na ulicu pa pitajmo ljude, građane Tuzle šta oni misle o tome, o ti dvije tisuće točaka dnevnog reda i materijala koje smo analizirali.

Da vidimo jesu li oni zadovoljni time što smo mi usvojili tako silne točke dnevnog reda. Mislim, kažem sve su to neki pokazatelji koji govore o odnosu vlasti naspram njezinih

građana. I kažem, rekli smo tad na početku, to ponavljamo i sad i dalje još uvijek stojim čvrsto i za toga da smatramo kako je i kredit i iznenadni suficit u stvari samo bio način da se financira predizborna kampanja za ove izbore i zato mi nismo u prvih šest mjeseci potrošili, ne znam koliko ste rekli gospodine Imamoviću, sredstava zaboravio sam točan broj Komunalna služba, zašto to čekamo sedmi, osmi, deveti da se pokažemo pred izbore? Hvala lijepo.

JOZO NIŠANDŽIĆ

Edim Kadić izvolite. Replika.

EDIM KADIĆ

Pošto nas gledaju naši sugrađani, ja bi zamolio da se ispita ovaj navod što je gospodin Ivica rekao da za osam godina nismo bili u stanju 120 metara puta da asfaltiramo.

Mislim da to je razlog neki drugi, da to nema veze, prepostavljam da se radi o imovinsko-pravnim odnosima ili nečem, ali mislim da mi kao Vijeće zaslužujemo ovdje da dobijemo odgovor i da, ako je to tačno, da tražimo da onaj ko je to trebao da realizira, da odgovara.

JOZO NIŠANDŽIĆ

Izvolite.

JASMINKA MIJATOVIĆ

Ovo je definitivno točan podatak i predsjednik Kluba vijećnika HDZ-a Bosne i Hercegovine gospodin Kovačević je kazao jedan od projekata koji su nerealizirani i putem predstavnika mjesne zajednice, znači putem Savjeta Mjesne zajednice, ali izravno građani se svakodnevno četiri godine obraćaju za realiziranje projekata gdje su prikupljena sredstva.

Znači, ti projekti su u većini ruralni mjesnih zajednica i odgovorno tvrdim da je takvih projekata jako mnogo, ali su oni svi vidljivi i kroz GAP izvješće koje smo imali gdje su građani skupili određena sredstva, pa u tabelarnom prikazu stoji nedovoljna sredstva i imate projektna dokumentacija nije urađena.

To je na neki način pravdanje za nerealiziranje projekata gdje moramo priznati svi građani teško skupe finansijska sredstva u tim mjesnim zajednicama, za realiziranje bilo kojeg projekta, a očekivaju razumijevanje i senzibilnost nas, kao Gradskog vijeća i gradski službi da im se omoguće samo normalni uvjeti života i riješe osnovni komunalni problemi koji već dugi godina tište te mjesne zajednice, ali su i preduvjet života u tim mjesnim zajednicama.

JOZO NIŠANDŽIĆ

Hvala. Zaključujem raspravu klubova. Otvaram raspravu klubova. Ajanović se javio kao vijećnik. Je li ostajete?

MIRNES AJANOVIĆ

Nisam u okviru Kluba vijećnika to uradio jer je Kadić to na vrlo dobar način, a sad

kao vijećnik, svejedno.

A inače sam predsjednik Kluba vijećnika, želim da kažem da rad nas ovdje u Vijeću nije samo, i to dobro znamo rad na ovim sjednicama.

Mi ovdje, ono što smo vidjeli na terenu, čuli, saznali, dobili informaciju, sami otišli i informisali se, tražili informaciju ili građani došli do nas, onda to samo implementiramo realizujemo ovdje na sjednicama Vijeća kroz inicijativu.

Nije sramota kad vijećnik ide, hoda po mjesnim zajednicama, naseljima i traži informaciju šta to treba uraditi, kao što je recimo mene prozvao Sabahudin Imamović.

Ja umjesto da sjedim, svoje vrijeme trošim na način da uživam u nekakvom slobodnom vremenu, taj dio slobodnog vremena potrošim da pokušam biti dodatno koristan građanima koji su izašli i glasali, pa i onima koji nisu glasali.

Ne znam ko je glasao, ko nije. Neko je stajao u redu, glasao za nas, mi smo danas tu i šta sad. Treba da kažem ja sam završio sjednicu odo ja kući baš me briga. Eto pročitao sam ja čak i materijal, pa nešto sam ja i diskutovao. Ne. To je samo jedan dio segmenta koji se vidi. Ono ostalo se ne vidi. Bar se ne vidi ovako javno.

I opet kažem i sad, ja ponosno nosim teret zakonodavne vlasti, odnosno dijela zakonodavne vlasti u ovom gradu, Gradskom vijeću Tuzla. Ostali smo SDP i mi, nas 16. Dva kolega koje sam (nerazgovjetno izgovorena riječ op.a.) Enes i Ado. Svi smo zajedno.

Nismo ni poklekli, ni predali, ili potakli bilo kakvim uticajima, pritiscima, bilo čemu, pa niti strahu da će nas neko kazniti.

Ponosno smo radili i ovo što smo radili, teret nosimo pa bio pozitivan ili negativan. Koliko su građani vidjeli ili nisu. Možda budemo kažnjeni, možda nismo uspjeli vidjeti.

Mediji koji su na vrhu, koji prezentiraju informacije i pojave u gradu, ne postojimo za njih.

Ali, opet u izvještaju o radu, nije me sramota reći, naprotiv, opet se ponosim da smo radili taj dodatni dio na terenu, evo Edim Kadić vijećnik i ja.

Nekad on sam, nekad zajedno, nekad ja sam. Nekad putem naših povjerenika tako djelovali i sigurno radili i Klub vijećnika SDP-a govore o nama sada jer smo mi dio parlamentarne većine i mi nosimo teret toga.

Ostali koji su bili su se odrekli toga, ne žele taj teret. Njih te naše radnje očito ne interesuju. Ti 2000 tačaka koje se minimiziraju, što je dato pet, šest puta više nego što je idealno da smo uradili. Dakle, od idealnog smo radili pet, šest puta više. Da ne govorim o sjednicama Kolegija gdje smo takođe rješavali brojne tačke dnevnog reda što bi moglo se na kraju reći, da je deset puta se više uradilo nego što je bilo potrebno da se radi, da bi bilo idealno.

Radili smo i zajedno nosimo teret. I nosit ću teret. A mogli bi biti i kažnjeni. Možda građani to nisu vidjeli.

Možda ovakvi manipulatori idu pa hodaju, prodali se, kupili se, dobili su, platili su cijenu itd. Možda će lagati o nama i lažu sigurno.

Možda ćemo platiti cijenu. Ali ja sam miran jer znam da ove sjednice postoje, evidentirane su na tuzla.ba i po zaključcima Vijeća stajat će i za deset, petnest slijedeći godina, pa će možda neko uzeti jednu sjednicu tako da samo proba pa će vidjeti da smo u svakoj učestvovali.

Po svakoj tački dnevnog reda smo bili dali angažman ili prije sjednice Vijeća ili na samoj sjednici. Ako smo dobro pripremili nije bilo potrebe za diskusijom. Ali smo radili prije toga. (JOZO NIŠANDŽIĆ – Pet minuta traje.) Imam pravo kad sam se javio koliko hoćeš puta, ako insistiraju, samo vi recite da završim, kad završim opet ću se javiti, nije problem.

Ja nikome nisam rekao, rekao sam uvijek, ko god minuta ima neko pravo da govori, dajte mu koliko god hoće. Ima predsjedavajući pravo i to.

Slobodno, ja sam za. Imam pravo i nikad nisam išao na to da nekome sad uzme pravo da govori. Neka kaže ko hoće i šta hoće i kako i uvijek je to bilo.

I transparentnost rada Vijeća. Transparentnost svih preduzeća, plate, imenovanja, sve ide preko Vijeća, sve ide preko sjednica audio i video.

I ostaje zapisano. Nema više sakriveno u papirima. Sve su to naše zasluge parlamentarne većine. Ostaju sad već slobodno SDP-a i BOSS-a i nosimo taj teret.

E sad ovaj dio direktan gdje Sabahudin kaže ide pa hoda. Tačno, išao pa hodao.

Kada sam, narod vidio da smo u Budžetu usvojili određena novčana sredstva za rekonstrukciju cesta. Kada sam, naravno, između ostalog inicirao da se riješe pristupni putevi svim džamijama, odnosno vjerskim objektima na području Bosne i Hercegovine, rekonstrukcija cesta, u ovom mandatnom, u ovom dakle izvještajnom periodu, evo, realizovao se put prema džamiji Krojčica 80 metara riješeno, asfaltirano.

Put prema Osoju, koji je bio oštećen, niko ga nije gledao, riješen i put prema džamiji prilazni 50 metara riješeno.

Put prema džamiji Gornji Čaklovići riješen, koji se, govorim o ovim džamijama.

Takođe inicijativa stoji za ostale vjerske objekte. Evo da ne govorim sada o ostalima koji su bili rađeni u ovom proteklom periodu. Govorim o onima gdje sam konkretno, direktno išao, hodao, lobirao.

Džamija koja se nalazi u Ljepunicama, takođe. Brojne, džamija u Mramoru. Nisu imali potrebne papire. Nemoguće izraditi. Išao sam više puta kod šefa Službe za prostorno uređenje i uspjeli smo legalizovati džamija je izgrađena.

A rekli su nemoguće. Deset godina stajalo nemoguće, ne može se graditi. (JOZO NIŠANDŽIĆ – Još jedan minut imate.)

Može predsjedavajući, ja kažem, vi recite je li meni isteklo, a ja imam po Poslovniku pravo kad prođu svi, opet se javiti. (JOZO NIŠANDŽIĆ – Dobro sad imate.) Predsjedavajući što mi oduzimate vrijeme? Samo recite, isteklo vrijeće i ja ću prekinuti. Nije uopšte sporno.

Sad bezveze mi uzeli pola minuta. Nasjedate na neku manipulaciju bespotrebno, a niko od nas nije govorio njima isteklo vrijeme. Nikad niko od parlamentarne većine nije rekao isteklo vrijeme, oni govore koliko hoće. Slobodno. (JOZO NIŠANDŽIĆ – Samo izvolite rekao sam.) Ne trebate nasjedate na te provokacije.

Brojne mjesne zajednice direktno sam obišao, gdje su u više desetina naselja, gdje god je bilo potrebno, ono što se moglo sanirati po putnoj infrastrukturi, dovezeni kamioni kamena, potrebni. Gdje su građani sami, naravno pristali da oni taj kamen i urede, eto negdje su morale doći mašine, valjak ili slično.

Desetine mjesnih zajednica, da skratim, govorim predsjedavajući, ovde je spisak gdje se sve išlo, gdje sam obišao.

Evo govorim putevi koji su se radili. Pa u Mramoru gdje je put 78-me zadnji put napravljen, rekonstruiran, nikad više od tada u hiljadu metara je napravljeno.

Prema starom Mramoru. Evo koleginica je sa mnom bila, naselje Pasci, odnosno mjesna zajednica Par Selo, naselje Jurići.

Više stotina metara, većinom hrvatsko naselje i radili smo, bili smo koleginica Selma bila na otvaranju puta. Koliko, podsjetite me, više 600 ili 800 metara puta ili više je urađeno.

Predsjedavajući je bio, bili smo svi. (JOZO NIŠANDŽIĆ – Jeste, jeste.) Dakle, rade se, a direktno smo bili i prije toga i lobirali, a ovaj dio koji sam takođe ja sjeo, bukvalno eto išao sam sa svojim kolegama, kolegom Čivićem, kolegom Kadićem, Hirkić i ostali povjerenici, pa lično sam obišao sve mjesne zajednice.

Gdje god nije bilo stupa rasvjete, na osnovu ovi budžetski sredstava, koje sad smo dobili za ovu godinu ili polumjesece, gdje nije bilo stuba rasvjete, evidentirao sam i dostavio informaciju Službi za komunalne poslove.

Gdje je postojao stub električne rasvjete, a nije bilo sijalice, sijaličnog mjesta, tražili smo da se postavi. Po brojnim mjesnim zajednicama, između ostalog, predsjedavajući, to ću, kada prođu svi, pa ću se javiti još jednom, izgleda da sam potrošio vrijeme. Hvala.

JOZO NIŠANDŽIĆ

Hvala. Molim vas, samo malo. Gospođica Erna Delić. Izvolite.

ERNA MEŠIĆ – vijećnik Socijaldemokratske partije

Zahvaljujem predsjedavajući, evo pošto su okončane predizborne aktivnosti opozicije za ovom govornicom, ja bi da se obratim ispred Kluba vijećnika Socijaldemokratske partije i evo prvenstveno da kažem da ćemo mi oba izvještaja podržati, za razliku od opozicije nama, kao i za ovaj izvještaj i kao i za rebalans Budžeta koji smo usvajali u mjesecu maju, nama ne treba objašnjenje.

Vidim da je dosta puta za ovom govornicom upravo traženo objašnjenje suficita, ali ja bi napomenula, kolega Ajanović je to dosta puta ponovio za govornicom, kolege iz opozicije nisu bile prisutne kada smo mi usvajali taj Rebalans Budžeta, prema tome, davati objašnjenje nakon nekoliko mjeseci, iako su uredno poziv dobili i sve materijale vezane za tu sjednicu, mislim da je sasvim suvišno. A evo vidjeli smo sve ove predstave zašto i čemu je u stvari sve to poslužilo.

Osvrnula bi se na par stvari koje su rečene za ovom govornicom bile, evo citirat ću da se novac iz Budžeta troši na igre. Ja bih pitanja Stranku demokratske akcije je li igra uklanjanje arhitektonski barijera na području našeg grada? Je li igra voda u Lipnici? Je li igra davanje pomoći licima čije su kuće uništene? Vi godinama ne glasate za ovaj Budžet pa pretpostavljam da iz tog razloga mislite da naš Budžet, Budžet Grada Tuzle, budžet građana i građanki Tuzla, u stvari služi za igru?

Zašto citiram Stranku demokratske akcije? Zato što ste u istoj rečenici spomenuli da ste najjača Stranka u državi.

U istoj rečenici spomenuti da novac služi za igru i da ste najjača Sstranka u državi upravo služi u korist tome da smo mi sami svjedoci šta federalna Vlada radi, šta radi Vlada Fadila Novalića, šta rade penzionerima, koliko kasne, koliko stambenih jedinica u vlasništvu, u našem vlasništvu se prodaje kako bi se penzije isplatile.

Šta radi Vlada Federacije, Vlada Kantona, kako se brine o borcima, kako se brine o radnicima Tuzla-kvarca, pa da evo, povezat ću u svemu tome i Tekuću rezervu gradonačelnika, koja jeste povećana ove godine i hvala na toj (nerazgovjetno izgovorena riječ op.a.) ali isto tako iz izvještaja se vidi iz kojeg razloga da bi se stambeno smjestili ti demobilisani borci, o kojima se ne brine ko treba da se brine.

Za 95 radnika Tuzla-kvarca i dalje da ne nabrajam, a mislim da smo mi itekako toga svjesni. Da naglasim, neću, niti planiram ulaziti u replike. Sve ovo što sam zapisala stvarno ostavila sam za kraj kako bih evo i građani i građanke koji će pratiti putem ekrana ovu samu sjednicu, zaista spoznali sve ono što je danas za govornicom izrečeno. Raspravljati o nepostojećoj informaciji o kreditnom zaduženju Vodovoda i kanalizacije već, ne znam ni ja evo dva sata od kako smo počeli je sasvim suludo, bez prisustva ikoga iz nadzornog odbora tog navedenog preduzeća gubimo i snagu i vrijeme na nepotrebne stvari, a evo svi oni koji su gledali i koji će gledati, zaista mislim da će prepoznati sve ovo što se danas ovde dešavalo. Hvala.

JOZO NIŠANDŽIĆ

Hvala. Repliku ima Malikić, pa Tupajić.

NEDŽAD MALIKIĆ

Replika se odnosi mojoj kolegici upravo kada je u pitanju Tuzla-kvarc. Ovde moramo istaći, spomenuti jednog gospodina, to je Šarić Hamza koji je riješio taj problem s Tuzla-kvarcom, a to nije riješila Gradska uprava i to su bitne činjenice. I zato kažem ne treba Tuzla-kvarc miješati u te stvari jer tom pričom, gospodin je preko svoje firme je uspio riješiti i premostiti taj problem.

Toliko.

JOZO NIŠANDŽIĆ

Gospodin Tupajić ima ispravku krivog navoda. Izvolite.

MIRZA TUPAJIĆ - vijećnik Stranke demokratske akcije

Replika upućena mojoj kolegici Erni Delić. Jako mi je simpatično njen uvod, evo ja ću kažu, nadam se evo poslije kaže diskusije opozicije, je bila kao predizborna, predizborna kampanja a onda si ti to upravo isto uradila.

Upravo to. Ti si upravo to na kraju izlaganja isto tako to uradila.

Međutim, opozicija nije glasala za Budžet jednostavno zato što nikad nam nisu usvojeni naši Amandmani. To je svugdje u svijetu tako.

Nemoj dobacivati. Znači, to je tako, a ne sad ako mi nismo glasali za Budžet, mi smo protiv znači izgradnje puta u Mramoru što je ono, ono je cirkus za Dan Mjesne zajednice. Ono je sramota svih nas.

Onako obilježavanje Dana Mjesne zajednice. Znači da se drže govori prije polaganja cvijeća na spomen obilježje. Mislim, van pameti.

Govorim ovde o Budžetu gdje imamo tamo i javna preduzeća, a ja ovde ne vidim ni jednog direktora, izvještaj je ipak Budžeta, direktori javni preduzeća i javni ustanova. (JOZO NIŠANDŽIĆ – Izvještaj je opštine, nije javni preduzeća.)

Nema veze, ozbiljnost je znači ovog dokumenta. Nema nam ovde, osim par šefova službi, pomoćnika gradonačelnika, neki nema ovde. Možda meni, trenutno najbitniji Pomoćnik gradonačelnika Kemal Kurević. Nema ga ovde.

Od februara, ja sam poželio gradonačelnika vidit ovako ovde, da popijemo kafu, šta ima legendo itd. Nema ga.

Znači čelni čovjek grada, ovog zakonodavno tijelo, nema čovjeka. Žalosno. (JOZO NIŠANDŽIĆ – Biće naredne četiri godine.) Ja se nadam, ako bog da, da neće. (JOZO NIŠANDŽIĆ – Biće, biće ne sekiraj se.) A vidjet ćemo, opet to građani biraju, demokratsko pravo građana. Ali neće, stvarno. Jako neozbiljno da ga nema i tako. To je to.

JOZO NIŠANDŽIĆ

Hvala. Ima još. Ti si se javila za repliku? (ERNA MEŠIĆ – Nisam, rekla sam da neću replicirati.) Ajanoviću vi ste se javili? Habule izvolite.

JASMIN HABUL – vijećnik Saveza za bolju budućnost

Zahvaljujem predsjedavajući, pozdravljam sve prisutne u sali, posebno građane koji će pratiti ovu sjednicu, na žalost u snimku na RTV 7. Zamolio bi malo za pažnju. Ako smo tako ozbiljni da barem saslušamo i mene. Očigledno imamo neuvažavanje kolega koji su ovde prisutni.

Govorim o jednoj važnoj tački, znači o Budžetu, a ne slušamo mi ovde kako ćemo prenijeti na građane. (JOZO NIŠANDŽIĆ – Dajte molim vas. Da slušamo vijećnika. Nemojte sad, čovjek je za govornicom.)

Prije nego počnem govoriti ovoj važnoj tački, jedna replika vama predsjedavajući. Mislim da zadnja tri Vijeća, dopušten je politički marketing pojedincima ovde, što kaže, s teme i sjednicu odvedemo u skroz drugom toku.

Zamolio bi vas da vodimo striktno po Poslovníku koliko imamo vremena da ljudi provedu ovde i što kaže, one stvari ako imamo neki lični stvari zakažemo jednu vanrednu sjednicu, što kaže, koja ne mora se ni snimati, pa da te stvari iznesemo.

Dosta smo skrenuli od teme i mislim da bi slijedeće, naredne tačke trebalo malo ekspeditivnije raditi.

Mi nismo glasali za Budžet iz prostog razloga zato što ni jedan Amandman, ni jedan prijedlog nije bio prihvaćen.

Znamo da smo tražili neka sredstva da se uvrsti prvenstveno, ne nama, već institucijama kojima to i pripada, u pitanju su sportski klubovi, radio amateri i sve one institucije koje su trebale biti predviđene Budžetom. Nisu. Na žalost znači nije ispoštovana naša volja i iz ti razloga nismo, ali što ne znači da mi nećemo podržati sve ono što je dobro.

Takođe što se tiče kredita za vodu koji je podignut 2013. godine vodila se polemika u, kako u samom Savezu za bolju budućnost, tako i među vijećnicima, zbog čega je podignuto ta sredstva. Sredstva su podignuta zaista opravdavajući, kredit je uzet i s namjerom da se riješi vodosnabdijevanje.

Sad je jasno pitanje, znači dobili smo sredstva. Poskupili smo, na žalost, vodu građanima i pitali smo gdje je realizacija.

Prije nego što sam došao na današnju sjednicu dobio sam bezbroj pitanja od stanovnika mjesne zajednice Slavinovići, potez Antunovići-Hukići-Galušići, kada ćemo mi dobiti vodu. Ja sam im do sad sto puta rekao da će to biti realizovano iz sredstava kredita, međutim, ljudi još uvijek nemaju vodu.

Maloprije sam za govornicom čuo da je u Lipnici riješeno vodosnabdijevanje, to jedino ako nije u 24 sata. Koliko ja znam nije. Sa terena sam isto dobio to saznanje.

Opet, frapiraju me činjenice neke da ljudi idu po terenu i rješavaju te prilike. Koliko ja znam, postoji GAP komisija koja radi prioritete, sredstva zato je namijenjena i valjda bi, što kaže, ako bi iko trebao znat trebali bi predsjednik Komisije i članovi te Komisije da znaju gdje se šta realizuje i kad koji projekat treba da se pusti što kažu u promet na što kaže u korist svi građana.

Međutim, apsolutno, mi te informacije nemamo. Evo kaže zamijenjene su sijalice, asfalt, sve je nešto rađeno, a pojedini vijećnici znači to idu, realizuju, kaže mi smo odradili.

Ja sam spreman raditi 24 sata, evo sad ću obići koju god hoćete mjesnu zajednicu, koji god hoćete sokak gdje nije realizovano i čekati da dođe asfalt, ako je to poenta.

A vjerujem da tako svi vijećnici bi to radili. Mislim, očigledno je evidentno da se ovde određuju poslovi za pojedince a ne za ovo za što mi glasamo i dižemo što kaže ruku.

Jesmo za sve ono što je dobro, sve ono što je dobro ćemo podržati i oni kredit, oni jedanest, deset stavki koliko je bilo, bacila se priča kako mi nismo za asfalt u Mramoru i ne znam gdje. Ko to kaže? To nije istina.

Mi nismo za neke stvari koje su se mogle sačekati, neka sredstva da se realizuju i zato smo rekli. Da je to korigovano ili, vidjeli smo da smo imali suficit Budžeta i nakon toga digli kredit.

Moglo se znači sačekati pa krenuti u takvu jednu avanturu. Toliko i još jednom bi samo zamolio predsjedavajući da se držimo striktno dnevnog reda i da to moramo, moramo što ono kaže biti malo ekspeditivniji jer ipak građani, zbog građana smo mi ovde.

JOZO NIŠANDŽIĆ

Hvala. Gospodine Ajanoviću izvolite.

MIRNES AJANOVIĆ

Meni nije mrsko ostati čitav dan na sjednici Vijeća, pa i raditi između sjednica Vijeća mnogo više. Predstavlja mi zadovoljstvo pogotovo kada negdje nešto uradite pa se osjećate korisnim, neko vam kaže hvala, ne mora ni reći.

Onda je to posebno zadovoljstvo. Tako da i rasprava kolega vijećnika po ovim tačkama dnevnog reda gdje neko želi da kaže svoj stav meni ne smeta.

Neka kaže koliko hoće. Opet kažem i uvijek ću se boriti, bez obzira koliko vremena prošlo, ako neko hoće da kaže dajte mu još.

Ali evo oko ovoga, kako kaže neki idu a neki ne idu. Niko me nije zvao. Išao, hodao, tražio, insistirao, zvao, ne lobirao, uslovno rečeno rekao, može to neko shvatiti to i prijetnju, ne budete li realizovali po inicijativama koje smo napravili idem na sjednicu Vijeća pa ćete vi pred vijećnicima, pred svima nama odgovarati jeste li uradili ili niste. I uspio na osnovu svega toga dobiti realizaciju mnogih stvari koje smo uradili.

Mnoštvo još treba da se urade, rekao sam okolnosti kakve su bile, zašto nije moglo prije, a i brojne opstrukcije su bile u ovom Gradskom vijeću od strane tzv. opozicije ali ovo na direktan dio, hoću da kažem. Jer sam obišao svako naselje, pogledao dakle gdje se šta nalazi, gdje fali, gdje treba stub postaviti rasvjete gdje je evidentno da nema.

U mjesnoj zajednici u Dobrnji, naselje Bare nije bilo ni jednog stuba, ni jedne sijalice. Prođete noć, mrak. Potpuni mrak sa druge strane je magistralni put. Treba i tu uraditi dio trotoara, to je nadležnost već kantona i federacije, a i tu ide inicijativa. Potpuni mrak.

Urađen. Postavljeni su i ti stubovi, bilo mi je zadovoljstvo, čast, ponosan sam bio što sam zajedno sa kolegama iz SDP-a učestvovao u svemu tome da to urade.

Ja govorim o jednoj mjesnoj zajednici, odnosno jednom naselju u mjesnoj zajednici.

Ljudi imaju svjetlo, osvijetljeno, sve drugačije, potpuno drugačiji pristup prolaz djeci i ljudima koji idu na posao, iz mrklog mraka imaju svjetlo. Trebalo je prije, ali šta ću ja. Imali smo mogućnost sad da uradimo.

Ja samo onako malo što sam obišao prije svega, gledao gdje, evidentirao sa predstavnicima službi razni, svim službenicima, kada nema šefa službe sa drugim ostalim, telefonima zovi, iniciraj, traži, sačekaj ga u Opštini, dežuram gore u Opštini da ih nađem.

Evo, Brčanska Malta, Badre tri svjetiljke. Gornja Tuzla na više lokacija Uzeira Mehućića tri svjetiljke; Bosanska 95. dvije svjetiljke. Kosci Tetima dvanest svjetiljki.

Tuzla Kosci dvije svjetiljke. Drakčin 16. četiri svjetiljke. Potočka mahala Krnja dvije svjetiljke; Ambulanta jedna; Tuzlanskog odreda četiri; Bijela džamija otišao na teraviju nema svjetiljke, mrak ispred džamije. Nazovem Službu dođem za nekoliko dana svjetiljke ispred Bijele džamije u Gornjoj Tuzlu. Hvala Službi što su ispoštovali. A ja eto vidio.

Grabovica Alibašići, Bekići, sokak poslije spomenika, sve iza prodavnice lijevo osam svjetiljki.

Mjesna zajednica Simin Han na više lokacija. Donji Čaklovići 48. dvije svjetiljke. Gornji Čaklovići Dom dvije svjetiljke. Sarajac 35/43 dvije svjetiljke. Čaklovići kod tunela tri svjetiljke. Ponikla jedna svjetiljka. Mjesna zajednica Gornja Obodnica Pavlovići, sokak pored kapelice lijevo sedam svjetiljki. Mjesna zajednica Bukinje Krčevine buk tamo gdje je walter wolf lijevo dvadesetpet svjetiljki.

Rekao sam već Dobrnja Bare jedanaest. Mjesna zajednica Dobrnja Vlasulje četiri svjetiljke. Samo u Barama od ovih urađene su još tri naknadno kad je zatrebalo, još tri su svjetiljke uradili. I šta se desilo?

Dva građanina koji su malo pravili problem sa imovinsko-pravnim odnosima nisu htjeli da daju, pa kad su dali kad su postavili svjetiljke, e njima ne odgovaraju svjetiljke tu. Došla Služba izmjestila stavila na drugu stranu, nije problem ni to. I to smo imali problema koji su se događali na terenu. Ljudi smo, šta ćemo ima nas takvih.

Mjesna zajednica Slavinovići Mahmuta Bušatlije 63. sokak desno iza česme Slavinovići osam svjetiljki.

Slavinovići Goste Lazarevića i Majdan kod skretanja za Hotel Tehnograd prema glavnoj ulici pet svjetiljki. Govorim, samo trenutak dok se vratim u ovo sve gdje sam.

Ljubače na više lokacija, Tufekčići, Demirovići, Novo naselje, Galušići prema mektebu osamnaest svjetiljki.

Ljepunice iz Nipexa sokak pored starog Doma tamo desno osamnaest svjetiljki.

Mjesna zajednica Pasci, Par Selo, Jurići već sam rekao iznad Osnovne škole sokak desno šesnaest svjetiljki.

Dakle, radilo se. Šta dalje? Samo trenutak. U čemu sam učestvovao, takođe opet kažem zahvaljujući nama koji smo glasali za ovaj dio Budžeta Kluba SDP-a naravno i evo trenutak. (JOZO NIŠANDŽIĆ – Mirnese.) Neka, neka, hoćemo predsjedavajući samo još malo. Hoćemo da kažemo da se radilo kad pričaju da nismo, evo da jesmo. (U pravu si.)

Evo još malo, ovo je dakle, tender je u postupku. Dokanj, kaldrma, ulaže se 8,5 hiljada u Dokanj mjesna zajednica Đulabići 3.600 svjetiljke i stubove. Dokanj, Jarići, Tunjići i Gaj 3.600.

Mjesna zajednica Solina Grabovička kod Psihijatrije 6.500. Mjesna zajednica Ši Selo Vršani 2.300 ukupno 25.600.

Čazima Alića, ovo su sad u projektu tendera, odprilike za 15, 12, za petnest dana se završava tender, predpostavlja se da neće biti žalbi, ide u postavljanje, nije moglo prije, šta ćemo.

Mjesna zajednica, Čazima Alića glavni put prema Jascima i Stjepana Matijevića 10.500 projekat.

Zajednica Srednja Lipnica Kadinjača 2.150. Mjesna zajednica Ljepunice kod Nipexa preko pruge do Mramora i Liješćeje 10.000.

Tušanj Mehdžid i Divkovići Mandići 3.400. Mjesna zajednica Slavinovići Kolovrat 18.400. Mjesna zajednica, Kozlovačke čete, 11.900. Mjesna zajednica Centar izvinjavam se. Kozlovačke čete.

Gore onaj dio one barake pogotovo se pokriva. Mjesna zajednica Slavinovići ul. dr. Fuada Izetbegovića 6.200. Ukupno 88.150. (JOZO NIŠANDŽIĆ – Daj. Mirnese.)

Dakle, ovo su aktivnosti vijećnika. (JOZO NIŠANDŽIĆ – Ima nas koji smo vidjeli.) Jasno. Aktivnosti vijećnika koji se interesuju, hodaju, traže, obilaze, kontaktiraju i sve ovo. Opet kažem Sabahudinu Imamoviću s ponosom nosim teret parlamentarne većine. (JOZO NIŠANDŽIĆ – Imamo još.) Samo da završim predsjedavajući zajedno sa kolegama i koleginicama iz Kluba vijećnika SDP-a. Hvala.

JOZO NIŠANDŽIĆ

Repliku ima. Šta je molim vas, jeste li repliku? Dajte molim vas da okončamo da idemo dalje. (Ne može iznositi nešto što nije izvorno. Obmanjujemo javnost.)

ELVIR KASUMOVIĆ

Ja ću brzo. Drago nam je da ove informacije koje je gospodin Ajanović iznosi. Samo, ja sam ovo očekivao ove informacije od šefova nadležnih službi za te stvari.

I sramotno je za izvršnu vlast da pojedini, evo vijećnici imaju sve te informacije, a mi nemamo nikakvu informaciju po pitanju realizacije ovih projekata. To je u pitanju.

Bez obzira, ne treba se na nas (MIRNES AJANOVIĆ - Replika.) kao opoziciju gledati da smo mi kočničari nečega.

Naprotiv. Sve što god je bilo u korist i u interesu građana grada Tuzle mi smo to podržali, i učestvovali u svemu tome.

Zbog čega sada ti šefovi službi, koji kažem o čijem radu i mi trebamo da raspravljamo ovde, kao javnim ličnostima jel, zbog čega informišu samo i daju informacije određenim vijećnicima, a određenim su recimo te informacije uskraćene.

Ja se nadam da u budućem periodu neće biti ovih da kažem opstrukcija od strane izvršne vlasti, ne nadam se, nego vjerujem u to.

Samo evo kažem još jednom konstatujem da stvarno nije u redu na ovaj način funkcionisanje izvršne.

JOZO NIŠANDŽIĆ

Habul. (SABAHUDIN IMAMOVIĆ – Poslovničku sam tražio.) Poslovnička ima prednost molim vas.Habule. Hajde kratko.

JASMIN HABUL

Biću kratak. Stvarno ispade da GAP komisija ne radi ništa. Ispade da ljudi nisu obilazili mjesne zajednice i razgovarali s ljudima, ispade da nisu pokušavali da riješe. Ja ne znam ko to rješava zaista.

Jer zaista Balibegova džamija pa ja sam do sad najmanje tri puta lično postavio to pitanje. Iz više razloga. Ja mislim iz drugi politički opcija da su isto kolege postavljale to. Odjednom je svjetlo dana ugrijalo kad ode jedan čovjek.

Mislim, ne možemo se ovim varati. Vrlo dobro znamo dosta ljudi koji su bili na terenu kakvo je stanje, šta je kroz Komisiju smo sami bodovali što kaže, davali prioritete neko je dao to povjerenje.

Mislim dopustiti da se na ovakav način vrši jedan vrid političke kampanje je stvarno mislim deprimirajuće.

JOZO NIŠANDŽIĆ

Samo malo molim vas. Ja vas molim. Mi smo na drugoj tački dnevnog reda. Imamo jedanaest tačaka dnevnog reda. Slušajte. Deseta tačka koja nas čeka znate dobro. Ako smo dogovorili da odradimo onda moramo gledati taj dio. Poslovničku ima izvolite. (SABAHUDIN IMAMOVIĆ – Ja sam valjda prvi.) Poslovnička.

MENSUR ALIĆ

Ja ću vam samo jedan slučaj ispitati da olakša. Zove moj povjerenik dvije godine zove iz Kreke da mu se postave četiri stuba i predstavi se i sve. Amel moram pozvat po imenu i prezimenu. I onda on skonta vidi da neće, nema para, ne može ovo ono.

Onda skonta on i nazove, kaže ovde povjerenik iz SDP-a Kreka. Trebaju te sijalice. U roku od 24 sata postavljena četiri stuba i četiri sijalice. Eto da bude. Zamolio bi Mirnesa kolegu, pošto je bio u Gornjoj Tuzli, prije sedam godina najveći skup koji je Jasmin imo u Gornjoj Tuzli je bilo negdje 700 duša pred Bijelom džamijom. Obećao. Projekt urađen da se uradi onaj plato oko Bijele džamije.

Evo pošto imaš uticaja, ja bi te zamolio da to odradimo za Gornju Tuzlu i hvala ti ako to možeš uraditi stvarno ti hvala, evo sedam godina čekamo na to i džematlije čekaju. A pošto si bio u džamiji, eto molim te hajde uradi to. Hvala lijepo.

JOZO NIŠANDŽIĆ

Poslovnička. Ja vas zaista molim da zaista završim.

SABAHUDIN IMAMOVIĆ

Mogu li ja kolegi Ajanoviću napismeno da dostavim neke potrebe? Znači nisu krupne.

Ja mislim da se ovde odugovlači namjerno da deseta tačka uopšte ne bi došla na red.

Znači, ko god bude razvlačio, (JOZO NIŠANDŽIĆ – Ja bi molio vas.) pa dobro vi smijenite vi iz pozicije smijenite svoje kadrove, pa ćemo se i mi smiriti.

Dakle, ubijeden sam da razvlačite sve ovo da ne bi deseta tačka vezana za Direkciju za izgradnju, za učešće gradonačelnika u svemu tome i za prevarene stanare zgrade 15. maj da ne bi došlo na dnevni red. (JOZO NIŠANDŽIĆ – Nekorektno, nemoj tako.)

Nije nekorektno, nekorektni ste vi što na vještački način razvlačite sjednicu sa svojim koalicionim partnerima.

JOZO NIŠANDŽIĆ

Uzet ćemo stenogram, vidjet ćemo koliko je pozicija, koliko je opozicija, pa ćete vidjeti gdje ste vi u svemu tome. Izvolite, da završimo. Ja bi onda zaključio raspravu.

MIRNES AJANOVIĆ

Ispravka krivog navoda Habulu i dio, nije ispravka evo hajde replike Mensuru.

Mensure za tu informaciju mi nisu rekli, kod Bijele džamije, hvala ti na informaciji, sad je kasno, ali eto informacije ako bog da će se, sad je kasno jer mora uć u Budžet.

Dakle, jasno je vrlo da mora biti u Budžetu. Mogu li ja ne vidim kolega Malikiću Mensura da se vidi. (JOZO NIŠANDŽIĆ – Malikiću de sjedi.) Da zamolim Mensura dakle, opreza radi, pošto je eto taj uticaj takav kakav imam, da zamolim građane iz mjesne zajednice Gornja Tuzla da glasaju za mene da bi imao mogućnost da to naknadno u ovom narednom mandatu riješim Mensure.

Sad je kasno, sad nema u Budžetu, za mjesec dana su izbori. (Primio si k znanju.) Ali sam primio k znanju svakako.

Dakle, nezavisno da li će oni glasati ili ne, ako bog da, ja sam najstariji vijećnik u ovom Vijeću po stažu i mandatu, ako bog da opet ću biti i ako budemo imali priliku da opet

imamo mogućnost da učestvujem u parlamentarnoj većini koja uvažava prijedloge i pozicije i opozicije (JOZO NIŠANDŽIĆ – Ja vas molim.) da završim. Nisam završio ovo je dakle replika jedna.

A Habulu ovo kaže kako mi to imamo pristup informacijama. Imam jer sam hodao po mjesnim zajednicama, obilazio mjesne zajednice, evidentirao gdje fale stubovi, gdje fale, možete pozvati i predstavnike i pitati sad odavde predstavnike svih, dakle u Službi jer sam svakoga telefonom zvao i rekao fale sijalice ovde, fali stub ovde. Ljudi čak, iskreno rečeno nisam išao toliko daleko, iza Vasića kad dođete do vrha, pa pređete i kad ima neki puteljak gore, naselje 50 kuća stoji tamo skroz iza tunela s lijeve strane. I vode im treba i fali im i rasvjete.

I obezbjeđuju, evo zvao sam i predsjedavajućeg da se obezbijede kamioni, odnosno vodocisterne za vodu. Dakle, ne zna se dio koji se smatrao odprilike pripada Kalesiji. Dakle, obilazimo, hodamo. Te informacije dobijemo, a za druge informacije koje smo inicirali interesujemo se, čekamo u službama i zato znamo. I svi ostali mogu znati.

JOZO NIŠANDŽIĆ

Hvala. Zaključujem raspravu. Ima li potrebe za odgovorima? Nema potrebe. Molim vas. Idemo pojedinačno.

Ko je za a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE, molim da digne ruku? (16) Ima li neko protiv? (Nema.) Uzdržan? (13)

Konstatujem da je 16 vijećnika za, protiv nema, suzdržanih je trinaest, što znači da je većinom glasova usvojen a) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2016. GODINE.

Idemo dalje. Ko je za b) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE, molim da digne ruku? (22) Ima li neko protiv? (Nema.) Uzdržan? (7)

Konstatujem da je 22 vijećnika za, protiv nema, suzdržanih je sedam, što znači da je većinom glasova usvojen b) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. DO 30. 06. 2016. GODINE.

Prelazimo na treću tačku Dnevnog reda:

ODLUKA O IZMJENI I DOPUNI ODLUKE O KOMUNALNOM REDU

Predlagач je Gradonačelnik Grada Tuzla.

Obrađivač je Služba za inspeksijske poslove.

Materijal su razmatrali Komisija za statutarna pitanja i propise, Komisija za ekonomske odnose, Komisija za komunalna pitanja i pitanja mjesnih zajednica i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem i raspravu vijećnika.

Ko je za usvajanje ODLUKE O IZMJENI I DOPUNI ODLUKE O KOMUNALNOM REDU, molim da digne ruku? (27) Ima li neko protiv? (Nema.) Uzdržan? (Nema.)

Konstatujem da je 27 vijećnika je glasalo za, nema niko protiv, nema suzdržan, te je jednoglasno usvojena ODLUKA O IZMJENI I DOPUNI ODLUKE O KOMUNALNOM REDU.

Prelazimo na četvrtu tačku Dnevnog reda:

ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA

Predlagač je Gradonačelnik Grada Tuzla.

Obrađivač je Služba za ekonomski razvoj i društvene djelatnosti.

Materijal su razmatrali Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) (SABAHUDIN IMAMOVIĆ – Hoćemo da nam predlagač objasni.) Čitanjem izvještaja komisija? (Nema.)

Otvaram raspravu klubova. Ispred Kluba ima gospodin Mirnes Ajanović. Izvolite.

MIRNES AJANOVIĆ

Ovo je, koliko se sjećam, četvrti javni oglas o davanju u zakup poslovni prostorija. Dakle, tri su do sada bila na Vijeću, pokazalo se vrlo uspješnim. Mi smo davali brojne zaključke, pa bi zatražio da se ponovo zaključci koji su bili sa prethodni sjednica, da ne bi sada trošio vrijeme kolega vijećnika revitaliziraju i ponovo jer ima dosta problema oko implementacije na način da se negdje malo duže čeka.

U suštini treba da sve službe budu u potpunosti na raspolaganju svima onima koji su učestvovali na konkursima, koji su dobili pravo na ovaj prostor kako bi što prije stupili u pravo korištenja prostora i samim time obezbijedili sebi i novčana sredstva iz kojih će moći plaćati svoje obaveze. A ova je inicijativa koju smo evo opet svi mi pokrenuli, nebitno, ja uvijek kažem i govorio sam, da ne bi bilo zabune kroz ove četiri godine mandata u velikom dijelu svega učestvovali svi predstavnici pozicije i opozicije. Nekad opozicija, pa eto i počesto opstruirala, nekad je neko bio sa nama pozicija pa eto sad ostao ni tamo ni ovamo, potpuno bezpotrebno, ali na žalost, šta je tu je.

Ali opet je to zasluga Gradskog vijeća Tuzla ima da zaista, za razliku od nekih koji žele predstaviti nas kao loše, da budemo svi ponosni na ovaj naš dosadašnji period ovaj četvorogodišnji mandat, jer evo ostalo je samo još jedna sjednica. Nakon toga neko će ovde biti, neko neće. Hvala.

JOZO NIŠANDŽIĆ

Hvala. Živili. Otvaram. (EKREM TOPIĆ – Ispravka krivog navoda.) Izvolite ispravku krivog navoda. Gospodin Topić ima ispravku krivog navoda. Mislio sam da se šališ. (Ja mislio Topiću ti nisi na sjednici.)

EKREM TOPIĆ – vijećnik Tuzlanske alternative

Ne mereš se ti mene tako lahko riješit.

Gospodine predsjedavajući, kolegice i kolege vijećnici, uvaženi gosti, nismo ni tamo ni vamo. Mi smo napustili. Vi znate šta ste uradili 10. maja, ne bi ponavljo. Ja se zahvalio i i još se jednom zahvaljujem. Skinuli ste mi teret s leđa. Plaho se lagodno osjećamo.

Konstruktivni, djelujemo, radimo, kao što smo radili. Drugčije ne umijemo.

Kad sam pito 10. maja ko je pozicija, gospodine Ajanoviću vi ste rekli nije bitno. Uopšte nije bitno, šta to ja pitam, šta imam pitat, šta je važno uopšte ko je pozicija.

Nismo napustili, zna se šta ste uradili i fala vam.

JOZO NIŠANDŽIĆ

Hvala. Molim vas ima li još neko od klubova? Izvolite. Replika.

MENSUR ALIĆ

Ova odluka dat ćemo joj podršku naravno s tim što sa žaljenjem mogu konstatovati zbog čega nije stavljena danas i na ovo Gradsko vijeće odluka o iznajmljivanju zemljišta na konkurs koji je već završen.

I mislim da bi danas dobro bilo da je na dnevnom redu, da upravo ono o čemu sam govorio da sve demantujem danas da je ta odluka o poljoprivrednom zemljištu koja je raspisana oglasom već završena. I dobro bi bilo da je tačka dnevnog reda, da tačno ono o čemu sam govorio da danas dokažem da je to istina. Hvala.

JOZO NIŠANDŽIĆ

Hvala. Elvir Mahmuzić, ispred Kluba Socijaldemokratske partije. Izvoli Elvire.

ELVIR MAHMUZIĆ - vijećnik Socijaldemokratske partije

Pa evo čisto radi informacije i mi kao Klub vijećnika SDP-a smo razmatrali ovu odluku. Evo, kako je već rečeno to je jedan u nizu od poslovni prostora koji su prazni, a koji se dodjeljuju putem one Odluke koju je donijelo ovo Gradsko vijeće.

Samo radi javnosti nije ni pročitano, ja ću pročitati o kojem se poslovnom prostoru radi. To je poslovni prostor na Slatini na adresi Slatina br. 6. ukupne površine 33,74 m² to se nalazi u prizemlju i početna cijena je bez PDV-a 8 maraka. Ima u ulici Albina Herljevića 13. radi se o prostoru od 30-tak 30,5 m² ista je kao početna cijena kao gore i Seada Kulovića na adresi 11. u ukupnoj površini 17,04 i početna cijena je 10 KM. Čisto radi javnosti.

Iako, moram pohvaliti ovu Službu da je sve bilo javno i transparentno i da je svaki javni oglas bio dostupan svim građanima i evo pozivam opet da posjete zvaničnu stranicu Grada Tuzle kako bi se još detaljnije informisali o ovom javnom oglasu.

Mi kao Klub ćemo podržati svaki ovaj javni oglas koji ide u korist našim građanima koji žele da se usele u te poslovne prostore kako bi radili i sebe egzistenciju stvarali. Eto toliko.

JOZO NIŠANDŽIĆ

Hvala. Elvir Kasumović ispred Saveza za bolju budućnost.

ELVIR KASUMOVIĆ

Naravno da ćemo podržati ovu odluku iz prostog razoga što smo sami svjesni u užem gradskom jezgru šta se dešava sa poslovnim prostorima.

Vidimo jednostavno da je Tuzla za razliku od svih okolnih opština, da ne idemo dalje, u najstrožem centru jednostavno da kažem grad koji je zamro u vidu te male privrede, a da ne kažem zanata itd.

Prema tome, sve što god će poboljšati razvoj grada i otvorenje novih radnih mjesta, evo Klub vijećnika Saveza za bolju budućnost će podržati. Time opet želimo napomenuti da nikada nećemo kočiti bilo kakve produktivne odluke, ma od koga one dolazile.

JOZO NIŠANDŽIĆ

Hvala. Repliku ima Dajana Bakić, ispred Socijaldemokratske partije. Izvolite Dajana.

DAJANA BAKIĆ - vijećnik Socijaldemokratske partije

Hvala, sve vas srdačno pozdravljam. Pa ja ću replicirati mom prethodnom govornicu, kada je u vezi sa poslovnim prostorima koji se nalaze u centru grada. Mi smo to i primjetili kao Gradsko vijeće, jednoglasno donosili zaključke, pa i inicijative koje se tiču naplate takse, za privatne poslovne prostore koji se ne koriste, a koji u ovom trenutku predstavljaju problem i na neki način ruglo, kao što ste se izrazili u centru grada.

Dakle, mi smo uradili sve što smo mogli i inicirali smo izmjenu zakona na kantonalnom nivou i dobili smo taj zakon bili ovde na raspravu, koji je bio u svrhu onoga što smo mi inicirali i koji će nadam se čim prije biti usvojen i biti spreman na realizaciju što će i nama olakšati i uljepšati u konačnici grad. ovo je odluka koja se tiče onih poslovnih prostora koji su javni, odnosno koji su naša imovina i koje mi trebamo iskoristiti u tom smislu i damo na raspolaganje svim zainteresovanim licima bili oni privatni, udruženje građana itd. pod evo jako povoljnim uslovima što vidimo i prilikom prijave na korištenje ovih prostora i na zakupe koje imamo, pa evo i danas imamo informaciju u medijima da jel Udruženje građana, prijatelji Fudbalskog kluba Sloboda, već zna se sve ove svoje prostore na novoj lokaciji, a to je Odluka koju smo usvojili prošlo Vijeće, dakle ide se brzo i u realizaciju.

JOZO NIŠANDŽIĆ

Hvala. Zaključujem raspravu klubova. Otvaram raspravu vijećnika. (Nema.) Zaključujem raspravu vijećnika. Idemo znači na usvajanje ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA ko je za, molim da digne ruku? (25) Ima li neko protiv? (Nema.) Uzdržan? (Nema.)

Konstatujem da je ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA dobila jednoglasnu podršku, 25 vijećnika je glasalo za, nema niko protiv, nema suzdržan.

Evo jedan zaključak, prijedlog zaključka.

Gradsko vijeće Tuzla, traži da sve službe nadležne za raspolaganje i upravljanje gradskim poslovnim prostorima, budu na raspolaganju korisnicima (zakupcima) prostora uz zahtjev da se aktueliziraju raniji zaključci Gradskog vijeća vezani za provođenje javnog oglasa o davanju u zakup poslovnih prostorija.

Mislim da je korektno. Ko je za ovakav zaključak, molim da digne ruku? (25) Ima li neko protiv? (Nema.) Uzdržan? (Nema.)

Konstatujem da je 25 vijećnika glasalo za, nema niko protiv, nema suzdržan, te je jednoglasno usvojen navedeni zaključak.

Prelazimo na petu tačku Dnevnog reda:

a) RJEŠENJE O KONAČNOM IMENOVANJU ČLANA UPRAVNOG ODBORA JZU „GRADSKA APOTEKA“ TUZLA ISPRED MINISTARSTVA ZDRAVSTVA TK

b) INFORMACIJA KOMISIJE O POSTUPKU PO JAVNOM OGLASU ZA IZBOR ČLANOVA NADZORNOG ODBORA U JP RPC „INKUBATOR“ LIPNICA D.O.O. TUZLA, SA RANG LISTOM KANDIDATA

Predlagač je Gradonačelnik Grada Tuzla.

Obrađivač je Služba za ekonomski razvoj i društvene djelatnosti.

Materijal su razmatrali Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. Izvolite.

EDIM KADIĆ

Prema Zakonu o zdravstvenoj zaštiti Ministarstvo zdravlja daje jednog člana Upravnog odbora za Gradske apoteke Tuzla.

Ja sam izašao iz razloga što mi smo dobili prijedlog da je raspisan odlas, da je imenovan gospodin Miralem Smajić i to je u redu, iako ovde nedostaje po meni rang lista ko je se javio i kolike su bile da kažem ocjene ostalih kandidata.

Međutim, s druge strane imamo problem Gradske apoteke koje su zatvorene nekad prije šest, sedam godina i ako vidimo da je član Upravnog odbora bio iz Ministarstva i nakon mog dolaska u Apoteke pokušao sam da otvorim neke apoteke. To isto Ministarstvo neda da se otvore apoteke.

Što je po meni nešto nevjerojatno da Ministarstvo državno, u državnoj Apoteci u državnoj Ambulanti neda da otvori nešto što je radilo.

Pa smo bili svjedoci da su Gradske apoteke otvorile apoteku, odnosno depo u mjesnoj zajednici Simin Han i da je došla inspekcija i to zatvorila.

Imamo slučaj drugi ovde apoteka radi, koja je prije dvije ipo godine sredena, stoji, a ta apoteka radi od 70 i neke godine.

Ko je to zatvorio, zašto je zatvorio i da li tu ima odgovornosti Ministarstva, odnosno njihovog člana kao Upravnog odbora, to je nešto što bi trebalo neko da ispita.

Ja tražim i zahtijevam da ponovo pošaljemo urgenciju Ministarstvu zdravlja, pošto smo mi na sudu Gradske apoteke i federalno Ministarstvo da tražimo od ministra da nam da privremeno rješenje do okončanja sudskog procesa da mi te dvije apoteke otvorimo. Jer zašto građani Simin Hana, zašto građani ovde ne mogu da imaju kompletnu uslugu ako imamo pogotovo veliki broj stanovnika u mjesnoj zajednici Simin Han koji je došao, a imaju tačno propisani na koliko stanovnika se može otvoriti apoteka ili apotekarski depo.

Tako da mislim da ministar je dužan da da do okončanja sudskog postupka privremeno rješenje kao što nam je nekad i rahmetli Nedret dao za apoteku Simin Han.

Ovo govorim iz razloga pošto su došle do inicijativa pa ćemo vidjeti šta će se desiti da se ukine 400 metara. Znači ima prijedlog i vjerovatno vrlo brzo se može desiti da ti 400 metara, znači nema tog pravilnika, jer taj pravilnik je donesen 2012-te.

Zašto je donesen 2012-te zato kad su nam pojedinci otvorili veliki broj apoteka, zauzeli pozicije onda nema više otvaranja drugima.

Tako da mislim da ima puna opravdanost pogotovo u ovim ambulancama da javne ustanove da se omogući da pružaju građanima uslugu.

Što se tiče ove tačke, znači slažem se sa gospodinom Miralemom.

JOZO NIŠANDŽIĆ

Hvala. Prema ministarstvu da se uputi je li tako. Izvolite Kasumoviću.

ELVIR KASUMOVIĆ

Ja ne znam, ja sam nekako ovo shvatio od kolege Edima kao da mi trebamo uslovljavati nekoga za nešto.

Dajte da vidimo da se neka Ministarstvo radi u okviru svoje nadležnosti, neka ispita da li je to sve u skladu sa zakonom, a ne znam jeste li vi uopšte pokrenuli evo kao gradsko preduzeće.

Ja znam da je (EDIM KADIĆ – Šta jesmo li pokrenuli?) samo da završim rečenicu. Da li ste uopšte pokrenuli pitanje prvenstva, ima u pravu latinska izreka Prior tempore porcium iure. Raniji u vremenu - jači u pravu. (Prior tempore potior iure op.a.)

Ja znam da je prva gradska apoteka funkcionisala, znači jedina i prva. Pokrenite brate dragi pred sudom parnicu pa jednostavno vidite ko je to prvi otvorio apoteku i sve one poslije toga što je otvoreno imate pravo da se zatvara još su one sve smještene u krugu ne 400 nego 200 metara. (Niste razumjeli.)

Moguće da nisam dobro razumio. (JOZO NIŠANDŽIĆ – Govori za ovaj dio.) Naravno, ali ne bi ja samo da učestvujem u tome, da mi ulazimo u meritum, ako već Ministarstvo predlaže nekoga i ima ekskluzivno pravo na to. Da mi ne licitiramo imena. Onda sam pogrešno shvatio. Izvinjavam se.

Ja prihvatam i grešku ako nisam dobro shvatio znači ja se izvinjavam samo mislio sam da je išlo u tom smijeru. Ali naravno da treba sve ispitati ukoliko je Ministarstvo radilo u okviru zakonitosti itd. donijelo svoje odluke, to sve treba da bude transparentno. Hvala.

JOZO NIŠANDŽIĆ

Hvala. Ako nema niko. Izvolite gospodine Aliću.

MENSUR ALIĆ

Samo da kažem da uglavnom u ova tri četiri mjeseca, toliko ovi upravni odbora i nadzorni se forsira se do kraja, do kraja ovog mandata Vijeća da se završi, ali po svim imenima prepoznavajući sve ljude koji su uglavnom su to članovi SDP-a ili vladajuće neke stranke još. Mislim da je ovo na brzinu rađeno i poslije izbora vidjet ćemo bogami da li će ostati na ovim mjestima. Hvala lijepo.

JOZO NIŠANDŽIĆ

Hvala. Ako nema više, zaključujemo raspravu. Idemo na izjašnjavanje.

Ko je za a) RJEŠENJE O KONAČNOM IMENOVANJU ČLANA UPRAVNOG ODBORA JZU „GRADSKE APOTEKE“ TUZLA ISPRED MINISTARSTVA ZDRAVSTVA TK, molim da digne ruku? (21) Ima li neko protiv? (Nema.) Uzdržan? (4)

Konstatujem da je 21 vijećnik glasao za, nema niko protiv i četiri su vijećnika bila suzdržana te je većinom glasova usvojeno a) RJEŠENJE O KONAČNOM IMENOVANJU ČLANA UPRAVNOG ODBORA JZU „GRADSKE APOTEKE“ TUZLA ISPRED MINISTARSTVA ZDRAVSTVA TK.

Idemo pod b). Ko je za b) INFORMACIJU KOMISIJE O POSTUPKU PO JAVNOM OGLASU ZA IZBOR ČLANOVA NADZORNOG ODBORA U JP RPC „INKUBATOR“ LIPNICA D.O.O. TUZLA, SA RANG LISTOM KANDIDATA, molim da digne ruku? (18) Ima li neko protiv? (Nema.) Uzdržan? (9)

Konstatujem da je 18 vijećnika glasalo za, nema niko protiv i devet su vijećnika bila suzdržana te je većinom glasova usvojena b) INFORMACIJA KOMISIJE O POSTUPKU PO JAVNOM OGLASU ZA IZBOR ČLANOVA NADZORNOG ODBORA U JP RPC „INKUBATOR“ LIPNICA D.O.O. TUZLA, SA RANG LISTOM KANDIDATA.

Prelazimo na šestu tačku Dnevnog reda. Izvinjavam se, imamo zaključak. Hvala sekretaru.

Imamo evo prijedlog zaključka. Podtačka b).

1. U skladu sa Odlukom o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama, čiji je osnivač ili suosnivač Grad Tuzla („Službeni glasnik Grada Tuzla“, broj 11/05.) Informacije sa rang listom će se dostaviti organima nadležnim za konačno imenovanje u regulirane organe, radi okončanja procedure u skladu sa Zakonom i propisima Gradskog vijeća.

2. Traži se od Ministarstva zdravstva Tuzlanskog kantona, da u skladu sa zakonom što prije razriješi pitanje ponovnog otvaranja dvije apoteke na području grada Tuzle po zahtjevu JZU Gradske apoteke Tuzla (apoteke u mjesnoj zajednici Simin han, mjesnoj zajednici Kreka)

Ko je za ovakav prijedlog zaključaka, molim da digne ruku? (24) Ima li neko protiv? (Nema.) Uzdržan? (Nema.)

24 vijećnika su glasala za, nema niko protiv, nema suzdržan, te je jednoglasno prihvaćen navedeni zaključak.

Prelazimo na šestu tačku Dnevnog reda:

SANACIJSKI PLAN PARCELACIJE ZA K.O. TUZLA I

Predlagač je Gradonačelnik Grada Tuzla.

Obrađivač je Služba za geodetske i imovinsko-pravne poslove.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem i raspravu vijećnika.

Idemo na izjašnjavanje. Zaključujem raspravu vijećnika. Molim vas. Ko je za usvajanje SANACIJSKOG PLANA PARCELACIJE ZA K.O. TUZLA I, molim da digne ruku? (24) Ima li neko protiv? (Nema.) Uzdržan? (Nema.)

Konstatujem da je jednoglasno usvojen SANACIJSKI PLAN PARCELACIJE ZA K.O. TUZLA I, 24 vijećnika su glasala za, nema niko protiv, nema suzdržan.

Prelazimo na sedmu tačku Dnevnog reda:

IMOVINSKO-PRAVNA AKTA:

**a) Odluka o promjeni statusa nepokretnosti (Abdurahmanović H. Muharem, lokacija K.O. Tuzla III), broj:
- 01/08-31-2608/11**

Predlagač je Gradonačelnik Grada Tuzla.

Obrađivač je Služba za geodetske i imovinsko-pravne poslove.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Čitanjem izvještaja komisija? (Nema.)

Otvaram raspravu klubova. (Nema.) Zaključujem raspravu klubova. Otvaram raspravu vijećnika. (Nema.) Zaključujem i raspravu vijećnika.

Ko je za usvajanje IMOVINSKO-PRAVNA AKTA:

a) Odluka o promjeni statusa nepokretnosti (Abdurahmanović H. Muharem, lokacija K.O. Tuzla III), broj:

- 01/08-31-2608/11, molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je 26 vijećnika glasalo za, nema niko protiv, nema suzdržan, te su jednoglasno usvojena imovinsko-pravna akta, odnosno navedena Odluka.

Prelazimo na osmu tačku Dnevnog reda:

KADROVSKA PITANJA

Predlagač je Komisija za izbor i imenovanja.

Materijal su razmatrali klubovi vijećnika.

Hoćete li da čitam ovo? (Ma ne treba.) (MEDIHA NUHBEGOVIĆ – Pročitajte.) (NADA MLADINA - Radi stenograma.) (MEDIHA NUHBEGOVIĆ – Da se zna. Hoćete li da ja pročitam?) Hajde. Zato pitam.

MEDIHA NUHBEGOVIĆ – sekretar Gradskog vijeća Tuzla

Da se zna radi rješenja koja će biti usvojena, da Gradsko vijeće Grada Tuzle prihvata prijedlog Komisije za izbor i imenovanja, a na inicijativu Kluba vijećnika HDZ BiH - Hrvatske demokratske zajednice BiH, na način da se:

- Augustin Marković razrješava dužnosti člana Savjeta Mjesna zajednica Dobrnja, a Božo Josić bira na dužnost člana Savjeta Dobrnja.

Gradsko vijeće Grada Tuzla prihvata prijedlog Komisije za izbor i imenovanja, a na inicijativu Kluba vijećnika Narodne stanke Radom za boljitak, te se:

- Mario Piljić razrješava dužnosti člana Savjeta Mjesna zajednica Breške, a Ibrahim Šabanović bira na dužnost člana Savjeta Breške.

Gradsko vijeće Grada Tuzla prihvata prijedlog Komisije za izbor i imenovanja, a na inicijativu SDP - Socijaldemokratske partije BiH, te se:

- Tahir Halilčević razrješava dužnosti člana Savjeta Mjesna zajednica Kula, a Meliha Atić bira na dužnost člana Savjeta Mjesna zajednica Kula.

- Zumreta Kovčić razrješava dužnosti člana Savjeta Mjesna zajednica Jala, a Aida Fakić bira na dužnost člana Savjeta Mjesna zajednica Jala,

- Midhat Salihović razrješava dužnosti člana Savjeta Mjesna zajednica Grabovica, a Rijad Žigić bira na dužnost člana Savjeta Mjesna zajednica Grabovica.

- Jasenko Konjić razrješava dužnosti člana Savjeta Mjesna zajednica Novi Grad I, a Denis Jahić bira na dužnost člana Savjeta Mjesna zajednica Novi Grad I.

- Rasema Selesković razrješava dužnosti člana Savjeta Mjesna zajednica Stari Grad, a Zoran Čuk bira na dužnost člana Savjeta Mjesna zajednica Stari Grad,

- Alen Meštrovac razrješava dužnosti člana Savjeta Mjesna zajednica Kreka, a Hasan Kopic bira dužnost člana Savjeta Mjesna zajednica Kreka,

- Selma Dervišagić razrješava dužnosti člana Savjeta Mjesne zajednice Gornja Tuzla, a Enisa Bobić bira na dužnost člana Savjeta Mjesna zajednica Gornja Tuzla,

- Ferid Atanović razrješava dužnosti člana Savjeta Mjesna zajednica Simin Han, a Mirsad Jusufović bira na dužnost člana Savjeta Mjesna zajednica Simin Han.

- Sanela Bosankić razrješava dužnosti člana Savjeta Pasci Gornji, a Anela Đulović bira na dužnost člana Savjeta Mjesna zajednica Pasci Gornji.

Pa molim predsjedavajući da ovo stavite na glasanje.

JOZO NIŠANDŽIĆ

Molim vas ko je za ove prijedloge koji su sad pročitani, molim da digne ruku? (27) Ima li neko protiv? (Nema.) Uzdržan? (Nema.)

Znači 27 vijećnika je glasalo za, nema niko protiv, nema suzdržan. (NEDŽAD MALIKIĆ – Ako mogu ja poslovnčku.)

Glasali smo. (NEDŽAD MALIKIĆ – Samo da uđe u zapisnik, ja moram tu. Ja se izvinjavam.)

NEDŽAD MALIKIĆ

Ovde smo napravili presedan. Ovde smo zamijenili članove Stranke za BiH bez njihove saglasnosti. Samo da uđe u zapisnik i želim sad svoj, da kad su oni u pitanju, da izuzmem jer mi nismo imali pravo bez Stranke za BiH koja je bila parlamentarna i dobila devet povjerenika. Mislim da bez njihove saglasnosti nemamo pravo mijenjati bez obzira.

Molim da se to razjasni. Mi nemamo pravo mijenjati devet povjerenika savjeta Stranke za BiH.

Molim vas da se oni izuzmu, a da glasamo za prijedlog HDZ-a i ovi drugi. Ovo je stvarno presedan, ja sam se stvarno iznenadio jer ovo nisam očekivao da će biti.

JOZO NIŠANDŽIĆ

Mi smo završili glasanje, idemo dalje.

NEDŽAD MALIKIĆ

Mi smo završili glasanje, idemo dalje molim vas.) Hoću da uđe u zapisnik. Ne možemo mi mijenjati doćemo u situaciju da ćemo imati problem.

Ne može niko mijenjati članove bez. Ne može niko. Pa mi smo u zabludu dovedeni.

Nije rečeno da Stranka za BiH nije, ovdje je fino rečeno HDZ mijenja, Stranka za boljitak mijenja i onda su počeli se nabrajati ostali.

Nije ni jednog trenutka rečeno da Stranka za BiH mijenja. Moramo imati od Stranke za BiH zaključak koji žele mijenjati. Ovde smo dovedeni u situaciju da smo prevareni.

I ne želim da učestvujem u tome. Molim vas da se vrati na glasanje. Povlačimo nije navedeno. Molim vas, molim vas.

JOZO NIŠANDŽIĆ

Mi smo završili idemo dalje.

NEDŽAD MALIKIĆ

Ne možemo završit zato. (JOZO NIŠANDŽIĆ – Završili smo, ja sam zaključio.) Nismo završili predsjedavajući, nismo završili, ljudi moji, pravimo cirkus od ovoga Vijeća. Nemojte molim vas. Molim vas tražim pauzu od deset minuta da se ovo razriješi. (Poslovnička.)

JOZO NIŠANDŽIĆ

Ima pravo od deset minuta pauzu. Deset minuta pauza. (Pauza.)

Nastavljamo s radom. Pauzu si tražio kao predsjednik Kluba. Izvoli.

NEDŽAD MALIKIĆ

Poslovničku sam tražio jer sam tražio deset minuta pauze kako bi riješili problem koji je nastao, evo ja se nadam da smo ga riješili pa da vidimo.

JOZO NIŠANDŽIĆ

Izvolite Ajanoviću.

MIRNES AJANOVIĆ

Nakon što smo dobili ovu informaciju, Klub vijećnika SDP-a i BOSS-a je raspravljao zajedno sa predsjedavajućim. Nismo imali informaciju prije o bilo čemu da je eventualno sporno.

Nemamo ni sada da je sporno. Dakle, nemamo čistu situaciju da li je zaista nešto pripadalo nekoj političkoj stranci SBiH-u ili ne. U situaciji kada mi ne znamo, nemamo dovoljno informacija, kolea Malikić tvrdi da jeste, ali njegova tvrdnja mora biti podkrijepljena dokazima i na kraju nije tou radio prije nego što se glasalo.

Trebali smo imati informaciju da je bilo šta sporno prije glasanja. Nismo.

Mi smo završili glasanje. Tačka dnevnog reda je okončana. Međutim, kako ne bi dozvolili bilo šta da se bilo kome pravo uskrati, ja predlažem da stavimo na izjašnjenje

vijećnicima da ponovo se vratimo na glasanje po ovoj tački dnevnog reda i da ove sporne stvari, odnosno sporna imena isključimo, a da glasamo za ostala koja su nesporna.

Tako da se vijećnici izjasne da se vratimo na ponovo izjašnjenje o ovoj tački, nakon ovoga, kako bi mogli onda ove nesporne, ove stvari riješiti, a ova sporna imena da isključimo iz glasanja za današnji i da ostavimo za narednu sjednicu, gdje ćemo do naredne sjednice imati mogućnost da dobijemo pune informacije, kome to pripada, da li pripada ili ne i onda ćemo se određivati ili možda nećemo nikako određivati se.

Ali da bi mogli se vratiti, jer smo glasali mora imati saglasnost Gradskog vijeća po pitanju glasanja da se vratimo u tu fazu, jer smo dobili određene informacije u samom nekakvom periodu izglasavanja, odnosno glasanja.

Faktički, poslovnički mi smo glasali, ali Vijeće se može izjasniti u određenim spornim situacijama da može i na ovakav način reagovati i želimo evo Klub SDP-a i BOSS-a, ja sam zadužen da kažem dakle u ime oba kluba, iz tih demokratskih razloga da ne bi povrijedili bilo čija prava, evo na ovaj način predlažemo da to vratimo na ponovno izjašnjenje, uz skidanje, neka se stave ta imena koja se smatraju spornim, ti imena iz današnjeg izjašnjenja i ostavljanje za narednu sjednicu. Hvala.

JOZO NIŠANDŽIĆ

Oprostite samo da pitam, pošto Slađa zna.

Evo molim vas, upravo smo usaglasili, pošto Stručna služba vodi zaista evidenciju, evidentno je da su tri člana savjeta mjesne zajednice iz reda SDP-a i oni mijenjaju, i tu nema problema, a oni šest koji su sporni, znači, ostavit ćemo pa kad se to vidi šta je i kako je da i dio oko toga. (MIRNES AJANOVIĆ – Prvo izjašnjenje da se vratimo na glasanje.)

(MEDIHA NUHBEGOVIĆ – Da se ponište rezultati glasanja.)

Molim vas, ko je za to da poništimo ono glasanje koje je bilo, molim da digne ruku? (27) Ima li neko protiv? (Nema.) Uzdržan? (3)

27 vijećnika je bilo za, tri su suzdržana Nada, tri vidio sam ja Slavuljica Nikola, Enes i Nada su bili suzdržani, to znači da je 25 bilo za. (Ponovite.)

Ko je za to da se poništi ovo glasanje koje je bilo? (23) Ima li neko protiv? (Nema.) Uzdržan? (3)

23 vijećnika su glasala za, nema niko protiv i tri su suzdržana vijećnika, što znači da smo poništili glasanje.

E ovako molim vas, predlažem da se izjasnimo za ova tri slučaja koja su čista.

- Jasenko Konjić razrješava dužnosti člana Savjeta Mjesna zajednica Novi Grad I, a Denis Jahić bira na dužnost člana Savjeta Mjesna zajednica Novi Grad I.

- Rasema Selesković razrješava dužnosti člana Savjeta Mjesna zajednica Stari Grad, a Zoran Čuk bira na dužnost člana Savjeta Mjesna zajednica Stari Grad,

- Ferid Atanović razrješava dužnosti člana Savjeta Mjesna zajednica Simin Han, a Mirsad Jusufović bira na dužnost člana Savjeta Mjesna zajednica Simin Han.

Evo ko je za ovaj prijedlog, molim da digne ruku? (28) Ima li neko protiv? (Nema.) Uzdržan? (2)

Za je glasalo 28 vijećnika, nema niko protiv i dva su vijećnika bila suzdržana, te je ovaj prijedlog većinom glasova prihvaćen.

Izvolite, šta ste rekli. Izvolite.

NEDŽAD MALIKIĆ

Da ne bi došlo do zabune. Pošto smo poništili glasanje, a mislim da smo glasali u

paketu, želio bi da se ponovo glasa za prijedlog kandidata HDZ- i Narodne stranke Radom za boljitak, a poništili smo glasanje. Poništili smo kompletno glasanje, ali smo glasali u paketu. Eto samo da se pročita.

JOZO NIŠANDŽIĆ

Ja, ja. Znači Gradsko vijeće Grada Tuzla prihvata prijedlog Komisije za izbor i imenovanja, a na inicijativu Kluba vijećnika HDZ BiH - Hrvatske demokratske zajednice BiH, te se:

- Augustin Marković razrješava dužnosti člana Savjeta Mjesna zajednica Dobrnja, a Božo Josić bira na dužnost člana Savjeta Dobrnja.

I imamo još u Breškama isto takođe.

Gradsko vijeće Grada Tuzla prihvata prijedlog Komisije za izbor i imenovanja, a na inicijativu Kluba vijećnika Narodne stanke Radom za boljitak, te se:

- Mario Piljić razrješava dužnosti člana Savjeta Mjesna zajednica Breške, a Ibrahim Šabanović bira na dužnost člana Savjeta Breške. Malikiću ovo je vaše, je li u redu?

(U redu je.) Ko je za ovaj prijedlog molim da digne ruku? (26) Ima li neko protiv? (Nema.) Uzdržan? (Nema.)

Konstatujem da je 26 vijećnika glasalo za, nema niko protiv, nema suzdržan te je i ovaj prijedlog jednoglasno prihvaćen.

Prelazimo na devetu tačku Dnevnog reda:

TEKUĆA PITANJA

a) Inicijativa da se lokalitet sa stećcima Nikolići- Donje Breške adekvatno obilježi, da se izvrši HITNO saniranje i uređivanje pomenutog lokaliteta, kao i asfaltiranje pristupnog puta, kao i da se pristupi donošenju Plana upravljanja i Plana sanacije, restauracije i konzervacije lokaliteta u skladu sa tačkom III Odluke Komisije za očuvanje nacionalnih spomenika broj:05.1-02-3-71/10 od 26.oktobra 2010. godine („Službene novine Federacije BiH“, broj 10/11),

b) Inicijativa Gradskoj upravi za dostavljanje Informacije o realizaciji i kvalitetu izvođenja radova na putnoj infrastrukturi urađenoj na području grada Tuzla

c) Inicijativa prema JZU UKC Tuzla, da se obezbijede adekvatni uslovi za boravak pacijenata u Psihijatrijskoj klinici

d) Inicijativa prema Službi za komunalne poslove, izgradnju i pitanja MZ-ca u vezi sa uličnom rasvjetom i izgradnjom puta u ulici Gradovrška, MZ Solina

e) Zahtjev za dostavljanje Informacije o projektu kreditnog zaduženja JKP „Vodovod i kanalizacija“ Tuzla i utrošku „grant sredstava“ dobijenih uz kredit (Malikić Nedžad)

f) Urgencija za dostavljanje informacije o realizaciji projekta poslovne zone „Kreka-Sjever“

g) Ponovljena urgencija za adaptaciju puta i igrališta “Jezero” u ulici Muharema Fizovića Fiska MZ Centar

h) Urgencija za rješavanje komunalnog problema u ulici Birčanskog odreda, MZ Slavinovići u dijelu koji se račva iz Fočanske ulice, koji je u katastrofastovalnom stanju zbog izraženih rupa uzrokovanih svakodnevnim ispuštanjem sadržaja iz septičkih jama od strane nesavjesnih građana

i) Urgencija za rješavanje saobraćajnog problema na dionici puta “raskrsnica kod Livnice” u vidu postavljenja semafora ili nekim drugim adekvatnijim načinom rješavanja ovog saobraćajnog problema

j) Inicijativa za sanaciju mosta u naselju Plane, MZ Šićki brod

k) Inicijativa za uklanjanje ambrozije

Hoćemo li kao dosad? Ko ima da o inicijativama ovim da se javi. Pa evo ima uvijek neko hoće da znaš. Ne možemo. Pa zato vam kažemo. Malikiću izvolte. A ne ode Malikić. (NEDŽAD MALIKIĆ – Ima mene. Imam. Samo da uzmem materijal.) Malikić pa Alić. Je li Aliću?

NEDŽAD MALIKIĆ

Ono što sam shvatio da možemo o više inicijativa je li tako? U paketu. (JOZO NIŠANDŽIĆ – Odjednom sve. Ako imaš svoje inicijativa.) Pa naravno to. Zato kažem. (JOZO NIŠANDŽIĆ – Ili kako hoćeš. Ako nećeš.) Može. Hoću. Hoću svaku pojedinačno. (JOZO NIŠANDŽIĆ – Ali ako možemo kratko da. Mislim.)

Ima ovdje znači inicijativa gradskoj upravi za dostavljanje informacije o realizaciji i kvalitetu izvođenja radova na putnoj infrastrukturi urađenoj na području Grada Tuzle.

Nažalost svjedoci smo da u zadnjih niz godina velika sredstva izdvajaju sami građani a Boga mi i Grad Tuzla, za realizaciju mnogih projekata. Ono što je kulminiralo a to je izvođenje radova u Mjesnoj zajednici Breške, znači u naselju Šabani, prema mezarju, gdje je urađeno tako loše da su ljudi svima nama poslali jedan dopis, molbu, da se na koji način pomogne tim građanima jer ipak su oni uložili svoja sredstva a i sredstva građana, odnosno a i sredstva Grada Tuzle, iako su i to sredstva naših građana.

Želim jedan zaključak Mediha ako se samo može. Da se obaveže Služba za komunalne poslove i pitanje mjesnih zajednica, da ode na lice mjesta i da nam na sledeću sjednicu Vijeća dostavi informaciju o izvođenju tih radova, a isto tako da nam se dostavi informacija da li i kada se planira konačno da se imenuje osoba koja bi kontrolisala pojedine radove, ako je to putna infrastruktura da imamo nekog ko će i nadgledati izvođenje radova i asfaltiranje puteva, isto tako nadgledati radove kad se bilo koja infrastrukturni projekat radi na području Grada Tuzle.

Nažalost svjedoci smo bez obzira što se izdvoje sredstva da se uradi nekvalitetno i da kroz godinu dana imamo te probleme. To nam se ne treba dešavati i mislim da je konačno vrijeme da imamo tu osobu koja će to nadzirati i na kraju krajeva i primati radove, odnosno i kazniti izvođača ako je jednom ili dvaput. Evo ja i Sabahudin imamo kad je u pitanju Ešef inženjering jedno neugodno iskustvo, gdje je radio kanalizacionu mrežu, gdje je nažalost i poslije toga moralo se intervenisati ponovo i ulagati sredstva i tako dalje i tako dalje.

Tako da to jednom izvođač radova ili dvaput kada bude na taj način kažnjen, mislim da više neće. Em što neće dobiti poso nego drugi neće raditi nekvalitetne radove kad su te stvari u pitanju.

Inicijativa sledeće je prema Javnoj zdravstvenoj ustanovi UKC Tuzla, da se obezbijede adekvatni uslovi za boravak pacijenata u Psihijatrijskoj klinici u Solini.

Svjedoci smo da je nedavno desio se nesretni slučaj da je u bolnici pacijent nažalost ubio pacijenta i o tome se pisalo, ali ja moram podsjetiti da je dugi niz godina nažalost ta klinika neadekvetno zaštićena, iz razloga tog što svi ti pacijenti ulaze u naselja i često se dešava da ljudi zovu i policiju, da ljudi zovu, jer jednostavno uđu u kuću i sjede.

Ne znam kako bi se svi osjećali da ti dođe neko ko je na psihijatriji, dođe ti u kuću, sjede bez ičega i onda možeš jednostavno očekivati ono najgore.

Traži se od UKC-a Psihijatrijske klinike u Solini da konačno napravi za te pacijente koji su u takvom stanju nažalost neku zaštitu, kako ne bi izlazilo u naselje i da se ne bi desile te neželjene efekti, neželjene stvari koje su se desile. I odnosila se na to ta inicijativa.

A isto tako moram vas podsjetiti, da je čak i 2010. na tu Psihijatrijsku kliniku bilo planirano da se smjeste najveće ubice sa područja Federacije i tada smo uspjeli znači da to spriječimo. I ja sad kažem trebalo bi, trebalo bi znači na neki način da se UKC Tuzla potruži i da na neki način zaštiti naše građane od tih bolesnika.

Isto tako inicijativa prema Službi za komunalne poslove, izgradnju i pitanja mjesnih zajednica u vezi sa uličnom rasvjetom i izgradnjom puta u ulici Gradovrška, Mjesna zajednica Solina.

Eh o čemu se radi? Upravo danas kad smo razgovarali, upravo su ti mještani ogorčeni na rad Savjeta Mjesne zajednice, odnosno predsjednika Savjeta u Mjesnoj zajednici Solina. Upavo je ta osoba bila u tom naselju i na neki način čovjek koji je vodio tu aktivnost, član Savjeta Mjesne zajednice koji nije iz SDP-a, jednostavno je iz toga isključen, a pojavio se predsjednik Savjeta i reko ako budete glasali za SDP taj će se projekat uraditi.

To je žalosno i treba pozvati i preispitati da li je predsjednik Savjeta Mjesne zajednice zloupotrebio svoju poziciju i da je to rekao tim građanima. A građani su to, napravili su jednu peticiju, dostavili su je meni da je ovdje pročitam i da jednostavno građani budu upoznati sa svim tim dešavanjima.

Oni su na vrijeme znači skupili finansijska sredstva za izgradnju ulične rasvjete, skupili su sredstva za izgradnju puta i to se trebale realizirati. Za koga će oni glasat to je najmanji problem, bitno je da se našim građanima napravi bolja putna komunikacija, ovo je XXI stoljeće.

Najveća je žalost što mi i danas imamo destine kilometara makadamskog puta i onda čovjek zove, traži da naspe kamion tucanika da bi nasuo put.

Trebamo zaboraviti posipne materijale, tucanike. Moramo izgrađivati moderne saobraćajnice, ipak je ovo XXI stoljeće.

Ostalo bi ja prepustio predsjedniku Mensuru Aliću da nastavi dalje oko pojedinih inicijativa. Hvala.

JOZO NIŠANDŽIĆ

Izvolte gospodine Aliću.

MENSUR ALIĆ

Pa mi smo imali ovo pod e) zahtjeva za dostavljanje informacije o kreditnom zaduženju i bespovratnim sredstvima.

Ja mislim da nema više ovdje puno da se govori. Svi smo rekli sve uz onu tačku o Izvršenju budžeta. Tako da bi samo trebo biti jedan zaključak da se za narednu sjednicu dostavi sva informacija oko kreditnog zaduženja, od toga kad je Ugovor potpisan, koliko je bespovratnih sredstava, koliko je kredita, na koliko godina, uz koju kamatnu stopu, ima li grejs perioda, koliko je projekata urađeno od toga, je li šta urađeno do sada. Da to bude jedna kompleta informacija da više o tome ne govorimo, da se Vijeće upozna kad je u pitanju taj kredit.

Ova druga urgencija za dostavljanje, ovo je peti put dosad kako tražim da se dostavi urgencija šta je sa Poslovnom zonom Kreka-Sjever?

Evo u zadnje vrijeme sam prolazio par puta dole i vidim da to zarasta ponovo u travu, da su svi radovi zaustavljeni, a bio sam u Koordinacionom timu, koji moram napomenuti se

ne plaća, nema paušal za to, besplatno, do prije četiri mjeseca, nakon toga su me izbacili iz tog Tima jer ja nisam bio poželjan, zato što sam tražio da se radi onako kako treba da se radi. Nikad me više nisu ni pozvali na nijedan sastanaka. A što je nagore 250.000KM-ova je umanjeno na stavci za Poslovnu zonu, koja je bila planirana za u Budžetu za 2016. godinu, umanjeno je u Rebalansu budžeta za 250.000 prije tri mjeseca kad je bio Rebalans budžeta. (NEDŽAD MALIKIĆ – 300.000. 300.000.) 300.000. Pardon.

Pitam se i postavljam pitanje, da li je konačno odustato od tog Projekta, gdje je trebalo, svi znate ovdje da smo svi hvalili taj Projekat, i pozicija, i opozicija, da je to nešto stvarno dobro za Tuzlu, da to bude samo urnek za daljih pet, šest poslovnih zona koje su se trebale graditi na prostoru grada Tuzle, da li je uloženo milion maraka onako samo da su potrošene pare a da se odustalo od toga?

Prvobitna, u prvobitnom Projektu koji je urađen jer se tri puta Projekat mijenjao, bilo je 26 lokacija, da bi poslije toga smanjeno na 16. Imam informaciju zadnji put kad sam bio na ovom Koordinacionom tijelu na sastanku da su samo tri lokacije riješeno imovinsko-pravni odnosi.

Ako nismo imali imovinsko-pravne odnose riješene nismo trebali ulaziti u ovaj Projekat uopšte. Zašto smo ulazili? Prvo se moralo ući u istoriju zemljišta čije je, može li se to zemljište Grad Tuzla da ga kupi ili da ga pripoji sebi.

Da li je ono sredstava što je bilo predviđeno nije sve ni uloženo. Da li se stvarno zaustavio taj projekat da se ne radi dalje ili ne znam kojim riječima da to kažem. Ne mogu da shvatim da se uradi Regulacioni plan, prvo u nacrtu, pa Regulacioni plan, pa urbanistička dozvola, pa projekat, pa se sve to završi i tri puta se Projekat prepravlja, uradi se i na kraju ulože se tolika sredstva.

Da li smo mi nekom sad oslobodili lokaciju nečija što je privatna zemlja dole ili Željeznica, ili Islamske vjerske zajednice, ili Komunalca, uglavnom se kreće da su to zemljišta od tih ustanova i preduzeća, da li smo mi to njima sad uradili i doveli u jedan nivo da bi mogli to oni kvalitetno prodat a da mi ostanemo prazni ruku od milion KM-ova.

Ja mislim da imamo jedno stanje kad je u pitanju imovinsko-pravni odnosi u Gradu Tuzla nevjerovatno. I onaj ko god priča da nam trebaju strane investicije u Tuzli, da nam trebaju domaći investitori, mi nemamo nijedne lokacije u Gradu Tuzla u kojem danas privrednik može doći i reći trebam da gradim fabriku, hoću da zaposlim 300 ljudi, nema nijedne lokacije.

Navest ću vam primjer jedan. Šokantan. Da je mojoj kompaniji prodato zemljište u ovoj godini koje je pod restitucijom. Možete misliti dokle se došlo. 6.180 kvadratnih metara. Neki dan sam dobio od tužilaštva, od tužilaštva sam dobio da dostavim sve podatke, knjižni izvadak, urbanističku dozvolu, građevinsku dozvolu, renta da je plaćena, da je, da je Općinsko vijeće donijelo Odluku o prodaji zemljišta, sve sam morao pravnicu da angažujem da to dostavi Tužilaštvu Tuzlanskog kantona.

Ako to bude istina stvarno onda ja ću vjerovatno tražiti oštetu koja će biti nekih 10.000.000 KM-ova. Time će gradska uprava doći u situaciju da će bankrotirat.

Ja ne znam ali vjerujte dopis nisam ponio od tužilaštva da su mi to tražili potvrđeno sve i sve sam to moro dostaviti.

Zbog toga nemoj da ulazimo u projekte u kojima nije rasčišćeno imovinski-pravni odnosi da nisu rasčišćeni. I bojim se da nam se to nije desilo i za Poslovnu zonu.

Zato tražim da bude zaključak da se, evo peti put, da se dostavi informacija ovom Vijeću za sledeću sjednicu Vijeću, poslednju u ovom mandatu, a imat ćemo tamo evo tačku dnevnog reda šta je Gradsko vijeće uradilo za ove četiri godine, da nam se dostavi dokle se došlo sa poslovnim zonama, koliko je uloženo sredstava i da li su riješeno imovinski-pravni odnosi na toj lokaciji.

Ako nisu, bolje da zaustavimo više da ne ulažemo sredstva građana Tuzle, nego da ulažemo a da posle ne možemo to iskoristiti za onoliko fabrika koliko je bilo predviđeno a predviđeno je negdje da će se zaposliti oko hiljadu građana Tuzle. Evo zahvaljujem.

JOZO NIŠANDŽIĆ

Gospođa Nada Mladina, zamjenica predsjedavajućeg. Izvolte Nado.

NADA MLADINA

Poštovani vijećnici ja ću samo kratko ovaj pod tačkom a), inicijativu koju je pored mene podnio i gospodin Kasumović, a odnosi se na to da se lokalitet sa stećcima Nikolići-Donje Breške adekvatno obilježi i da se hitno pristupi donošenju plana upravljanja i plana sanacije, restauracije i konzervacije lokaliteta u skladu sa Odlukom Komisije za očuvanje nacionalnih spomenika od oktobra 2010. godine.

Naime skupina mladih ljudi iz Tuzle koja je obišla lokalitet Nikolići, koji je bio na spisku mogućih spomenika kulture koji bi bili pod zaštitom UNESCO-a, nije uvršten zbog toga što nisu obezbijedeni adekvatni uslovi jer se nije postupilo po Odluci Komisije.

Znači ne može se tamo prići, ne može se to vidjeti i tražimo, vidjela sam i u vašem prijedlogu, predlažem da ovo što sam napisala u inicijativi kao sugestije prema nadležnim, da to budu zaključci ovog Gradskog vijeća, a u vezi sa ovim našim inicijativama, prema onima kojima je rečeno i prema Federalnoj vladi i prema Službi za komunalna pitanja i pitanja mjesnih zajednica i da se o tome obavijesti ovo Gradsko vijeće šta je u tom smislu poduzeto.

To smo obećali ovim mladim ljudima ali mislim da je obaveza svakako da se zapitamo šta je to jer jedino od svih predloženih spomenika vezano za stećke, samo ovi u Breškama, odnosno u Tuzli i na Palama nisu uzeti u obzir jer nisu ispunjeni uvjeti. E pa nemojte da to tako bude. Hvala.

JOZO NIŠANDŽIĆ

Hvala. Hvala. Samo malo. Mirza Tupajić sad javio se pa. (ELVIR KASUMOVIĆ - Po istom pitanju.) Mirza možemo li pošto ista se radi inicijativa. (MIRZA TUPAJIĆ – Naravno. Naravno.) Izvolte onda Elvire. (IVICA KOVAČEVIĆ – Predsjedavajući.) A Mirza je sledeći. I Ivica. Molim? (IVICA KOVAČEVIĆ – Po inicijativama.) Hajde dok završimo ovu.

ELVIR KASUMOVIĆ

Meni je stvarno žao što je to samo na Palama i u Tuzli. Evo moramo se i sa Palama porediti po tom pitanju. (NADA MLADINA – Tako je. To je tako napisano.) Jest.

Ali obzirom da lokalna, lokalna vlast ima ingerencije, prema tome znači evo konkretno ovdje se radi o nebrizi gradskih vlasti o ovaj obilježavanju ovih stećaka i zbog toga smo izbrisani iz ovih UNESCO projekata.

U 90% ove inicijative mene i gospođe Nade su identične, s tim samo što se moja proširuje s time da se izvrši hitno saniranje i određivanje pomenutog lokaliteta, kao i asfaltiranje pristupnog puta. Znači pridodato je samo asfaltiranje pristupnog puta prema stećcima u mojoj inicijativi.

JOZO NIŠANDŽIĆ

Dobro. Hvala. Ivica vi ste nešto htjeli da komentarišete po ovom pitanju. (IVICA KOVAČEVIĆ – Sa po ovom. Ali evo.) (MEDIHA NUHBEGOVIĆ – Repliku hoće Gradonačelnik.) (NADA MLADINA – Ako hoće u vezi sa ovom.)

Načelniče izvolte. Dobrodošli. Jeste li tražili nešto? (JASMIN IMAMOVIĆ – Samo da repliciram.) Hajde izvolte onda. Kad da replicirate? Sad. (JASMIN IMAMOVIĆ – Ma sada što je gospodin Kasumović rekao.) Pa hajde izvolte. Ovo su inicijative samo da znate.

JASMIN IMAMOVIĆ – Gradonačelnik Grada Tuzle

Ma ja. Ali nije u pitanju nebriga. Dakle razgovarao sam sa predsjednikom Nacionalne komisije Dubravkom Lovrenovićem. Mi smo u to doba nudili, mnogi stećci tek se zbog mekanih brda tek vire, nudili da to otkopamo. Pa su nam rekli iz Nacionalne komisije da to ne smijemo raditi.

Meni je obećao, evo ja ću ga zamoliti da izvrši to obećanje Lovrenović, da mi objasni to.

Dakle ne radi se o nebrizi. Nekoliko nekropola nije uvršteno i nisu razlozi u tim lokalnim zajednicama čije nekropole nisu uvrštene.

JOZO NIŠANDŽIĆ

Pa ne znam. Ne bi trebalo. Ovo nije replika. Ovo je objašnjenje što kažu zašto. Da ne bude. Pazite nije to.

ELVIR KASUMOVIĆ

Naravno. Ali da ne ostane, da ne ostanemo nedorečeni. Niko vas gradonačelniče nije mogo spriječiti u tome da označite to. Da bar nekim putokazima lokalitet označite po tom pitanju. Znači niko vam nije.

Radi se ovdje o ne označavanju lokaliteta a ne o saniranju lokaliteta. Znači niko vam nije mogo po tom pitanju zabraniti, samo da stavite obilježja gdje se nalazi.

JOZO NIŠANDŽIĆ

Dobro. Idemo dalje. Idemo dalje ljudi. Imamo još posla. Ivica izvolte. Šta? (MIRZA TUPAJIĆ – Je li i ti o ovom.) (IVICA KOVAČEVIĆ – Oko ovog. Da.) (MIRZA TUPAJIĆ – Bujrum. Bujrum.)

IVICA KOVAČEVIĆ

Evo ja ću još jednom sve pozdraviti. Inicijativa kao inicijativa je jako dobra, međutim evo ja ne mogu ne izraziti svoje razočaranje da Tuzla nije našla svoje mjesto dakle na listi UNESCO-a.

Ja sm na sjednici Kolegija zamolio da kao Kolegij idemo s jednim zaključkom, da uputimo dakle da nam Komisija dostavi neki odgovor o razlozima. (MEDIHA NUHBEGOVIĆ – Poslat. Poslat je zaključak Kolegija Komisiji.) Ali nismo dobili nikakav odgovor. (MEDIHA NUHBEGOVIĆ – Nismo.)

Dakle evo ja bi uistinu volio da čim taj odgovor dođe da evo onaj imamo pravu informaciju. OK, evo Gradonačelnik kaže da nije nebriga, međutim sve nekako izgleda na to.

I prema nekim informacijama do kojih sam ja došao možda i to gdje mi je neizravno rečeno da je i to jedan od važnih razloga zašto stećci u Breškama nisu uvršteni na taj popis.

Dakle inicijativa kao sad, inicijativa koju podnosimo je jako dobra, ja ću nju naravno podržati, međutim bojim se da smo o ovome trebali razmišljati onda kad je Tuzla prvotno ušla u tu samu priču o stećcima, a bojim se da je ovo sad ono zakašnjela reakcija.

JOZO NIŠANDŽIĆ

Tupajiću izvolte. (JASMIN IMAMOVIĆ – Mogu li da pojasnim?) (MIRZA TUPAJIĆ – Pošto je odmah. Bujrum.) Hajde neka on. Hajde.

JASMIN IMAMOVIĆ

Dakle ja sam podnio inicijativu. Ovo su mekana brda, stećci su propali. Imali smo u konkurenciji jedan Konjic koji ima na stotine stećaka na onim stijenama. Podnosilac sam te inicijative ja.

Doveli smo ovdje Nacionalnu komisiju na lice mjesta. Pitali šta treba da uradimo? Oni su rekli, da ne smijemo ništa dirati.

Dakle imate tamo stećak urasto u drveće, stećak propo u zemlju. Da ostavimo sve i da pustimo njima i da će oni probati tu malobrojnu nekropolu. Zašto je kod nas malo stećaka? Mekana brda pa su stoljećima propali. U zemlju.

Ja predlago možemo li ih poskopati, iskopati, doći do nule? Ne. Ne smije se ništa dirati. I to je jedan razlog.

Drugi razlog mi je Lovrenović rekao, bila je velika borba i dogodio se kompromis da baš ne uđe sve nekropole koje su predložene gore a bila je velika borba hoće li ikako stećci ući pod zaštitu UNESCO-a.

Evo ja prihvatam, mi ćemo tražiti izjašnjenje, da nam dođu ovdje Lovrenović predsjednik Komisije. Ona je na to pristo i da to objasni.

A da mi ne nagađamo ovdje. Pa nema nikoga u ovoj sali da nije imo želju da uđe pod zaštitu UNESCO-a nekropola u Nikolićima.

JOZO NIŠANDŽIĆ

Hvala. Izvolte dalje. Tupajiću izvote.

MIRZA TUPAJIĆ

Prije svega drago mi je što sam, što vidim našeg Gradonačelnika. Baš sam vas danas spominjo. Niste dugo bili na sjednicama Gradskog vijeća, pa nekako i sami lakše i ljepše. I tako. (JOZO NIŠANDŽIĆ – Idemo. Idemo sad. Čeka nas tamo ljudi. Evo vidiš čekaju još.) Dobro. Dobro Jozo.

Ja imam tri urgencije ali ću se malo nadovezat, (JOZO NIŠANDŽIĆ – Sve tri. Sve tri.) naravno, ali ću se malo nadovezat vezano. (SABAHUDIN IMAMOVIĆ – Nemoj požurivat.) On mene malo zbunjuje. Ali nema veze.

Prošle ili pretprošle godine Klub vijećnika Stranke demokratske akcije je isto tako dao jednu finu inicijativu, tj. Urgenciju za spašavanje istorijskog spomenika gore kod Gradine,

znači „barutana“. Na lokalitetu znači Gradina. Koja je uz malu, uz mala ulaganja i akcije studenata, učenika.

I Ilija Jurišić je isto tako postavljao vijećničko pitanje isto vezano za ovo. Ništa se nažalost nije uradilo. Barem da se iskrči ona šuma i ne znam ni ja, bilo šta i tako dalje. Trebali bi malo pobrinuti se o našim istorijskim spomenicima.

Ja sam imao tri urgencije a ovo su sve bila vijećnička, nekad vijećnička pitanja i imam jednu znači ovu urgenciju, koju sam jednom postavljao vijećničko pitanje, pa ovo je sad urgent na, urgencija na Urgenciju za adaptaciju puta i igrališta “Jezero” u ulici Muharema Fizovića Fiska, Mjesna zajednica Centar.

Znači može 5.000 maraka bi koštalo to da se uradi a mnogo bi značilo gore mještanima tog dijela Mjesne zajednice Centar. Djeca nemaju gdje da se igraju.

Druga urgencija je gorući problem. Ja ne znam nema Kluba koji nije spominjo u vidu vijećničkih pitanja, inicijativa, urgencija. A to je hronični problem raskrsnica kod Livnice.

Svjedoci smo da minimum svaka tri mjeseca bude teška saobraćajna nesreća. Da je tamo i nekoliko puta se desio i smrtni slučaj. Znam da to pripada Federalnoj direkciji cesta.

Mi kao Gradsko vijeće trebamo pokušati iznaći rješenje i tražiti tamo i moliti od njih da se napokon to riješi. Da li u vidu nekog kružnog toga ili neki drugim načinom. Da li možda izmjestiti semafor ovaj kod Omege pa malo dole niže. Ali nekako se mora napokon doći do rješenja tog gorućeg problema.

Ovo je jedna mala, kazat ću mala urgencija, a to je urgencija za rješavanje komunalnog problema u ulici Birčanskog odreda, Mjesna zajednica Slavinovići, dio koji se račva iz Fočanske ulice, koji je naravno u katastrofalnom stanju.

I ovo sam postavljao dva puta vijećničko pitanje. Dobio sam neke skromne odgovore, da će to kobiva biti urađeno. I tu se ne radi o nekim velikim sredstvima, međutim osnovni problem jeste što mi imamo mnogo naselja, mnogo ulica, mnogo mahala koje dan danas ako imaju vodu to je premija a nemaju kanalizaciju.

Pa imamo onda te septičke jame koje preljevuju i idu na put. To je strašno, ali eto nažalost trenutna situacija u Gradu Tuzla je takva. Neko kaže da je sve bajno. Ako bog da da se i ovo riješi. Hvala.

JOZO NIŠANDŽIĆ

Hvala. Sabahudin Imamović. Izvolte.

SABAHUDIN IMAMOVIĆ

Klub vijećnika SDA je podnio dvije inicijative. Prva se tiče rekonstrukcije mosta u naselju Plane. Taj most se nalazi preko Mramorskog potoka i vodi prema pet kuća u blizini, u neposrednoj blizini jezera na bivšem kopu Šićki brod.

Dakle most je čelična konstrukcija, drvena podloga, koja je istruhla, koju treba zamijeniti i predstavlja opasnost za korisnike.

Druga inicijativa je da se krene u otklanjanje ambrozije. Čujem da je to, stalno se potencira ali on se od najboljeg preduzeća u Bosni i Hercegovini se ne preduzimaju konkretno koraci.

Gradonačelnice pitao sam danas, koje neovisno tijelo je odlučilo, izabralo naše Javno komunalno preduzeće Komunalac da je najbolje komunalno preduzeće u Bosni i Hercegovini? Pošto se dole tako reklamira, da je najbolje komunalno preduzeće u Bosni i Hercegovini. (JASMIN IMAMOVIĆ – Dobro.)

Možete li mi odgovoriti? (JOZO NIŠANDŽIĆ – Ja ovaj. Slušaj.) Imam pravo po Poslovniku da mi, da mi onaj kome sam uputio bio pitanje da mi odgovori. (JOZO NIŠANDŽIĆ – Dobit ćeš odgovor ali nemoj sad ba. Ti si u okviru vijećničkih pitanja dao.) Pa nisam. (JASMIN IMAMOVIĆ – Hoću.) (JOZO NIŠANDŽIĆ – Dobro. Hajde. Ali nije mislim.)

Predsjedavajući ja postavljam već šest mjeseci dva pitanja Gradonačelniku (JOZO NIŠANDŽIĆ – Odgovorite mu načelniče molim vas oba ta. Nemoj da ostanete dužan.) i ne dobijam odgovor. Evo iskoristit ću priliku kad je prisutan. Pa imam pravo valjda kao vijećnik. (JOZO NIŠANDŽIĆ – Pa imaš pravo, ali mislim.) Postavio sam pitanje i šta je sa ona dva radnika u Direkciji za izgradnju što nisu zbrinuti?

I šta je sa onim tamo izvorištem u Kiseljaku koje je izgrađeno na tuđoj zemlji a uloženo je 117.000 maraka? Hoću odgovore. Imam pravo na to. To je minimum koji od mene građani traže da im damo odgovore.

Evo koje je neovisno tijelo je izabralo Javno komunalno preduzeće Komunalac da je proglasilo najboljim komunalnim preduzećem u Bosni i Hercegovini? Mislim to je, to je ovaj. Hoću da znam. Jer uloženi su novci za tu reklamu. Znači na bilbordnu. Najbolje komunalno preduzeće. Valjda imam pravo na odgovore.

JOZO NIŠANDŽIĆ

Hvala. (MIRNES AJANOVIĆ – Mogu li ja. Nemoj. Javljam se po diskusiji.) Molim? (MIRNES AJANOVIĆ – Diskusija. Mogu li?) Po ovome? (MIRNES AJANOVIĆ – Ja.) Izvolte. (MIRNES AJANOVIĆ – Hvala.)

MIRNES AJANOVIĆ

Hvala predsjedavajući. U vezi ovog predloga za ambroziju. Ja sam inače vrlo često govorio na svakoj sjednici Gradskog vijeća kada je trebalo to raditi za ambroziju predlagao sam urgencije za njeno čišćenje, uklanjanje i sve ono što je bitno kako bi spriječili njeno širenje i ugrožavanje zdravlja građana.

Ambrozija se mora čistiti od aprila. Maja. Ona sad cvjeta. Njeno diranje je još skoro veće pogoršavanje svega.

Neko reče kada je predlagano na Kolegiju da se sad Sabahudin Imamović sjetio ove tačke jer je pred izborom a nije se sjetio kad je trebalo. U aprilu ili slično. Pa malo je bilo simpatično. Tako je rečeno na Kolegiju. Predsjedavajući je li bilo tako? Hoćete li reći predsjedavajući je li bilo ili nije? (JOZO NIŠANDŽIĆ – Idemo dalje ba. Idemo da završimo.) Pa je li ili nije bilo? (SABAHUDIN IMAMOVIĆ – Jozo budi muško ba.) Pa budi muško pa reci Jozo. Ja. Slabo.

(JOZO NIŠANDŽIĆ – Ne. Ne. Idemo dalje. Pa jeste reko, ali idemo da ne zadržavamo taj dio.) Pa eto riješi, jest reko i gotovo. Pa pitamo i gotovo. (SABAHUDIN IMAMOVIĆ – Reci mu da nije. Koga se plašiš? Ja ću te braniti.) Jest hajmo dalje. Hajmo dalje. (JOZO NIŠANDŽIĆ – Ne. Ne. Ne plaši se Jozo nikog živa da znaš.) Ali ne daj bože da te brani Imamović Sabahudin. Jest.

(JOZO NIŠANDŽIĆ – Malo tiše ba. Da saslušamo molim vas.) U vezi ovoga. (SABAHUDIN IMAMOVIĆ – Na kraju su vidjelo da je ambrozija.) U vezi ovoga, (JOZO NIŠANDŽIĆ – Malo.) dakle uvijek sam predlagao i stoji zaključak o generalnoj obavezi pred svaku sezonu uklanjanja ambrozije, da javna preduzeća koja su nadležna uz Javno komunalno preduzeće Komunalac i sama Komunalna služba moraju to uklanjati. Dakle to su zaključci koji su usvojeni od Vijeća.

Neka se sjetio i Sabahudin Imamović bez obzira što je dva dana pred početak izborne kampanje sasvim nebitno, međutim 22. augusta u svim medijima, možda nije pratio, sasvim se može moguće desiti da se ne uprati, Javno komunalno preduzeće je objavilo upravo dakle taj komentar o uklanjanju ambrozije, ukazali su koliko je to štetno i opasno, pozvali su se na odluke Gradskog vijeća po kojima građani imaju obavezu i dužni su uklanjati ambroziju u svojim privatnim posjedima i da Javno komunalno preduzeće Komunalac nema zakonsko pravo ulaziti u privatni posjed i uklanjati ambroziju, da se kontinuirano radi ka uklanjanju ambrozije, posebno dakle uz riječno korito rijeke Jale i na ostalim parcelama i da su oni u toku dakle radova, ne sada da su ih počeli, nego da su to aktivnosti koje su redovne kako bi se ambrozija uklonila.

Sad jedna ima anegdota koja je baš zaista bila i evo za ovo Vijeće. Ja sam 2000. godine otprilike, tada je bilo možda gore, možda dole, ne mogu se tačno sjetiti koja tačno, ali evo hajde da kažemo oko 2000., za ovom govornicom kritikovao Službu. Tad je bio bivši načelnik, bivša, dakle prije je bilo. Znam da je bio spor, da smo se svađali bivši Bešlagić načelnik šta ja kao pričam.

Ja sam napravio press konferenciju pa su se smijali novinari vidi čime se bavi BOSS, ambrozijom, a našao sam konkretne podatke iz susjednih zemalja, iz Evropske unije koliko je štetno. Pa su se svi smijali.

Pa sam na jednoj press konferenciji bio ovako grub prema Službi za komunalne poslove i tražio sam da dođu i da uklanjaju ambroziju i da i pred prostorom BOSS-a postoji ambrozija.

Evo meni hvala Bogu zasad ne škodi i ja nit mi škodi. (MIRZA TUPAJIĆ – Imaš jak imunitet.) Ma jeste, imunitet je takav da podnosi to. Dakle nisam radio radi sebe. Ali sam vidio da stoji plantaža ispred BOSS-a gdje je tada bio.

I pošalje nam Služba nakon tog mog pritiska na sjednici Gradskog vijeća stručnjake iz hortikulture. To su oni koje se eto bave tim poslom i znaju šta su te biljke, stabla i tako dalje.

I dođe nam taj stručnjak ono sav stručan hortikulturan. I sjedim ja, uđe on unutra i kaže ono sav svoj, hoćete li nam pokazati gdje je to stablo ambrozije. Nisu ni znali šta je ambrozija. Mislili da to raste na drvetu.

Tako da je to jedna od anegdota koliko se znalo o ambroziji i kad smo mi ukazali i upozorili, kad smo i kroz medije nije shvatala opasnost te biljke po zdravlje građana i dobro je da je Gradsko vijeće Tuzla ima taj stalni zahtjev nadležnim službama da rade i zadovoljstvo je da evo to Javno komunalno preduzeće kojeg Sabahudin očito ne voli, je i na vrijeme, evo i 22. avgusta, izvijestilo građanima o aktivnostima koje radi na području grada Tuzla u vezi uklanjanja ambrozije, ili podsjetilo i građane i na njihovu obavezu.

Tako da ova inicijativa je zakašnjela evidentno, ali eto neka malo porazgovaramo o tome. Možda neko na svojim privatnim parcelama nije uradio što je bio dužan da uradi, da ukloni, ali Javno komunalno preduzeće svojim reagovanjem i izvještavanjem javnosti o tome šta su uradili ispoštovali zaključke Gradskog vijeća sa, iz prethodne godine. Hvala.

JOZO NIŠANDŽIĆ

Hvala. Evo ovako molim vas. (MIRZA TUPAJIĆ – Ja imam ovaj repliku.) Pa gdje će replika na informaciju. Izvoli. Pa nema smisla na replike. (SABAHUDIN IMAMOVIC – Šta je ovo bilo? Šta je ovo bilo predsjedavajući?) (MIRNES AJANOVIĆ – Rasprava.) Nije to. On je. Izvolte.

MIRZA TUPAJIĆ

Poštovani predsjedavajući ja ne znam, ne razumijem mi kad iz opozicije izađemo ili prekidate, ili ometate. I mi pričamo sasvim normalno. Ne znam šta je. U čemu je problem? Pusti da pričamo. Vijećnici smo i mi. Imamo svoje. I za nas su ljudi glasali. (JOZO NIŠANDŽIĆ – Pa dobro ste aktivni. Hajde izvolte. Izvolte.) Pa de molim vas. Pa nemojte tako.

Replika gospodinu Mirnesu Ajanoviću. Pošto mi u Klubu znači 2012. smo se ovako dogovorili da ćemo zavisi od naše profesije i posla kojeg mi radimo, određena, određene tačke dnevnog reda, vijećnička pitanja, inicijative, Edin će to, Beriz će vezano za saobraćaj i tako dalje, tako kad je, bio je taj aktuelan isto problem za ambroziju. Dobili smo dopis u Stranku od par građana, predsjednik je meni to dodijelio da postavim, znači 2013. godine isto na vakat, onako nekako je bio april, maj mjesec, postavio sam to isto vijećničko pitanje.

I tačno je ovo da ima i zakonska regulativa vezana za ambroziju, znači jedan dio koji mora Komunalna služba, ne Komunalac. Jer Komunalna služba daje nalog Komunalcu i plaća određeni dio sredstava, znači koliko para toliko muzike da očisti, a građani koji imaju u svojim avlijama ambroziju nadležne inspekcije mogu da uslikaju i da im čak, i da ih novčano kazne. Eto toliko.

JOZO NIŠANDŽIĆ

Ne može opozicija je aktivna stvarno. Što jest, jest. Gradonačelnice, izvolte da pojasnite malo.

JASMIN IMAMOVIĆ

Sigurno je da neće svanuti dan da će u svakoj cesti, biti sve ceste bez rupa. Ja samo ovaj ne želim replicirati na ovo što ste rekli u Muharema Fizovića i tako dalje, ulicama, ali samo da podsjetim dakle da smo mi čitavu 14. i 15. godinu potrošili i novac i vrijeme na sanaciju i spašavanje kuća na padinama oko Tuzle, na tu veliku prirodnu nesreću. Da nam je to uzelo mnogo novca i mnogo vremena. Sve vrijeme. Ipak smo uspjeli urediti u 15. i dovršiti nekih preko 40 putnih pravaca, ono što je prije bilo ugovoreno.

A ostale smo pare morali na interventnu sanacija padina jer se radilo o hiljadu kuća. A nakon te interventne situacije ona je bila uzaludna ako se ne ide u definitivnu sanaciju, pravljenje pravih drenaža kako geološka nauka, struka to naredi.

Pa je ovo zaista prva prilika, prva sezona u kojoj mi možemo da uradimo nešto na daljem komunalnom razvoju. Prva istinska prilika neopterećena 100% poplavama i klizištima.

Vidim da je priča o kulturno-historijskom naslijeđu. Ja mislim da smo rekorderi u obnovi dugo neobnavljanog kulturno-historijskog naslijeđa. Rekorderi da. Jer pazite evo recimo Gornja Tuzla, Gornja Tuzla Bijela džamija, Zagradačka džamija, ovdje Čaršijska džamija, Džindička džamija, sve su to spomenici, Mejdanska džamija, Gospina kapela u Lipnici, ja to zovem stara katolička crkva, ovaj Kulturni centar, pravoslavna crkva u Požarnici.

Mnogo je rađeno na obnovi kulturno-istorijskog naslijeđa i kroz manifestaciju Cum-Grano-Salis jer je kulturno naslijeđe Tuzle su romani Meše Selimovića i Derviša Sušića, sa Muzejem književnosti, on služi za zaštitu kulturno-istorijskog naslijeđa.

Da je Kanton recimo koji ima deset puta veći Budžet uradio deset puta manje ne bismo imali ništa neuradeno.

Prema tome mi dajemo zgradu Kantonu da napravi jedan jedini Muzej Sjeveroistočne Bosne, godinama Kanton ništa nije uradio. Ono tamo urađeno gdje mogu biti izložbe je urađeno iz Budžeta Općine.

To je nevjerovatno da najmnogoljudniji Kanton nema nijedan muzej a najveći čuvar kulturno-istorijskog naslijeđa je muzej. Imamo dragocjen fundus. Onda smo mi morali da idemo sa Solnim trgom, sa Arheološkim parkom, da ljudi nešto mogu da vide u gradu, jer ne može Kanton je 100% Osnivač i mislim da je bilo lokalpatriotski zatražiti od Kantona da ne bude tako nekulturan nego kulturni i uradi nešto u Muzeju Istočne Bosne.

Evo recimo neka Kanton uradi bar nešto jer dosad nije uradio ništa, a ima Zavod za zaštitu spomenika kulture, ima deset puta veći Budžet nego ovaj Grad i zna mnogo grantova da daje okolnim opštinama, neka nešto da i nama. Evo neka uredi „barutanu“ i nek upravlja „barutanom“.

Prihvatam kritiku što nismo mi, ali moramo nešto mi kao Tuzlaci tražiti da uradi Kanton. Iz svoje nadležnost. On ima Ministarstvo kulture. Mi nemamo Ministarstvo kulture. De nek nešto uradi. Neka uradi bar „barutanu“. (IVICA KOVAČEVIĆ – Što nije Nađa.) Ili neka tamo što je 100%-ni, što je 100%-ni Osnivač. Što je 100%-ni Osnivač.

Pa eto bila je Nađa dvije, tri godine. Bila je dvije, tri godine, pa su bile najstrašnije ikada nemiri. Gorjele su zgrade.

Evo neka Kanton, kad smo kod gorenja zgrada, obnovi bar stakla na onome ruglu neboder Sodaso. To je zgrada bila ponos Tuzle. Pa zar to nije nebriga. Kako je moguće da neko trpi. Evo kiša je oprala čađ. Da bar, da bar stakla. Je li to vi Kasumoviće branite ovaj Kanton što neće da bar stakla odradi na zgradi Kantona? (ELVIR KASUMOVIĆ – Replika.) (SABAHUDIN IMAMOVIĆ – Kanton je i vaš.) Da. Pa dobro. (SABAHUDIN IMAMOVIĆ – Ministarstvo obrazovanja je vaše a nije naše.) Ne bih rekao. Ne bi. (SABAHUDIN IMAMOVIĆ – A gdje vi živite?) Zna. Zna. (JOZO NIŠANDŽIĆ – Ali nemojte dobacivati sa mjesta.) Zna kada će biti on moj, kada uloži nešto u ovaj grad. (SABAHUDIN IMAMOVIĆ – Kaže da su nekulturni. Mislim samo smo mi kulturni.) Kad uloži u ovaj grad.

Ja samo tražim da budu malo kulturniji. (SABAHUDIN IMAMOVIĆ – To je diskriminacija.) Ja tražim da budu kulturniji. (SABAHUDIN IMAMOVIĆ – Je li ja pripadam tom nekulturnom koje vi nazivate?) (JOZO NIŠANDŽIĆ – Pa nemojte molim vas. Pa dajte.)

Dakle zahtjevam. (SABAHUDIN IMAMOVIĆ – 17 općina su nekulturni.) (ELVIR MAHMUZIĆ – Predsjedavajući molim vas reagujte na ove ispade.) (ERNA MEŠIĆ – Ko na pijaci.) Da. Da. To je vrlo, vrlo Sabahudine vaša slobodna interpretacija. Pisat će u snimku i stenogramu šta sam ja rekao.

Tražim kulturniji odnos prema kulturnom naslijeđu od strane Kantona. Sramota je da nikad ništa nisu uradili za muzej. To je sramota. A 100%-ni su Osnivači muzeja. A muzej je najveći čuvar kulturno-istorijskog naslijeđa. Mi smo im dali ogromne vrijednosti zgradu, ne znam koliko košta ona zgrada i onaj plac, a kako bi oni nešto uradili da imamo muzej.

I zato kažem moramo ići podjednako prema svim koji su, koji su nadležni. Recimo od Federacije smo dobijali. Zajedno konkurišemo prema Federaciji sa različitim našim vjerskim zajednicama i dobijemo pare od Federacije.

Što se tiče Komunalca vi ste Sabahudine tražili da odgovorim. Znae kako sam ja to razumio. Govorili su o reklami Vodovoda. Vodovod ima konkurenciju, ljudi kupuju boce. Evo ovdje su boce, nije voda Vodovoda. Imaju konkurenciju.

Moraju kampanjom da ubijede ljude da je voda ispravna, nikad uhvaćena bakteriološki i tako dalje, prljava, da ljudi prestanu kupovati ove boce.

Komunalac za sebe tvrdi da je najbolji u BiH. Neke neki komunalac drugog grada dokaže suprotno. Pa valjda se to tako radi u reklamiranju.

Dakla svaka firma reklamira sebe i kaže najbolja je. Neka neka druga firma dokaže da je bolja od Tuzlanskog komunalca, da ima bolju sanitarnu deponiju i tako dalje.

Ja sam to tako doživio, a ne da se vrše neka bodovanja pa da se određuje ko je najbolji. Eto ovo je taj moj odgovor, uz potvrdu da mi ambroziju možemo samo intenzivnom gradnjom suštinski savladati. Najveće žarište ambrozije je bilo na Stupinama gdje je sad niz zgrada, od Hotela Tuzla pa nadalje.

Ona jeste veliki problem, ima dosta alergija na ambroziju i to mora biti žestoka borba i to je problem prisutan baš uvijek u ovo doba godine. Evo da se u nečemu i složimo. Hvala.

JOZO NIŠANDŽIĆ

Hvala. Evo molim vas. Ja predlažem. (MIRZA TUPAJIĆ – Ne možete vi predlagat. Morate dati pravo na repliku.) Pa nemate replike. Pa nema na inicijative ljudi moji. (ELVIR KASUMOVIĆ – Imamo i mi pravo na svoj stav. Pa nek građani odluče brate dragi je li uredu ili nije.) (MIRZA TUPAJIĆ – Ja imam po Poslovníku. Građani.) Pa građani će odlučiti. Ne sekiraj se. Nećeš ti sigurno ni ja, nego građani odlučuju.

MIRZA TUPAJIĆ

Kad sam dobio, prihvatio mandat, izabran od građana, dobro sam proučio Pravilnik o radu Gradskog vijeća. (JOZO NIŠANDŽIĆ – Dobro. Samo nemoj da kažete žurite kad budemo s ljudima razgovarali. Izvolte.) Joj dragi Jozo. (JOZO NIŠANDŽIĆ – Izvolte ba.) A drag si mi. Jesi boga mi.

Mislim da ste ovdje sad iznijeli par neistina. Gdje smo mi? gdje se nalazimo? U zgradi Bosanskog kulturnog centra. U zgradi Bosanskog kulturnog centra. S kojim se možemo ponositi. Lijepo okrečen, lijepa sala. Ko je tu uložio? Neka, sad ko je, kad je bio na vlasti. Nekad je bio Alijansa. Pa bili ste i vi, bili smo i mi. Znači ovo je isto kulturna institucija.

Pa jesmo li skoro bili na otvaranju poslije adaptacije pozorišta. Vi ste javno rekli da je jedan dio para, sredstava Tuzlanski kanton. Je li tako? Tuzlanski kanton. Je li nije jedan dio para dao i Tuzlanski kanton. Je li Suosnivač. (JASMIN IMAMOVIĆ – Ja se ne sjećam feninga nijednog.) Ja boga mi kako se sjećam bio je i premijer i da je bilo te priče. Evo možda sam nespreman ali provjerit ću dobro ove informacije.

Nemojte praviti da su vam (JOZO NIŠANDŽIĆ – Idemo dalje.) svi neprijatelji i Kanton i Federacija. Uvijek je ono mi smo, ko moramo se braniti.

Ja bi volio da mi uradimo „barutanu“. Tuzla. I mi iz opozicije itekako volimo ovaj grad. Ako nekad ovdje nešto kritikujemo, kritikujemo ono što nam građani donesu te neke probleme i tako dalje, ukažu. Jer to je i suština i svrha postojanja opozicije, da na demokratski način pritišće ovako da pritišće poziciju da radi svoj poso. Svoj poso. Nemojte molim vas. Toliko.

JOZO NIŠANDŽIĆ

Kasumoviću izvolte.

ELVIR KASUMOVIĆ

U rijetkim situacijama evo ja se slažem sa Gradonačelnikom. Hajmo jedan zaključak da pošaljemo prema Vladi Kantona, da se izvrši sanacija nekog muzeja ili nečega je li.

Međutim, smatram da nikako to ne bi trebala ova Vlada da izvrši sanaciju zgrade Sodaso. Za to je kriva i odgovorna vlast u to doba, Vlada Seada Čauševića, vašeg Partijskog kolege, tadašnjeg predsjednika Kantonalnog odbora SDP-a, prema tome da vidimo da li ste vi kao evo član te Partije uputili prije svega inicijativu prema toj osobi da vidimo šta, je li znamo sve. Mislim građani su iznijeli svoj stav da se radi arogancije i jednostavno nesusretličkog ponašanja tadašnjeg premijera i svega toga i dovelo do svega tog.

Prema tome ja jesam za to da što više sredstava dođe da se implementira ovdje u Grad Tuzlu, ali mislim da nije uredu ovu Vladu zaduživati sa nečim što vodi, što se vuče od radnije Vlade je li. Konkretno po pitanju zgrade Sodaso.

JOZO NIŠANDŽIĆ

Hvala. (SABAHUDIN IMAMOVIĆ – Replika.) (ERNA MEŠIĆ – Replika.) (SABAHUDIN IMAMOVIĆ – Replika.) (ERNA MEŠIĆ – Replika.) Replika. Izvolte. (SABAHUDIN IMAMOVIĆ – Prije sam se javio.)

Pa ja odavde gledam. Ne možeš ti odatle vidit ko ja. (ERNA MEŠIĆ – Mogu i ja nekad ispred vas.) (SABAHUDIN IMAMOVIĆ – Gledaj u mene Jozo stalno.) A u tebe gledat. Pa dobro gledam previše u tebe. Zato sad.

ERNA MEŠIĆ – vijećnik Socijaldemokratske partije

Jeste li vi kolega Kasumoviću svjesni šta se sve vuče od ranijih kantonalnih vlada. Je li vi znate ko je bio na vlasti dvadeset godina u Kantonu? Tuzlanskom konkretno. Hoćete li da vam kažem? Citirat ću. Najjača Stranka u Bosni i Hercegovini. Stranka demokratske akcije. (BERIZ SAKIĆ - Uvijek bila i uvijek će i bit.) (MIRZA TUPAJIĆ – Hoće ako bog da.) Najjača. Pa hvala. Hvala za sve što ste privatizovali u gradu. Ali hvala i ljudima odgovornim koji su uspjeli sve to da vrate.

Drago mi je da me posmatrate. Da me konačno slušate kad stojim za govornicom. I vi isto tako kolega Tupajiću.

I kad mi kažete nemojte mi dobacivati sa mjesta, ja ću to uraditi kad vaš predsjednik ne bude to isto radio.

JOZO NIŠANDŽIĆ

Izvolte Sabahudine. Ja mislim da sa ovim završavamo. Da idemo na izjašnjavanje o informaciji. Izvolte.

SABAHUDIN IMAMOVIĆ

Jeste. SDA je hvala bogu najjača Stranka u državi. (ERNA MEŠIĆ – Jadni mi s njom.) Organizovala je Armiju Bosne i Hercegovine i odbranila je ovu državu. I odigrala je ključnu ulogu u poslijeratnom razvoju i izgradnji institucija i kad god ima glavnu riječ politička stabilnost je na nivou. Vas su istjerali vatrom.

Ono što je opasno ovdje, jedna teza (MERIMA SOFTIĆ – Replika.) koju iznosi Gradonačelnik. (MERIMA SOFTIĆ – Replika.) A to je, dobro je tamo samo gdje vlada Jasmin Imamović. Svi ostali su nekulturni, primitivni, hoće da opljačkaju Tuzlake. Zato je Tuzla i getoizirana.

Kanton nije uložio u muzej. Uložite vi onda u poslovne zone gradonačelnice. Napravite put taj već jednom prema Kiseljaku, prema Mramoru. Riješite 60% devastiranih čitaonica i domova kulture. Sedam mjesnih zajednica koje nemaju vodu. 250 kilometara puteva. To je vaša nadležnost.

Što se brinete o tome šta će Kanton uraditi. Uradite ono što je vaša nadležnost. A ne nastavljate svađat Tuzlu sa svima. Samo iz razloga i plašeći Tuzlake od zlih nacionalista, da biste vi ostali na vlasti pod svaku cijenu.

Znači to je jedna opasna politika, jedna, jedna netolerantna politika, koju sam ja već odavno osjetio na svojoj koži.

JOZO NIŠANDŽIĆ

Merima Softić.

MERIMA SOFTIĆ – vijećnik Socijaldemokratske partije

Replika uvaženom Sabahudinu Imamoviću. Pokušavam ostati mirna zaista ovu cijelu nekako sjednicu vrlo vjerovatno radi svog stanja ali stvarno ne mogu.

Ne mogu da se otmem utisku da je ovo tolika politizacija na svakom pitanju. Ali na svakom znači. Na svakoj odluci koju smo danas donosili. Neke odluke se donose ishitreno.

Ljudi koji su ovdje takođe predstavnici zbog određenih manipulacija su upravo danas i na sjednici Vijeća, ali ne mogu da se otmem pritisku da je ovo zaista. Oni koji nisu dio politike to vjerovatno ne razumiju. Ali evo mi koji smo ovdje, koji se bavimo politikom itekako razumijemo.

Moram da vam repliciram obavezno. Znači kad ste rekli da su Bosnu i Hercegovinu branili, branio SDA. Ne znam samo na koji način i sa kojom dozom arogancije možete da izadete za govornicu i tako nešto tvrdite.

Oni koji nisu članovi SDA oni nisu branili državu Bosnu i Hercegovinu. Znači uopšte koliko (SABAHUDIN IMAMOVIĆ – Replika.) ste sada ljudi okrenuli protiv sebe. Koliko, na koji način uop. Možete mi replicirati do sutra, ali i ja ću jer neću stati iza ovog.

Znači da mi koji nismo u SDA mi nismo branili državu Bosnu i Hercegovinu. Pa ćete mi isto tako reći kao što je vaš kolega Kasumović već jednom rekao. Da smo i mi trebali nositi pušku sa deset, jedanaest godina.

Znači a također na što ste rekli ko je zapalio zgradu Sodaso, treba oni tako i da je očiste, za vrijeme te Vlade. Jeste li se uopšte zapitao, ovdje niko neće javno da progovori ko je došao u naš grad da ga zapali. Jeste li se uopšte zapitali? Ja ću to ovdje javno reći.

Koji Tuzlak je bacio ijedan kamenčić na zgradu Sodaso? Koliko puno ljudi je okolo i koliko smo imali informacija da su došli neki drugi ljudi. Oni možda nisu zadovoljni bili u svojim kantonima, radom Kantona. Pa su došli. Znači zašto uopšte spominjete takve stvari.

Još jednom moram spomenuti. Vlada je SDA. Obzirom, eto moram se uhvatiti znači ovog. Dolazim iz svijeta sporta. Rukometna reprezentacija dok je Ministarstvo civilnih poslova i Federalno ministarstvo na čelu Vlade SDP-a dalo velike, imalo velike, imala Rukometna reprezentacija je imala veliku podršku od strane njih.

Je li znate da sad nije bilo ovog vrijednog čovjeka, neću ovdje iznositi njegovo ime, iz Viteza, svi ga znate, da nije njega bilo Rukometna repr, Košarkaška reprezentacija, ali i mnogi drugi ljudi bi se vratili ovamo, nisu imali novaca. A znate li pod pokroviteljstvom koje Vlade nadležnosti. Vlade SDA.

Zato kad iznosite određene činjenice vezano za Vladu SDP-a, Vladu SDA, dobro vodite računa o čemu pričate. Evo ja ću bar o tome. (SABAHUDIN IMAMOVIĆ – Ispravka krivog navoda.)

JOZO NIŠANDŽIĆ

Imam ja. Imam ja ispravku. Imam i ja malo. Imam i ja svom uvaženom drugu Sabahudinu Imamoviću.

Ja razumijem da je krenula izborna kampanja, borba da se dobije što više glasova od građana. Nekad kažem ne treba ovaj prenos, a nekad kažem i trebaju prenosi da slušaju šta se priča.

Ali evo često puta moj drug Imamović Sabahudin kaže SDA je branila. I to on samo kaže SDA je branila. To ako gledamo na općinu Tuzla onda moraš reći da je više bilo iz SDP-a nego iz SDA. Ali branili su je fala bogu svi građani ovdje, i Srbi, i Hrvati, i Bosanci, i Bošnjaci, i ostali, i ostali. I to zaista dobro, mudro.

Ali ako gledamo brojno, koliko stranački, onda sigurno da je to najviše bilo kadrova SDP-a. Ali nikad to nisam istico.

Ali znate šta? Nisu se smjeli ljudi legitimisati. To nisu se smjeli legitimisat jer kad je bilo prijem on tebe pita u kojoj si ti Stranci? Ako si bio Bošnjak a u nekoj drugoj Stranci nemati ti primat to moram reći. To ja znam odlično.

Drugo. Mene je sramota kad čujem ove naše političare koji, ove najjače gore, SDA, Savez za bolju budućnost, Hrvatsku demokratsku zajednicu, koji čine parlamentarnu većinu i da ne govorim iz Republike Srpske onaj SNSD i ta, niokog se čega ne možete dogovoriti.

Evo i danas gledam jučer bili oko emitera, ono oko što kažu ovih naših televizija ne mogu da usaglase se ništa. Ama niočega.

Kaže mi čovjek jedan Hrvat, biznismen, kaže Jozo ne mogu zaposliti dijete nikako u Kliničkom centru. Deset godina borim se. Odem kaže kod premijera. Kaže on. Saslušajte sad mene. Molim vas. Vidi ti njega. Kaže hoćeš ti primiti knjižicu SDA? Kaže hoću. Evo ti knjižica, dijete sutra na poso ide. Evo čime se to služite molim vas. Ja to govorim javno zato što znam da je to tako. O tome se radi.

Ali nemojte se, nemojte se mnogo briniti, ipak će građani dati svoj glas. Daće oni. Inače su Tuzlaci pametni ljudi i oni znaju kome treba dati glas. E tako. Hvala. (ELVIR MAHMUZIĆ – Poslovnička intervencija.)

Izvolte. Poslovničku ima. Dobro ti imaš repliku. Poslovnička.

ELVIR MAHMUZIĆ

Poslovnička intervencija ide u smislu molbe. Ako ćete me poslušat. Molim vas. Dajte da se vratimo stvarnom rješavanju problema i tačke dnevnog reda.

Pozivam sve svoje drugarice i drugove i kolege iz parlamentarne većine da ne nasijedaju na ratnu retoriku SDA i ne prizivanje nekih istorijskih događaja.

Ako su oni najjača Partija, ako su oni odbranili Bosnu i Hercegovinu, neka je, hajmo mi raspravljati o dnevnom redu a imaju ljudi koji će to procijeniti ko je i nije. Hvala.

JOZO NIŠANDŽIĆ

Ima prvo Mujić repliku, pa Alić. (SABAHUDIN IMAMOVIĆ – Tražio sam ispravku krivog navoda.) (EDIN HARAIĆ - Predsjedavajući bila je prije ispravka krivog navoda.)

Morate vodit.) (SABAHUDIN IMAMOVIĆ – Je li to ta vaša tolerancija.) Ispravka krivog navoda.

MEHMED MUJIĆ

Hvala predsjedavajući.

JOZO NIŠANDŽIĆ

Mujiću molim te. Molim te. Ispravka krivog navoda. Izvolte. Oprostite. Oprostite. Sjedi tu Mujiću.

SABAHUDIN IMAMOVIĆ

Ja sam rekao da je SDA organizovala Armiju Bosne i Hercegovine. Zato što je bila na vlasti u tom momentu. I nisam rekao da su u Armiji bili samo SDA-ovci. To bi bila neistina. Isto kao što ni svi partizani nisu bili komunisti. A poslije rata komunisti su smatrali da su dobli rat.

Dakle u partizanima su bili ljudi različitih uvjerenja ali su branili svoju kuću, branili ideju slobode i tako dalje. Ali nisu sve bili komunisti.

Tako i u ovom ratu SDA je odigrala ključnu ulogu u organizaciji otpora ali nisu svi ljudi bili SDA-ovci. To bi bilo smiješno. Nit je ko insistirao.

A predsjedavajući pričati o tim knjižicama. Pa vi ste to doveli do savršenstva. Ko šta u Tuzli može dobiti a da nije SDP-ovac. I da se nije deklarirao kao SDP-ovac. Šta, gdje može biti, gdje može obnašati ijednu važniju funkciju? Ako smo naučili to onda smo to naučili od vas. I vjerovatno su neki ti kadrovi u SDA imaju te repove. (MIRNES AJANOVIĆ – Poslovnička.) Znači pokvarili ste ih.

Jedan kredit veliki koji Stranka demokratske akcije nosi, nijedan političar iz SDA, ni protiv jednog političara iz SDA u Haškom tribunalu nije podignuta optužnica.

Dakle naša i politička borba je bila čestita, čistog obraza i nemamo se čega stidjeti. Ono što se moglo uradilo se. A vi ako znate bolje bujrum. (MIRNES AJANOVIĆ – Poslovnička.)

JOZO NIŠANDŽIĆ

Poslovničku ima gospodin Mirnes. Poslovnička.

MIRNES AJANOVIĆ

I ja se pridružujem kolegi Elviru iz SDP-a, ovo zaista nema veze sa tačkom. To što sad Sabahudin Imamović govori da je SDA komunistička Stranka to je njihov problem. Nek nosi se s tim problemom. Ne treba ovdje da plače za govornicom.

To šta su oni radili kad su vezali zastave sa SDS-om i HDZ-om devedesete i sve se ono dogodilo i sad opet imaju vezane zastave sa SDS-om ne treba nam danas na ovoj sjednici.

Ja nisam se želio uključivati, zaista bi mogao mnogo toga reći i kad počnem govoriti o onome šta je SDA zaista radila iskaču i bježe iz sale.

Ali vas evo pozivam, kao i kolega Elvir iz SDP-a u ime SDP-a, nećemo se uplesti u to, nećemo se uplesti u ratnohušački njihov poziv, pa i njihovih predstavnika koji sad

pokušavaju mobilizirati građane da se tučemo sa narodima Bosne i Hercegovine, ovi sa one strane, ovi sa ove strane, i jedni, i drugi, i treći pokušavaju nas zavaditi jer su shvatili da građani nemaju baš dobro mišljenje o njima.

Edim Kadić je to lijepo rekao danas u toku govora kad smo raspravljali o Budžetu, pustite nas na miru da stvaramo grad i radimo, obezbjeđujemo radna mjesta, zapošljavamo ljude, da dolaze strane investicije, nemojte tjerati ljude iz Bosne i Hercegovine, samo zato što se bojite odmazde sudova, građana kada budu morali raditi u okviru pravila Evropske unije.

Mnogi ne žele da idu u Evropsku uniju. I nećemo o tome. Evo i ja ću se suzdržati. Neću o svemu onome što bi vrlo rado odgovorio SDA-u na sve ovo što se do sada uradilo, šta su uradili svih ovih teških, ratnih, krvavih godina kada su prodavali nas na svaki način.

Uzimali milione maraka u svoje lične interese. Arhive raznoraznih banaka po cijelom svijetu. Po milion maraka nosili djeci za džeparac, gdje su ih hvatali carinici po međunarodnim aerodromima, odavde od pomoći koju su davali Bosni i Hercegovini da se brani.

Predugo bi to bilo i predaleko otišlo. I predsjedavajući vi imate poslovničko pravo, ako nismo u temi, ako Sabahudin Imamović toliko voli Gradonačelnika i želi da se ispriča s njim, ima priliku to uraditi evo ako bog da i u narednom mandatu ako bude vijećnik. (BERIZ SAKIĆ – Poslovnička.)

JOZO NIŠANDŽIĆ

Bilo je predloga da zaista završimo s time. Je li poslovnička u smislu da.

BERIZ SAKIĆ – vijećnik Stranke demokratske akcije

Ja se po prvi put javljam danas i nisam imao namjeru stvarno. Računo sam da će se ova sjednica brzo završiti. Mene je sramota ovih ljudi koji stoje ovdje i mislim da oni znaju da je politika ovakva ne vjerujem da će izaći ljudi na izbore da glasaju nikako.

Predizborna kampanja počinje 2. oktobra, 2. septembra, a mislim da je ona puno prije krenula. Da sam znao da će na ovoj sjednici ovako danas biti ne bi ni došlo vjerujte na ovu sjednicu.

Ja sam branio ovu državu, branio sam je i branio sam je tamo gdje je najteže bilo odbraniti. U Zvorniku niko nije pito jesi li ti član SDA i ne znam da li je još koja Stranka i postojala osim. Nemam pojma. Nije me to ni zanimalo. Pitalo je samo jesi li Bošnjak i nema ti glave ako te može stići.

I kad danas čujemo ovdje neke stvari ja se zaprepastim, isto kao da nisam u ovoj državi nikako.

Dajte da se vratimo na onaj poso za koji smo plaćeni, za koji su ljudi glasali za nas. Da završimo to. Ko je branio, ko nije branio, ljudi će znati. Narod zna. 2. oktobar vrlo brzo ide. Vidit ćemo se 3. oktobra i kome. Ko radio, ko nije radio i onda nek odluči narod.

Nek nam s smiju ovi ljudi koji su danas gosti ovdje, koje trebamo riješiti neke njihove probleme koje je neko napravio, a ne vjerujem da je to SDA napravila. Hvala vam.

JOZO NIŠANDŽIĆ

Hvala. Zaključujem molim vas. Idemo sada na izjašnjavanja vezano za inicijative. (NADA MLADINA – Mujić je osto.) Ja. Ma moram prekinuti. Neće se ljuti. Reko sam mu. Neće se ljutiti. Nemoj molim te.

Molim vas ja predlažem da glasamo u paketu. Je li se slažete? Od ovaj, samo malo, od a) do k).

Pitam vijećnike ko je za, molim da digne ruku? (29) Ima li neko protiv? (Nema.) Suzdržan? (Nema.)

29 vijećnika je glasalo za, niko nije bio protiv i suzdržan, te konstatujem da su jednoglasno usvojena sljedeća tekuća pitanja:

a) Inicijativa da se lokalitet sa stećcima Nikolići- Donje Breške adekvatno obilježi, da se izvrši HITNO saniranje i uređivanje pomenutog lokaliteta, kao i asfaltiranje pristupnog puta, kao i da se pristupi donošenju Plana upravljanja i Plana sanacije, restauracije i konzervacije lokaliteta u skladu sa tačkom III Odluke Komisije za očuvanje nacionalnih spomenika broj:05.1-02-3-71/10 od 26.oktobra 2010. godine („Službene novine Federacije BiH“, broj 10/11),

b) Inicijativa Gradskoj upravi za dostavljanje Informacije o realizaciji i kvalitetu izvođenja radova na putnoj infrastrukturi urađenoj na području grada Tuzla

c) Inicijativa prema JZU UKC Tuzla, da se obezbijede adekvatni uslovi za boravak pacijenata u Psihijatrijskoj klinici

d) Inicijativa prema Službi za komunalne poslove, izgradnju i pitanja MZ-ca u vezi sa uličnom rasvjetom i izgradnjom puta u ulici Gradovrška, MZ Solina

e) Zahtjev za dostavljanje Informacije o projektu kreditnog zaduženja JKP „Vodovod i kanalizacija“ Tuzla i utrošku „grant sredstava“ dobijenih uz kredit (Malikić Nedžad)

f) Urgencija za dostavljanje informacije o realizaciji projekta poslovne zone „Kreka-Sjever“

g) Ponovljena urgencija za adaptaciju puta i igrališta “Jezero” u ulici Muharema Fizovića Fiska MZ Centar

h) Urgencija za rješavanje komunalnog problema u ulici Birčanskog odreda, MZ Slavinovići u dijelu koji se račva iz Fočanske ulice, koji je u katastrofastovalnom stanju zbog izraženih rupa uzrokovanih svakodnevnim ispuštanjem sadržaja iz septičkih jama od strane nesavjesnih građana

i) Urgencija za rješavanje saobraćajnog problema na dionici puta “raskrsnica kod Livnice” u vidu postavljenja semafora ili nekim drugim adekvatnijim načinom rješavanja ovog saobraćajnog problema

j) Inicijativa za sanaciju mosta u naselju Plane, MZ Šićki brod

k) Inicijativa za uklanjanje ambrozije

Molim vas predlog zaključaka:

1) Prijedlozi, primjedbe i sugestije vijećnika izrečene na 25-toj. redovnoj sjednici, predstavljaju smjernice nadležnim organima za dalje postupanje.

2) Traži se od Službe za komunalne poslove, izgradnju i pitanja mjesnih zajednica, da odredi odgovornu osobu, koja će vršiti nadzor nad izvođenjem radova na komunalnoj infrastrukturi.

3) Neophodno je što prije pristupiti dovršetku radova na putu i uličnoj rasvjeti u ulici Gradovrška i drugim komunalnim projektima na inicijativama i urgencijama.

4) Za narednu sjednicu Gradskog vijeća Tuzla, potrebno je dostaviti Informaciju o projektu kreditnog zaduženja Javno komunalnog preduzeća „Vodovod i kanalizacija“ Tuzla i utrošku „granta sredstava“ dobijenih uz kredit.

5) Za narednu sjednicu Gradskog vijeća Tuzla, potrebno je dostaviti Informaciju o realizaciji projekta poslovne zone „Kreka-Sjever“ i da li su riješeni imovinsko-pravni odnosi na lokaciji.

6) Aktualiziraju se zaključci Gradskog vijeća o obavezi Javno komunalnog preduzeća “Komunalac” Tuzla i nadležnih službi u vezi sa kontinuiranim uklanjanjem ambrozije.

Evo to su predlozi zaključaka molim vas. (NEDŽAD MALIKIĆ – Ima još jedan zaključak, pa ne znam jesmo li to preskočili ili.) Ne znam na koji se odnosi. Hajde izvoli reci.

NEDŽAD MALIKIĆ

Evo bila ja jedna Inicijativa upravo Inicijativa prema UKC-u Tuzla, Psihijatrijskog klinici u Solini gore, da se obezbijede adekvatni uslovi za boravak pacijenata, a odnosi se, (JOZO NIŠANDŽIĆ – Evo dogradit ćemo. Dogradit ćemo.) odnosni se da kako bi se i sami mještani koji žive u neposrednoj blizini. (MEDIHA NUHBEGOVIĆ – Pa usvojena je Inicijativa. Je li tako.) Molim? (MEDIHA NUHBEGOVIĆ – Usvojena je. Rečeno je.)

JOZO NIŠANDŽIĆ

Usvojena je. Usvojena je Inicijativa pa će ići. Hvala.

Idemo molim vas sad predlažem pauzu od jedno deset minuta. Pozivam predsjednike klubova, Gradonačelnika, da nađemo se u ovoj našoj sali kako bi onda mogli razgovarati sa ljudima koji su. (JANJA STOJNIĆ – Niste glasali za zaključke.) Za zaključke.

Pitam vijećnike, ko je za predložene zaključke, molim da digne ruku? (29) Ima li neko protiv? (Nema.) Suzdržan? (Nema.)

29 vijećnika je glasalo za, niko nije bio protiv i suzdržan, te konstatujem da su jednoglasno usvojeni sljedeći zaključci:

1) Prijedlozi, primjedbe i sugestije vijećnika izrečene na 25-toj. redovnoj sjednici, predstavljaju smjernice nadležnim organima za dalje postupanje.

2) Traži se od Službe za komunalne poslove, izgradnju i pitanja MZ-ca, da odredi odgovornu osobu, koja će vršiti nadzor nad izvođenjem radova na komunalnoj infrastrukturi.

3) Neophodno je što prije pristupiti dovršetku radova na putu i uličnoj rasvjeti u ulici Gradovrška i drugim komunalnim projektima iz inicijativa/urgencija.

4) Za narednu sjednicu Gradskog vijeća Tuzla, potrebno je dostaviti Informaciju o projektu kreditnog zaduženja JKP „Vodovod i kanalizacija“ Tuzla i utrošku „grant sredstava“ dobijenih uz kredit.

5) Za narednu sjednicu Gradskog vijeća Tuzla, potrebno je dostaviti Informaciju o realizaciji projekta poslovne zone „Kreka-Sjever“ i da li su riješeni imovinsko-pravni odnosi na lokaciji.

6) Aktualiziraju se zaključci Gradskog vijeća o obavezi JKP “Komunalac” Tuzla i nadležnih službi u vezi sa kontinuiranim uklanjanjem ambrozije.

Idemo molim vas. (Pauza.)

JOZO NIŠANDŽIĆ

Prelazimo na desetu tačku dnevnog reda:

INFORMACIJA O PROBLEMATICI OBJEKTA “SPO 15. MAJ” TUZLA

Molim vas. Mi ćemo u skladu sa Poslovníkom vezano za ovu tačku razmatranje informacije o problematici SPO 15. maj Tuzla, dogovorili smo se da ćemo dati prvo riječ Gradonačelniku kao uvodno, izvođaču, dat ćemo predstavnicima klubova da se takođe na tome izjave i predlažem da ispred građana jednoga odrede kome ćemo dati pravo da se obrati, koga vi smatrate tamo da se obrati u, pošto vijećnici imaju pravo pet minuta tako da inače i

vi se držite tog vremenu od pet minuta. U pet minuta recite sve što imate. A vi se odredite ko će od vas biti. Eto.

Ja pozivam Gradonačelnika da izađe a ostalo ćemo po, od predstavnika klubova ko bude htjeo.

JASMIN IMAMOVIĆ

Dakle mi smo, mislim da je bio januar 2016. godine podnijeli detaljnu Informaciju vezano za Direkciju sa posebnim osvrtnom na zgradu na Brčanskoj Malti.

Ono što hoću da još jednom da podvučem a na više sastanaka smo to ponovili, dakle nije sporan zaključak Vijeća da će gradska lokalna vlast uraditi sve da pomogne kupcima stanova pod uslovom da tom gestom ne prekrši zakon i da pod tom gestom na nezakonit način ne ošteti Budžet.

Podsjećam da općina, odnosno Grad nakon dodjele lokacije nema ništa sa daljom gradnjom osim da da građevinsku dozvolu. Dakle pravno je situacija ista ko da je na toj istoj konkursnoj, što je faktička licitacija, umjesto Direkcije i tog Simičića kao fizičke osobe pobijedio Tehnograd, Lucijana, ili neka bilo koja građevinska firma.

Tada su Direkcija i njihovi partneri koje je odabrala, sklapali ugovore sa kupcima stanova i poslovnih prostora, gdje su valjda im kupci dali novac a da oni za taj novac treba da predaju stanove, odnosno poslovne prostore.

Ugovori su sklapani mislim, ja nisam vidio nijedan takav dakle ugovor, sklapani 2006. godine. Smatram da je trebalo odmah kod prekoračenja bilo kakvoga roka prema drugoj ugovorenoj strani, kupcu, trebalo tužiti sudu za ispunjenje ugovora.

Čim padne neko od ovih izvođača s kim se ugovornih strana u docnju, čim se zakasni da ga se odmah moralo tužiti za ispunjenje ugovora, eventualno naknadu štete.

Nije mi jasno zašto se tako nije postupilo. Mi za problem saznajemo u vrijeme demonstracija, nemira i socijalnih i tako dalje. I prvo pitanje koje smo moj tim i ja postavili, što ne tužite za ispunjenje? To je 14. godina.

Veći su izgledi za dobiti spor bili sedme, osme i tako dalje. Ako pratite stanje realizacije svog ugovora da blagovremeno tužite. To je pitanje na koje mi nismo našli odgovor.

U to doba neko je ljudima rekao da mi kao Suosnivač imamo pravo i obavezu iz Budžeta parama namiriti sve to što fali. Uložili smo mnogo truda i vremena da dokažemo da mi na to nemamo pravo.

Dakle Direkcija je samostalan pravni subjekt, bila 51 ili 100% u vlasništvu, samostalni pravni subjekt koji odgovara za svoje obaveze. Samostalno kao bilo koja druga firma. Odnosno unutar Direkcije menadžment. Direktor, saradnici, ne znam ko je šta radio, Nadzorni odbor i tako dalje.

I o tome je sudska praksa Bosne i Hercegovine, pa i Ustavni sud zauzeo jasan stav jer ovo nije ovakav prvi slučaj.

Dalje. Ono što mi je neobično, da umjesto da se insistira na ispunjenju, stoji u papirima koje sam ja vidio, kao Direkcija je dale milion i, dala je tačno 1.080.000 u Budžet iz svog ekstra profita što je bila njihova 2003. godine zakonska obaveza i da sad radi toga nisu napravljeni stanovi. Moram to da pojasnim.

Dakle to nema nikakve logičke veze. Dakle povjerioci, kupci treba da traže ispunjenje a ne da brinu o teškoćama finansijskim i politici firme koja im duguje.

Naime Direkcija poslije toga ima jako puno novca. I više nije 2003. nego je 2006. godina i 2005., šesta, sedma, osma. Dakle oni prodaju zgradu, šarenu zgradu na Sjenjaku, gdje su dole bivši Merkator sad Bingo. Prave veliku dobit.

Kupuju plac na Brčanskoj malti, zatim plac kod stadiona. To su u to doba bila dva najskuplja placa u Tuzli. I još jedan treći, što mi tek poslije saznajemo jer Direkcija kao samostalni pravni subjekt nije imala nikakvu obavezu da Suosnivača o tome izvještava i nije nas ni izvještavala.

Dakle ulaže mnogo para, 4.000.000 u placeve, u to doba. Sad je ne znam kako dalje rade Giprom, Simičić i ostalo jer smo mi, nama su papiri bili dostupni kad smo radili Informaciju samo vezano za Direkciju. I to dio papira koje smo uspjeli da dobijemo od radnika Direkcije.

Direkcija još dobije pare od kupaca, kao i Giprom i Simičić ako imaju, ima to u ugovorima, to su nove pare i dobit od šarene zgrade i nove pare od kupaca i sad ja ne znam kako završavaju te pare. Da su sve pare uložene u poslovne zgrade i prostore ljudima bi bilo ovo predato kao kod svih drugih zgrada u Tuzli, ono što su ljudi kupili, ali nažalost to se nije dogodilo.

I to je isto pitanje, ali mi nismo nadležni organ da utvrđujemo to. Gdje su dakle te pare? Kako su te pare potrošene? Pare dobivene od kupaca. A za namjenu da se gradi. Dalje. Jesu li namjenski? Jesu li nenamjenski? Šta je? Jesu li okolnosti globalne krize? Ali neko mora biti objašnjenje.

Ono, a to kupci bolje znaju, da su neki kupci, do mene je, ja to nemam provjerenu dakle informaciju, samo šta je do mene došlo, platili cjelokupni iznos a neki nisu platili cjelokupni nego neki procenat manje od 100%-og unaprijed plaćenog iznosa.

Po mom mišljenju treba znati kakvi su ti ugovori i zašto nije bilo tužbe za ispunjenje. Po mom mišljenju nije moguće, ja bih volio, da nam zakon da mogućnost da mi iz Budžeta odvojimo pare i skinemo taj problem sa Grada. Jer nama su to u našoj administraciji problem kojeg mi u administraciji ničim nismo skrivili, najveći problem uz ona klizišta i demonstracije koje su bile u čitave četiri godine. Tu smo izgubili najviše truda a u želji da pomognemo.

Mi smo danas imali sastanak sa dvije advokaticе, nekoliko smo tačaka razmatrali. Ja sam insistiro da bude, da neke stvari se učine nesporne a onda smo išli na sporna pitanja. Imali smo dvije dobre ideje vezane za visinu rente. Jedna. A druga vezano za iznalaženje mogućnosti u ratama naplate onog dijela obaveza koje idu prema javnim komunalnim preduzećima Grada Tuzle.

Tu ponavljam, je Vodovod i Grijanje su samostalni pravni subjekti, ali mi smo zakazali za sutra sastanak s njima, da vidimo kakva je mogućnost. Meni se rodila ideja kad Telekom taj mobitel vama da za marku a onda vam uz cijenu ovih razgovora koje naplaćuje doda i cijenu mobitela, pa vam da rok ne znam koliki da taj i taj mobitel tako isplatite, ima li načina da menadžment njihov, finansijski direktor i pravni direktor i direktor, te smo zvali, da da na višegodišnji rok plaćanje priključka na grijanje i isto tako na vodu, a da se isto tako obezbijedi da njega neko sutra ne nagazi da je oštetiо imovinski interes.

I tu se rodila ideja ali mi ćemo o njoj konačno kazati sutra. Dakle ja hoću ovdje da kažemo da ćemo o ovim pitanjima pismeno izvjestiti Kolegij Vijeća do sjednice Kolegija Vijeća koja je zakazana za petak, ne znam u koliko sati. (JOZO NIŠANDŽIĆ – U 14,00.) (NADA MLADINA – U 14 sati.) Evo znači da ćete do 14 sati vijećnici biti pismeno o tome izvješteni.

Dalje se rodila ideja da mi isto tako sjednemo i sa Elektrodistribucijom i da probamo i Elektrodistribuciji predložiti takav metod jer nekako se ova zgrada mora završiti, ljudi moraju stanove koje su platili i poslovne prostore njima ući u posjed.

I oni su samostalni pravni subjekt u odnosu na nas pa zato i s njima možemo da razgovaramo i sa Telekomom. Ja mislim da su to ti glavni priključci. Hajde nema veze ako sam neki ispustio. Dakle sa svakim ćemo porazgovarati.

Ako nađemo metod kod Grijanja i kod Vodovoda onda ćemo taj metod predložiti i drugima. E sad je stvar njihove volje hoće li to prihvatiti.

Što se tiče cijene rente, tu je došlo do ja bih rekao različitih tumačenja od strane općinske službe do šutnje zainteresiranih stranaka, da uopšte ne ospori, da se ne žali i tako dalje. Mislim na izvođače, ne na kupce stanova.

I tu je u toku jedan izvršni postupak. To je jedno jako složeno pitanje. Ali možda ima teorije ali mi to danas nismo mogli nastaviti jer ste stavili ovo na dnevni red Vijeće ovdje, pa morali smo prekinuti sastanak pa doći ovdje, dakle mi vas možemo o ova dva pitanja Kolegij Vijeća, pa prema tome i kupce, izvijestiti do petka u 14 sati. A na tome ćemo raditi u toku dana, dakle na ova dva pitanja.

I to je moj prijedlog i zaključka. To smo i obećali ako završimo prije i advokate, advokatice zapravo, odvjetnice kupaca izvijestiti.

Eto to je toliko. Uz koliko bude bilo potrebno neko pojašnjenje da dobijem priliku novu.

JOZO NIŠANDŽIĆ

Dobro. dobro. Bićete tu. Eh ja otvaram raspravu klubova. Ajanović se prvi javio. (BERIZ SAKIĆ – Poslovnička.) Poslovnička. Izvolte.

BERIZ SAKIĆ

Ja predlažem ako smo već čuli izlaganje načelnika, da sad ako već smo dozvolili da neko od predstavnika ovih ljudi da čujemo i njihovo izlaganje pa da tek onda otvorimo raspravu i klubova i vijećnika. Jer da čujemo onda bar obje strane da bi mogli komentirati. Ovako smo samo čuli jednu stranu, nismo drugu, a onda bi ponavljali se ponovo u komentarima.

(JOZO NIŠANDŽIĆ – Molim te. Zaključak Kolegija Vijeća je takav, da ide načelnik, idu predsjednici klubova i onda ćemo dati.)

Ja sam predložio. Vaše je da, da, da usvojite ili ne usvojite.

JOZO NIŠANDŽIĆ

Dobro. Izvolte. Predsjednik Kluba iz.

MIRNES AJANOVIĆ

Hvala predsjedavajući. Ovo je jedna strana. Gradonačelnik Grada izvršna vlast, Gradsko vijeće zakonodavna. Mi smo, građani su, i oni su naša strana, ali prvo da se čuje dakle ono što mi koji smo evo ovdje u obavezi da radimo ono što nam je zakonska obaveza, dužnost, da prezentiramo. Zato je Kolegij odredio da ide prvo dakle predstavnicima Grada Tuzla a građani se mogu javiti kasnije. A opet mi imamo pravo za diskusiju. I nakon toga.

Ja sam danas kada sam dobio informaciju nakon početka sjednice Gradskog vijeća da su došli tu građani, na Kolegiju predložio upravo ovo što je danas Gradonačelnik predložio. I to jest predlog. Da mi stavimo ovu, uvrstimo u dnevni red raspravu iako je protuposlovnička, nije u zakonskom roku, odnosno poslovničkom roku, ali napravili smo presedan, da to bude zadnja tačka, da ima priliku Gradonačelnik da dođe da donese izvještaj, a da logičko razmišljanje bilo ne može završiti to sve u toku dana, da sutrašnji dan se ostavi

za dalji rad u vezi svega ovoga i da mi na Kolegiju koji je već zakazan za petak u dva sata dobijemo sve ove informacije.

Nakon toga sam brutalno napadnut od dva predstavnika, Šuvalića i Srabovića. Brutalno. Na Kolegiju. To je evidentirano tonskim snimkom za koji sam rekao da se snima. Brutalan napad da ja njima ne dozvoljavam, ti Mirnese Ajanoviću i tako dalje, nama ne dozvoljavaš da mi govorimo. Ovo govorim vama kolege vijećnici koji niste bili prisutni. Brutalno sam napadnut. Vikom. Galamom. Ta dvojica su vikali.

Jedan je maločas ovdje rekao, Srabović, da ovo što mi govorimo su budalaštine i tako dalje. Samo da znamo. Pošto se Srabović javio da će biti predstavnik druge strane.

Dakle upravo smo uradili sve ono što su bili interesi tih građana. Ko njih predstavlja, da li znaju kako ih predstavlja o tome ću malo kasnije. Ali ono što je dogovoreno bilo je jasno.

Onda je bio predlog pošto imamo Gradonačelnika, advokatice su tražile da budu same sa Gradonačelnikom bez prisustva svojih klijenata, to je pravo klijenata da pošalje advokate bez njih. Dakle nisu htjeli građani biti na sastanku sa Gradonačelnikom. Bar predstavnici. Ja vjerujem da većina građana koji imaju taj problem, koji su u agoniji više godina ne znaju za sve ovo što su uradili njihovi predstavnici.

To je moje mišljenje po onome svemu što sam zaključio. Radi se to o velikom broju ljudi i rekao sam da nekolicina mešetari svim ostalim ljudima. A sad ću dokazati šta je uradila ta nekolicina.

Tek kad smo saznali na tom sastanku da je taj Srabović koji je njihov predstavnik na listi SBB-a i da je Šuvalić isto SBB, onda je bilo mnogo jasnije. Onda su spustili glave, nisu više bili tako kočoperni, nisu vikali, nisu vrijeđali, počeli su šutiti.

Kada se stekao zaključak da ide na sjednicu ova tačka dnevnog reda Šuvalić je govorio ne treba sad ići. Tonski snimano. A rekao sam da snimam. Ne treba na sjednicu odjedanput.

Kada smo zatražili, Ekrem Topić prvi, a i ja, dajte nam jedan ugovor, s kim ste sklapali ugovore. Jedan građanin je izvadio Ugovor u originalu i poslao prema meni. Srabović je uzeo Ugovor i vratio ne treba. Nije to taj. A to je Giprom kaže. Ne treba taj. Na moje insistiranje dajte ugovor, Srabović opet vraća Ugovor, to je onaj koji će govoriti u ime građana da znate, ne treba taj Ugovor.

I onda upornost građanina, ovdje piše da je to Hodžić Hamša, te građanke, da se ipak dostavi Ugovor, sekretar je uzela Ugovor, kopirala ga i dale meni. Evo ga. Evo Ugovora. Evo Ugovora.

E sad moja sumnja da se radi o manipulaciji, da su gađani prevareni, da su oni koji su ih predstavljali za koje su im se evo građani izjasnili da ih predstavljalu u ovom problemu rješavanja ovog problema 15. maj, možda i prevarili namjerno. Možda smišljeno. Možda uz određene novčane iznose. Ne znam. Zasad mogu samo nagađati i sumnjati.

Ali pogledajte ovo. Evo Ugovora. Pred nama je. Zašto su, zašto je Srabović, koji je na listi SBB-a, bio protiv toga da dobijem ovaj Ugovor.

Evo ga notar je napravio Ugovor. Broj Ugovora: UPU, OPU-IP12/10, od 08. 01. 2010. godine. Ugovor o kupoprodaji stana. Izvinjavam se Hodžić Hamša. Giprom. Nigdje zavoda, Direkcije. Ovaj je direktno odgovoran. Da ne bude zabune, ne štitimo.

Zaključci 21. 11. 2016. godine na sjednici Gradskog vijeća, prvi zaključak da se dostavi cijeli izvještaj Tužilaštvu, da Tužilaštvo sankcioniše i provede postupak. Dakle sankcioniše odgovorna lica. Prvi zaključak. Ko god bio odgovoran. I Gradonačelnik je za govornicom isto to tražio. I ja sam kao vijećnik. I većina vas.

Donijeli smo ostalih osam zaključaka u vezi načina rješavanja ovog problema. Srabović nijednom nije potaknuo ovakav prijedlog da dođe na Vijeća od 21. januara. Ni SBB nije od 21. Dva dana prije izbora jeste.

Ne bih sad o tome da je način kako su ta dvojica nastupali, po meni, trebam provjeriti, još jedanput preslušati tonski snimak, moguće izvršenje krivičnog djela iznude. Da traže ono što im ne pripada po pravu od Vijeća da uradi a da Vijeće krši zakon. Kad pogledam tekst procijenit ću da li ima osnova, da li sam dužan da podnesem krivičnu prijavu protiv Srabovića, Šuvalića nadležnom Tužilaštvu.

A pogledajte šta je u Ugovoru i zašto oni nisu, zašto su doveli građane u ovu situaciju, zašto su ti ljudi ostali bez svoje imovine i možda će i ostati. Ugovor o kupoprodaji stana. Član 1., stav dva, notar piše, citiram: Poučila sam kupca o svim rizicima kupovine stana u izgradnji, kao što je mogućnost otvaranja stečajnog postupka nad imovinom prodavca, upozoren je kupac, prije završetka izgradnje objekta u kojem se nalazi stan, te sam poučila kupca da od prodavca može tražiti izdavanje bankovne garancije za obezbjeđenje povrata uplaćenih sredstava u slučaju da prodavac ne izgradi objekat u kojem se nalazi stan, na šta je kupac neopozivo izjavio, da ne želi da se ovaj Ugovor sačini pod ovakvim uslovima i bez davanja garancije od strane prodavca. Ne traži nikakvu garanciju.

Upozoren je da je stečajni postupak. Ovdje imam akt, Izvještaj o provedenom prethodnom postupku Društvu JP, ne, ne, ovaj drugi i Giprom, evo ga, gdje imamo okolnost da je to predstečajni postupak. Ili već stečaj. Dakle upozoreni su. Rekli su da ne traže ništa. Neće garanciju.

Član 2. Prodavac prodaje predmetni stan kao svoju isključivu imovinu. Dakle Giprom to prodaje kao svoju isključivo imovinu. Nema Direkcije.

Neću sad ulaziti u ovo sve što imam u ovim aktima ovdje kako je došlo do bilo čega. Giprom je taj. D.o.o. Giprom je inače onaj u ono vrijeme bio predsjednik, skupštinski poslanik SBB-a. I SBB je formiran prije ovog roka. 2009. je SBB formiran. Ovo je pravljeno 2010. Savez za bolju budućnost da ne bi bilo zabune u govoru. Dakle imovina je Giproma.

Član 5. Prodavac i kupac su saglasni da će se stan iz člana 1. ovog Ugovora predati kupcu u posjed po završetku radova, čiji su planirani rok 18 mjeseci od dana potpisivanja Ugovora o udruženju sredstava. Dakle od, ako je potpisano 2010. početkom, godina i po, 2011. tamo polovina je bio rok da se preda kupcu stan.

Kada se stiču zakonski uslovi po Zakonu o obligacijama za poništenje Ugovora i raskid Ugovora. Godina dana je raskida. Vi ako u godinu dana ne podnesete zahtjev za pravo koje vam pripada sud smatra da ste ga se odrekli.

Ko je ove ljude držao toliko vremena manipulišući s njima da će im neko drugo dati novac za to? Da će se na neki drugi način to uraditi. Ko ih je doveo u situaciju da su ušli u zastaru? Da li su prestavnici koji su ih vodili koji su ih izabrali tada izmanipulisali. Da li su dobili novac da ih navuku bukvalno u ovakvo stanje zastare, da ne mogu na sudu tražiti ništa.

Pitao sam Gradonačelnika, je li dobio informacije da su podnesene tužbe? Gradonačelnik je rekao, nije dobio informacije da su tužbe podnesene.

Za ovakvu stvar ide se na sud. Nema igranja sa ovim. Ovdje se radi o desetinama hiljada maraka. Ovdje je u pitanju 71.000 maraka. Stotina hiljada maraka.

Ko je ljude prevario da ima kaže nemojte ići na sud? Svako bi na sudu ovo dobio. Podnese se tužba, raskid ugovora, ovi su dužni da plate.

A pogledajte pored ovoga što su pisali u Ugovoru, pogledajte još šta su potpisali. Član 5., stav dva, kaže poučila sam kupca da može zahtjevati od prodavca da se podvrgne neposrednom prinudnom izvršenju na cjelokupnom svojom imovinom.

Dakle ne mora ići na sud. Preskače sud, ide odmah na izvršni sud. Ne mora se dokazivat. Ide prinudno izvršenje. Snagu izvršne isprave da ima ovaj akt. Ne mora se suditi.

Ne čeka sudski postupak, žalba, pa konačna drugostepena odluka. Direktno na izvršni sud ide.

Poučava notar. Kaže, prinudnom izvršenju na cjelkupnom svojom imovinom, za povrat uplaćenih sredstava sa zakonskim kamatama, ukoliko prodavac ne ispoštuje rok za zvršetak radova na objektu od 18 mjeseci. A isti je kupcu bitan element Ugovora.

I dalje citiram: „Te kupac neopozivo izjavljuje, da neće tražiti takvu izjavu od strane prodavca.“ Ko je ljude doveo u ovu poziciju? Ovo Giprom s jedne strane traži.

Na promjenu roka mogu uticati okolnosti predviđene višom silom. Samo višom silom. Zna se šta je viša sila. Elementarna nepogoda. (MENSUR ALIĆ – Presjedavajući mislim.)

Član 7. (jozo nišandžić – Ne. Ne. Ja sam reklao gostima kada budu bili. Kao vijećnik.) Vidite šta su potpisali u članu 7., stav dva, stav tri. Pogledajte. Prodavac i kupac saglasno ugovaraju da prodavac ne garantuje za vidljive i skrivene nedostatke, kao i za pravne nedostatke u predmetnoj nekretnini.

Potpisali su građani da može mačka da im poturi umjesto stana i da je to validno. Ne u vreći, ovako direktno. Neko je ove ljude brutalno prevario.

I na kraju na strani zadnjoj, četvrtoj, član 11., upozorila sam kupca na opasnost od postojanja zakonske hipoteke za Giprom i potrebu da traži uvjerenje od nadležne porezne uprave, a isti je izjavio da to nije potrebno.

Ovaj Ugovor je brutalan. On se sam ovakav kakav jeste mogao srušiti pred svakim sudom. Ovo je nemoralan Ugovor. (JOZO NIŠANDŽIĆ – Dobro. Mirnese. Idemo.) Dakle. Evo završavam predsjedavajući. (JOZO NIŠANDŽIĆ – Idemo. Idemo dalje.)

Dakle imamo okolnost da je moje mišljenje, da su ljudi koji su predstavljali i vodili ovo baš brutalno prevarene, izvarane građane, po mišljenju radili za interes nekoga da ih dovede u zastaru, (JOZO NIŠANDŽIĆ – Dobro.) da se navodno bori za njihov interes a da ti ljudi sad nemaju pravo niti zakonskim putem ostvariti svoja prava.

Načelnik je u pravu. Ulazak Grada Tuzle u nešto što je nezakonito, što je oštećenje Bužeta, to je krivično djelo. Mi možemo sa svoje strane, dobro je rekao načelnik i složila se kako kažu ove advokatice ovih ljudi, uraditi samo što je nadležnost Grada u okviru zakonskih mogućnosti i naravno od tužilaštva tražiti da se procesuiraju odgovorni zbog svega ovoga što se radilo.

Pa da i ovaj, dakle ovaj zaključak još jedan, i sa ovog, sa ove sjednice da ide dopis tužilaštvu da tužilaštvo provede istragu o svemu što se događalo što sam govorio, pa i u okviru ova dva čovjeka Srabovića i ovog. Kako se već zove? Šuvalića. Ne znam im imena, zapamtio sam samo prezimena kada su mi rekli da su iz SBB-a. I rođak čak. Jedan jednom ovdje zet je iz, Elviru Kasumoviću. (JOZO NIŠANDŽIĆ – Mirnese.) Da. Ovaj Srabović. Ili Šuvalić. (JOZO NIŠANDŽIĆ – Ekrem Topić. Je li se pripremio?) Da. Da. (MUHAMED SRABOVIĆ – On ne može bez mene nikako.) (JOZO NIŠANDŽIĆ – Evo ide. Čuješ.)

Vidite kako se smiju. Molim vas predsjedavajući. (JOZO NIŠANDŽIĆ – Samo malo de.) Ja vas pozivam zaštitite integritet vijećnika. (JOZO NIŠANDŽIĆ – Polako, vi ste gosti ovdje. Molim vas. Ostavite. Hajde da pustimo dalje.) Srabović je već rekao nešto što je vrlo ružno.

Dakle ostajemo. Predlog. Ostajem i dalje pri svim zaključcima sa sjednice Gradskog vijeća, održane 21. 01. 2016. godine, sve ih revitaliziramo opet u istoj onako formi kako jeste, pri predlogu i svemu što je prezentirao, odnosno izvještaj Gradonačelnik, pri tome da ćemo mi dobiti još detaljniji izvještaj do sjednice Kolegija, ali tražim do sjednice Kolegija da se izvijestimo je li dostavljeno ovo što se danas dešavalo. Naravno da se napravi stenogram od. Ali bar obavijest tužilaštvu da Gradsko vijeće traži uključivanje tužilaštva u ovaj slučaj po svemu onome kako smo zaključili 21. 01. 2016. i po događajima koji su danas bili u okviru ovoga što sam ja danas diskutovao. Hvala.

JOZO NIŠANDŽIĆ

Hvala. Gospodin Topić, ispred Kluba Tuzlanske alternative. Izvolte.

EKREM TOPIĆ

Gospodine predsjedavajući ja ne mogu kvalitetno diskutovati jer nisam dobio dokumenat, dokument koji sam jutros tražio, tj. Ugovor između Direkcije i kupaca. Da bi kvalitetno diskutovo trebo sam imat taj dokument. Obećano je da ću dobiti, ja to nisam dobio.

A imo sam razlog što sam to tražio. E sad da ne bi nagađo i navode neke tamo rekli, kazali, ovo i ono, tim se nisam služio neću ni danas.

Stojim iza svake izgovorene riječi iz 2009. i desete za ovom govornicom pri izvještaju Direkcije za izgradnju. Ko želi da provjeri nek nađe Stenogram i snimke i sve će tamo naći šta sam tada govorio i šta sam tada izlago.

Drugo. Klub vijećnika Tuzlanske alternative stoji iza svake riječi, zarezao sa sijednice Vijeća 20. 01. 2016. godine. Je li se prosljedilo ovo tužilaštvu, sudu? Ima boldirano, imaju naslovi, nek se provjerava.

Kao čovjek mogu reći baveći se raznim poslovima da mi je veoma ovo sve čudno. Da su mala djeca ne bi se dovela u ovakvu poziciju i situaciju. A radi se o ogromni sredstvima. Stan je najmanje 50, 60.000, pa do 140.000.

Davat tako novac a ne tražiti zauzvrat informaciju i ne provjeravat, to vi sami sa sobom stanite pred ogledalo i koji predstavljate nekog ili ne predstavljate i sam ko osoba staneš na ogledalo. Toliki novac dati a ne tražiti ono što te sleduje u najmanju ruku meni je čudno.

Mi kao Klub ćemo podržat ovaj dokumenat iz januara 2016. i stavove što je Gradonačelnik izjavio.

A za dalje ako želite da nam dostavite dokumentaciju da se kvalitetnije možemo uključiti bujrum.

JOZO NIŠANDŽIĆ

Hvala. Izvolte dalje. Gospodin Alić Mensur. Izvolte.

MENSUR ALIĆ

Ja mislim da mi ne trebamo puno ulaziti u svu ovu dokumentaciju od ranije. Da je dobro ovo što je Gradonačelnik predložio i da mislim da je ovo briga za ove sve ljude, po ovome što je predložio Gradonačelnik da se pokuša do petka naći rješenje onoliko koliko se može naći.

A mislim da i uticaj Gradskog vijeća na javna preduzeća i sve ostalo da tu mi imamo snage jer su oni pod ingerencijom svakako i mi izvještaj i sve odluke njihove potvrđujemo na ovom Gradskom vijeću. Mislim da se može naći neko prelazno rješenje da se pomogne ljudima da konačno riješe ove probleme.

Svaka druga diskusija ovdje, ovakav ugovor, onakav ugovor. Uglavnom oni su prevareni. Od kog ja u to neću ulaziti niti imam pravo da ulazim. Ne znam. Ali da treba pomoći i da ima, postoji volja, evo postoji volja i Gradonačelnika postoji volja da se to riješi evo ubrzanim tokom.

Mislim da tu ne treba puno pričati, nego jednostavno olakšati ljudima kako da. Meni samo jedino nije jasno ovdje renta. Nju ne mogu da skontam nikako. (EKREM TOPIĆ – Hava. Zrak.)

Rentu ne mogu da skontam zato što po svim zakonima o građevinskom zemljištu ne možete dobiti građevinsku dozvolu ako niste uplatili rentu. Mislim tu mi nešto. (MEDIHA NUHBEGOVIĆ – To je za ove dodatne kvadrate.) Molim? (MEDIHA NUHBEGOVIĆ – Za dodatne kvadrate.) (JOZO NIŠANDŽIĆ – Za dodatne kvadrate.) Dodatna. To je znači što je dogradnja bila. (MEDIHA NUHBEGOVIĆ – Jeste.) Eh odlično. Zbog toga neću da lupam nego pitam da dobijem kvalitetan odgovor. Zahvaljujem.

I dalje ne bi. Mislim da treba dati podršku ovim ljudima i da ovo što je Gradonačelnik predložio ja se slažem u potpunosti i da krenemo tim putem. A nadam se da sve ono što Kolegij dogovori u petak, što dogovori, da će to ići na Vijeće, kad će biti zakazano o tome će Kolegij odlučivati, da na Vijeće dođe i da Vijeće donese takvu odluku uz preporuku Gradonačelnika i Kolegija Vijeća. Zahvaljujem.

JOZO NIŠANDŽIĆ

Hvala. (MIRNES AJANOVIĆ – Mogu li ja jednu repliku?) Samo. Ne. Samo dopunu Gradonačelnik. Možda će nam neke stvari, ima još dopune malo. Pa zapamti. Gradonačelniče izvolte. (JASMIN IMAMOVIĆ – Ja ću na kraju.) A na kraju. Dobro. Šta je bilo? Izvolte. Replika.

MIRNES AJANOVIĆ

Da ovo što kaže moj dragi prijatelj Alić, ima volja. Volja je definisana i mora biti i moguće je rješenje ovog problema. Gotovo je, za sudove su oni većinom zakasnili. Mi kao Grad ne možemo dati novac za to. Koliko možemo dati na rate i slično, koliko će im to značiti. Ništa. Osnovno je ulazak u posjed. Saglasnost dakle za ulazak, dobijanja potrebnih dozvola da mogu ući u svoje stanove.

Da li može, najvažnija je stvar, ono što smo radili na stadionu, objekat stadion, da uzme druga firma. Da li je moguće statički da se dobije odobrenje da objekat izdrži, da se izgradi gore još nekoliko spratova. Da druga firma može ostvariti određeni interes i profit i pokriti ovu razliku kroz ovo sve dole.

To smo napravili sa objektom na stadionu. To je jedini način da se ovi ljudi izvuku. Ništa drugo neće. Nikakva naša odluka. Kolegij ništa neće uraditi. Možda će dati da plati na ratu nekakve obaveze koje su javna komunalna preduzeća. To je ništa. Mora opet platiti.

Jedini način, neko mora ući sa interesom, gdje će gradeći to kroz profit pokriti mogućnost ovog dole svega što je potrebno da se uradi da se plati. To je jedini način. Da se s naše strane provede, to mora biti zaključak, provede i dostavi izvještaj je li moguće na postojećem objektu statički, okolnošću kako je završen objekat gore. Građevinari to naravno znaju uraditi, ja ne znam samo pričam. Sad da li je moguće.

Dakle da li je moguće ići sa još spratova gore iznad, kako bi neka firma koja bi bila zainteresovana za tu vrstu dobiti, mogla kroz dobiti i kroz sve i kroz naravno ostatak koji će biti, kroz poreze, kroz sve što je, da vidim na nekakav način da riješimo na slično kako je to riješeno na objektu stadion.

Da i to ide kao zaključak. Ja sam, ali da tu dobijemo što prije informaciju. I od Službe za prostorno, Imovinsko-pravne službe, dakle u vezi svih naknada, renti i najvažnije statike zgrade. Hvala.

JOZO NIŠANDŽIĆ

Elvir. Elvir pa onda on. Elvir. Elvir ide, pa onda Kasumović, pa ide onda Sabahudin Imamović. Molim? (MENSUR ALIĆ – Replika.) A repliku imaš pre? (MENSUR ALIĆ – Ja.) Izvinjavam se. Može li onda repliku ovaj.

MENSUR ALIĆ

Dobar je Mirnese tvoj prijedlog taj za nadogradnju, samo se bojim da nećemo otići još deset godina. (MIRNES AJANOVIĆ – Bolje deset nego ništa.) Deset godina neće.

A ja mislim da postoji mogućnost da ovo Vijeće uz prijedlog Gradonačelnika, službi, komunalnih preduzeća, da može skinuti cijenu koje će ovo Vijeće donijeti odluku na priključak vode, vode i grijanja, ono što je u nadležnosti Općinskog vijeća. Ja mislim da to može.

Ne znam pravno da li će prekršiti zakon ili neće, ali hajmo imamo pravnike, imamo sve do petka da vidimo tu situaciju.

A ovo neka ostane i dalje tvoj prijedlog što ga ti predlažeš da se pokuša da se vidi nadgradnja i ostalo. Ali momentalno da idemo u rješenje do petka, da više ne jednostavno ne razvlačimo ove građane. (MIRNES AJANOVIĆ – Ispravku navoda samo.) (JOZO NIŠANDŽIĆ - Izvolte. Ispravka krivog navoda.)

Nisam razumio. (NADA MLADINA – Ništa. Reće vam Mirnes. Nije reko on ni govorio ni o pitanju tom. Niste razumjeli.) Jesam ja razumio dobro. Razumio sam dobro ja i Mirnesa o čemu je govorio, (NADA MLADINA – Dobro.) jer je Mirnes govorio da neće, nema, ne možemo mi skidati cijene, ne možemo ovo, ne možemo. Mislim da o tome ja govorim. O tome sam. A mislim da ovo Vijeće daje saglasnost i Vodovodu i Centralno grijanje i na cijene i na sve. Ovo Vijeće to daje.

Naravno ako postoji mogućnost u zakonskom okviru da to riješimo. (JOZO NIŠANDŽIĆ – Zakonski. U skladu sa zakonom.) E to. O tome sam govorio

JOZO NIŠANDŽIĆ

Ispravka krivog navoda. Gospodin Ajanović.

MIRNES AJANOVIĆ

Moj prijedlog dodatni je samo razmišljanje u okviru ovoga što danas raspravljamo kako još dodatno riješiti, ne negira ništa što smo već zaključili i predložili. To sam ja svakako i na Kolegiju predložio i načelnik je svakako podržao i opet sam podržao.

Ali kaže Mensur zakonski ako je moguće. Kratko i jasno, nije. Mi ne možemo to raditi. Svako javno preduzeće je nezavisni pravni subjekt.

Mi i kad ima spor bilo kakav ne tuži se Grad. Tuži se javno preduzeće. Dakle mi ne možemo njima narediti da urade nešto što bi naškodilo njihovom budžetu, što bi takođe bilo krivično djelo.

Mi možemo što je načelnik i rekao, on je dobro rekao, radi se o pravniku koji je bio nekada i sekretar, pa kasnije kroz sve ovo što je prošao dakle zadržao dosta pravnog znanja. I ja više puta kad smo razgovarali o nekakvim pravnim okolnostima sam se iznenadio da ipak kao Gradonačelnik nije zaboravio. Imao je ogroman i dobar teren.

Dakle ovo je pitanje koje ne može donijet se na način da mi politički odlučujemo. Hajde da ispitamo. Ali da ne gubimo vrijeme. U međuvremenu dajte da dobijemo i ovu

informaciju, građevinskoj firmi koja ima novac i interes da zaradi, ne treba puno vremena za ovo. Nema tu deset godina. Kakvi.

On će vrlo brzo doći u poziciju ako imaju interes. Kao što se uradilo od izgubljenog projekta kraj stadiona. Taj objekat za vrlo kratko vrijeme je postao funkcionalan i ljudi su dobili ono što su pravo imali.

JOZO NIŠANDŽIĆ

Elvir Kasumović. Izvolte. Ispred Kluba Savez za bolju budućnost.

ELVIR KASUMOVIĆ

Mislio sam da ova govornica neće više nikad biti upotrebljena po pitanju ličnih nekih stvari i tako dalje. Odnosa s neko s nekim, porodični i tako dalje. Ko je čiji zet. Evo može kolega Edim Kadić je stari svat Mirsadu Šuvaliću na svadbi bio. Znači u izuzetno dobrim odnosima sa Mirsadom Šuvalićem. A vaš je član Kluba. (MIRNES AJANOVIĆ – Ali nije SBB.) Naravno. (JASMIN HABUL – Kakve veze ima što nije SBB.) Nije SBB. I zbog čega se ovdje SBB veže.

Mi ovdje pričamo o prevarenim investitorima. Mi ne pričamo o članovima Stranke. To što je neko član Stranke, nek iskaže ovdje zbog čega je neko bio u SDP-u, pa iz revolta jednostavno prešo u SBB. (JOZO NIŠANDŽIĆ – Molim vas. Molim vas držimo se dnevnog reda.)

U momentu. U momentu. Nemojte samo mene upozoravat po tom pitanju. (JOZO NIŠANDŽIĆ – Ja upozoravam sve ko god ima.) Ma nije tačno. (JOZO NIŠANDŽIĆ – To vama nije tačno.) Svima je netačno. Javnom mijenju nije tačno.

U momentu sklapanja ugovora ovih koji su sklopljeni 2006. godine, to sam rekao i na Kolegiju, Savez za bolju budućnost nije ni postojao gospodo. Mi smo sa ovim projektom krenuli 2009. godine.

Prema tome, ovaj ne možete vezati. Gdje su već rokovi je li probijeni i krenulo se sa nezadovoljstvom.

Radi čega je to sad eskaliralo ovo, ono, pitajte ove ljude ovdje. A pitao bih ja vas da ste vi uložili svoj novac kako bi vi reagovali. Vjerovatno, ja bi sigurno radikalnije reagovao po pitanju da sam uložio sto, sto, da sam imo prije svega da uložim ta sredstva u stan i da sam podstanar i dan danas a da neko nije izvršio svoje obaveze.

Zbog čega u pravnom smislu neke stvari nisu uređene i urađene opet treba pitat, slobodno ću reći, prevarene građane Grada Tuzle. Od strane koga? Osnovni investitor je Direkcija za izgradnju.

Napominjem. Ovdje se druga osoba pominje kao suinvestitor i treća, treće pravno lice se pominje kao izvođač radova.

Gospodin Ajanović je reko da je Giprom bio član SBB-a. I vjerovatno ste mislili možda na vlasnika jer pravno lice ne može biti član političke opcije, niti ga predstavljati u Skupštini Kantona. Vjerovatno ste mislili na direktora je li. Ali rekli ste Giprom.

Prema tome nemojte da se bavimo ovdje privatnim nekim problemima. Mi ne želimo da budemo predmet koji stvara probleme, nego predmet koji će doprinijeti rješavanju nagomilanih problema.

Nemojte da se bavimo time ko je se rasto, ko s kim sad ponovo i tako dalje, da pričamo kojekake priče. Mislim nema. To je stvarno ispod minimuma karaktera nas kao osoba da iznosimo ovdje za govornicom bilo kakve privatne odnose sa nekim.

Ljudi su ovdje došli kao nezadovoljni građani. Činjenica je da su oni izlagani, prevareni i tako dalje. Sam Gradonačelnik je nekoliko puta potenciro prije par mjeseci da će tražiti izvještaj o radu Direkcije za izgradnju i tako dalje.

Nakon unutar stranačkog pomirenja ta je priča prestala. Nikada više nismo pričali o izvještaju Direkcije za izgradnju. Znači to je politizacija. Tu se govori o politizaciji. Niko nije instruiro ove ljude. Ja molim evo, mada je, pardon neću ih moliti zato što je to riješeno Zakonom o zaštiti ličnih podataka, ali vjerovatno oni su i članovi možda drugih političkih partija, ne samo Saveza za bolju budućnost. I to je njihovo potpuno legitimno i ustavno pravo u kojoj političkoj opciji će oni biti. Da li će promijeniti političku opciju iz nekog nezadovoljstva. To je stvarno, to je, to je ustavno pravo građanina.

Prema tome evo zamolio bih još jednom da se nikako Savez za bolju budućnost ne pominje u pričama i evo ja lično sam na Kolegiju od strane jedne osobe koja će od sutra biti predmet sudskog procesa, rečeno je da sam ja ovo instruiro i organizovo. To će se morat potkrepiti na sudu, to će se morat dokazati dokazima, činjenicama, jer ja klevete od strane te osobe više neću da trpim ovdje i kojekakve iznošenje na Kolegiju, na kolegijima minder priča. Mene to ne interesuje.

Ja hoću da baratam činjenicama, informacijama, kao što smo ovo dobili, isto tako ako nam nešto fali da zatražimo to što nam fali, ali ja ovdje ne vidim ni jednog ugovora sa Direkcijom za izgradnju. U ovom materijalu koji smo mi je li dobili u kopiranoj formi.

Molim vas predsjedavajući, da sa svog aspekta zaštitite integritet klubova i vijećnika, jer svaka određena priča možda ima neku pozadinu i vjerovatno ima. Ovdje iza svega ovog a nek i građani iznesu svoj stav, ne stoji ni u kom slučaju Savez za bolju budućnost. Ja sam samo vidio ovdje nezadovoljne građane koji su izvarani, izlagani od strane nekoga.

Znači nemojte da branimo nekoga ko nije izvršio neke svoje obaveze. Naravno. I isto tako zbog čega su učinjeni određeni propusti i tako dalje. Neka se iznese danas brate dragi. Ima pravo svako da tuži nekoga ili ne tuži, da pokrene proces određeni ili da ga ne pokrene. To je sve stvar ličnog, ličnog stava.

Još jednom odgovorno tvrdim, da Savez za bolju budućnost ne stoji iza ovoga. Sve što ovi ljudi ovdje iznesu za ovom govornicom iznose u formi ličnog stava. Ovdje sam ja i kolega Habul samo legitimni predstavnik Saveza za bolju budućnost i mi možemo govoriti u ime Saveza za bolju budućnost. Sve ostalo što se insuira po tom pitanju mi nećemo da prihvatimo.

Prema tome stojimo na raspolaganju da se na jedan korektan i zakonit način riješi problem konačno ovih građana, a isto tako da se i sa strane ovog javnog preduzeća koje je bilo u većinskom vlasništvu Grada Tuzle isto tako izvrše određene obaveze koje su proizašle ovim ugovorom. Hvala vam lijepo. (EKREM TOPIĆ – Ispravka krivog navoda.)

JOZO NIŠANDŽIĆ

Samo da vas pitam. Jeste li, jeste li za ove predloge koji je iznio Gradonačelnik i ove zaključke sa naših ranijih sjednica? Da taj dio.

ELVIR KASUMOVIĆ

Savez za bolju budućnost, Klub Saveza za bolju budućnost, će sve podržati prijedloge bez obzira od koga dolaze ako su one prihvatljive obostrano.

JOZO NIŠANDŽIĆ

Hvala. (EKREM TOPIĆ – Ispravka krivog navoda.) Ispravku krivog navoda. Izvolte Topiću. (EKREM TOPIĆ – Razumijem ja i Španski i ćirilicu i latinicu.)

EKREM TOPIĆ

Ja, ne treba mi, nikad nisam tuđu nevolju i belaj koristio u političke svrhe, niti u političke poene a neću ni danas. Neću na listu više. Tako da budeš rahat. A jedan sam od tri čovjeka koji ti je napravio Stranku. Ja sam taj. Jedan od tri čovjeka. Na Kantonu ti napravio Stranku.

Ti si sam se odo jutros na reakciju nečiju da ja nisam progovorio riječi, nešto je gospodin Srabović diskutovo i ti si usto da nešto braniš. Ne znam ni šta si branio ni koga. Kulturno i ljudski sam usto, predstavio se ko sam i šta sam radio, da mi je dobro poznata ova tematika i problematika iz poslova koje sam obavljao, a neću ja te sad poslove sve da strpam u vijećnika. Nit želim, nit hoću. To je moj minuli rad, ja sam to radio, to je moj život. Dok su neki radili nešto drugo ja sam to radio. I to znam što znam meni je tamana ali dosta znam o ovom problemu.

To koga ćeš tužiti ne znam. Tuži koga hoćeš. Ja na prošlom Kolegiju sam izrekao rečenicu evo ponavljam ponovo, poturio si mi na holu ovdje da ti nešto potpisujem na jutru. Ja samo letimično pogledao i vidio da je se Malikić se potpisao i ja sam ti se potpisao i pokajao se kroz pet minuta.

I reko ti na Kolegiju nećeš mi više to ni raditi. Imaš svoj Klub, imaš svoju politiku, imaš svoju Stranku i radi to. Jer nisam imo saglasnost sa kolegom Alićem. I ti od tog momenta svaku sekundu koristiš da ideš na mene.

Ako ti nije dovoljno što sam ti formirao Stranku ja više ne mogu. A malo me je i bolest savladala. Ako ti je malo to što sam ti dao. Niste me platili, dobrovoljno radio od jutra do sutra i napravio. I ti fala Bogu eto vijećnik i još neki. I ja otišo. Čim ste vi ušli, ja otišo.

Šta tražiš više od mene. Neću da mislim tvojom glavom, neću da pričam tvojim jezikom, imam svoje stavove, imam svog političkog partnera i mi ćemo nastupat onako kako mi mislimo.

Ako misliš da ću igrati po tvojoj svirali nemoj to džaba raditi. Hoćeš me tužiti, nećeš me tužiti, radi šta hoćeš. (BERIZ SAKIĆ – Poslovnička.)

JOZO NIŠANDŽIĆ

Poslovničku. Izvolte.

BERIZ SAKIĆ

Predsjedavajući, ja stvarno ne mislim ostajati ovdje do dvanaest naveče. Počet će prepucavanja ponovo. Ovaj protiv ovoga, ovaj protiv ovoga. Dajte da govorimo o tački dnevnog reda i ono za što treba da govorimo.

Svaka prepucavanja, imate ovlasti, koristite, prekinite i dajte da govorimo o čemu treba da govorimo. Opet ćemo se raskrinuti, opet će ovdje politička prepucavanja početi i opet ćemo bezveze, ništa nećemo uraditi.

JOZO NIŠANDŽIĆ

Hvala. Repliku si imo. Ajanović. Hajde ja vas molim zaista da se usredsredimo posle, da idemo zaista diskusije koje idemo da. Pazi nije prilika. Nije dobro sad. Molim vas.

MIRNES AJANOVIĆ

Predsjedavajući molim vas. Mogu li da govorim? Nije ovo prepucavanje. Mi smo donijeli određene odluke koje su trebale i imale obavezu osobe koje su predstavljale ove građane uraditi i prije. I nisu to uradili.

Od januara ove godine kada smo mi kao Vijeće uradili što smo smatrali da je potrebno, nijednom nam nije došlo na Vijeće, ja nisam dobio, predlog, evo ovdje lijepo piše, predsjednika Udruženja Kupaca stanova i poslovnih prostora SPO 15. maj Mirsada Šuvalića. Evo. Zašto predsjednik nije reagovao? Nije.

Okreni samo. Samo okreni. Izvinjavam se. Bila je ona pauza. Zašto nije reagovao? Zašto je danas pred sjednicu Vijeća kada su obaviješteni ovi građani da je zakazan sastanak kod načelnika, a advokati su evo pogledajte, tek 30. 08., juče, uputili Zahtjev. Zašto danas imamo demonstraciju sile?

Vi, nisu bili svi građani danas na sjednici Kolegija. Brutalno je napadnuto Gradsko vijeće. Mi smo krivi za sve. Ništa nismo uradili. Mi smo najgori. Mi smo njih izvarali. Mi smo odgovorni. Niko drugi. Samo Gradsko vijeće. Od dvojice ljudi. Srabovića i Šuvalića.

Nismo razumjeli odkud takav napad. Zato mora se znati pozadina ovog. Nije nam bilo jasno. Evo svi su svjedoci. Zašto takav brutalan napad? Zašto takav napad na Ekrema Topića? Ekrem je ustao i najljubaznije zamolio dajte nam jedan ugovor. Svim mogućnostima Srabović je pokušao da taj Ugovor ne dođe do čovjeka. (Pričali ste jednom o tome. De da idemo dalje.) (JOZO NIŠANDŽIĆ – Molit ću vas. Molit ću vas nema pitanja odatle.)

Dakle ovdje postoji okolnost, kad smo saznali sticanjem okolnosti da su obojica iz SBB-a onda se situacija promijenila. E tada je već bilo drugačije. Tad su prestali napadi. Tad su oni se spustili. Nisu više bili tako agresivni kad se razotkrilo šta je u pozadini. Da se došlo zato što su izbori prekosutra. Kampanja počinje.

A istinska borba za građane jeste ono što se danas radilo na Kolegiju Gradonačelnika ili samog Gradonačelnika, ono što smo mi kao građani uradili ovdje kao vijećnici u ime njih i danas ovo što kažemo da su njih, po mom mišljenju, predstavnici koje su izabrali prevarili. Držali ih u zabludi. Dovedi ih namjerno u zastaru da sad ne mogu tražiti ni novac, ni stan. Nego ovdje moliti od nekoga pomoć. O tome govorim. Evo gospođa snima. Neka to prezentira svojim brojnim građanima koji su dovedeni u stanje agonije.

Pored stana kojeg su platili morali su živjeti kao postanari. Djeca su im već gotovo odrasla.

Moje je mišljenje na osnovu ove dokumentacije koju sam dobio, da su ih predstavnici koje su izabrali ovo Udruženje prevarili. Izražavam sumnju, da su možda dobili novac da ih prevare. O tome govorim. I to se mora znati.

I zato tražim da tužilaštvo naravno presluša i stenogram i tonski snimak i sve što je potrebno da se provjeri da li su ova dvojica vršili određene radnje krivičnog djela. Nisu to ostali ljudi radili.

I kad se govori, (JOZO NIŠANDŽIĆ – Idemo dalje.) završavam, o članovima stranaka, niko nije pominjao članove stranaka. Nakon brutalnog agresivnog napada na Gradsko vijeće tek smo saznali tada šta su oni. Niko nije prije toga niti pito bilo koga iz koje je Stranke.

Nego je bilo zaista tako stanje napada na sve nas kao da smo mi ti bili sa kojima su potpisali ugovore. A pokazao sam vam sa kim je Ugovor i pod kakvim okolnostima potpisan.

JOZO NIŠANDŽIĆ

Sabahudin Imamović. Izvolte. Ispred Kluba Stranke demokratske akcije.

SABAHUDIN IMAMOVIĆ

Ja mislim da jutros nije bilo napada na Gradsko vijeće osim ako neko misli da je on Gradsko vijeće.

Dakle ja želim da se vratimo na teren političke odgovornosti. Ne možemo mi pričati o krivičnoj i nekoj drugoj i sumnjiviti jedne druge. Potpuno je nebitno ko je u kakvoj Stranci.

Dakle ovo pitanje je, sada da potpišu svi izjavu kod notara i ovjere da su apolitični njihov problem ostaje. Mislim to je potpuno nebitno.

Ja hoću da govorim iz ugla predsjednika Kluba SDA u Vijeću i onog dijela Gradskog vijeća koji nije kriv za ovu stvar dakle. Da pozicija sluša više opoziciju ovdje bi se mnoge stvari kvalitetno riješile.

Dakle pitanje Javnog preduzeća Direkcije za izgradnju se povlači dugi niz godina, okretala se glava od tog problema, uvrštavali smo taj izvještaj u Program rada i nikada nije dolazio na Vijeće. Ja sam pitao bezbroj puta šta se događa? Niko se nije interesovalo od većine, dakle predvođeni SDP-om i Gradonačelnikom. Na kraju šta imamo sada? Predstečajni postupak.

Dakle politička odgovornost je na Gradonačelniku i većini u Gradskom vijeću. Vijećnici koje ja predvodim i ostatak opozicije nema nikakvu odgovornost. Naše je bilo da ukazujemo, to se nije uvažilo i opet smo bili konstruktivni kada smo u januaru ove godine raspravljali o ovoj stvari i donijeli smo kvalitetne zaključke.

I da su ti zaključci od strane Gradonačelnika tretirani kako treba mi sad ne bi smo ponovo ovaj slučaj imali.

Dakle fino u zaključku broj 4. se kaže, traži se od Gradonačelnika, dakle ovo Gradsko vijeće traži, da iskoristi zakonske mogućnosti i pruži pomoć svim učesnicima u izgradnji stambeno-poslovnog objekta 15. maj kod iznalaženja rješenja za završetak citiranog objekta. Da vas sad ne gnjavim ostatkom. Dakle zadužuje se Gradonačelnik da nešto preduzme. I vi mislite da ćemo do petka naći rješenje. Dakle osam mjeseci nije se tragalo za rješenjem, nije bilo ni volje, ni želje, ni znanja možda, možda je, rješenje se ne može ni naći, ja ne znam i sad ćemo mi kao naći rješenje do petka.

Ja više kao dio ovog Vijeća, dakle ovo Vijeće je odradilo svoj dio posla. Ja više neću da učestvujem u tim stvarima.

Dakle podržat ćemo sve ono što Gradonačelnik predloži a vodi ka rješenju ovog pitanja. I da se ljudi namire. Ali ja da više sjedim, gubim vrijeme, da ja mudrujem tamo i da razrješavam tuđe probleme, neću.

Dakle tražimo od Gradonačelnika da preuzme odgovornost političku, da sa svojim timom ljudi razmotre ovaj slučaj i da nam ponudi kvalitetno rješenje i nama i predstavnicima ovih prevarenih kupaca. I to je što očekujemo.

Mislim da više nema potrebe niti da koga sumnjivimo, ni da se raspinjujemo u ovoj raspravi. Dakle zna se ko je politički odgovoran i ko treba da rješava ove probleme. To mi nismo sigurno iz opozicije.

JOZO NIŠANDŽIĆ

Gradonačelnice izvolte.

JASMIN IMAMOVIĆ

Pa samo ću kratko Sabahudinu ali zadržavam pravo kad čujemo i ostale. Mislim znamo mi da je trideset dana do izbora kolega, mislim pravnik, kolega Sabahudine. Čuj da ja preuzmem političku odgovornost ti tražiš.

Nema tu priče. Ja sam državni službenik. Samo ima priča o pravnoj odgovornosti. O pravnoj odgovornosti. I mi možemo uraditi sve pod uslovom u želji da pomognemo da ne prekršimo zakon.

A politička odgovornost. Politika je ovdje u Vijeću. To je politički organ. A službe, organi, ima da su zakleti zakonu i može se samo govoriti o tome ko ima pravnu odgovornost. Samo o tome se može govoriti. (SABAHUDIN IMAMOVIĆ – Ispravka krivog navoda.)

JOZO NIŠANDŽIĆ

Izvolte.

SABAHUDIN IMAMOVIĆ

Ne mogu da vjerujem da je Gradonačelnik rekao da je on državni službenik. Jeste li to rekli? (JASMIN IMAMOVIĆ – Da.) Vi državni službenik? Vi ste izabrani dužnosnik na neposrednim tajnim izborima. Pa vi niste, ne podpadate po Zakonu o državnoj službi.

Dakle prvo je vaša politička odgovornost i sve ostalo što ide. Pa molim vas žao mi je što sam morao ovako reagovati.

JOZO NIŠANDŽIĆ

Azra Gazibegović. Izvolte. Ispred Kluba Socijaldemokratske partije.

AZRA GAZIBEGOVIĆ

Dakle ovo zaista jeste jedan kompleksan problem i evo mi smo kao što je rečeno u januaru mjesecu razgovarali o između ostalog i o ovom problemu i donijeli adekvatne zaključke.

Ono što Klub vijećnika i vijećnica izražava je li žaljenje što su kupci došli u ovakvo stanje kakvo jesu. (JASMIN IMAMOVIĆ – Pardon. Oprostite. Kolegice ja ću vas pratiti sa ovoga monitora.) Dobro. Kratko ću ja svakako.

Nema potrebe dakle da se rasprava dugo razvlači sa obzirom da evo imamo i konkretne zaključke od januara, a i konkretne zaključke sa današnje, sa današnjeg sastanka koji se desio između Gradonačelnika i predstavnika, odnosno predstavnica službi i advokatica, koje su i ovaj ujedno je li zastupnice kupaca koji su i danas ovdje, a i svih onih koji nisu bili u mogućnosti danas da dođu.

Ono što mi želimo da kažemo jeste da zaista interes građana treba da nam bude na prvom mjestu i upravo zbog toga sam ja i jutros kada smo dobili informaciju da su kupci ovdje tražili dakle da svi dođu na sjednicu Kolegija Gradskog vijeća i da imaju mogućnost da kažu nešto.

Meni je žao što su samo dva predstavnika kupaca govorili i što ostali nisu imali priliku, a moja zamisao je bila je da se svi predstave da kažu svoje ime i prezime i da znamo je li sa kim smo razgovarali. Nažalost evo čula sam dva imena i prezimena. Meni je žao zaista što i ostali nisu bili u prilici da kažu svoje stavove koje i probleme sa kojima su se suočavali dugi niz godina.

Meni je zaista žao i lično a i u ime Kluba vijećnika i vijećnica SDP-a što ste vi došli u ovakvu situaciju u kojoj se danas nalazite i evo mi ćemo sa svoje strane da učinimo sve ono što je moguće da, da dakle damo podršku prije svega vama, a s druge strane da se stavimo na raspolaganje i Gradonačelniku i predstavnicima i predstavnicama gradskih službi, kao i javnim i komunalnim preduzećima koji vama mogu da pruže određene usluge u vidu priključaka i svega ostalog.

Ovdje je Gradonačelnik spominjao dva javna komunalna preduzeća koje su u nadležnosti Grada Tuzla. Dakle sa nivoa lokalne zajednice to su Javno komunalno preduzeće Centralno grijanje i Vodovod i kanalizacija.

Dakle evo mi ćemo pratiti dalji proces, dalji tok i razgovora i zaključaka koji će se desiti između Gradonačelnika i predstavnika službi i vaših advokatica i pratit ćemo dakle cijeli taj proces, a već evo prvi sastanak će da bude prekosutra gdje ćemo mi u 14,00 biti izvješteni o konkretnim rješenjima koja će se ponuditi, a sve ono što je u okviru dakle zakona i odluka koje su moguće, odnosno koje smo mi možda i u ranijim prethodnih godina donosili koje su nadležnosti lokalne zajednice.

Mi vam evo zaista stojimo na raspolaganju u narednom periodu, da evo preko nas dokle, koliko smo još tu je li, mi smo još tu mjesec dana, odnosno još jednu sjednicu gradskog vijeća, a dalje nadam se da će novi saziv Gradskog vijeća takođe dakle da nastaviti pratiti proces dogovora, odnosno svega onoga što se dogovori danas jer mi ne znamo je li ko će da bude izabran u Gradsko vijeće, ali svakako da ko god bude izabran trideset i jedan vijećnik i vijećnica trebaju da se bave pitanjima građana i građanki jer to u biti i jest ono čime se vijećnici i vijećnice bave. Eto toliko i hvala.

JOZO NIŠANDŽIĆ

Hvala. Od klubova više se niko ne javlja. Javlja se je li gospođa Mijatovića. Izvolte. Ispred Kluba Hrvatske demokratske zajednice. Jasminka Mijatović

JASMINKA MIJATOVIĆ

Hvala gospodine predsjedavajući. Pa u ime Kluba vijećnika HDZ-a Bosne i Hercegovine kao Klub ćemo podržati sve ono što je je u korist predstavnika kupaca, odnosno Udruge 15. maj koji su kupili ove stanove i koji su ne svojom voljom dovedeni u situaciju bez obzira tko je krivac, ali isto tako i glede zaključaka koje je donijelo ovo Vijeće a koje je takođe neko obostrano zadovoljstvo kako izvršne tako, vlasti, tako i druge strane neophodno je da dobijemo konkretnu informaciju kako bi se, evo obećano je do petka čini mi se, o istom moglo i zauzeti konkretan stav.

Meni je jako žao ali ja sam za ovaj problem saznala jutros. Znači kao vijećnica nisam znala da će predstavnici udruženih kupaca biti danas na Vijeću, tražiti informaciju, no moje osobno mišljenje a mi pretpostavljamo mišljenje i ostalih, da su zaključci koji su usvojeni od strane ovog Vijeća 21. 01. 2016. godine realizirani na način kako je ovo Vijeće i donijelo iste i da smo imali adekvatnu informaciju vjerujem da i predstavnici kupaca danas ne bi bili tu.

Ono što je Gradonačelnik ponudio kao zaključke ja sam neformalno od predstavnice saznala da su i njihovi zaključci na istom tragu i da ti zaključci pa na neki način rješavaju

problem koji je izuzetno značajan kako za kupce tako i za nas vijećnike koji već dugi niz godina smo suočeni sa problemom funkcioniranja Direkcije za izgradnju.

Napominjem i da su radnici same Direkcije za izgradnju u više navrata izvještavali nas kao vijećnike o ovom problemu i mislim da ukoliko se iznađe rješenje koje je na obostrano zadovoljstvo, a ono što sam čula od predstavnika i od Gradonačelnika mislim da smo na tragu rješavanja istog.

Ono što moram iskazati kao osobno žaljenje je da ovaj problem nije riješen mnogo ranije kako možda ne bi govorili da se problem pojavljuje u predizborno vrijeme jer smo na isti način raspravljali i 2014., pa da ne pominjem kakve smo odgovore dobivali, da ne razgovaramo politički nego pravno u okviru naše nadležnosti ali i pomoći građanima koji to zaslužuju.

JOZO NIŠANDŽIĆ

Hvala. Zaključujem raspravu klubova. Otvaram raspravu vijećnika. Gospodin Beriz Sakić. Izvolte Berize.

BERIZ SAKIĆ

Ja se naravno slažem i sa svim prijedlozima koji su dobri i koji će obostrane strane zadovoljit. Pogotovo se slažem sa prijedlogom koji je gospodin Mirnes iznio. Mislim da je to najbolji način. Jer ono što je Gradonačelnik predložio nije ni to loše, ali po meni je to sitan novac za te komunalne usluge za onaj novac koji ste vi dali za te stanove. Ne vidim tu neku satisfakciju.

Hajde da kažem da su te sve komunalne usluge možda četiri, 5.000 a vi ste dali po sto hiljada za te stanove. Mislim da je prihvatljiviji opet govorim o zakonski koliko je to moguće. To je moj stav i ja samo ovdje dajem prijedlog i slažem se znači ili ne slažem.

Ovaj prijedlog koji je Mirnes iznio mislim da je to mnogo prihvatljivije recimo i za vas a mislim da to i drugu stranu ako je to zakonski moguće. To je ono što bih ja iznio oko ovih prijedloga.

Mi smo ovdje čuli jedan Ugovor. Ako je Direkcija za izgradnju dobila nekakav posao, taj posao vjerovatno dala podizvođaču radova koji je taj posao izvodio i on je pravio ugovor sa nekim kome je prodo taj stan.

Zanima me da li postoji ugovor između Direkcije i Giproma? Kakav je taj ugovor od te firme Girpom? Šta u njemu piše i kakav je taj? Mi smo dobili ovaj između Giproma i ovih koji su kupili, a između Direkcije i Giproma taj ugovor nismo dobili. Kakav je njihov ugovor i kakav su njihovi stavovi?

Ako je to ovakav ugovor koji je između Giproma i ovih kupaca ovih stanova, onda je ovaj Giprom, po meni nisam pravnik, ali po meni potpuno čist. Znači vi koji ste potpisivali ugovore trebali ste to dobro čitati. Ali sad ne znam ovu drugu stranu ovog drugog Ugovora. Govorim opet nisam pravnik, ne znam, ali po nekoj logici stvari govorim to, onda kad bi imali taj drugi ugovor vjerovatno bi onda znali. Sad i ovaj i ovaj ugovor, onda bi znali koji je tu kriv, ko nije.

Ono što mene zanima ovdje i vjerovatno ja kao vlasnik jedne firme, ja kao vlasnik imenujem aktom direktora. Što znači da taj direktor odgovara za sve tamo zakonske ili nezakonske radnje u toj nekoj firmi.

Ako je osnivač firme opština ili grad, zanima me kako da osnivač firme ili ja ko vlasnik ne znam stanje u toj firmi prije. Ja ne mogu da shvatim ako je neko u gubitku, ako je neko konstantno gubitnik, ili ako imam te probleme godinama, da ja ko vlasnik firme ne

zapitam se ko vlasnik dovedem tog direktora pa kažem ti si mi odgovoran za to. Ja tebe imenovo. Šta je ovo? Šta ti radiš? I na vrijeme rješavam problem.

Ako sam ja imenovo vlasnika, ovaj direktora, taj direktor valjda meni mora podnositi nekakav finansijski izvještaj. Zanima me, jesu li Zavod za izgradnju podnosio finansijski izvještaj vlasniku te, vlasniku njegovom i da li je taj vlasnik iz tog finansijskog izvještaja vidio da on ide u katastrofu?

Da se to ne vuče tolike godine i sad zavučemo i ove ljude koji su to kupili, a naša firma, mi je osnovali, mi većinski vlasnik, a da ne kontrolišemo tog direktora kojeg smo mi njega imenovali kao vlasnici i on je odgovoran nama za stanje u toj firmi.

Naravno da nam je moro podnositi i izvještaj i da mi nemoguće je da ne znamo stanje u toj firmi. Po meni je i taj vlasnik svom svojom imovinom odgovara za stanje u toj svojoj firmi. Jer je on vlasnik te firme. Vjerovatno to i Mensur dobro zna i on je vlasnik, zna kako to, kako to djeluje.

Ta me pitanja zanimaju i želim da, da, da te odgovore čujem, a naravno stojim na raspolaganju sve što bi ja lično mogao da učinim, odnosno da se dovede najbolje rješenje jer neće sigurno ovo moći dobiti.

I naravno nije predizborna. Ja inače to i ne koristim nit me zanima uopšte ta predizborna kampanja nego me zanima samo da.

JOZO NIŠANDŽIĆ

Mirnese repliku imaš. Izvolte. Replika ima prednost.

MIRNES AJANOVIĆ

Moj poštavni kolega je dobro govorio. I nije ovo predizborno jer mi smo dovedeni u poziciju da moramo sada raditi ovo a trebalo je i prije mjesec doći. Tražiti od nas kao Gradskog vijeća ako već nije se moglo na drugi način.

Ali evo ova informacija, ko je vlasnik? I dalje smatram da su predstavnici građana, njih nekoliko, prevarili ove napaćene ljude. Bukvalno izvarane. I dalje smatram kroz svu ovu dokumentaciju.

I evo ovdje imamo situaciju Giprom jeste jedno vrijeme bio izvođač. Odjedanput Giprom postaje u dogovoru sa nekakvim Simičić Mirsadam, evo Protokol o regulisanju prava i obaveza, postaje vlasnik. Nema više Direkcije. Evo ovdje ima taj Simičić Mirsad.

I sad, sad, danas kriviti firmu koja je iz nekih kakvih god okolnosti bila u ovome, a druga firma postala vlasnik, je prevara ovih ljudi koji su dali svoj novac da bi gubili vrijeme i propustili zakonske i sudske rokove da dođu do svoje imovine, do kamata i svega onoga što im pripada. Bez obzira na ovakav ugovor, on je moro biti rušiv i njima su novci morali biti vraćeni sa kamatom ili obezbijeđen stan.

Da su, ali ovi pošto su znali na kakav način su ih prevarili. Koga su im dali da ih navodno predstavlja, nisu ništa željeli ni da urade. U tome je problem. To je manipulacija o kojoj govorim.

Evo vam Ugovor koji sam pročitao. Giprom je kao isključiva imovina prodavao stanove. De. Preduzeće, Giprom d.o.o. Tuzla. Društvo ograničene odgovornosti. Odgovara samo imovinom preduzeća. Ne odgovaraju ličnom imovinom.

Vrlo je jasno šta se uradilo u ovome. Dakle sad je zamjena teza, prevara ovih prevarenih ljudi hajmo mi nešto od Direkcije tražiti.

Taj Simičić nekakav, ja nikad nisam čuo za ovu osobu, Mirsad je taj koji je sa Gipromom a na osnovu nekakvih sporazuma sa Direkcijom napravio. A neka to tužilaštvo

istražuje. Neka tužilaštvo vidi šta je direktor ili ovlašteno lice u Direkciji za izgradnju napravio krivično djelo, šta je taj Simičić uradio, šta je ovaj iz Giproma uradio.

Ali pravno lice koje se može teretiti za ostvarenje prava po Ugovoru je Giprom. I ljudi su tu prevareni. Neko je zaštitio odgovorna lica u Gipromu da dovede ljude u poziciju zastare. Da sad moraju da mole za svoj novac koji su dali a stanovi ne mogu biti završeni.

Moje je mišljenje ljudi koji su ih predstavljali, jer ne može niko biti ovoliko naivan, da svjesno zanemari okolnost zakonskog roka podnošenja zahtjeva sudu za raskid ugovora i prilike za ulazak u mogućnost dobijanja novca. Na sudu je ovo moglo stajati pet godina. Jer kad se podnese zahtjev sudu zastara se prekida.

Vi ako nekome tražite zahtjev privatno ili pošaljete mu dopis ne prekida se zastara jer isključivo dostavljanja sudu prekida zastaru. Neko je ove ljude prevario, doveo ih u poziciju idite vi tražite od ovog, idite tražite od Direkcije, idite ganjajte Gradsko vijeće, idite tražite od Gradonačelnika, da bi ih doveo u poziciju da zastari potraživanja. Oni sad moraju da mole. Pravno da mole.

I jedini način, jedini način evo da pokušamo da neko ima materijalni interes da dogradi ako je moguće objekat, da iz svega toga izvuče dodatna sredstva koja može sebi dobiti, da na isti način, evo kako, kako su uradili na stadionu nek urade i ovdje. Nema drugog.

Ako je ono bilo zakonito nek to urade i na ovaj način isto sad kao i ovdje.

JOZO NIŠANDŽIĆ

Dobro. Hvala. (BERIZ SAKIĆ – Replika.) Repliku još jednu ima ovdje.

BERIZ SAKIĆ

Kolega Mirnese ja znam da ste vi pravnik i da vi vjerovatno, ne vjerovatno, znate sigurno bolje nego ja, ali ja ovako laički neko ko nemam veze sa pravom, razmišljam o tome da ako je taj Simičić, znači Giprom i Simičić su sad napravili ugovor iza toga, šta je sa ugovorom između Direkcije za izgradnju i Giproma?

Ja ne znam o tome. I mene sad bi zanimalo kao što ste vi isčitali Ugovor između Giproma i kupaca ovih stanova, zanima me sad taj ugovor između Direkcije za izgradnju i Giproma.

E onda bi mi mogli donijeti kvalitetno rješenje i znali bi onda ko je u tome. Kakvi su bili tamo odnos između Giproma i. (MIRNES AJANOVIĆ – Pravno nebitan za rješavanje.) Ja, ja vam kažem ja onako razmišljam, laički razmišljam o tome da je možda tu bitno.

JOZO NIŠANDŽIĆ

Hvala. Jasmine izvolte. Jasmin Habul. Izvolte. Da time zaključimo da ipak idemo na usvajanje da se dogovorimo.

JASMIN HABUL

Pošto je više puta pomenut Savez za bolju budućnost moram se oglasiti i dobio sam priliku. Ja bi volio da isključite Stranku iz ovih zbivanja. Ovo su oštećeni građani, izvarani. Ljudi su dali ogromne pare a nisu dobili ono šta trebaju. Nisu dobili pravo da uđu u svoje.

Molim vas nemojte više ni jednog momenta da vežete politiku sa ovim. Mi sa ovim nemamo ništa, odgovorno tvrdim. Igrom slučaja su ovdje dva oštećena i ugledna građanina.

Oni će o sebi imati priliku da reknu ko su i šta su. Jer ja, nisam ja ničiji advokat da predstavljam.

Stojimo uz ove ljude, ja lično, a osim njih ima tu dosta ljudi koji su i članovi drugih političkih opcija i Saveza za bolju budućnost.

Molim vas nemojte da zloupotrebljavate ovu govornicu za neke političke propagande. Ovo su oštećeni ljudi i njima treba pomoći.

Svako rješenje koje je došlo iz bilo koje strane koje će donijeti konačno rješenje da ti ljudi dobiju krov nad glavom Savez za bolju budućnost i ja kao član te Partije i kao građanin sam za to.

Tako molim vas nemojte da vežete. Odgovorno tvrdim ni na jednom političkom sastanku Političke partije Saveza nije raspravljano na ovakav način niti bilo koji slučaj ovo vam govorim da se iskoristi u politički marketing.

Uz građane smo. Evo predlažem sad da se održi vanredna sjednica Gradskog vijeća pa da se ovi ljudi riješe. Ne sjednica Kolegija. Hajde da riješimo to već jednom. 21. januara smo ovdje isto na ovu temu raspravljali, donijeli kvalitetne zaključke, imali smo znači osam mjeseci, sad evo dan prije izborne kampanje se pojavljuju što kaže neki zahtjevi.

Pustimo izbornu kampanju hajde da riješimo ljude. Zakažite vanrednu sjednicu, ako treba da dvanaest sati raspravljamo i da to riješimo. (Aplauz.)

JOZO NIŠANDŽIĆ

Hvala. Zaključujem raspravu vijećnika. Samo malo molim vas. E sad molim vas. Ja vas molim nema nikakvog pljeska. Molim vas. Uzdržite se od toga bolje bi vam bilo.

Ja pozivam sada predstavnika. (BERIZ SAKIĆ – Poslovnička.) A šta je sad poslovnička? Zaključio sam raspravu. (BERIZ SAKIĆ – Ne. Ne. Ja sam u svojem izlaganju.)

BERIZ SAKIĆ

Ja sam u svom izlaganju tražio odgovor na dva pitanja i nisam hi dobio. Zanima me da li je, da li je Osnivač znao za stanje u toj firmi i da li je firma podnosila finansijski izvještaj Osnivaču te firme? Što je i morala. Zanima me je li to.

Ako je to podnošeno onda se to moralo znati za ovo stanje i ne bi se dovelo do ovoga. To me zanima.

I naravno zanima me to a Direkcija za izgradnju je dobila tender za izgradnju te zgrade i ona dala podizvođaču radova. Zanima me taj ugovor između Direkcije kao dobivenog tendera i izvođača radova Giproma. A nisam dobio.

JOZO NIŠANDŽIĆ

Hvala vam. Živili. Čuli smo vaš predlog. Molim vas, neko od, ne znam ko će od vas, znači za govornicu? Imate pet minuta.

(MEDIHA NUHBEGOVIĆ – Kaže Gradonačelnik da će dati odgovor.) Hoćete li dati odgovor na? (JASMIN IMAMOVIĆ – Da damo samo.) Pa hajde evo izvolte dajte odgovor. (Oni mogu pola sata a mi pet minuta. Je li to pravilo tri put Mirnes Ajanović izlazi.) Molim vas. Molim vas. Nemojte dobacivat. Ja vas molim vas. Ima Poslovnik i ja se držim Poslovnika. Ostavite to.

JASMIN IMAMOVIĆ

Onaj Ugovor, onaj Ugovor koji mi imamo i nikakav drugi ugovor nije poslan. Nema drugog u Službi ugovora. Osim da je njihov ortački ugovor Direkcije i Simičića. Tri četvrtine Simičić, jedna četvrtina Direkcija.

Jesu li oni poslije mijenjali Ugovor, taj ugovor u katastar nije, u Imovinsku nije dostavljen.

Dalje. Mi smo informisali. Osnivač je Vijeće. Redovno je Vijeće informisano. Izvještaji su bili dobri. Onda Direkcija prestaje da šalje izvještaje a mi ne možemo da ih na to prisilimo.

Onda mi sami pravimo Informaciju dva, tri mjeseca, tražeći dokaze odakle možemo da prikupimo i nju iznosimo na Vijeće u januaru mjesecu. Eto to je.

JOZO NIŠANDŽIĆ

Hvala. Izvolte ko će od ovaj? (SANELA DŽANIĆ – Ja molim dvije minute.) Molim vas. (SABAHUDIN IMAMOVIĆ – Što niste smijenili direktora.) (BERIZ SAKIĆ – Što ga niste smijenili odmah.) (JASMIN IMAMOVIĆ – Kako ćemo ga smijeniti kad je otišo sam. Sam otišo.) (SABAHUDIN IMAMOVIĆ – I Nadzorni odbor.) Molim vas. (JASMIN IMAMOVIĆ – Sam otišo.) (SANELA DŽANIĆ - Ispred Udruženja građana kupaca stanova dvije minute.) Ispred? (MEDIHA NUHBEGOVIĆ – Aha ovo je advokatica.) Izvolte onda.

Hoćemo li dati molim vas? Ja moram pitati vijećnike. Pitam samo. Izvolte. Izvolte. Izvolte. Molim vas predstavite se. Predstavite se samo molim vas.

SANELA DŽANIĆ – ispred advokatskog tima Amela Pejdah i Sanela Džanić koji zastupa Udruženje građana SPO „15. maj“

Dobar dan. Ja sam Sanela Džanić dio advokatskog tima Amela Pejdah i Sanela Džanić koja zastupa Udruženje građana SPO 15. maj.

U ovu problematiku ušli smo negdje oko 2013. i 14. godine, kada je Uprava za indirektno oporezivanje dostavila prinudnu naplatu, dakle zakonsku hipoteku, na zemljište na kojoj se nalazi zgrada, neizgrađena zgrada SPO 15. maj.

Uz tešku muku i napore uspjeli smo prekinuti postupak prinudnog izvršenja na zemlji za dug Upravi za indirektno oporezivanje Direkciji.

U tom periodu smo pokušali sagledati načine i mogućnosti da se riješi ova problematika. Neke su se stvari dešavale, neke nisu. U tom periodu jedan nastavak gradnje je takođe bio i ponovo je to stalo.

U maju mjesecu čini mi se, nisam sigurna da su tačni datumi, Direkcija za izgradnju je podnijela sudu prijedlog za otvaranje stečajnog postupka.

U predstečajnom postupku različiti su stavovi sudija kakav status imaju stanovi zgrade koja nije etažirana, koja ne postoji u papirima, da li će to biti jedno pravo kupaca, da li će to biti imovina Direkcije i tako dalje i tako dalje.

U tom periodu, dakle u predstečajnom postupku naša kancelarija se ponovo uključila i možda kolega Ajanović nema dovoljno podataka. Prvi Zahtjev smo mi poslali gradskoj upravi, Gradskom vijeću, Gradonačelniku i Komisiji čiji je kolega Ajanović predsjednik, krajem juna mjeseca. Ja taj Zahtjev imam ovdje.

Nakon toga gradska uprava je održala sastanak sa nama čini mi se odmah naredni dan. Imali smo konkretne razgovore. Imali smo konkretne prijedloge. Poslije toga smo uputili ponovo podnesak 29. jula, gdje smo tražili od predsjedavajućeg Gradskog vijeća da se ova

problematika stavi na današnji Dnevni red sjednice Gradskog vijeća. Dakle Zahtjev nije upućen juče 30. 08., nego je Zahtjev upućen 29. 07.

Mi smo čak i 04. 08. dobili pismeni odgovor predsjedavajućeg Gradskog vijeća, u kome se navodi da je novo Gradsko vijeće zakazano za danas za 31. 08., te da će predsjedavajući Gradskog vijeća obaviti razgovore i vidjeti da se ova problematika stavi na današnji Dnevni red.

Zahtjev do, odgovor na do juče nismo dobili, da bi mi juče ponovo poslali jedan hitan Zahtjev koji je zaprimljen, nakon čega smo jutros imali ja bih rekla jedan dobar i kvalitetan sastanak kod Gradonačelnika, gdje su bili prisutni i šefovi određenih nadležnih službi.

Nekoliko konkretnih prijedloga je bilo još od ranije. Evo ja danas čujemo da ćemo sutra ili prekosutra dobiti povratnu informaciju šta je od tih konkretnih prijedloga moguće da se uradi.

Kupci stanova su itekako svjesni da tužbom nakon proteka rokova ne mogu dobiti ništa. Kupci stanova su itekako svjesni da nakon što je stala gradnja a nakon isteka roka kada je trebala biti završena, dakle 2009. godine, da su tada tužili za izvršenje ugovora nije sigurno da li bi se i ta presuda mogla i izvršiti.

Naknadu štete tražiti 2010. i 11. godine bilo putem sudske tužbe od Direkcije ili od Giproma koji već imaju jedno duže vrijeme blokirane svoje račune, je bilo nešto što je bilo nešto na pojedinačnu odluku svakog kupca stana.

Ja sam danas došla na, na, naknadno na ovaj sastanak čisto da bih informisala evo članove Gradskog vijeća o tih nekoliko konkretnih poteza koje smo napravili, za koji vjerujem da će naći, ne znam čula sam da je kolega Mirnes imao neki prijedlog, prijedlog ne znam kakav je bio, vjerovatno ću dobiti naknadno informaciju, da vidimo. Ja vjerujem da volja postoji. Postojala je i u januaru mjesecu.

Kolega Mirnes je dobio takođe taj naš podnesak od kraja juna mjeseca, odnosno Komisija za ljudska prava i slobode Gradskog vijeća Grada Tuzle. Podnesak je bio 29. juna čini mi se. Dobili smo odgovor od ove Komisije kolega Ajanoviću 08. jula, da vi niste upoznati sa zaključcima Gradskog vijeća iz januara mjeseca, te tražite da vam se isti dostavi, što smo mi nakon toga i učinili.

Ja vjerujem i vidjela sam evo i za ovih nekih petnaestak, dvadeset minuta da postoji volja i ja vjerujem da će svaki kupac stana. Čini mi se je neko tražio da se vide ugovori. Ugovori su sklapani i sa Direkcijom za izgradnju. Notarski obrađeni ugovori koji su rađeni nakon Ugovora o udruživanja sredstava i ugovori su rađeni i sa Gipromom.

Između Giproma i Simičić Mirsada je takođe postojao Ugovor koji je vjerujem dozvoljavao Gipromu da zaključuje bilo u ime za svoj račun i za Simičić Mirsada. Dakle dokumentacija postoji.

Kupci su određenih stvari svjesni i kupci su takođe svjesni da postoji ukoliko postoji volja da postoje neke zakonske i mogućnosti.

Gospodin je spomenuo da su te naknade male. Možda četiri, 5.000 maraka o kojima se treba razmišljati. Te naknade nisu male. Te naknade su više stotina hiljada maraka. Hvala vam za vrijeme.

JOZO NIŠANDŽIĆ

Hvala. (BERIZ SAKIĆ – To za sve, ali pojedinačno.) Hvala. Molim vas, ko ide ispred Udruženja? Izvolte. Pa samo se predstavite da znamo. Da uđe u stenogram.

MUHAMED SRABOVIĆ – ispred Udruženja građana SPO „15. maj“

Hvala lijepo. Evo poštovani vijećnici, poštovani gradonačelnice, ja sam Muhamed Srabović, magistar geologije, rođeni Tuzlak.

Meni je žao što ste se ovako dogovorili na Kolegiju da niste se dogovorili da prvo mi nešto kažemo, pa da onda saslušate dakle vi nas. Žao mi što je problem naše zgrade dakle stambeno-poslovnog objekta 15. maj ušao ovako nekako u politiku.

Ja vjerujte a vjerujem i ovi zajedno moje kolege i zajedno stanari, kupci, kako hoćete, da znamo da bi nam Milorad Dodik završio zgradu mi bi sad otišli po njega da nam završi.

Ja bih vas zamolio, nemojte politiku ovdje koristiti. Gospodine Ajanoviću, ja sam igrom slučaja u SBB-u. Nekada sam bio u SDP-u. Ali nemojte da pričamo o tome. Molim vas. Ovdje su različiti kupci, dakle različitih političkih partija.

Ja bi vas zamolio da nam svi pomognete na neki način koji možete. Znači pozivam sve. Ja nisam znao za današnji sastanak i zato smo rekli da nećemo da idemo na njega. Nisam znao za današnji sastanak sa Gradonačelnikom. Nije niko od nas znao. Mi smo čuli to danas ovdje.

Mi smo došli, uputili gospodinu Jozi, jeste, oprostite, uputili smo pismeni Zahtjev. I rekli smo s obzirom da nas neće izgleda primiti hajmo probat na Vijeće da nas neko primi. Ovo nema veze sa mojom Političkom partijom. Ja samo možda mogo biti i u BOSS-u.

Nije fer gospodine Ajanoviću da me ovoliko napadate i da nas prepadate tamo kako sve snimate. Ja bih volio da taj snimak i meni dostavite. Vi evo ispred kamera mene čitavo vrijeme spominjete, vidim da ste mi Boga mi dobro prezime zapamtili. Hvala vam na tome. (JOZO NIŠANDŽIĆ – Hajde. Hajde. Ja molim vas samo da pređemo na stvar. Molim te. Nemojte sad opet. Molim vas.)

Ali molim vas. Evo. Evo. Tražim. Evo molim vas. Vi ste spominjali ovdje, neko je od vijećnika, vjerujte ja ne znam ni ko je iz koje Političke partije. (JOZO NIŠANDŽIĆ – Pa nije ni bitno.) Predloženo je bilo za novu nadogradnju i tako dalje.

Naš stambeno-poslovni objekat je nadograđivan. Dva sprata su data da se sa na osnovu tih stanova izmire dugovanja kako bi mi mogli useliti u tu zgradu. Dakle dva sprata su nadograđena. Mimo ugovora. Igrom slučaja moj brat koji je bio kupac u tom stambeno-poslovnom objektu na šestom spratu, dakle kad je kupovo stan znao je da ću mu stan biti na zadnjem spratu. Sada nije. Sada je znači na tom mjestu dignuto je još dva sprata. Znači da ste s tim upoznati.

Meni je žao što niste dobili ugovore za Zavodom za izgradnju s obzirom da sam ja danas čitav dan bio ovdje, evo slušao vas da vidimo kada će doći na dnevni red naša tačka i tako dalje, da bi mogli biti prisutni tu, ja od dokumentacije što sam imao ja sam vam dao. Žao mi je uistinu što nemate ovdje Ugovor od Zavoda za izgradnju koji stalno spominjete. Ali se nadam da ćete ga dobiti ovih dana.

Dakle ja sam očekivao da advokatice kada budu ovdje dolazile da će one dostaviti taj Ugovor.

Znači nemojte molim vas da politizirate ko je u kojoj. Pomozite nam. Mi. Ja sam laik. Dakle nisam ni državni službenik, nit sam u Gradskom vijeću, ali evo ako mogu predložiti i ja kao kupac kako bi se mogli iznaći neka sredstva.

Dakle data su sredstva za izgradnju dva dodatna sprata. To je palo u vodu. Dakle pare su znači dobivene, kupci su kupili te stanove i nikom ništa. Ako stavimo još za izgradnju još dva sprata znači opet će pokupiti neko novac i opet nikom ništa. Znači to možemo Ajfelovu kulu da pravimo.

Dajte molim vas, ako su ovo problemi i Direkcije oko priključaka, a ja ne razumijem se u zakone, evo pitam vas, da li možete da donesete neku odluku na Gradskom vijeću, da

ove takse koje pripadaju, da date nekom izvođaču radova koji će narednu neku zgradu stambeni objekat praviti? Kompenzaciju s njima da nama završe to. Ne znam da li me razumjete.

Nama je u interesu da nam bilo ko završi ovu zgradu. Ali nemojte nam molim vas politike. Ja vjerujte ja danas čitav dan to spominjem, da znam da će Milorad Dodik ja bi sad sa kolima otišo po tog čovjeka da mi završi zgradu.

Ovo, nismo mi došli gospodine Ajanoviću, oprostite što se vama obraćam zato što stalno ste često mene spomenuli. (JOZO NIŠANDŽIĆ – Mirsade, nemojte. Nemojte. Nemojte.) Ne želim ja političku kampanju nikakvu. (JOZO NIŠANDŽIĆ – Ma nemojte molim vas.) Mi smo sa Gradonačelnikom razgovarali, imali pet, šest sastanaka.

Zašto kad ste spominjali, neko je ovdje govorio za govornicu, nisam sve upratio, kaže zašto smo čekali? Evo odgovorit ću vam zašto. Zato što smo se bojali da podnesemo tužbe jer se zna ako tužite nekog igrom slučaja Zavod za izgradnju ili Giprom, da postoji mogućnost da dođe sud i da zapečati gradilište da nam gradilište stane. Pa šta smo onda uradili.

I onda kad mi pokrenemo neku akciju da ćemo nešto uraditi dogovor sa Gradonačelnikom, dogovor sa Gipromom, onda nam dođu dva šlepera nečeg i počnu radovi. I mi hudnici trljamo ruke, mislimo da će nam se nešto uraditi. I tako nam je vjerujte sedam, osam godina.

Uradili fasade, evo krenula fasada. Pa uradili ovo. Pa stružu malter s jednog zida na drugi. Sad zamajavaju nažalost građane Tuzle gledajući da je zgrada da izgleda da je nova jer građani koji ne poznaju našu problematiku, ko god prođe misli da ćemo useliti za dan, dva i da je čak zgrada useljiva. A nije. Nije. Treba nekih čini mi se oko 1.200 maraka. Nisam pravnik po struci. A imam evo advokate.

Ja nemam čak i da vam kažem ni svu ovu papirologiju. Ali je jako ražno da mi kao predstavnike nas osuđujete da smo mi nešto krivi, da mi omalovažavamo i da lažemo naše kupce, naše građane.

Nama je u interesu ljudi da mi završimo ovu zgradu. Na ovaj ili onaj način. Na koji god evo. Evo meni je drago što je Gradonačelnik iznio evo ovaj prijedlog, ali dajte molim vas da ga realizujemo na koji god način. Eto. Hvala.

JOZO NIŠANDŽIĆ

Dobro. Dobro. Hvala. (MIRNES AJANOVIĆ – Repliku.) Repliku ima. Nadam se da nećemo izlaziti ovaj.

MIRNES AJANOVIĆ

Ovi ljudi, ova dvojica, upravo su oni politizirali. I sve što se događalo je bilo radi ovog politiziranja.

Niste svjesni, evo kolege su ovdje neka me demantuju koji su bili jutros, bile su i ostale kolege, evo men, evo kolega Topić i ostali, kakav brutalan napad je bio na Vijeće.

Kada smo predložili tačku, grlati su njih dvojica bili, ne treba nam tačka. Ja predlažem tačku, ja sam predmet napada, ne možete da govorite od njih, oni su (Nerazgovjetno izgovorena riječ. op.a.) tu, pokazali demonstraciju sile. Kao mi smo sad došli sad ćete vi vidjeti. Nije Gradsko vijeće krivo. Uradili smo sve što se moglo uraditi. U Gradskom vijeću su čak i članovi SBB-a.

Ali tolika sila kako su je pokazivali, a s njima su zajedno, odvojili se od nas, sjeli dole Sabahudin Imamović i Elvir Kasumović. Da pokažu da oni nisu ovamo nego su eto s njima.

I vi kažete da to nije politizacija. A vi ste došli da politizirate. Umjesto da dođete pred Vijeće, iznesete problem i mi ga pokušavamo riješiti i pokažemo vam argumentaciju koju smo uradili. One zaključke od 21. 01. 2016. većina su moji zaključci. Moji prijedlozi koje sam dao.

Sada govorite da ta dva nova sprata navodno neće riješiti ništa. Upravo zaključak koji sam predložio da radimo dalje kao što smo uradili ta dva, sadrže i to da se kroz tog investitora plate te obaveze koje imate. Šta je tu loše?

Okolnost da ste vi istakli da ne treba tužiti je brutalna prevara svih vaših članova Udruženja kojeg vodite. Ili vi, ili Šuvalić. Vi ste morali podnijeti tužbu. U postupku čekati nek stoji. Sud je mogao čekati sa postupkom.

Vi ste propuštajući pravo i obmanjujući moguće vi ili neko vas, ali ljude koje vi, koje vi predstavljate doveli u poziciju da sad ne mogu putem suda ostvariti sad svoja prava. Šta onda? U stanje zastare, jer su dobrovoljno pristali da se odreknu svojih prava. Šta onda? Vi ćete im ići reći i govoriti evo ja sam napao Mirnesa više puta. On je ovakav, on je najgori, on nikako nevalja. Zdrobite ga jer ste vas dvojica brutalno tako danas krenuli. (JOZO NIŠANDŽIĆ – Mirnese. Idemo Mirnese.)

Niste pomogli tim ljudima. (JOZO NIŠANDŽIĆ – Mirnese. Idemo. Nemoj. Gotovo je oko. Mirnese.) Predsjedavajući. (JOZO NIŠANDŽIĆ – Molim te. Da završimo ba. Da idemo. Gotovo.) Tim ljudima. (MUHAMED SRABOVIĆ – Ne mogu slušati. Napada ovdje.) (JOZO NIŠANDŽIĆ - Neka. Molim vas. Molim vas. Nemojte. Molim vas.) Slušat ćete. (MUHAMED SRABOVIĆ – Nema ovo smisla.) (JOZO NIŠANDŽIĆ - Molim vas nemojte da idete. Sačekajte.)

Tim ljudima možete pomoći samo na način, moje je mišljenje, da vas dvojica na način kako ste ih do sada vodili, ili ako je neko zajedno sa vama još saučesnik, po mom mišljenju u svemu ovome, sklonite se, pustite nekoga čestitog, poštenog od ovih brojnih stanara koji su ostali bez svoje imovine, da bez manipulacija političkih sa vaše strane koje ste uradili pokušamo se izboriti da nađemo investitora koji će. (JOZO NIŠANDŽIĆ – Ajanoviću.) Molim vas predsjedavajući. (JOZO NIŠANDŽIĆ – Hajde molim vas samo završite.)

Nađemo investitora koji će prihvatiti da plati obaveze koje postoje (MENSUR ALIĆ – Nema smisla stvarno.) a za uzvrat dobiti da izgradi dovoljno objekta gore koliko će moći pokriti tih finansijskih sredstava.

JOZO NIŠANDŽIĆ

Dobro. Hvala. Gradonačelnice izvolte. Nema više rasprave. Idemo konkretne predloge molim vas.

JASMIN IMAMOVIĆ

Evo ja ovako. Mislim samo da mi je prije prijedloga da odgovorim, ono sam onako više sa mjesta, neka pitanja od vijećnika.

Dakle pa da vas podsjetim. Mi smo to napisali odgovor na ova pitanja oko izvještaja i tako dalje. To smo napisali u izvještaju iz januara mjeseca.

Dakle Direkcija je podnosila Izvještaj o radu svake godine, a Izvještaj Općinskom vijeću 2008. i 2009. godine. Ova dva izvještaja posebno potenciramo jer su ti izvještaji morali tretirati posljedice najvećih finansijskih ulaganja Direkcije. U preko 4.000.000 maraka. Općinsko vijeće je Izvještaj razmatralo i prihvatilo.

Je li nešto službama i vijećnicima promaklo, moje je mišljenje da nije, jer u tim izvještajima nije bilo naznaka bilo kakvih poteškoća i ozbiljnih problema u poslovanju Direkcije.

Nakon ostvarenog prihoda od preko 12.000.000 maraka. Pazite. Prihod je ostvaren od Sjenjaka 12.000.000 maraka. Bilo je logično očekivati približno toliki prihod, najmanje toliki od preostala dva objekta. To su Brčanska i Sjenjak.

Izvještaj o radu za desetu godinu podnosi se jedaneste godine. I podnesen je jedanaeste godine. Izvještaj o radu ali već je direktor otišao na drugu dužnost. U Vladu Federacije. Razumijete. On jedanaeste u martu ide. Jedaneste u martu ide i, ali Izvještaj je vraćen uz sugestiju da ga treba usvojiti Skupština Preduzeća na način propisan Zakonom o privrednim društvima uz ostale sugestije i primjedbe. A nakon toga Direkcija ne podnosi Izvještaj iako uporno, uporno insistiramo.

Krajem trinaeste zaobilazi se Nadzorni odbor i Skupština i direktno upućuje Izvještaj za dvanaestu godinu Vijeću. Vraća se da prođe kroz te organe i tako dalje. I onda dolazi kriza.

Ono što ja hoću da kažem Sabahudine kad sam, ja sam mislio na to da sam u funkciji u državnoj službi, u funkciji državnih zakona i rukovođenja državnim službama. Na to sam mislio a ne doslovno da. (SABAHUDIN IMAMOVIĆ – Ja se uplašio da vam ne možemo smijeniti nikako.) A ha. Pa da ne brineš eto. (SABAHUDIN IMAMOVIĆ – A rasporedit ćemo vas na odgovarajuće zadatke.) Dobro. Dobro.

Dakle mi onako kao što sam na početku sjednice rekao, sutra radimo cijeli dan na formuli, načinu i proceduri kako bismo pokušali obezbijediti bilo kakve olakšice vezane za rentu, za takse Vodovodu, Grijanju, a ako napravimo taj recept onda ćemo ići prema Elektrodistriciji, u smislu plaćanja na rate, slično, pa čak i mogućnosti umanjena, dakle samo pod uslovom da ne prekršimo nitijedan zakon ili podzakonski akt, tj. nitijedan propis.

Nismo prije o ovome pričali jer se ovih dana za jedno od ova dva pitanja tek, dakle u posljednje vrijeme, pojavila jedna faktička i pravna mogućnost koja nije bila prije. Ali ne mogu dalje, evo ovo je sve što mogu da kažem. (JOZO NIŠANDŽIĆ - Hvala.) Pa predlažem eto uz dakle rok.

(JOZO NIŠANDŽIĆ – Nema. Zaključili smo raspravu. Pa zaključili smo raspravu.) (BERIZ SAKIĆ – Pa ne more ovo su sad nove okolnosti. Čuj zaključili raspravu. Sad govorimo i onda na te govore imamo nove okolnosti.) (JOZO NIŠANDŽIĆ – Malo prije završeno.)

Pa vidite ja predlažem da mi. Vidi. Molim vas. Ja sam čuo gospođu Sanelu odvjetnicu, advokaticu malo prije. Čuo sam i diskusije. Nama bolan treba prilika da probamo naći ovu pravnu formulu da ne prekršimo zakon nikakav a da pomognemo ljudima.

I ja ne mogu dalje da govorim. Pravit ćemo ozbiljne analize. I rekli smo da ćemo do petka u 14,00 sati Kolegij Vijeća da o tome izvijestimo. I naravno predstavnike kupaca, odnosno njihove advokaticice, advokate.

I ja ne znam šta sad nove okolnosti. (BERIZ SAKIĆ – Evo sad ću reći.) Hajde.

JOZO NIŠANDŽIĆ

Ti si taj koji me kritikuješ ali ti najviše griješiš ovdje samo da znaš. Ali izvolte. Izvolte.

BERIZ SAKIĆ

Griješim. Ne znam zašto. (JOZO NIŠANDŽIĆ – Pa zaključena rasprava. Sve je bilo rečeno.) Ali ako dozvoljavate riječ nakon zaključene rasprave (JOZO NIŠANDŽIĆ – Izvolte.) onda inicirate da i ja imam, moram na te riječi. (JOZO NIŠANDŽIĆ – Pa izvolte bolan.)

2009. desete, jedaneste, evo dvanaeste, dolazi finansijski izvještaj koji se vraća zbog neregularnosti ili zbog nečeg koji nije usvojila Skupština i ništa se ne preduzima. Gdje je tu odgovornost Osnivača? To je jedna stvar.

Druga stvar. Ko je dozvolio da se već prekrši ako je prekršen zakon, da se izgrade dva nova sprata da bi se završila zgrada? Dozvoljena dva nova sprata, urađena ta dva nova sprata, a zgrada i dalje nije urađena. Gdje je tu odgovornost? Ko je tu odgovoran? Ko je dopustio, odnosno ko je dao saglasnost da se izgrade dva ta nova sprata da bi se zgrada završila, dodijeljena ta dva sprata i opet zgrada nije završena? Opet pare propale, nikom ništa, nije riješen problem.

JOZO NIŠANDŽIĆ

Hvala. Ja molim sekretara. (JASMIN IMAMOVIĆ – Imam prijedlog. Samo da mu odgovorim. Imam prijedlog.) Hajde izvolte. Dobro. (JASMIN IMAMOVIĆ – Da mu odgovorim samo. Samo da se zna. Da ne ispadne neko nešto dopušta.) Ali idemo bez, bezkonačno. Dobro. Dobro.

JASMIN IMAMOVIĆ

Molim vas. Nije data za ta dva nova sprata građevinska dozvola i zbog toga je građevinska inspekcija naložila rušenje. Problem je kako izvršiti sad izvršenje. Šta ćemo sad? Kako ćemo srušiti zadnja dva sprata? Ali nije.

JOZO NIŠANDŽIĆ

Hvala. Izvolte Aliću. A onda ćemo dati predlog sekretaru da predloži zaključake. Izvolte Aliću.

MENSUR ALIĆ

Imam predlog zaključka i sve će biti po zakonu. Sigurno. Da na sledećoj sjednici Vijeća koja će biti zakazana, koja će biti (JOZO NIŠANDŽIĆ – 14 je zakazana.) 14-og, 15-og, da donesemo odluku da smanjimo priključak vode i priključak centralnog grijanja.

Time ćemo udovoljiti ovim oštećenim građanima. (JOZO NIŠANDŽIĆ – Dobro. Može.) To je, nema kršenje zakona. Mi donosimo odluku. Imamo 10% tamo sredstava u Vodovodu deponovana, hajmo ih ovamo usmjeriti. (JOZO NIŠANDŽIĆ – Hvala.) Molim da se izjasnite, da se izjasnite o ovom prijedlogu.

JOZO NIŠANDŽIĆ

Sekretaru. Sekretaru. Ne. Ne. Ima. Ima. Već i struka govori svoje isto. Zato da čujemo i taj dio. O tom se radi. U ostalom nek ispita se pa i ta mogućnost. Samo malo molim vas.

MEDIHA NUHBEGOVIĆ

Dakle poštovane dame i gospodo, poštovani vijećnici, ja ću nas sve podsjetiti na odredbe Zakona o komunalnim djelatnostima, koji govori o tome da saglasnost na cijene komunalnih usluga daje Vijeće a da cijenu utvrđuje nadzorni odbor javnog preduzeća.

Kad je u pitanju, kad su u pitanju te cijene i ta saglasnost daje se na bazi izvršene kalkulacije.

Dakle da bi se dala bilo kakva saglasnost bilo na povećanje, bilo na sniženje cijena, neko treba da uradi kalkulaciju i ta cijena treba da u skladu sa Zakonom o zaštiti potrošača da važi za sve.

Zato mislim da ovo što je rekao gospodin Alić da bi trebali da se uzdržimo od ishitrenih zaključaka. Dakle Gradonačelnik nas je upoznao da sutra postoje sastanci sa resornim službama, sa predstavnicima javnih preduzeća. Dakle o svemu što je ovdje diskutovano Gradonačelnik i oni koji budu prisutni sutra na sastanku će iznijeti na sto i svi će se prijedlozi analizirati, ali će moći ići u realizaciju samo ono što je u skladu sa zakonom. Eto.

JOZO NIŠANDŽIĆ

Hvala. Evo predlažem da sada. (MENSUR ALIĆ – Moram samo. Moram nešto reći. Moram repliku.) Izvolte.

MENSUR ALIĆ

Mi čitavo vrijeme govorimo o zakonu poštovana, sekretaru poštovana, slažem se u potpunosti, ali neka bude ovo jedna od mjera ako ne bude se našlo rješenje do petka.

Ako Gradonačelnik ima rješenje za to, a nagovijestio je da ima nešto što može uraditi, nagovijestio je, neće da otkriva naravno ovdje, onda ovo samo postoji rezerva. (JOZO NIŠANDŽIĆ – Predložiti ćemo.) Rezerva.

Ne može, nema, mi, Vijeće o komunalne, komunalne usluge, komunalne uslugu mi donosimo, Vijeće donosi svake, svaki put, svake godine. (MEDIHA NUHBEGOVIĆ – Ne možete za Husu utvrditi jednu a za Hasu drugu. To je nezakonito.)

Ne. Ja sam mislio za čitavo građanstvo. Izvinite molim vas. Niste me razumjeli. (MEDIHA NUHBEGOVIĆ – E onda mora ići kalkulacija.) Niste me razumjeli. Niste me razumjeli. (MEDIHA NUHBEGOVIĆ – Mora ići kalkulacija. Na bazi kalkulacije se odredi.) Naravno nek nam dostave kalkulaciju.

Nismo imali nijednog izvještaja. I gdje su nam izvještaji? Da vidimo da li je poslovalo Centralno grijanje sa dobiti, da li je Vodovod poslovalo sa dobiti i evo ga, onda ćemo imati analizu.

Ali ja predlažem ovo da bude jedno od rješenja ako ne nađe Gradonačelnik, a ja vjerujem da će naći. Evo. (NADA MLADINA – Jedno od mogućih.) Vjerujem da će nać. Jedno od rezervnih. (NADA MLADINA – Od mogućih.) Od mogućih rješenja. Evo to sam predložio. Zbog toga.

JOZO NIŠANDŽIĆ

Dobro. Dobro. Hvala. Ja molim da nam sekretar Vijeća pročita predlog zaključaka koji upravo idu. Koji su proistekli evo od Gradonačelnika i do ovih naših. Izvolte Mediha.

MEDIHA NUHBEGOVIĆ

Dakle prijedlozi su nakon što se informacija primi k znanju, predlažemo sljedeće zaključke:

1. Gradonačelnik Grada Tuzle će u toku sutrašnjeg dana, tj. 01. 09. 2016. godine, održati radne sastanke sa predstavnicima resornih službi i javnih preduzeća, radi sagledavanja na zakonu zasnovanih mogućnosti da se pomogne kupcima stanova iz objekta SPO „15. maj“ Tuzla, s tim da će o zaključcima sa navedenih sastanaka i o naravno mogućnostima, pismeno obavijestiti Kolegij Gradskog vijeća do petka 02. 09. 2016. godine u 14,00 sati i predstavnike kupaca stanova u SPO „15. maj“ na lokalitetu Brčanska malta.

2. Gradsko vijeće Tuzla, traži od Službe za prostorno uređenje i zaštitu okoline i Službe za geodetske i imovinsko-pravne poslove, da se sagledaju svi zakonski, ekonomski i građevinski (Statičke.) mogućnosti rješavanja pitanja okončanja objekta SPO „15. maj“, na način kao i kod objekta Stadion „Tušanj“ ili pak da se nađe drugi zakoniti mogući način da se dovrši objekat.

3. Gradsko vijeće aktuelizira svoje ranije zaključke broj: 01-05-107-2016/11 od 21. 01. 2016. godine, te traži da se Izvod iz Stenograma sa ove 25-te. redovne sjednice i kao i tonski snimak dostavi Kantonalnom tužiteljstvu Tuzlanskog kantona, zbog naknadno izrečenih informacija koje bi eventualno mogle ukazivati na sumnju u izvršenje krivičnog djela i kako bi navedeni organ mogao poduzimati radnje i mjere za koje je nadležno.

JOZO NIŠANDŽIĆ

Evo čuli smo predlog zaključaka. Izvolte. Gospodin Alić.

MENSUR ALIĆ

Ja mislim da ovaj treći zaključak nije dobar i da ovdje mi sudimo već ovim ljudima. Mislim da to nije dobro. Jer taj zaključak ne treba da ide. Ako neko smatra da privatno treba podnijeti protiv nekog krivičnu prijavu neka to radi privatno, ali da Vijeće izglasa ovakav zaključak mislim da to nije dobro jer sledeći koji nam se dođe ovdje tako da požali onda ćemo i njih tražiti da se dostavlja tužilaštvu tako nešto.

Mislim da to nije, nije to u nadležnosti ovog, ovog Vijeća. Ja tako, tako smatram i volio sam da si Mediha stavila ovaj rezervni zaključak. Evo neka bude on negdje hajde u stenogramu neka stoji, ne mora biti u zaključku da ne bi neko zloupotrebio to u izbornoj kampanji ovo o čemu sam govorio ja oko cijene priključaka. Hvala. (MIRNES AJANOVIĆ – Replika.)

JOZO NIŠANDŽIĆ

Izvolte.

MIRNES AJANOVIĆ

Vijeće je 21. 01. 2016. godine na moj predlog i Gradonačelnika, zatražilo uključivanje tužilaštva. Da vidimo ko je odgovoran. Da sve ovo što se optužuje Gradsko vijeće i zbog čega je došlo danas do politizacije od strane određenih lica.

Hoću da vidim ko je odgovoran. Neka tužilac radi. Neću da prikrivam nikoga. Ne interesuje me koja je funkcija bio. Bio direktor, ministar.

Neko je ove ljude prevario. Neko je uzeo stotine miliona maraka, miliona maraka. Pardon. Stotine hiljade maraka, milione maraka. I prevario ove ljude. Oteo im imovinu. Neko mora krivično odgovarati za ovo.

I nema izvlačenja od ovoga. Nikome neću dati pravo da nekoga štiti. Mensur Alić ako želi nekoga štiti to je njegov problem. Neka ga štiti privatno. Neka mu obezbijedi advokata, neka mu plati.

Ja insistiram da se dostavi tužilaštvu zahtjev za provedenje istrage u vezi ovog predmeta. Ko god je kriv neka odgovara.

JOZO NIŠANDŽIĆ

Niste se sporazumjeli. Ali izvolte hajde. Ima. Postoji stenogram. (MENSUR ALIĆ – Što se nismo razumjeli.) Pa niste se razumjeli vidim i ja. (MENSUR ALIĆ – Pa dobro. dobro.) Ne misli se na ljude ove ba. (BERIZ SAKIĆ – Ovo što je sad Mirnes reko to je dobro.) Ne. Pa to je. Nije on mislio na ljude nego. (IVICA KOVAČEVIĆ – Zato što već imamo.)

MENSUR ALIĆ

Imam jako dobro, dobro još pamćenje. A ko će odgovarati što nije stavio tačku dnevnog reda po zahtjevu kad je poslan prije sedam dana predsjedavajućem Vijeća i Kolegiju, pa nije uvrštena tačka dnevnog reda? Ko će za to odgovarati? (JOZO NIŠANDŽIĆ – Ja ću odgovarati.) Hoćemo li i to u zaključak staviti? Je li nam to treba? Ne treba nam to. Ne treba.

Jedne hoćemo da okrivimo, druge nećemo. Nemojmo, budimo pravedni, budimo ljudi ovdje. (JOZO NIŠANDŽIĆ – Ne misli se na njih. Čekaj ba. Ne misli se na ljude ove ba. Jesi li ti razumio?) Ja sam mislio da se na njih misli. (JOZO NIŠANDŽIĆ – Ma ne na njih.) Ako nije na njih onda se izvinjavam. (JOZO NIŠANDŽIĆ – Ma ne na njih. Daleko od toga) Onda se izvinjavam ako nije na njih. (JOZO NIŠANDŽIĆ – Govori dobro Jasmin. Sad je on reko odlično.) (Nije to daleko od toga. Nama je prećeno ovdje. Nije to daleko od toga.) (JOZO NIŠANDŽIĆ – Nije.)

Evo ja pokušavam. (JOZO NIŠANDŽIĆ – Nemojte molim vas. Nemojte molim vas. Nemojte. Nemojte živi bili.) Nemojte. Mislim evo. Glasajmo. Vi stavite na glasanje.

JOZO NIŠANDŽIĆ

Dobro. Hvala. Idemo. (JASMIN HABUL – Čekaj. Nismo prepoznali zaključak. Šta je sad u pitanju?) Izvolte Jasminka. (JASMIN HABUL – Formulirate to kako treba i nije problem.)

JASMINKA MIJATOVIĆ

I gospodin Ajanović je sad rekao ono što smo kazali 21. 01. 2016. Međutim, zaključak koji nam je pročitao kolega Alić je dobro prepoznao.

Znači mi smo zaključili da kompletnu dokumentaciju koju raspolaže evo ako raspolaže Gradsko vijeće i gradske službe zajedno sa Gradonačelnikom koje treba dostaviti nadležnom tužiteljstvu za na postupanje, ali ne stenogram, imajući u vidu činjenicu kako je današnja sjednica odvijana.

JOZO NIŠANDŽIĆ

Ja bi zamolio samo Mirnese ponovite ovo što ste rekli sad malo prije. (MIRNES AJANOVIĆ – Ispravka krivog navdoa.) Recite sad ovo što ste rekli prije samo da uđe, da uđe to u stenogram i da uđe u.

MIRNES AJANOVIĆ

Zašto se bježi od onoga što je danas prezentirano i od strane predstavnika građana. Šta je to sakriveno? Šta je to problem da se stenogram dostavi tužilaštvu?

I prošli smo tražili da se dostavi informacije koje smo rekli i ovaj put. Neko ovdje očito pokušava prikriti krivične radnje nekih ljudi koji su ove ljude prevarili.

Ja ostajem pri ovom zahtjevu. Sličan smo donijeli i tada. Tražim i dalje od tužilaštva neka izvrši uvid u stenogram.

Zašto da nekoga krijem. Je li to problem da se tužilaštvu dostavi zvaničan stenogram Gradskog vijeća Tuzla? Zašto nekog krijemo?

Ovo je već sumnjivo. Ovo još daje veći osnov da se stenogrami dostave tužilaštvu kako bi se izjasnili. Ako nema ništa, što se to neko boji tužioca? Javna rasprava na javnom Gradskom vijeću. I da mi sakrijemo od tužioca stenogram. Ovo je vrlo opasno, pogotovo od nekoga ko je pravnik ako ovako iznese. (JOZO NIŠANDŽIĆ – Ivica izvolte. Šta ste? Jeste li vi trebali nešto?)

Ja ostajem pri prijedlogu kakav jeste. Ne treba raspravljati o tome. Predsjedavajući stavite na izjašnjenje zaključke i gotovo.

JOZO NIŠANDŽIĆ

Dobro. Samo malo. Ivica jeste li htjeli još nešto?

IVICA KOVAČEVIĆ

Imam još jedan prijedlog zaključka koji bih nadodao. Budući da je danas gospodin Topić spominjao kako na Kolegiju tako evo i na sjednici, kako bi bilo dobro da isčitamo Stenogram iz 2009. i 2010.

A budući da je ovdje jako mnogo vijećnika koji nisu bili u prošlom sazivu. Ako neće biti prevelika muka. Barem da nam se proslijedi na mail, kako bismo mogli malo to isčitati. Ako se već ne može pripremiti to do petka. Pa evo samo.

JOZO NIŠANDŽIĆ

Dobro. Idemo na izjašnjavanje. (MENSUR ALIĆ – Nek pročitaj treći zaključak i da idemo po jedan po jedan zaključak.) Hajde idemo jedan po jedan. Dobro. Dobro. Pa idemo na zaključke.

(MEDIHA NUHBEGOVIĆ – Šta sad?) (MENSUR ALIĆ - Jedan po jedan zaključak.) (NEDŽAD MALIKIĆ – Čitaj Mediha.)

Čekajte mi imamo zaključke predložene. Dosad nismo čitali. Hoćemo li pojedinačno moramo glasat onda. Nemojte sad tako. (MENSUR ALIĆ – Ja tražim pojedinačno da se zaključci glasaju, za zaključke glasa.) (MIRNES AJANOVIĆ – Mora se izjasniti da traži pojedinačno. Mora se izjasniti da traži pojedinačno glasanje.)

Pa evo tražit će se. Izvolte. Evo traži pojedinačno. Pa izadi molim te pa samo za govornicu reci da tražiš pojedinačno. (BERIZ SAKIĆ – Poslovnička.) Pa ja bi te zamolio da izadeš da kažeš to za govornicu. O tome se radi.

BERIZ SAKIĆ

Vidite. Ja ne znam, opet to govorim nisam pravnik. Ja ne znam šta će tužalaštvu stenogram sa današnje sjednice. Valjda se dostavlja dokumentacija tužilaštvu, a stenogram je dostupan na stranici grada. Javan, dostupan, može tužilaštvo da skine sa zvanične stranice grada.

On uvijek može skinuti i ne znam zašto i koja mu je dokumentacija stenogram. Valjda se dostavlja sva dokumentacija, na osnovu toga tužilac vodi istragu. Ne znam šta će stenogram. Nemam pojima.

JOZO NIŠANDŽIĆ

Dobro. Izađite ispred za govornicu da u stenogram uđe. Molim te Aliću.

MENSUR ALIĆ

Predlažem. Imamo tri zaključka je li tako? (JOZO NIŠANDŽIĆ – Dobro.) (NEDŽAD MALIKIĆ – Četiri sad.) Četiri zaključka. Da se po svakom zaključku pojedinačnom izjašnjavamo.

(JOZO NIŠANDŽIĆ – Znači moramo se izjasniti.) Po svakom zaključku pojedinačno. (MIRNES AJANOVIĆ – Poslovnička intervencija. Poslovnička intervencija.) (JOZO NIŠANDŽIĆ – Izvolte.) Imam pravo na to po Poslovniku.

JOZO NIŠANDŽIĆ

Dobro. Dobro. Biće to. Joj da mi je završiti samo danas. (MENSUR ALIĆ – Polako.)

MIRNES AJANOVIĆ

Predsjedavajući mi idemo. Predsjedavajući može li da završimo? Mi imamo zaključke i glasa se o njima kao o svim zaključcima. Ovo nisu posebne tačke.

Da bi se prijedlog nekoga ko predlaže nešto drugačije ispoštovao, vi trebate staviti taj prijedlog na izjašnjenje Vijeću. Tada ćemo postupiti po prijedlogu da se izjašnjava o zaključcima posebno.

Dakle ako bude Vijeće glasalo za, glasat ćemo posebno. Ako ne dobije 16 ruku glasat ćemo onda za ove zaključke kao što je uvijek i praksa bila da se glasa. (MENSUR ALIĆ – Poslovnička.)

JOZO NIŠANDŽIĆ

Molim vas. (MENSUR ALIĆ – Poslovnička.) Izvolte ba. Izvolte. (MENSUR ALIĆ – Nemoj mi govoriti joj. Ja imam pravo, imam dovoljno snage da mogu braniti ljudska prava ovdje.)

MENSUR ALIĆ

Molim vas sekretaru samo da mi odgovorite. Po Poslovniku može li se glasati pojedinačno o zaključcima? Po Poslovniku. (MEDIHA NUHBEGOVIĆ – Ukoliko se Vijeće, ukoliko Vijeće donese takav zaključak.) Zahvaljujem. (MEDIHA NUHBEGOVIĆ – Eto.)

JOZO NIŠANDŽIĆ

Dobro. Molim vas, ja sam dužan staviti na izjašnjanje. Molim vas, imamo prvo znači izjašnjavamo se za ove zaključke, a drugi predlog će biti pojedinačno za svaki zaključak molim vas. (NADA MLADINA – Stavi prijedlog gospodina Alića na izjašnjanje.) Idem prvo ovaj konkretno pa onda ide Alićev drugi. (MENSUR ALIĆ – Stavljaj na glasanje predsjedavajući.) (NADA MLADINA – Pa pitaj Vijeće hoće li pojedinačno.) Pa zato pitam molim vas.

(BERIZ SAKIĆ – Podrazumijeva se. Ali da li smo za to da se izjašnjavamo pojedinačno.) (NADA MLADINA – Pa to mora prvo pitati.)

Pitam vijećnike, ko je za to da se izjašnjavamo pojedinačno o svakom predlogu zaključka, molim da digne ruku? (13) Ima li neko protiv? (1) Suzdržan? (14)

13 vijećnika je glasalo za, 1 vijećnik je bio protiv i 14 vijećnika je bilo suzdržano, te konstatujem da prijedlog vijećnika Mensura Alića da se glasa pojedinačno po svakom prijedlogu zaključka nije dobio potrebnu većinu.

(MENSUR ALIĆ – Tražimo tumačenje.) (MIRNES AJANOVIĆ – Glasajte za cijeli zaključak. Poslovnička intervencija.) Pa sad idemo. Pa ovaj nije dobio. O tom se radi. Zato kažem.

Eh idemo sad. Ko je za. (MIRNES AJANOVIĆ – Predsjedavajući. Poslovnička intervencija.) Izvolte. Izvolte. Poslovnička intervencija.

MIRNES AJANOVIĆ

Predsjedavajući glasajte za zaključke u cjelini. (JOZO NIŠANDŽIĆ – Pa sad.) Iznesen je predlog da se glasa pojedinačno, nije prihvaćen, idete redovno, glasamo cjelovito za zaključke. (JOZO NIŠANDŽIĆ – Pa jasno mi je. Ali eto ne znam što se oni.) Da ne bi bilo zabune.

JOZO NIŠANDŽIĆ

Ko je za zaključke molim vas? (IVICA KOVAČEVIĆ – Može li državni sekretar još jednom pročitati.) Ne može sad idemo u glasanju smo ušli smo. Ko je za? (MEDIHA NUHBEGOVIĆ – Da pročitam. Hoće da pročita treći zaključak. Je li?) Hajde izvolte. (EKREM TOPIĆ – Poslovnička.) Izvolte. Izvolte Topiću. Malo tiše.

EKREM TOPIĆ

Evo šta se dešava kad se nazor radi. A lahko se udvarat, lahko se ulizivat, lahko je duminu slagat. Treba problem riješiti. Nepripremljeni, bez materijala, bez argumenata, mi smo se trošimo četiri, pet sati i jedni drugim pričamo priče, zavisni kako ko misli se malo dodvoriti ili ovo, ili ono. A problem će ostati.

I u januaru sam reko, halabuka ovo neće riješiti i sa gospodinom sam Šuvalićem izašo na stepenice i savjetovo ga kako treba otići i gdje treba i s kim rješavat bez halabuke i bez galame.

Ja tražim pet, deset minuta pauze da se dogovorimo kako ovo privest kraju. Ljudski. Politiku ne. Ko ozbiljni i pravi ljudi. (BERIZ SAKIĆ – Ni za zaključke?) Sad smo zapali, mi nećemo ni imat nijedan zaključak. Nijedne zaključke nećemo imat. Nijedne zaključke nećemo imat.

JOZO NIŠANDŽIĆ

Dajem. Dajemo deset minuta pauze u ime Kluba, po zahtjevu Kluba Tuzlanska alternativa. (Pauza.)

Gospodine Topiću vi ste tražili pauzu. (EKREM TOPIĆ – Gospodin Alić će.) Gospodin Alić. Izvolte gospodine Aliću. Izvolte. (MENSUR ALIĆ - Ja. Ja kao, kao predsjednik Stranke.) Dobro.

MENSUR ALIĆ

Zbog javnosti, zbog građana i onih koji smatraju da mi nekog štitimo, ne štitimo nikog, glasat ćemo za zaključke. U interesu građana, u interesu ovih ljudi koji su proveli ovdje čitav dan. Glasat ćemo.

JOZO NIŠANDŽIĆ

Hvala. Hvala. (MIRNES AJANOVIĆ – Repliku.) Izvolte repliku. (MIRNES AJANOVIĆ – Ispravka krivog navoda.)

MIRNES AJANOVIĆ

Zbog javnosti i građana da se zna, pokušalo se zaštititi određene osobe koji su ove ljude unesrećili i radi onih koji štite i dalje te osobe ali su prinuđeni da glasaju jer moraju glasat. Ako ne glasaju onda će glasat protiv njih. Zato moraju glasati. (JOZO NIŠANDŽIĆ – Dobro.)

A pokušali su čak i glasanjem da odvoje zaključke. Da od tužilaštva zaštite određene osobe koje štite sve one koji su im napravili sve ovo što su uradili građanima. (JOZO NIŠANDŽIĆ – Ja predlažem. Ma nemojte i dalje komplicirat stvar.) (MENSUR ALIĆ – Sad idemo.) I treba doći do ovih ljudi i objasniti im dobro šta su uradili oni koji ih navodno predstavlja.

JOZO NIŠANDŽIĆ

Idemo da se izjasnimo molim vas. Nema. (MENSUR ALIĆ – Nema glasanja.) Nema glasanja više ba. (MENSUR ALIĆ – Nema glasanja. Replika.) Šta vam je ljudi. (MENSUR ALIĆ – Replika.) (EDIN HARAČIĆ – Replika.) (BERIZ SAKIĆ – Evo ima i ovdje replika.) (MENSUR ALIĆ – Polako. Polako.)

MENSUR ALIĆ

Evo sad je sasvim druga situacija. Ja sam stvarno pokušao da budem do kraja fer.

Druga situacija. Sad, sad mi je druga. Sasvim je druga situacija u glasanju.

Evo sad mi nećemo podržat zaključke. Evo na tragu smo ovih ostalih vijećnika. Šta smo onda uradili. Da mi štitimo nekog. Od čega da štitim? Od kog? Ja ljude prvi put vidim danas. Nikog ne znam odavde. Nikog pojedinačno. Evo neka kažu znaju li me. Nikog ne znam.

I došli smo u situaciju da neko nameće da samo njegov stav ovdje mora biti i nema druge. Samo to mora biti kako jedan čovjek kaže. Jedan čovjek, jedan glas. I nema ovdje. Nemoj sad da govorimo o nekim drugim teškim riječima. Neću to upotrijebiti zato što je Mirnes reko da smo prijatelji i ostajemo prijatelji. (JOZO NIŠANDŽIĆ – Pa ja sam to i očekivo. Nisam očekivo repliciranja ova. Moramo zaista da.)

Ali da ovako sad se iskoristi ovo, da se iskoristi da smo mi pokušali njih da zaštitimo pa sad smo pristali prinuđeni. Nismo. Nego smo tražili kompromis. Opozicija je tu da traži (JOZO NIŠANDŽIĆ – Kompromis je uvijek dobar.) kompromis i da nađe najbolji način kako treba riješiti problem. Ali da bude u interesu svih. I vijećnika i ovih građana koji su ovdje.

A nikakvi politički poeni ne trebaju. Meni bar lično ne trebaju. Ja živim od svog rada, ne živim od politike. To je jedno. Drugo. Meni ne trebaju politički poeni, građani dovoljno znaju za koga će glasat kad dođe vrijeme. I vidjet ćete. Bićete svi iznenađeni.

JOZO NIŠANDŽIĆ

Dobro. Haračiću izvolte. (EKREM TOPIĆ – Poslovnička.) Ima poslovničku Topić prije.

EKREM TOPIĆ

Ja zaista nisam očekivo sad ovaki rasplet. Jesam zamolio. Jesam zamolio da glasamo isključivo radi čitavog današnjeg rada i jutrošnjeg i ovog svega.

Nikakvog šticeđenja, nikakvog ovog. Ja lično zamolio da ne bi sad ušli u pat poziciju, kako sam reko nula, nula je li, zamolio de da nešto prevaziđemo, de da izglasamo.

Ko će uzeti stenogram on će njega uzeti, pito nas ili ne pito, on će doći i izuzeti. Lično se ne bojim. Ja lično se osim Boga ne bojim nikoga. Pred svakim stojim u oči ga gledam, ne obaram ni pred kim glavu nit ga zaobilazim.

Ja ako je ikako je moguće da se ovo prevaziđe da neimamo sumnje, nema sumnje, ja zamolio. Evo nije me stid reći, ja zamolio, samo zbog čitavog dana rada da imamo bar kake zaključke jer džaba smo po meni vazdan radili, govorili jedni drugim šta smo govorili, gutali, gute sebi u stomak stavljali, u glavu i šta sad? Ništa. Nula, nula.

Zamolio, nije me stid, evo izišo priznajem, neima gospodine Ajanoviću nikakih ucjena, nikakvih pripadanja, nikog šticeđenja, ja pokušo da nađemo zajedničko i ljudi me poslušali. Nastupio si kako si nastupio. Ako morete još jednom to prevaziđite, ako ne merete ja ću postupiti kako četiri tamo vijećnika postupe i ja ću. Ja sam dio tog tima.

Narode čuli ste, vidjeli ste. Da ne bi sutra bilo ovaj ovako, onaj onako. Šta nam Bog dadne dalje. Eto od mene toliko.

JOZO NIŠANDŽIĆ

Haračiću izvolte.

EDIN HARAČIĆ – vijećnik Stranke demokratske akcije

Ma evo da završimo sa ovim. Situacija je jasna. Prije, odnosno u toku ove pauze imali smo situaciju kakvu smo imali. Dakle i pojedinačno da smo išli na zaključke i u paketu ovako kako je predlagano, znači situacija je bila da nismo imali, da nismo mogli donijeti odluku. Dakle upravo zbog ovih glasova.

U tom slučaju evo ja sam sa kolegom predložio da se konsultujemo, dakle upravo sa građanima oštećenim u ovom kompletnom procesu i pitali šta je njihov interes. Da li da podržimo? Oni su rekli podržite, to je naš interes i nema problema.

Dakle mi ćemo podržati. I nema tu ništa sporno. Dakle nemojte da politiziramo, dajte da izglasamo ove zaključke, to je interes i ovih ljudi i prema tome da završimo ovu sjednicu. Toliko.

JOZO NIŠANDŽIĆ

Hvala. Molim vas idemo na izjašnjavanje u paketu. (MIRNES AJANOVIĆ – Pročitajte još jednom. Pročitajte još jednom.) Mediha, pročitajte molim vas još jednom. I da okončamo taj dio. Ja očekujem od tebe malo manje da izlaziš vamo. Samo malo tiše.

MEDIHA NUHBEGOVIĆ

Dakle ovako.

1. Gradonačelnik Grada Tuzla će u toku sutrašnjeg dana, tj. 01. 09. 2016. godine, održati radne sastanke sa predstavnicima resornih službi i javnih preduzeća, radi sagledavanja na zakonu zasnovanih mogućnosti da se pomogne kupcima stanova iz objekta SPO „15. maj“ Tuzla, s tim da će o zaključcima sa navedenih sastanaka i mogućnostima rješavanja ovog pitanja, pismeno obavijestiti Kolegij Gradskog vijeća do petka, 02. 09. 2016. godine u 14,00 sati i predstavnike kupaca stanova u SPO „15. maj“ na lokalitetu Brčanska malta.

2. Gradsko vijeće Tuzla, traži od Službe za prostorno uređenje i zaštitu okoline i Službe za geodetske i imovinsko-pravne poslove, da se sagledaju sve zakonske, ekonomske i građevinske (Statičke.) mogućnosti da se riješi pitanje završetka objekta SPO „15. maj“, na sličan način kao i objekta kod Stadiona „Tušanj“ ili pak da se pronađe drugi zakoniti i mogućni način završetka ovog objekta.

3. Gradsko vijeće aktuelizira svoje zaključke broj: 01-05-107-2016/11 od 21. 01. 2016. godine, te traži da se dokumentacija koja je dostavljena na današnjoj sjednici kao i Izvod iz Stenograma sa ove 25-te. redovne sjednice dostavi Kantonalnom tužiteljstvu Tuzlanskog kantona, zbog naknadno dobivenih informacija koje bi mogle eventualno ukazivati na sumnju u izvršenje krivičnog djela, kako bi navedeni organi mogli dalje poduzimati radnje i mjere za koje su nadležni.

4. Stručna služba Vijeća će stenograme sa sjednica iz 2009. i 2010. godine, vezano za problematiku rada Direkcije za obnovu i izgradnju Tuzla, dostaviti predsjednicima klubova vijećnika.

JOZO NIŠANDŽIĆ

Evo čuli smo. Ja mislim da je to dobro. Korektno ko što kaže. (NEDŽAD MALIKIĆ – Mogu li ja samo?) (MENSUR ALIĆ – Nemoj više.) Nemoj više. Ko je za? (NEDŽAD MALIKIĆ – Ima jedna tehnička greška.) Nemoj mi više. Idemo molim te. Živ bio.

(NEDŽAD MALIKIĆ – Evo neću, sa mjesta ću. Sjednica. Stani malo ba. Sjednica je održana 20. januara. Čitavo vrijeme pričate 21. januara. Od 21. Saslušajte me ba.)

Ko je za ovaj predlog. (MENSUR ALIĆ – Tehnička greška.) Dobro. Trebo si reći tehnička greška samo. (NEDŽAD MALIKIĆ – Ja govorim tehnička greška.)

Pitam vijećnike, ko je za ovaj predlog zaključaka, molim da digne ruku? (27) Ima li neko protiv? (Nema.) Suzdržan? (Nema.)

27 vijećnika je glasalo za, niko nije bio protiv i suzdržan, te konstatujem da su jednoglasno usvojeni sljedeći zaključci:

1. Gradonačelnik Grada Tuzla će u toku sutrašnjeg dana, tj. 01. 09. 2016. godine, održati radne sastanke sa predstavnicima resornih službi i javnih preduzeća, radi sagledavanja na zakonu zasnovanih mogućnosti da se pomogne kupcima stanova iz objekta SPO „15. maj“ Tuzla, s tim da će o zaključcima sa navedenih sastanaka i mogućnostima rješavanja ovog pitanja, pismeno obavijestiti Kolegij Gradskog vijeća do petka, 02. 09. 2016. godine u 14,00 sati i predstavnike kupaca stanova u SPO „15. maj“ na lokalitetu Brčanska malta.

2. Gradsko vijeće Tuzla, traži od Službe za prostorno uređenje i zaštitu okoline i Službe za geodetske i imovinsko-pravne poslove, da se sagledaju sve zakonske, ekonomske i građevinske (Statičke.) mogućnosti rješavanja pitanja okončanja objekta SPO „15. maj“, na način kao i objekta kod Stadiona „Tušanj“ ili da se iznađe mogući način okonča izgradnja objekta SPO „15. maj“ Tuzla.

3. Gradsko vijeće aktuelizira zaključke broj: 01-05-107-2016/11 od 20. 01. 2016. godine, te traži da se dokumentacija, koja je dostavljena na sjednicu i Izvod iz Stenograma sa ove 25-te redovne sjednice i tonski snimak dostavi Kantonalnom tužiteljstvu Tuzlanskog kantona, zbog naknadno izrečenih informacija koje bi mogle eventualno ukazivati na sumnju u izvršenje krivičnog djela, kako bi navedeni organ mogao poduzimati radnje i mjere za koje je nadležno.

4. Stručna služba Vijeća će stenograme sa sjednica iz 2009. i 2010. godine, koji se odnose na JP Direkcija za obnovu i izgradnju Tuzla, dostaviti predsjednicima Klubova vijećnika.

(Aplauz.) Ja moram reći da. Samo malo. Ja vam se zahvaljujem što ste malo imali strpljenja ali nije ni mala lako da znate. Činit ćemo sve da bude što bolje za vas. Eto. Živjeli. Prijatno.

Eh mi imamo još jednu tačku dnevnog reda. Ako ste za to da je. (MIRNES AJANOVIĆ – Predsjedavajući.) (MUHAMED SRABOVIĆ – Odosmo mi.) Izvolte. Sretno. Prijatno.

Izvolte Ajanoviću. Jesi li nešto predložili ili? (NEDŽAD MALIKIĆ – Nemojte ima tačka. Hajmo zadnju pa ćemo vidjeti.) (MIRNES AJANOVIĆ – Hajde ide. Hajde ide.) Hajde idemo ovako. Samo molim vas. Evo ovako molim vas. Jedanaesta tačka. (NEDŽAD MALIKIĆ – Samo ću ja reći neke stvari.) Nemoj molim te više.

Prelazimo na jedanaestu tačku dnevnog reda:

NACRT ODLUKE O IZMJENAMA ODLUKE O NAZIVIMA ULICA, TRGOVA, MOSTOVA I PARKOVA NA PODRUČJU GRADA TUZLA

Predlagач je Gradonačelnik Grada Tuzla. Obrađivač je: Stručni Tim za određivanje naziva ulica, trgova i mostova na području Gradu Tuzla.

Materijal razmatrali: Komisija za prostorno uređenje i zaštitu okoline, Komisija za statutarna pitanja i propise i klubovi vijećnika.

Pitam vijećnike, ima li potrebe za uvodnim izlaganjem? Otvaram raspravu klubova. Zaključujem raspravu klubova. (ELVIR KASUMOVIĆ – Samo da pojasnim molim vas. Jednu rečenicu.) Evo vidite. Zato ćemo otvoriti raspravu. (ELVIR KASUMOVIĆ – Nećemo ništa otvarat.) Dobro.

ELVIR KASUMOVIĆ

Vidite nešto. Ja govorim ovdje u ime Kluba Saveza za bolju budućnost. Obzirom da smo mi bili suzdržani po pitanju ovoga, a obzirom da se radi o Nacrtu odluke mi ćemo prihvatiti tu odluku da ona kao takva. Eto. Mislim.

JOZO NIŠANDŽIĆ

Dobro. Hvala. Otvaram raspravu vijećnika. Zaključujem raspravu vijećnika. Molim vas.

Pitam vijećnike, ko je za usvajanje nacrtu odluke o izmjenama Odluke o nazivima ulica, trgova, mostova i parkova na području Grada Tuzla, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv i suzdržan, te konstatujem da je NACRT ODLUKE O IZMJENAMA ODLUKE O NAZIVIMA ULICA, TRGOVA, MOSTOVA I PARKOVA NA PODRUČJU GRADA TUZLA, jednoglasno usvojen.

Samo malo još. Imamo predlog zaključaka molim vas. Imamo dva zaključka. Dva zaključka.

1) Nacrt Odluke o izmjenama Odluke o nazivima ulica, trgova, mostova i parkova, molim vas, na području grada Tuzla, upućuje se na javnu raspravu, koja će trajati 30 dana. Znači mi nećemo o njoj. Trideset dana.

2) Za provođenje javne rasprave zadužuje se Stručni tim za određivanje naziva ulica, trgova i mostova na području Grada Tuzla u saradnji sa Komisijom za komunalna pitanja i pitanja mjesnih zajednica.

Pitam vijećnike, ko je za ovakav predlog zaključaka, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv i suzdržan, te konstatujem da su jednoglasno usvojeni sljedeći zaključci:

1) Nacrt Odluke o izmjenama Odluke o nazivima ulica, trgova, mostova i parkova na području grada Tuzla, upućuje se na javnu raspravu, koja će trajati 30 (Trideset.) dana.

2) Za provođenje javne rasprave zadužuje se Stručni Tim za određivanje naziva ulica, trgova i mostova na području Grada Tuzla u saradnji sa Komisijom za komunalna pitanja i pitanja mjesnih zajednica.

Sa ovim zaključujem 25. sjednicu Gradskog vijeća i zahvaljujem vam se na strpljenju.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 19,30 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

Jozo Nišandžić, s.r.